

中國方志叢書·華北地方·第九四號

據清紀黃中等鉛纂修影印  
民國二十四年

河南省

儀封縣志



成文出版社印行



中國方志叢書·華北地方·第九四號

據清國二十一年鉛印本影印  
民國二十四年黃中等纂修

河南省

# 儀封縣志



成文出版社印行



\*10107658\*

中華民國五十七年八月臺一版

# 儀封縣志 全二冊

定價：新台幣六〇〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號  
電話：九二二〇一〇號

印刷者：正大印製廠

三重市長生街二號之一

內政部登記證內版臺業字第一一四七號

版權所有

## 蘭陽誌暨舊儀封誌合印序

國有史縣有誌誌亦史之流別也考政治之沿革溯文化之由來胥於誌書乎是賴然今之稍治文學者對於國史類能言之而談及縣史鄉先生或有不知致官斯土者雖欲於公餘之暇研討一邑之掌故以爲改進縣政之助苦於文獻無徵焉豈非一大憾事耶余不敏蒞任蘭封下車伊始與邑人士談即博採縣中文獻知誌書久已失修喟然者久之乃徧詢耆舊寥如晨星先後僅得蘭陽誌及舊儀封誌各一部迄今百餘年二百餘年未經續修矣斷簡殘篇已成孤本以最關文化之邑乘而聽其凋零頹敗若此官斯土者其何以堪當此兵戈擾攘之世使再閱數年或數十年恐即此殘破不完之帙亦難保而勿失因與邑人士亟謀所以保存者擬將兩邑舊誌合印若干部俾老師宿儒青年學子皆知有鄉邦文獻俟異日籌有鉅款再議續修僉曰可因付印雖世界進化日新月異舊誌紀載或不盡合乎當代潮流然因革損益三代之成法俱在斯

在後之作者權衡乎新舊之間因時爲變通矣印既成謹誌數語於簡端以俟  
留心文獻者有所資取焉

前 蘭封縣縣長張 靖


中華民國廿三年春三月撰誌

## 序二

儀封爲宣聖舊遊之地在歷史上殊有價值清時經兩度之變更將蘭陽儀封併置一縣名爲蘭封其中沿革尤爲探討文獻者所注意則蘭儀兩誌之合編亦屬必要之舉耳張前縣長有鑒及此乃於去春商諸地方人士搜集蘭儀兩誌合并付印事未竣而張公他調津承其乏蒞任後亦以邑乘爲一縣文獻之所繫本蕭規曹隨之旨雖受窘於刊資不甘任其中輟商請紳耆督促完成茲告歲事蔚爲大觀此則張公倡導於前士紳贊襄於後之力焉津幸躬逢其會欣慰之餘爰綴數語藉誌梗概

蘭封縣縣長楊宗津

中華民國廿四年秋十月



### 序三

考蘭陽誌及舊儀封誌一修於清康熙三十六年一修於清乾隆二十四年迄今百餘年二百餘年矣其間兵燹河患頻經流傳至今孤本僅存縣中耆舊久擬續修紹述前徽艱於歛不果於斯有翻印之議借資保存又以歛絀中止致一縣文獻散佚殆盡不絕如縷良可慨也浙川張公定一來宰吾邑下車伊始注重文獻適省委劉君 奉令來蘭考察吏治徵及邑乘乃踵前議籌公款磋商進行命余董其事余不敏負有保存文獻之責其奚敢辭因訪諸耆舊得蘭陽誌及舊儀封誌各一部惟閱年已久蠹魚侵蝕簡篇不無殘缺復破暇補綴冀成全豹便付印工竣裝訂成帙計共翻印三百部費價洋八百餘元雖世異時殊前代陳跡或未足以饜讀者之心然由春秋迄今二千四百餘年一縣之制度典章風教文物備載於斯矣文獻足徵莫謂夏殷之難言山川不改有待賢哲之潤色是對於本縣文化不無小補他日者邑乘續修其以此爲藍本



也夫

蘭封縣教育局長李作睿

告

中華民國二十四年冬十月二十日

## 序四

蘭封壤地相接考舊誌其先皆故東明地自金徙東明縣於河北析置蘭陽元併置儀封始分爲二迨清嘉慶二十四年黃河潰決儀城沒於水縣治併於蘭復合爲一號蘭儀後避清帝宣統諱始改今名爲蘭封此其沿革大略也縣既合爲一誌書豈容分而爲二故民國十一年設縣誌局網羅文獻兩邑已不分畛域嗣經戰亂未克竣事識者惜之今因限於財力一時仍未能續修官紳會商謹將兩邑舊誌翻印若干部訂成一帙俾資觀覽而便保存俟異日籌有鉅款再議從事焉文獻足徵後有作者當能融一爐而冶之也斯爲序

文獻委員會委員田繁生謹誌

中華民國二十四年冬十月 日



## 儀封縣志序

一邑之事有若可緩而實不容緩者邑志是已膺百里之命教養乃其大端其他庶務交責於厥躬幾有日不暇給之勢若邑志則殿最似非所繫民望似非所屬者抑知盈縮覘焉利病著焉因革準焉激揚懲勸之意寓焉蓋史爲志之合志卽史之分是亦烏容緩乎哉昔人謂邑志之修當以三十年爲斷蓋相距未遠則案牘易於勾稽父老可以諮詢續前補後氣脈貫通若遲之旣久懼湮沒者多矣黃中自己卯春調任茲土披閱邑志乃康熙辛未署邑事鍾令所修迄今將七十年矣時復以瓜期將代迫於告成頗嫌疎略而豕亥之訛無論矣多歷年所今復置之後將

有杳渺無稽者特以鞅掌簿書有志未逮黽勉職守於今三年判牘稀疎訟庭常靜乃舉舊志而釐正之增潤之信益求信疑復存疑不敢師心自用也藉良友而參訂焉犁然而成編矣夫修志難而儀志猶難自子朱子以儀爲衛邑至金始以儀封名縣非若他邑之仍古名者比故金元以前求儀之境土所隸若舍東昏浚儀則虛懸而無著而東昏浚儀復有廢置離合遷徙改易之不齊且儀邑與毗連之蘭陽其初爲一邑之地亦入東昏浚儀兩縣之中金始析置其間又多錯雜易混者昔夾深鄭氏以爲州縣之設有時而更山川之形千古不易儀境又無高山大川可定疆界故曰修儀志尤難是編也不敢傳會以益其

本無亦不敢棄遺以失其面目博採羣書細檢舊牘  
察疆域之所在採故老之傳聞亦云盡心焉耳矣其  
或免毫釐千里之謬乎伏遇

列聖相承重熙累洽 各上憲立綱陳紀敷政優優以襄  
邛降之治官斯土者得以與民休息沐浴太平於焉握  
槩懷鉛游心志乘仰觀俯察璀璨整齊舉凡戶口田  
賦禮樂文章以及學術勳名孝弟節義視往代爲獨  
盛黃中當明備之時勦菟輯之役適際三年報政之  
期抑何幸也如曰崔銑之志安陽顏德懋之志陝州  
李君新之志登封皆豫志之最善者宜追蹤而繼響  
焉黃中學殖荒蕪識力淺薄烏敢望前賢肩背且慮  
架屋疊床之誚罣一漏萬之譏猶不免焉嗣而修之

是所望於大雅之君子

告

乾隆貳拾陸年拾壹月長至日

勅授文林郎知儀封縣事軍功加二級紀錄四次文安紀  
黃中書於麥秀亭

余蒞儀之明年前陞任紀諱黃中纂修邑志稿成慨捐廉俸屬余付梓猶慮不無遺訛併惓惓於參訂俾成完璧余惟邑之有志務期信當時而垂久遠而纂輯增訂實守土者之責也儀爲封人請見處北接匡邑南控雍邱東連葵城西邇蘭皋截長補短僅六七十里其分野形勢其封建古蹟今之視昔寧有或異惟是邑志修於康熙辛未距今七十餘年其間人文蔚起科甲纏聯以及孝子順孫義夫貞婦之卓然自立彪炳一時者不爲纂續久將言湮况我

朝休養生息以來運會昌明千載一時現今

特命儒臣纂修文獻通考博採旁搜儀乃古衛地號多君子凡名臣大儒可爲典型忠孝節義可爲坊表至詩



賦記傳之古茂淵博有裨政治有關風化者均不可不登之簡冊昭垂奕葉以彰

盛世之雅化以備輶軒之採擇也紀陞任治儀三載考核  
詳明屬稿於余余寧不樂終厥事因延原事諸紳士  
釐正校對俾免豕亥之訛雖間有補入亦必質諸主  
稿而後定無敢專也則儀志之足以信當時而垂久  
遠紀陞任洵不愧守土之責乎余得附驥尾因爲數  
語弁其首是爲序

峕

乾隆二十九年歲次甲申二月

賜進士出身知儀封縣事大陵王績書於思補堂

編纂姓氏

纂修

陞任儀封縣知縣下北河同知

紀黃中

直隸文安人

例監

儀封縣知縣

王績

山西文安人

壬戌

參訂

儀封縣丞

張廷敬

江南銅山人

署儀封縣丞

陳惟善

山東濟寧人

儀封縣儒學教諭

郭文煥濟源人

儀封縣儒學訓導

楊克繩商城人

儀封縣主簿

朱應仁

江蘇寶應人

儀封縣典史

唐廷桂

江南江寧人

採輯

本縣生員 宋宣

孔毓荃

監生 胡戒寔

王琰

貢生 曹繡虎

校對

生員 張儒

監生 湯元長

李天銘

生員 張道寧

勸刻

候選州同 張圖南

監 生

生 徐淑度  
員 馬繩祖



儀封縣志舊序

顧夢鯉 縣令

儀多聞人而建置以來未有志大中丞許東張公當回翔之暇日嘆桑梓之不彰爰取邑中舊有紀載芟其隘陋而易之博雅遠稽載籍之微近采先正之述而傳以見聞之所核逾三年成書釐爲四卷簡帖雖約而洪昭纖旰皆實錄也義精例嚴皆式訓也方入梓而夢鯉至謂其可與言也更與討論之且委序焉初夢鯉受是邑恆有學製之憂既讀是書而盡得所以本末之宜嗟夫蕞爾邑而小民日與巨流爭所其猶得衣食者殆相幸於側足假寐之頃耳今布縷以寬粟米胡旁羨而分攘之外招以闢草萊胡縣藉而虛稅之此郡之淫科飛渡使輶之畏束來通巖政之限徵益廣謂之何哉謂之何哉周瞻四封當食且不忍問箸而邑之稱良尙在鄰境先者豈非世有達人以作其文雅之風民無外營以敦其力穡之習乎哉則是書之所以多邑文辭而致懇於田賦之篇卓哉乎錄之實訓之式也昔人譏爲譜者多浮其家聲

爲志者多眩其鄉評又曰博綜乎代典可以言國史之志博綜乎方乘可以言郡縣之志公書博且綜而弗眩是稱作家矣顧命譎學綴言而使勿辭其弗敢辭者以得之於公書弗敢忘也

重修儀封縣志序

崔維雅 縣令

昔晉祖生逃生燕漢劉桓公昆生天中其兩人相去千餘里距今世代數千年予也居祖生鄉而吏桓公土當兵火殘廢之餘領茲百里三年來料理安全幹旋長養且有河患之瀕危兵需之旁午鄰封之嘯聚不待與智者謀又何敢拮据之不早今日者瀾安日霽每流覽請見亭景文宅與夫寒寺鐘聲舊城明月之感急於旁搜邑志詳考人物風俗之勝僅得之故老傳聞而志乘久歸灰燼良可慨也幸大中丞賈公行文採訪一日得之塵簿前浙中所藏者何幸儀之往蹟杳不可追乃竟出之千里外忽然如故媚我幽懷此亦湊之最巧事之最奇者若曰開一邑之生面渺然接於嗜異貪秀之人予則

何敢但得摭故實運才思綱之目之繁者刪缺者補朴陋者文飾淡寂者點綴選詩必擲地作金石聲錄文必驚人帶風雨勢如畫家傳神俾一邑之性情顏色率其直筆不失本來取昔之節義文章與今之節義文章相爲映發且欲家喻戶曉啟以興孝興弟之良觸其事親敬兄之實風俗人心以此稱美詩歌文賦以此興思即忠臣義士亦婉轉而達其本懷烈女貞媛皆篤摯而堅其亮節所謂激揚風俗綱紀人倫昔志之讀書今見之作吏傳前之循良廉能俾後之欲爲循良廉能者倣焉傳前之廉介忠節俾後之欲爲廉介忠節者法焉人心最靈一提便醒何難呼儀封人劉桓公與今之殉義麻姑園通夢交魂同堂共印見予三年中撫字心勞規畫才拙或不負祖生里人不能不抱慚桓公里人也上下數千年南北千餘里猥以樗櫟散材一旦備員於此豈偶然哉後有觀風兩河採斯志謂可裨益國史予則不敢知

儀封縣志舊序

鍾定 署令



稽古地之見於經傳者自春秋而外惟衛之儀邑得見於孔子之書夫儀爲衛邊鄙之邑而所爲封人者不過疆場之吏其得傳之千百世者以請見夫子一事而封人傳封人傳而衛之儀邑遂傳於千萬世雖然儀傳矣而有時不傳者是何歟一地也邑於衛不見於秦東昏於漢東明於莽復東昏於東漢廢於晉宋北朝隋唐五代七百餘年之間而復東明於宋至金而始得正儀之名以紹復乎古也然正儀之名而益之以封是兼地與職而言之則不學之過也蓋嘗論之儀之邑有時而廢而儀之地不廢儀之名有時而易而儀之實不易然則千百世下欲志夫儀之志也其名之相續者則志夫儀之事其名之或亡者則志夫儀之意而已何謂志其意夫儀之邑中廢者七百年此七百年之間豈其地盡化爲烏有哉其土田猶是也川原猶是也土田川原猶是其生聚居處猶是也故名去乎儀者而實則存乎儀故不以名掩實然則儀自春秋以至於今固未嘗一日廢也循其意而志之聖人之過化

千百年猶一日也未嘗須臾亡也所謂意也何謂志其事夫儀既爲聖人過化之地則千百年以來之人事其不戾乎聖人之道皆得有所衷以爲歸其有所過不及乎聖人之道皆得有所正以爲坊故儀之爲邑與他邑異而欲志夫儀者亦與志他邑異若是者所謂正其名乃可得其實也所謂事也儀自金元以迄於明相仍不改瀕於河城數遷徙土瘠而民貧然代有聞人明時如王肅敏廷相郭侍讀維藩王司馬教張中丞鹵諸名臣先後相望其嘉言偉績著於當時傳於後世猶得聖人過化之意而見諸人之循其名以勉其實俱可述也定陳留吏也適邑缺官 憲命定代攝其事半載奉 憲兼志其邑而邑古志不可得見僅得順治十五年邑令所纂之志其書無論其未聞乎聖人之道而所謂意與事名與實俱無能有所望見焉於是增之刪之釐之正之因事而無戾乎其意韓愈氏所謂謹嚴殆學焉而未能矣

傳 圭 縣 志



卷 首 舊 序

儀封縣志凡例

一舊志爲康熙辛未署邑令鍾定所修其時前明邑人曹氏所作巨鏡覽張大中丞邑志七篇已無可考惟順治十五年邑令崔維雅之志尙存未足資其博採且及瓜期迫急於告成以故稽覈雖無紕繆而簡略滲漏不能無譏焉自首至末釐卷一十有四爲綱者如其數而條目各從其類庶得拓充未備以資考鑿

一舊志分野薈萃諸說迄無成見誠以一邑之小不能上準於某星某度也今核之明史所志天文以房心所屬儀封與焉明史成於

本朝據以爲斷得免穿鑿

一儀封縣名金始建號前此境土附於他縣自朱子以儀爲衛邑後賁復切指爲東昏故城而始得其把握魏晉以後無東昏而有浚儀則東昏之地必有割併浚儀者宋乾德間置東明縣而大中祥符間改浚儀爲

祥符則東昏西界浚儀東界必有交錯割裂者是儀封昔日之境土大半是古東昏而謂必無浚儀之一隅不得也其說詳封域條下未可泥於浚儀爲今之祥符而以牽合爲譏

一兩漢浚儀東昏並置則浚儀與東昏既分其人物事蹟在浚儀者不得濫入今之儀志魏晉以後置浚儀而廢東昏則東昏之人物事蹟併入浚儀自應錄入舊志釐剔甚明今仍之

一儀邑土產菽粟布帛而外初無奇珍然日用之經無取乎異舊志不錄以其悉數而無當也顧列代史書俱志食貨蓋以樹畜可覘民力飛潛亦記歲時未可以其從同也而置之

一儀之境土往代割裂遷徙無常古人之蹟難以確指爲儀地况自元明爲大河經行亦多圯廢惟前人題咏所及聊資撫拾亦以存疑也

一祥異河防二條必以切於一邑者書之否則統同而無當也茲據其事

蹟有合於儀邑之舊名新名見於史書者載之亦有關於省郡者雖非儀之所獨而不能獨遺乎儀間書數條以備參考

一戶口賦役今行條鞭之法丁地均攤且

聖世滋生人丁永不加賦但遵現行 功令足爲萬古科條其從前條款皆無益之數目第略舉其原始已足備考不必連篇累牘以省繁冗其正雜支存各數亦從簡要

一祀典先列文廟以

本朝典禮加隆也其壇壝祠廟各以類從序有後先而或爲專尊或爲常尊不相凌奪至一切儀節特禮之節目耳自有一定雖司贊者亦知之無庸綴叙以免繁瑣

一志乘立傳皆爲逝者若生者雖事功足傳應俟他時論定惟孝義節烈一行足嘉人無間言已經公舉無論存歿亟書其姓氏以勵風教至邑

志之微異於史者書美而不書惡亦善善欲長之意然而懲警之意有默寓乎褒獎之外者非徒示誇美已也

一舊志列女賢孝節烈錯雜難稽今以賢母弁端而爲孝爲節爲烈條分支別庶便考稽

一各史藝文志及鄭樵通志藝文略祇列書目不選詩文蓋以專取詩文是文選體也但邑志相沿已久未便立異今取其有關於本邑之地之事之人者採而錄之其書目另立一條存史意焉

一史書固不可刪節然或一人一事史書及之足資採錄而牽綴他事卷帙甚繁實屬無當但使無失作者之意不妨節錄毋致目迷

一志中有一事一地而門類屢見者要必各有專主則註云某事詳見某條以分主客以清眉目庶各卷互相勾貫勿致複沓

儀封縣志目錄

輿圖志卷首

縣境圖

城池圖

公署圖

學宮圖

十二景圖

請見遺址  
景文故宅

琉璃聖井  
金花女營

舊城夜月  
挖泥落雁  
黃渡漁歌  
大關晨鐘

棟花春風  
大河飛帆  
青陵樵唱  
沙泥曉行

天文志卷之一

星野

星圖

占候

祥異

地理志卷之二

沿革表

封域

道里



山川

古蹟

土產

建置志卷之三

城池

公署

學校

壇廟

坊表

亭臺

市集

村莊

鋪舍

墓域

河渠志卷之四

河務

堤工

汎防

堡鋪

溝洫

橋梁

食貨志卷之五

戶口

田賦

倉儲

漕規

驛站

鹽權

稅款

賙政

田賦歷朝條議事由附錄

地畝按方定里碑記附錄

禮樂志卷之六

祭祀

慶賀

鄉飲

鄉約

賓興

考校

蒞任

風俗

官師志卷之七

官制

文職

武職

土職

循吏志卷之八

邑宰

四十傳

佐丞

闕

簿尉 共六傳

師儒 共八傳

選舉志卷之九

薦辟

科甲

貢生

封蔭

附職監三考

人物志卷之十

勳業 四十一傳

文學 四十傳

忠烈 八傳

孝義 共三十七傳

隱逸 十傳

流寓 六傳

方伎 一十二傳

壺型志卷之十一

賢母 二十二傳

孝婦 一十九傳

貞節 一百六傳

烈行 二十六傳

續錄貞節 十五傳

藝文志卷之十二

疏

書

傳

序

碑

記

論

議

文

銘

雜著

詩

賦

書目

軼事志卷末

辨誤

識遺

信圭集 卷之五 金

儀封縣志卷首

輿圖志

昔光武圖郡國示鄧禹而禹有布德澤之勸此鄧侯入關先取秦圖書遺意也自是而後人圖經作焉天下者一邑之積康對山武功志前繪織錦璇璣圖劉九經郿志前繪木牛流馬圖洵有佳致儀邑舊志以請見圖弁首其猶此意歟然慮其褻矣且萬古爲昭不必以圖表見亦疑於贅矣我

國家統一區寓百有餘年固金湯而營建置至詳至備雖一邑之小按圖披覽較若列眉猗歟盛哉至於疆域旣判風景攸殊則在儀言儀夫豈嫌數見不鮮也志輿圖

信圭果元  
名官興匯元


輿

居



州開至北

里十五界縣明東至北東




東至考城縣界四十里

縣祀至南

里十三界州睢至南東

里十三界縣垣長至北西

里十四界



西至蘭陽縣界十三里

里五十界縣杞至南西

里二十界

系


系

一一

河南建華印刷所承印

城池圖

門聖仰



通齊門

縣


明倫堂

火神廟

文廟

崇儒門


興賢門




重道門


縣治圖


个丑鼎定  
身廿日云






學宮圖









儒學圖



卷十  
五



河南建華印刷所承印



請見遺蹟



卷十


卷十圖考

一六

河南建華印刷所承印



琉璃聖井




卷之二


第一圖

一七

河南建華印刷所承印



景文故宅



卷之六 景文故宅 一八

河南建華印刷所承印





金花女營




義  
封  
縣  
志  
卷  
首  
圖  
考

一  
九

河南建華印刷所承印



舊城夜月



箋  
寸  
系  
志

卷  
自  
圖  
考


二十

河南建華印刷所承印


日

棟苑春花





信  
圭  
集  
三  
卷  
之  
四  
第  
四  
十  
一  
回



挖泥落鴈



義  
村  
系  
志


卷  
自  
圖  
序

二  
二  
一


河南  
建華  
印刷  
所承  
印



備  
挂  
鼎  
示  
身  
官  
圖  
示



大河飛帆



河南建華印刷所承印



黃渡魚歌

卷十系

卷十系

一四

河南建華印刷所承印


日




青陵樵唱


月







大  
閣  
晨  
鐘









河南建華印刷所承印

右十二景有前名公詩  
若干首見十二卷下茲  
不贅及

儀封縣志卷之一

天文志

星野

星圖

占候

祥異

周禮春官馮相氏司天文之常保章氏司天文之變測景取中分星辨野而九州之妖祥著焉鄭康成祖述其法以春秋十二國配十二辰後人作分星總圖山河兩戒圖以求於天者備矣說者謂一邑如彈丸烏知上應何宿然謂列宿之所遺不得也三才備於一人天下積於一邑上覘天象下驗民謠善測者不爽毫髮儀雖褊小休咎均之易曰觀乎天文以察時變恐懼修省夫非錫福之本與志天文

星野

禹貢豫州之域商周因之漢屬兖州魏晉因之而分野究準禹貢鄭康成以

房心二宿爲豫州分野史記天官書以房心三星屬豫州前漢書天文志豫州次房心班固以豫州之境兼有周鄭宋衛韓魏之地房心僅宋之分野則爲室璧春秋左氏傳龍宋鄭之星也是鄭之分野應屬東方蒼龍之宿始於角八於亢氏唐天文志亦以室璧爲衛分角亢爲鄭分房心爲宋分考春秋鄭國卽今開封開封舊四州三十縣以百里儀境介於鄭衛之間於此七星其將何屬唐志以衛屬室璧自王屋太行北負漳鄴涉滎波濱濟水於今爲彰德衛輝懷慶諸郡屬而儀境則居其南以鄭屬角亢自原武管城以至汝南陳蔡於今爲開封之祥符中牟陳鄭諸州縣而儀境則處其東惟以宋屬房心自雍邱襄邑以及古宋葛商亳之域儀則包括其中省志亦以房心爲歸德之分野而開封府之杞縣儀封屬焉蓋儀邑元時隸睢州後乃改屬開郡者也古之談天者言人人殊惟明劉文成公基清類天文一書確有成說然以全豫數千里之廣必欲以一郡一邑所屬確指爲某宿某度

幾於管窺之見矣。雖起唐臯甘石裨竈梓慎諸人，恐亦無的然畫一之論也。按明史天文志云：河南開封之杞、太康、儀封、蘭陽四縣歸德、睢二州山東之濟南府皆房心分則當以房心分野爲斷。

儀封縣志

卷一 天文志

房宿圖



日



鍵閉







房星說

房五度居卯爲大火之中房宿之屬爲鈞鈴爲鍵閉爲罰爲東西咸爲日從官

心宿圖



心宿說

必五度居卯爲大火之中次心爲尾至尾六度入巳宿之屬爲積卒

占候

占候非聖人之所端重也自陳卓范蠡鬼谷子張良諸葛亮譙周京房之徒精研其術禍福倚伏洞燭先幾天官書氏爲天根房爲府心爲明堂所關綦重春秋元命苞云文王之時五星聚於房春秋末天狗過大梁後爲七國叛逆伏尸流血之應漢建元元年夏六月客星見於房後爲梁孝王遊士之應宋建隆三年冬十一月歲星熒惑合於房後爲汴洛文明之應考之專家稽之往轍凜於筮蔡歷歷不爽至於鳥火星昴之次定分至啟閉之候彰月令幽風典籍明備準天時以勤民業修人事以迓天庥占候之道容可忽諸若夫經緯躔度宵渺難窺游光天化日中咸安於不識不知而已易云鼓之舞之以盡神其是之謂與

祥異

昔孔氏作春秋書災不書祥克謹天戒之道也若邑志則并志之以見休咎關乎敬怠故古者反風息火熒惑退舍蝗不入境虎能渡河天道也人事著焉其祥異見於地而附於天文者地統於天也至於歷代日食月食星見星隕以及爲犯爲守之屬或天下所同或豫州所共邑志俱不得書書其切近者若黃河異漲及水道遷徙另載河務條下茲不復書

唐

貞元初年浚儀產嘉瓜異實共帶有韓愈進嘉瓜疏詳藝文

宋

乾德四年東明獻瑞麥

太平興國八年自夏及秋大水害民田

元

信 圭 縣 志 卷 一 天 文 志  
至正二年夏四月大水害稼

泰定元年秋八月霖雨損禾

明

成化二十年乙巳歲大旱民流亡

弘治十五年壬戌秋九月十七日戌時地自西北震動聲如雷

弘治十七年甲子秋八月丁丑申時卿雲見西南方其形如席其狀如數千  
縷其色白黃紫赤綠碧青黑以次相間

正德六年辛未春三月十六日戌時西北天有紅光凡三上三下既天鼓鳴  
正德九年甲戌春正月十二日戌時疾雷震電大作已而微雪夏五月邑東  
南二方烈風凍雨壞禾

嘉靖二年癸未春三月十二日未時忽無風晝晦踰時始明赤氣騰空飛鳥  
墮落街衢

嘉靖三年甲申春正月朔地震

嘉靖六年丁亥春正月不雨至夏四月

嘉靖七年戊子冬大饑

嘉靖八年己丑夏蝗

嘉靖十七年戊戌夏淫雨浹五旬

嘉靖十八年己亥春大饑斗麥錢三百粟如之夏大疫死喪街巷相屬男子皆免婦人皆髻往來相弔不絕

嘉靖二十年辛丑秋蝻

嘉靖三十四年乙卯冬十二月十三日亥時地震自西北來屋宇震搖羣物皆響移三時

嘉靖三十八年己未夏五月積雨至秋七月

嘉靖四十一年壬戌自春徂夏不雨六月二十六日縣東牛家村有流寓人

信 圭 鼎 示 一 一 一 一 示  
張約妻不孝其姑嘗籲諸天是日本寒人見雲中懸龍下掛雷雨陡作大風  
拔木共聽張約屋內霹靂憑空而起屋瓦皆鳴約婦方煑麥飯未熟忽徧身  
皮膚如湯剝而死少頃風雷向西行晴霽如故所過田禾偃仆枯死如遭蹂  
踏後約婦復蘇兩目盡瞽

隆慶三年己巳秋積雨浹七旬城中無完屋田無禾樹木皆半傾仆冬木冰  
萬歷十五年丁亥歲大荒知縣游悅開捐俸發倉賑之

萬歷二十一年癸巳歲大荒知縣李垂街捐俸發倉賑之

萬歷二十三年乙未春三月初三日酉時黑風自西北起至次日卯時止刮  
損樹木

萬歷二十六年戊戌飛蝗蔽天聲如大風

萬歷二十七年己亥蝗平地三寸厚傷禾

崇正十三年庚辰兵凶歲荒春三月不雨夏六月小雨土微潤僅播豆種又

不雨禾盡槁秋八月卽大霜樹葉盡脫冬十月糧騰貴麥石十五金雜糧石十二金人相食市鬻人肉集有人市婦女一口百錢可易

崇正十四年辛巳春正月大疫人有一門死絕者夏五月蝗食麥至秋八月農人苦無耕牛竭四肢力

崇正十五年壬午闖賊破城紳士百姓皆渡河逃避知縣印務冊卷幸存城盡拆壞冬十一月黃河水乾人可徒步

### 皇清

順治十五年己亥秋九月霖雨十日壞稼

康熙十八年己未旱蒙

恩蠲地丁額糧十分之三

康熙三十八年己卯秋八月連朝霖雨積水圍城邑人張清恪公伯行時以中書在家飛赴北門外護城堤口捐發布袋裝土堵塞又拆房屋木料拴椿



牢固旋即消落不至重傷

康熙五十八年己亥春三月二十七日風雹傷麥自河北涇陽集直抵東南  
邑界數十里被害河南風大雹小拔樹木壞廬舍麥苗猶存十之二三河北  
風小雹大所過麥苗盡傷幸爲時尙早民間趕種秋禾

乾隆二十二年秋七月雨水滄沒田禾一千三百餘頃奉文動用倉穀賑濟

儀封縣志卷之二

地理志

沿革

封域

道里

山川

古蹟

土產

儀爲衛邑而綴之以封則又以封人之官而名之按今日之井里考昔人之封疆其猶封人之舊與其非封人之舊與禹貢分州必以山川定疆域卽有因革變遷無不可按圖而索也儀境平原曠野宋齊梁陳之間割裂無紀入金始定邑名其後屢困水災明初始遷今治爰是幅幘有截源流瞭然前人之蹟物土之宜胥於是乎在儀爲聖人所經富教之訓萬古永賴守土者其與此庶士庶民咏歌太平而未有艾與志地理

信  
圭  
鼎  
宗  
身  
二  
均  
理  
示

沿革表

唐

豫州之域

虞

豫州之域

夏

豫州之域

商

豫州之域

周

春秋衛國

儀邑封人請見夫子即

此

秦

三川郡

漢

陳留郡

東昏 王莽改曰東明

東漢

陳留郡

東昏

三國

陳留國

浚儀

東昏廢

浚儀

浚儀

愛寸系示 卷二也里示 三 河南建華印刷所承印

晉

陳留國

浚儀

東昏廢

南北朝

陳留郡

浚儀

東昏廢

後魏

陳留郡

浚儀

東昏廢

後周	北齊	東魏
陳留郡	陳留郡	陳留郡
浚儀 東昏廢	浚儀 東昏廢	浚儀 東昏廢



傳  
三  
以  
示  
卷  
二  
七  
五  
示

隋	唐	宋
滎陽郡	陳留郡	開封府
浚儀 東昏廢	浚儀 東昏廢	東明 浚儀廢

<p>明</p>	<p>元</p>	<p>金</p>
<p>睢州</p> <p>洪武十三年改隸開封府</p>	<p>睢州</p>	<p>曹州</p>
<p>儀封</p>	<p>儀封</p>	<p>東明</p> <p>初隸南京後避河患徙河 北以故縣為蘭陽 舊東明城 封有</p>

皇清

河南布政使司

開封府

儀封

## 封域

儀封之境禹貢豫州之域春秋時儀封人見於魯論子朱子註云儀衛邑則儀實衛之南鄙戰國地入於魏秦分天下爲郡國四十儀境應屬三川郡蓋以陳留爲三川所屬也自漢迄宋幾千五百年儀封不再見於書至金大定九年始置縣曰儀封則前此千百餘年中雖未立縣名而壤地則在其地屬何郡何縣不得不於歷代輿地郡國諸書詳其地里之遠近準之疆界之毗連以求故壤之所附蓋縣名之自昔而有者時移勢遷土地割裂稽核尙難若儀封之境土金以前既附入他縣而他縣之名又復前後屢更紛紜舛錯不可勝窮况豫州爲何水經行有潰溢遷徙之變而前後五代時割據分裂錯雜無稽然則考儀邑封域者不能舍舊縣而他求而求之舊縣不能舍東明東昏浚儀而他求也或謂今祥符曰古浚儀蘭陽曰古東昏直隸之東明縣亦曰古東昏既各有所屬矣不知此百餘里中其割裂變遷者何代蔑有

若舍此而求昔日儀境之所在豈能爲鑿空之說哉舊志非不搜羅考訂而頭緒紛如辭旨輻輳閱者未能較若列眉今博稽載籍遠溯源流刪其冗繁絜其綱領叙次於左以俟稽古之君子

漢武帝時置陳留郡領縣十七東昏與焉王莽改爲東明東漢仍爲東昏自三國歷南北朝以迄隋唐東昏不見於史至宋復置東明縣按宋史東明縣註云本東昏鎮乾德元年置金史東明縣註云初隸南京後避河患徙河北冤勾故地以故縣爲蘭陽儀封有故東明城而直隸東明縣志亦云漢宋間縣志在儀封蘭陽境今查儀邑舊志圖內有東昏城東昏即東明則今東明縣之故城即儀封圖內之東昏城確無可疑矣此東明與儀封前後異名而境土則一也

漢時浚儀東昏並屬陳留郡三國以後無東昏而有浚儀則東昏境土必歸入浚儀而省東昏名號矣惟胡東樵禹貢錐指云據水經注陰溝本瀆蕩渠

在浚儀縣北浚儀故縣在今開封府西北祥符志亦云然夫曰西北似與東昏境土稍遠及考范史云浚儀本大梁而李賢註引晉地道記曰儀封人此縣也蓋地道記晉人作於既廢東昏之後則以東昏之古蹟土地一并入於浚儀故有儀封人此地之說且宋祥符中改浚儀爲祥符於是浚儀始廢而東明復縣蓋東明與浚儀在兩漢則並置自漢以後兩縣不並存其間離合改罷異其名而實則同也又儀邑人王肅敏公爲前明一代巨儒其言曰按圖經纂志開封乃曰浚儀茲地西去百里而遠豈皆當時境土耶肅敏自號浚川而詠詩稱浚者甚多則以詩所稱在浚之郊在浚之下邙鄘繫於衛風而引以爲號耳許讚銘肅敏墓云會於浚儀王公誕生則直以浚儀名之矣此浚儀之與儀封土壤相錯而無可區分者也

考蘭陽志云開封府宋門外繁臺寺幡竿夾石刻云大宋開封府東明縣蘭陽鄉社頭某某等施夫社頭所施應在境內豈今祥符境之繁臺寺宋時亦

屬之東明耶然考宋史祥符下註云東魏浚儀大中祥符三年改則未改之前應有浚儀縣是以宋史列傳中多有稱浚儀令者此可爲未名祥符之前本名浚儀之證否則宋時開封府屬有開封縣東明縣豈浚儀之地土其先西則割入開封縣東則割入東明縣而繁臺寺之故址其即割入東明者歟總之浚儀東明兩縣境土犬牙錯雜舊志所云漢析東昏之西境爲浚儀史無明文未敢附會而所云大約浚儀者昔日東昏之西境今日祥符之東境似爲近之此則今之儀封固東明舊壤而浚儀之東偏昔必隸於東明者也東漢郡國志東昏下李賢註引陳留志曰故戶牖鄉有陳平祠左氏傳魯哀公十三年吳囚景伯還及戶牖村元凱註云戶牖鄉今東昏城是又胡東樵禹貢錐指云濟水東逕東昏縣故城北註云陽武之戶牖鄉後置東昏縣其故城在今蘭陽縣東北二十里據此數說是戶牖鄉之地即東昏城之地鑿鑿可據矣惟班史陳平傳云平陽武戶牖鄉人也師古曰陽武縣名屬陳留

戶牖者其鄉名考之前漢地理志陳留之屬縣十七無陽武而陽武縣自屬河南郡乃師古曰屬陳留者或因秦末漢初陽武本屬陳留及武帝時以陽武之名置縣而屬之河南以陽武之地併入東昏而屬之陳留猶之今直隸之東明縣其故城實古之東昏城在漢屬陳留郡在宋屬開封府今其地屢經遷徙所隸亦屢經變更而仍東明之名耳又陽武縣志載庫上里註云乃戶牖鄉然考蔡中郎銘謂東昏庫上里即陽武戶牖鄉蓋以庫上里繫於東昏而東昏城之在儀境陽志固不能引以爲陽境也又考蘭陽志云東昏城在縣東北二十里圯於河按儀邑西抵蘭陽界十三里其蘭邑之東北二十里核之儀邑圖內之東昏城道里坐落兩相脗合蓋儀蘭二邑均係金置其先皆爲漢之東昏宋之東明境土是以儀邑舊志圖內有東昏城蘭志古蹟內有東昏城各據其先之境土而志之今既分爲二縣則疆界應爲釐析蘭志所云東昏城在縣東北二十里則明明今日之儀境矣至蘭志內載漢戶



牖侯陳平墓在雅鵬劉村而郡志載蘭陽有陳伯先墓墓隧尙存伯先者平之子孫也蓋蘭儀本屬一邑之地今陳氏所居之戶牖鄉在儀境其墓在蘭境此戶牖鄉在儀境東昏故城之明證也

明初仍隸睢州縣城在今治東北相距二十五里明洪武十三年知縣許譽請隸開封從之洪武二十二年河決城圯徙於西南通安鄉之白樓村即今治也縣境廣五十里袤六十里東西南北延七十里東接考城西毗蘭陽南連杞縣北界直隸長垣東明二邑向析九鄉二十里天順五年以儀邑屢經河患地促民貧並爲七鄉一十五里自

國朝定鼎之後休養生聚日臻殷庶今聯城鄉共二十五保左引齊魯右控汴梁實爲中原腹心之區

道里

正東至考城六十里

四十里至石家樓交考城縣界又自石家樓二十里至考城縣城  
東南至睢州九十里

四十里至李八集交睢州界又自李八集五十里至睢州城

正南至杞縣七十里

十五里至侯家集交杞縣界又自侯家集五十五里至杞縣城

西南至蘭陽二十八里

十五里至大閣寺交蘭陽縣界又自大閣寺十三里至蘭陽縣城

正西至蘭陽二十五里

十三里至堯頭村交蘭陽縣界又自堯頭村十二里至蘭陽縣城

西北至直隸長垣縣一百三十里

四十里至新興集交長垣縣界又自新興集九十里至長垣縣城

正北至直隸東明縣一百五里

四十五里至馬頭集交東明縣界又自馬頭集六十里至東明縣城  
東北至山東曹縣一百一十里

五十里至大寨集交曹縣界又自大寨集六十里至曹縣城  
正西至省城一百二十里

二十五里至蘭陽城又自蘭陽縣九十五里至省城開封府  
正北至京師一千五百六十里

一百三十里至長垣縣由長垣縣至京師一千四百三十里  
治凡九鄉二十二里明天順五年以地方數圯於河地促民貧并爲七鄉一  
十五里

在坊鄉一里

通安鄉二里

崇化鄉三里

隱賢鄉四里

圈頭鄉一里

堽陽鄉二里

麟遊鄉二里

山川

溝洫詳河渠門

儀邑跨河兩岸皆水四境無山昔時境內之黃陵青陵皆以岡名自必積土成阜今則曠野平原僅存岡名而已其水則自大河而外昔之以河名者有七今河名猶在也而形勢無存焉卽間有舊形亦資蓄洩之利而不得復以河名儀邑山川竟無可志正不得飾聳峙於毫端繪漣漪於紙上若忘其爲志儀也者茲之志亦存其舊名可矣

黃陵岡

在縣治東北五十里與山東曹縣接界前代爲河防要工今離大河十餘

里在黃河北岸

青陵岡

在縣治北十五里在黃河南岸

黃河

在縣治北十二里西自蘭陽李景高口入境東經考城張裕夫口出境斜長六十餘里

新河

在縣南上接蘭陽下入杞縣乾隆二十二年開挖以洩西南淫潦之水

巴河

在縣南八里今淤

舊黃河

南舊黃河在縣治西南三里自嘉靖二十三年黃河徙縣北留陳口遂不

由故道

北舊黃河在縣治東北五十里即黃陵岡河今淤

賈魯河

在縣治東北七十里又名沙溝河與長垣東明接界處舊河身在長東兩  
邑境內今淤

龐家河

在縣治北八里今淤

中莊河

在縣治東北五十里又名三家莊河順治十四年創濬以殺北流頂衝之  
勢由中莊開掘斜經三家莊順長一千丈今淤

境內七河皆係黃河轉徙故道今惟圈頭龐家口二河形勢尙在黃陵岡  
河一值霽潦積水猶廣其餘概就湮沒蓋土性虛鬆浮沙積聚用力多而

成功少是以民間蓄洩全賴溝渠說另詳河渠門

### 古蹟

夫子停車封人請見儀邑古蹟其最著矣外此則疆宇紛更風徽杳渺况歷經兵戎水火前賢遺跡久付之若滅若沒之間矣惟地名所繫歌咏所留探而志之謂之傳信也可即謂之傳疑也亦可至風物流連儀邑舊存十景明季申侯佳允來治茲土增入請見遺址景文故宅二景然其中無陳蹟可考已見別門者不贅

### 封人廟

在舊城內後地入於金金人重築元至元十三年達魯花赤木滅刺增修明洪武初圯於水舊縣已廢邑治新遷後遂移其祠今改築於廟學櫺星門內

請見亭

在縣治西一里許亭內豎碑書封人請見處前明嘉靖中知縣丹徒張瑩  
碧碑葺亭繚以牆後頽廢康熙二十九年訓導張星輝重建邑人周棐紀  
其事

### 琉璃井

在請見亭西里許又名聖井世傳夫子曾飲於此治初驛傳道楊時薦搆  
亭其上驛傳道李子和於井旁建立書院三楹康熙六十年巡撫楊公委  
邑人候選知州張師栻重修今圯

### 舊儀城

在蘭陽縣西北二十里即封人請見夫子處今縣北有儀封鄉按此舊志  
所載與蘭陽志同夫蘭陽西北與儀無涉而並入志者何蓋儀蘭之先本  
屬一邑之地故各據其始而志之封人一事萬古美談南陽柏邑亦建有  
見聖祠省志並載而不削以其嚮慕聖人不嫌其遠引也況實係衛地宜



乎儀蘭並書於志卽今大明府東明縣亦云在周爲封人請見處各引爲邑乘光而覈其實則在儀者獨見名人歌詠爲最確蘭志有云夫子五至衛封人請見原非一二可竟也斯言其善於解紛哉

東昏城

晉杜元凱註左氏傳云戶牖鄉今東昏城是

在沙溝河之南板市集亦名舊城世傳秦始皇東遊至此忽昏霧四塞迷失道路故名東昏

莽改曰東明後漢仍爲東昏梁孝王大造宮室築御苑三百里此其西界見明邑人張鹵詩今圯於河

勅修城

在縣治東北四十里隱賢鄉後漢建安時曹操駐兵於此築城其上曰勅修城建亭其中曰勅修亭後操潛據許昌徙鄴郡儀邑故壘遂廢今父老猶知勅修城地名

老君堂

在縣治東北三十五里小宋集唐貞觀十九年鄂國公尉遲敬德提兵平遼過此舉祀饗軍創建宋祥符三年都尉士洪增葺明洪武三十年邑人韋思齊重修

黃陵岡

坐落見山川類世傳曹操立疑塚於此省志亦云今雖有塚墓形勢未知爲誰但舊志所載今仍之

景文宅

在縣治東北三十五里名小宋集宋郊宋祁兄弟由雍邱徙此仁宗時祁試禮闈第一官工部尙書諡景文雍邱即今杞縣與儀接界

渡蟻橋

在小宋集裨官載宋郊宋祁未遇時有胡僧驚問郊曰公丰神頓異如能

活千萬人之命者郊曰堂下有蟻穴爲暴雨所侵吾戲編竹橋渡之僧曰是必魁天下後如其言宅旁有橋人即以渡蟻名之今道旁尙有碑記

### 金花營

在縣治北五十五里堦陽鄉元季所在兵起一女子率兵駐此善韜略號金花營羣寇望風遠遁地方賴之女子姓氏莫考舊志相傳並見前人歌

### 詠

### 黃渡湖

在縣治北堦陽鄉附近居民捕魚以供租稅月下風前不減濠梁幽趣

### 挖泥河

在縣治西北十里傍河建挖泥寺按舊志寺觀載挖泥寺詩篇載挖泥河其字俱從水旁詳檢字典水部並不收錄查山川志大河以外諸河七條無此河其爲後人開挖無疑挖字應是挖字之譌但按明史有初黃水自

窪泥河過黃陵岡之語則沔字又窪字之譌

土產

周禮司徒以土會之法辨五地之物生蓋物土之宜而布其利政之大也儀  
邑濱河瘠土布帛菽粟而外無他奇產故舊志凡例云他方所有者儀不能  
多有他方所或無者儀不能一有故不志然幽風七月之詩禾麻菽麥亦復  
何奇慙率倉庚所在多有乃流連景物迄今如見風俗之醇民情之厚焉以  
視球琳琅玕林漆絲枲<sub>考</sub>過之無不及矣則政不取其異而取其同也樹藝  
之種儀邑略具他若草木鳥獸之屬亦不勝書聊綴其大概於後

其穀則曰大麥曰小麥曰黍曰稷曰粟穀曰高粱曰黃豆曰青豆曰菘豆曰  
黑豆曰扁豆曰豌豆曰豇豆曰刀豆曰小豆曰芝麻曰蕎麥曰玉麥曰紅  
穀曰青穀曰白穀

其果則曰桃曰杏曰李曰石榴曰蘋婆曰沙果曰花紅曰葡萄曰核桃曰棗

曰梨曰柿曰瓜子曰蓮房曰百合

其瓜則曰王瓜曰西瓜曰東瓜曰北瓜曰甜瓜曰苦瓜曰香瓜曰菜瓜曰絲瓜曰瓠瓜

其蔬則曰蒿苳曰蒼蘆曰蔓菁曰芥曰薑曰葱曰蒜曰韭曰蘑菇曰芫芩曰白菜曰菠菜曰白蘿蔔曰紅蘿蔔曰薯蕷又名山藥曰藜藿曰萌蘆曰茄曰莧曰萱花

其木則曰楊曰柳曰榆曰槐曰桑曰柘曰棟曰椿曰楮曰棠曰朴曰桐曰柏曰檉

其花則曰牡丹曰芍藥曰薔薇曰月季曰玉簪曰鳳仙曰雞冠曰石竹曰木槿曰迎春曰萱花曰榴花曰葵曰荷曰海棠曰茉莉曰丁香曰玫瑰曰蝴蝶花曰芙蓉曰菊曰臘梅曰茶蘼

其草則曰蓼曰藻曰萍曰葦曰荻曰茅曰蓬曰蒿曰蘆曰稗曰蒺藜曰馬蘭



耜曰耒曰笠曰筐曰帶曰席曰麻曰綿曰縑曰絲曰布

儀封縣志卷之三

建置志

城池

公署

學校

祠廟

坊表

亭臺

市集

村莊

舖舍

墓域

王制量地以制邑度地以居民建置之謂也百里視古侯封首在設城以爲衛由是臨洺有所絃誦有地而所以棲神所以旌德所以聚民者次第營之至於前人藏魄之區封樹依於里社亦附見焉凡此或創建或增修固金湯而謀保聚安耕讀而協幽明完者守之敝者修之長民者之責也雖萬世鞏固可矣志建置

城池

儀封舊城即漢時東昏城在沙溝河之南距今縣治一十五里魏晉以後縣



廢其地割裂分併難以悉稽至宋乾德初復設縣曰東明猶是東昏故壘也及地入於金金人增築之始名儀封元至元間達魯花赤木滅刺重築之明洪武初圮於水乃遷於西南一十五里通安鄉之白樓村即今治也明洪武二十三年知縣于敬祖創建土城城形如幞頭因名幞頭城

### 城垣

城垣內土外磚周圍五里高二丈二尺闊一丈四尺門六東曰仰聖西曰興賢南曰崇儒西南曰重道北曰適衛東北曰通齊自洪武間知縣于敬祖壘土創築之後宣德中知縣閻威成化中知縣胡澄張鳳騫弘治中知縣張法正德中知縣李溱韓邦彥先後增修嘉靖中知縣田西成始易以磚崇禎八年知縣王九鼎重砌磚城有記載藝文崇禎十三年署篆馬騃增築以備寇警崇禎十五年流賊李自成圍儀城陷至

國朝康熙二年知縣陳觀泰捐俸與紳士義民重修有記載藝文康熙五十年

重修嗣後遇有傾圮小則歷任印官隨時補葺大則詳請動帑興修

### 城濠

城濠袤長五里寬三丈深一丈五尺遶城馬道闊一丈距城里許有護城堤創始於正德初年嘉靖中總理河道都御史劉天和憫儀邑獨當河衝親至邑境督築爲高一丈五尺闊三丈堤外有路其闊視堤歷年於農隙時修殘補缺遇有水患資以捍禦乾隆元年縣令嵇琰率士商捐六百餘金增築高厚

### 公署

公署之設所以涖官行法也一邑宰丞簿尉各有退食之區儀自前明末葉賊焰一炬初治殘缺歷經改造差復舊規其餘一切營建因革損益隨時異宜惟防河之員應居工次工有夷險則居無定所闕焉未備有由然矣

縣治建於城內正中中爲堂三楹堂東爲典史廳爲官倉堂西爲儀仗庫東

西兩廊爲曹掾六房及承發四科儀門三楹左右爲土神祠獄神祠祠旁爲收糧房爲監獄大門三楹上爲譙樓堂曰牧愛明弘治中知縣張法創建正德中知縣韓邦彥增修牧愛堂後爲內宅曰樂只堂隆慶中知縣王廷美創建崇禎末年流寇焚燬

國朝順治十三年知縣崔維雅次第興修改樂只曰退食宅東隅重構一堂顏曰飲水後進五楹再進五楹後又爲房二層其飲水堂西首爲軒五楹前爲來鶴亭後爲君子亭又後爲房又來鶴亭前爲房三楹其西舊爲主簿宅今改爲倉廩其吏舍附堂東西今飲水堂來鶴君子二堂俱圯廢無存  
鐘鼓樓

鐘鼓舊有二樓縣署頭門爲鼓樓明永樂初知縣顏仲璋創建其鐘樓即城隍廟門樓弘治初廢鐘鼓並懸縣樓康熙初年知縣范端重修  
戒石亭在儀門內

申明亭在縣治東三楹一門

旌善亭在縣治西三楹一門

察院署在縣治中街仰聖門內

布政使行署與察院並

按察使行署在小宋集

管河道行署在堽陽集

本府行署在縣治西街以上各行署俱圯

縣丞署在河南岸沈興集賃民房

主簿署在河北岸小宋集賃民房

典史署在縣治大堂東隅

教諭署在儒學明倫堂東隅前進

訓導署在儒學明倫堂東隅後進

蘭儀千總署在河北岸楊家橋

蘭儀把總署在河南岸馬家店

稅課司明正統二年裁汰

陰陽學在縣治東三楹一門

醫學在縣治西三楹一門

僧會司在縣治西境普濟寺

道會司在縣治南街城隍廟

常平倉舊在通齊門內後移縣署西隅主簿舊宅康熙二十二年三年連年奉

文增建共五十一間穀數詳後倉貯

義倉 黑村集一座 堽陽集一座

社倉 縣城內一座 沈興集一座 小宋集一座雍正三年建設

監倉在縣治大門內迤東共五間

養濟院舊在縣治西南隅順治年間知縣崔維雅創建今移建重道門外  
育嬰堂一座在西關井龍王廟前今圯

普濟堂在縣治北岸小宋集分作二座共瓦草房四十間義田一千畝係邑  
人張師栻捐施每歲分租收養貧民詳見贖政

漏澤園在適衛門外老黃堤西官路有漏澤園地十八畝老軍營迤西有漏  
澤園地四畝縣東五里堡有漏澤園地一畝

演武場舊在適衛門外百步許後移興賢門外三里建立演武亭三楹

學校

祀典詳禮樂門

三代庠序學校之設其名異而其爲教則同也國則有學其直省郡縣則各  
有庠所以興教化美風俗樹人才也

聖朝崇儒重道邁於往代凡在山陬海澨咸知丹雘宮牆整齊齋舍矧儀邑爲  
轍環所至凡官其地過其鄉者莫不傾心嚮往動高山仰止之思師儒之肆

業其中者其自易宜何如

儀邑廟制與他邑不同文廟在前儒學在後中間隔以街衢爲通邑往來孔道地限之也其初居民錯雜後乃漸次廓清明洪武中知縣于敬祖始建其時邑治初遷規模草創宣德中知縣閻威擴其始基天順中知縣馮綸補其缺略歷數十年經三令而廟學乃定

### 文廟

建立縣治崇儒門內南街前爲櫺星門對設照壁一座左右兩坊一曰奎壁聯輝一曰人文接盛廟前一坊題曰木鐸名區城頭向廟舊有龍門廟東南樹文筆一峯高聳數丈其櫺星門以內第二重曰戟門戟門以內爲

大成殿五楹康熙二十三年頒懸

御書萬世師表匾額又頒

御製 先師贊並四配贊勒石廟庭雍正三年頒懸

御書生民未有匾額乾隆三年頒懸

御書與天地參匾額殿前列以泮池布以園橋東西兩廡各構三楹以爲從祀

諸賢神宇殿後爲

崇聖祠五楹正中南向

儒學

建立中街文廟之後前爲頭門再爲儀門儀門之內中設明倫堂五楹東爲進德齋西爲修業齋各五楹東西四角迴合號房共三十三間明倫堂退後其東爲教諭宅教諭宅退後爲訓導宅每宅兩進每進三楹其西爲射圃亭爲學倉又明倫堂退後正中爲尊經閣爲會講堂皆廢四圍繚以牆垣儀邑修理學校歲額十金不敷繕葺有司每多束手成化初知縣胡澄重修左布政曾翬爲立碑記成化中知縣張鳳騫重修按察副使胡謐爲立碑記弘治間知縣張法重修邑人王廷相爲立碑記正德年知縣韓邦彥重修邑人郭



維藩爲立碑記嘉靖年知縣葛之奇重修萬歷年署篆教諭林瑄重修知縣周班爵孫文龍重修邑人張鹵爲立碑記萬歷四十二年知縣劉廷宣重修建學倉及射圃亭翰林學士孫賢爲立碑記又國子監丞閻禹碑記建會講堂陳留知縣程宰爲立碑記建敬一箴亭設義學嘉靖間知縣張瑩有記崇禎十五年流寇破儀城賊燄一炬災及廟學燬傷門堂牆壁

國朝順治三年知縣安國珍重修順治十三年知縣崔維雅重修皆有碑記嗣後隨時補葺未能具書乾隆二十四年黃中白葉調儀下車謁學正殿旁廡漸就剝落明倫堂傾圮過半破瓦頽垣幾淪茂草爰於次年庚辰庀材鳩工自文廟以及學齋逐一整飭閱半載事竣勒石紀之庶幾從諸君子後光復舊業云爾

### 學田

順治初年驛傳道楊時薦置買學田一頃后知縣崔維雅買田五十畝立有

碑記以爲義學延師之資

典籍

聖諭廣訓直講一本

上諭一部

上諭二本

欽定學政全書一套八本

欽定周易折衷二部

欽定書經傳說二部

欽定詩經傳說二部

欽定春秋傳說二部

欽定性理大全二部共十部十八套

欽定四書文一部

通鑑二部共十六套

大清律例校正三本

學正全書共十二本

臥碑一統在明倫堂

生徒

漢初師弟子多私相傳授武帝始置弟子員唐制上縣四十人中縣三十五人下縣二十五人宋初無定員崇寧三年以費廣難贍照現在生徒三分而汰一元有大小學生之稱明洪武初兵戈甫息未暇廣延令縣學二十人給廩膳宣德三年增廣生如廩膳之數正統十二年於常額外選軍民子弟願入學者克附學生

國朝大縣每錄四十人中縣二十五人下縣十有二人順治十五年裁額大縣十五人中縣十二人下縣八人儀爲中邑每遇歲科兩試各錄十二人或撥

入府學一二人合新舊生徒廩膳生員二十人增廣生員附學生員一百三十二人

諸祠

諸姓名祀典詳後禮樂門

封人祠 在櫺星門西

名宦祠 在戟門東

鄉賢祠 在戟門西

忠義祠 在後殿東

節孝祠 在後殿西

忠義節孝二祠向不附廟乾隆二十五年黃中涖任增設殿後舊有敬一

箴亭今廢

文昌祠 在儒學東首

魁星閣 在文廟內東首

按斗魁上戴六星曰文昌宮其四六二星曰司命司祿載於史記天官書  
文昌明潤天下文明又奎星如履主文明學校爲作人之地而亦有默相  
者焉宜其附建於學也

張清恪公伯行專祠 在重道門內

雍正九年詳建碑記詳藝文公修明理學近接程朱遠紹洙泗見於事功  
者卓然不朽宜附學校俾後之人聞風興起云

書院

舊在縣治西關聖井旁名曰飲泉書院康熙年間邑令毀之邑人張清恪公  
伯行重建請見亭側名曰請見書院今廢

社學

舊在縣治東正舍三楹前有門坊官遴讀書有行誼者爲之師邑中子弟賴  
之嘉靖二十五年知縣谷鳳階以學地許民築室納課移學城隍廟社學遂

廢

義學

南岸設立西關海潮菴內縣令延師課讀

北岸設立小宋集縣令延師課讀

壇廟

祀典詳禮樂門

記稱王者建國置都立邑必設廟祧壇墀蓋以禦災捍患有功烈於民者也  
會典亦稱學校以教社稷以養外此非祈報則不舉亦以功德及人有不容  
已者至於二氏雜出琳宮梵宇所在多有其所以因民俗而順民情歟建立  
之所條列於後

社稷壇 在適衛門外

風雲雷雨山川壇 在崇儒門外

先農壇 在仰聖門外

厲壇 在適衛門外

城隍廟 在縣治南街明洪武中知縣于敬祖創建成化中知縣杜瑄重修  
正德中知縣韓邦彥增修嘉靖初知縣李繼美加修成化中有訓導張綽  
碑嘉靖中有邑人郭維藩碑崇禎中知縣王九鼎究明廟址有邑人謝夢  
顯記乾隆二十五年黃中繕葺完固有記兩記見藝文

廟中住持向無資產康熙三十年道官王守福呈縣有堤壓官地四十餘  
畝懇給城隍廟爲祭祀之資署篆陳留知縣鍾定查此地原係遠年故堤  
後經塌廢本無土主向係官基若與民間懇種反滋訟端准與城隍廟收  
管以奉香火祭祀立案永絕侵占

孔子特廟在後巷唐貞觀十一年建明正統九年詔儀封學正孔尙林同子  
世襲國子監學正衍齊建立琉璃正殿三楹東西兩廡

關帝廟在縣治馬廠街有司官朔望春秋親祀享又東西南北四郭俱立廟

八蜡廟在西郭外乾隆二十五年黃中移建自先嗇下逮坊庸神位供桌櫬  
榻具備

劉將軍廟在西郭外乾隆二十五年黃中創建

馬神廟在縣治西

火神廟在縣治南

昭應水神廟在黃陵岡

大王廟 一在西關外 一在北堤上 一在河北三家莊堤北順治十三

年邑令崔維雅建

三皇廟在西關外

玉皇廟在縣治北

赤帝廟在縣治西

先帝廟在適衛門外明嘉靖中重修邑人張立有記



東嶽廟在東郭外

泰山廟在北門外

三官廟 一在東南關外 一在東北關外

二郎廟在青陵岡

棟城寺在棟城口

挖泥寺在挖泥河詳古蹟

大閣寺在縣治南

普濟寺在縣治西

真空寺在縣治東五里即黃陵岡

真寂寺在小宋集

無相寺在堽陽集

城子寺在黃陵岡

九溝寺在九溝口

銅城寺在縣治東南

報恩寺在縣治西

城村寺在縣治西

張岡寺在縣治南白家口

雷家寺

琢戒寺

榮花寺

迴龍寺

興雲寺

皇甫寺

南丈寺俱在河北

八卦閣在西北關堤外明萬歷間義民馬恩募建

白衣閣在縣治東二里

香火庵在縣治西南關

坊表

語云言坊行表蓋坊表之設所以標姓名而垂不朽也然所以不朽者其果

藉是否與聖人之門宮牆萬仞矣後之人如果純修淑行卓絕人寰誠足以興觀感之思起景行之慕於以闡揚前烈風示後來或取諸此儀曩時坊表奚啻百餘座後半就廢圯茲錄其舊志所傳者而新建者亦續登焉

先聖坊 在文廟前

龍門坊 在文廟前

奎璧聯輝坊 在櫺星門左

人文接盛坊 在櫺星門右

木鐸名區坊 在文廟前

儒林毓秀坊 在儒學前

敷德坊 在布政使行署

肅清坊 在按察使行署

承流坊 在縣治東

宣化坊 在縣治西

進士坊 爲田鑑 李璵 史儀 胡福 白鳳

傅允 李景繁 楊謚 翟通 田畊

郭廷珪 王廷相 雷起東 劉大謨 張原明

郭維藩 張漢卿 王教 張鹵 張鳳彩立

舉人坊 自永樂甲午田鑑至成化辛未田畊詳見儒學題名記

解元坊 爲李東熙立

凌雲坊 爲胡福立

騰霄坊 爲張昇立

文魁坊 爲翟通侯俸立

乘雲坊 爲張佑立

鄉薦坊 爲傅允立

鄉舉坊 為左輔 楊儉 李宗仁 馮澤立

錦標雲衢坊 為張瑛漢卿父子立

飛黃傳芳坊 為趙傑希魁父子立

鵬程鳳儀坊 為戴經尙鸞立

椿桂同榮坊 為楊謐潤澤父子兄弟立

鳴鳳坊 為楊謐立

毓秀坊 為李景繁立

鯤化坊 為岳思忠立

攀龍附鳳坊 為吳賢李誠立

鳴鳳騰蛟坊 為郭廷珪維藩父子立

亞魁坊 為安庠立

觀光坊 為楊魁立

鸚薦坊 爲張大威立

襲芳世科坊 爲李應辰應禎立

南臺總憲坊 爲李敏立

振揚風紀坊

大理少卿坊

內臺總憲坊

少司馬坊 俱爲楊謚立

繡衣坊 爲白鳳立

五馬坊 爲岳思忠立

刺史坊 爲趙希魁立

大司馬坊

少保坊 俱爲王廷相立

都憲坊 爲劉大謨立

學士坊 爲郭維藩立

都諫坊 爲張漢卿立

光祿正卿坊 爲張原明立

大司成坊

殿讀坊 俱爲王教立

少司馬坊 爲王教立

翰館清卿坊

都御史坊 俱爲張鹵立

誥贈兵部侍郎坊 爲楊瑾立

勅封戶部主事坊 爲郭慶立

勅封太僕寺丞坊 爲李榮立

勅封監察御史坊 爲劉愷立

誥贈兵部尙書坊 爲王增立

誥贈左春坊左諭德坊 爲王鶚立

誥贈兵科都給事中坊 爲張立立

旌表孝子坊 爲謝欽立

旌表義民坊 爲許信立

敦義坊 爲劉貴立

雙節坊 爲明段整妻魏氏段安妻胡氏立

雙烈坊 爲明生員趙汝登妻侯氏侯羽妻馮氏立

貞節坊 爲劉恕妻段氏 喻祥妻胡氏 黃智妻蔣氏

侯端妻王氏 杜機妻耿氏 方良琮妻劉氏

尙書妻王氏 馬晉妻張氏 盧殿臣妻湯氏



劉維穎妻張氏 張法行妻甯氏立

兩世貞節坊 爲湯繼禹妻尙氏 孫 作霖妻張氏立

### 亭臺

古之誌亭臺者多矣大抵一時憑眺結伴歌吟或廢或舉無足深人寤想者  
惟聖賢踪跡所留則雖一椽片瓦輒動人護惜之思儀自

宣聖環轅封人請謁後之人往往披尋於荒涼磨滅之餘流連而不去若夫奸  
雄弄兵之跡豈足留傳昔人憩息之區何關輕重亦附及之在儀言儀而已

請見亭

坐落建甯詳古蹟

飲泉亭在琉璃井旁詳古蹟

過化亭在舊縣治東門洪武間圯於河

木鐸亭在縣治南亭中立石鐫封人請見圖今廢

勅修亭詳古蹟勅修城下漢建安中曹操駐兵於此今故壘尙存

來鶴亭在縣署內牧愛堂西隅順治初知縣崔維雅建築以資憩息今圯

### 市集

自昔都鄙之制十里有廬三十里有宿五十里有市周禮司市大市日昃而市百族爲主朝市朝時而市商賈爲主夕市夕時而市販夫販婦爲主儀邑土瘠民貧貨不足以居奇財不足以致遠然而城鄉村落亦有貿易焉粟布鋤犂亦通有無焉又何必入五都之肆備百物之藏也哉

賀村集東路第二保距縣治二十里

沈興集東路第三保距縣治三十里

石家樓東路第四保距縣治四十里

黃陵岡東路第五保距縣治五十里

秦家莊西路第一保距縣治十五里

堯陽集西路第二保距縣治三十里

大力集西路第三保距縣治四十里

圈頭集南路第一保距縣治八里

陳家集南路第三保距縣治三十里

茨蓬集北路第二保距縣治二十五里

小宋集北路第三保距縣治三十五里

楊家莊北路第六保距縣治四十里

以上市集一十二處分布四境以便附近村莊往來交易皆間日集其市集之在縣城者則每日集

### 村莊

比閭族黨備載周官古者畫井分疆以別之睦婣任卹以聯之諸凡田賦保甲鄉舉里選亦於是乎在何風俗之茂與儀爲衛邑吾夫子有感於土物心臧之旨而興庶哉之嘆今閭井桑麻猶是也村墟聯絡雞犬相聞其何以阜

財善俗而無負車中之訓與

東路第一保四十四村莊

十五里舖

董家莊

營盤村

五里堡

張家花園

張家莊

八里灣

趙家樓

魏家寨

蔡家寨

趙家樓

杜家寨

趙家莊

劉家莊

鄭家寨

老君營

岳家莊

王家墳

小范家寨

耿家寨

孟家寨

大范家寨

小劉家莊

李烈寨

汗消坡

徐家樓

劉小堂

楊家莊

杜家寨

李家寨

小劉樓

蔣家堂

趙家樓

張大人莊

溫家莊

轉香廟

袁家莊

苗家寨

大黃莊

董家莊

劉家堂

岑家寨

吳家莊

孔家寨

以上村莊四十四處共成一保東西長十里南北寬八里共九百九十二戶  
東路第二保二十五村莊

賀村集

單家莊

石家莊

楚家莊

喬家莊

劉見吾莊

小程莊

潘家莊

王家柿園

王打瓠莊

張家莊

小王莊

徐家莊

黃家莊

楊家菜園

高家莊

田家莊

小程莊

大程家寨

龍王廟

楊家莊

阮家莊

俞家莊

袁家莊

王家莊

以上村莊二十五處共成一保東西長六里南北寬六里共四百六十六戶  
東路第三保一十六村莊

沈興集

羅家莊

大劉家寨

小劉家寨

小郭莊

油房寨

張谷安莊

牛家莊

王家莊

魏家莊

趙家莊

小王家莊

李家莊

尙家莊

小陳莊

小李家莊

以上村莊一十六處共成一保東西長六里南北寬五里共八百一十戶

東路第四保一十二村莊

勅修城

官路涯

中莊村

周家莊

牛家莊

城村寺

孫家莊

畢家岡

高家莊

羅馬塹

石家莊

石家樓

以上村莊一十二處共成一保東西長六里南北寬五里共四百二十一戶

東路第五保二十五村莊

黃陵岡

蘇家莊

麥仁塹

蔡家莊

劉家莊

王家莊

徐家涯

周家莊

賈家莊

王家莊

翟家莊

呂家莊

郭家莊

李家莊

陳家莊

戴家莊

宋家莊

任家莊

魯家莊

胡家莊

圈裏村

楊家莊

蔡家莊

周家老莊

龐家莊

以上村莊二十五處共成一保東西長四里南北寬四里共四百三十四戶  
東路第六保二十村莊

董家堂

吳家河

董家園

靳家莊

黃家莊

傅家堂

韓家莊

劉家莊

裴家寨

江家莊

江家樓

聶家莊

蔡家莊

許家河

陳家莊



趙家莊

黃家集

史家莊

黃家莊

新莊

以上村莊二十處共成一保東西長五里南北寬五里共三百七十五戶係

儀邑東路盡境與山東曹縣交界

西路第一保三十五村莊

青陵岡

陳家寨

吉家寨

李家寨

扈家樓

秦家莊

大營村

磨菇寨

吳家莊

楊家莊

鄭家莊

張家莊

劉陳舖

梁家莊

五里堡

房家寨

聖井

花園

小李莊

二里寨

王家樓

堤灣村

葛家莊

下五營

老許寨

東大寨

西大寨

楊家莊

閻家莊

張儀賓寨

小樓莊

蔡家寨

小李家莊

小孔家莊

蠟頭村與蘭陽交界

以上村莊三十五處共成一保東西長十里南北寬七里共一千一百二十

戶

西路第二保十村莊

堽陽集

東馬木

西馬木

沈家樓

牛家營

劉家樓

關家莊

賀家莊

趙家寨

紅船灣與直隸長垣交界

以上村莊十處共成一保東西長六里南北寬八里共三百七十八戶

西路第三保二十一村莊

大力集

何二莊

熬周莊

孫家營

蔡家莊

侯家寨

李家莊

牛家莊

董家莊

曹家莊

孫家莊

熬家寨

熬家廟

刁家莊

宋家莊

孟家寨

伯城寺

崔家寺

虎羊寨

管家寨

劉家莊

以上村莊二十一處共成一保東西長四里南北寬四里共四百九十八戶

西路第四保二十四村莊

伯城寺

陸家堂

田家樓

曹家寨

王家莊

范家寨

秦家寨

梁家寨

西孟寨

李子園

獨角樓

紅廟村

崔家寺

黃家口

孟家寨

馬林寨

楊家莊

韓家營

譚家莊

韓西寨

熬家廟

小王莊

管家寨

水驛村

與直隸長垣交界

以上村莊二十四處共成一保東西長四里南北寬四里共三百九十一戶  
西路第五保一十六村莊

雷家寺

宋家營

雷家寨

秦家集

卞家寨

小李莊

張家堂

朱家莊

王家莊

汪家營

蕭家莊

大李家莊

閻家樓

宋家莊

傅家堂

朱良莊

以上村莊一十六處共成一保東西長五里南北寬五里共五百五十八戶  
南路第一保三十五村莊

圈頭集

小蘑菇寨

甘家寨

什伍村

蕭家堂

姜理問寨

朱家寨與杞縣交界

徐家渡

野莊村

白家口與杞縣交界

小丈八村

堙上村

大蘑菇村

大丈八村

孟家寨

西郝家寨

白廟村

張家寨

張家小樓

郭大院

東郝家寨

西七里岡

東七里岡

陳家樓

趙家小莊

侯家莊

魏家寨

胡家寨

大里村

秦家寨

靳家莊

七里井

藕河村

張家小莊

以上村莊三十六處共成一保東西長十里南北寬十里共一千三百四十二戶

南路第二保一十七村莊

陳阜岡

西岡村

張家寨

三營村

馬家莊

劉家塾

劉家樓

樊家坑

李家莊

桐城寺

孔家莊

回回營

聶家莊

戴家莊

十怕王廟

小張莊

韓家寨

以上村莊一十七處共成一保東西長六里南北寬五里共三百八十五戶  
南路第三保二十三村莊

東陳集

王貫莊

吳家莊

趙家莊

張家莊

程家莊

楊家莊

周家莊

喬家莊

楊家集

齊家莊

孔家樓

王七樓

畢家集

汪家集

孔家莊

趙家莊

李瓜寨

高村廟

季家寨

趙家樓

小劉莊

瓦中村與睢州交界

以上村莊二十三處共成一保東西長五里南北寬五里共五百一十五戶  
南路第四保二十三村莊

西陳集

翟家莊

東劉家渡

宋家莊

趙家莊

西劉家渡

胡家莊

田家莊

魏家莊

南周家莊

南家坡

張家莊

周家莊

任家莊

雙樓村

丁家坡

葉家莊

李教官莊

小孔家莊

三里莊

孔家莊

邢家莊

馬家莊

以上村莊二十三處共成一保東西長五里南北寬五里共三百五十一戶  
北路第一保三十三村莊



元家莊

張家莊

甯家莊

秦家樓

郭家廟

楊家莊

白家樓

傅家莊

馬家塾

侯家莊

孔家莊

胡家莊

趙家莊

草廟村

宋家莊

玉皇廟

劉家莊

鹿家口

王家莊

曲家寨

普家營

張家老莊

郭家莊

劉指揮莊

左家莊

管家莊

馬家樓

後焉家樓

朱家莊

湯家莊

小王家莊

高莊村

柴家坡

以上村莊三十三處共成一保東西長六里南北寬五里共七百九十五戶

北路第二保一十三村莊

茨蓬集

高家寺

徐家堂

大李莊

田家莊

王家莊

翟家莊

張家莊

小李莊

孔家莊

方家塾

刁家樓

李家莊

以上村莊一十三處共成一保東西長五里南北寬五里共五百四十五戶

北路第三保九村莊

小宋集

郭家塾

郭家莊

劉家莊

許家寨

唐家寨

張家老莊

曲家寨

邵家凸

以上村莊九處共成一保東西長五里南北寬五里共五百六十三戶

北路第四保一十八村莊

沉沉莊 王家莊 杜家樓

賈家寨 孔家莊 雙樓

小張莊 張光寨 袁家莊

王家莊 蕭家莊 王茂塾

馮家莊 南丈廟 大譚家莊

小譚家莊 王家橋 李家莊

以上村莊一十八處共成一保東西長五里南北寬四里共四百一十四戶

北路第五保一十五村莊

黃渡湖 常家堡 劉家堡

南家莊 田家堡 張家莊

馬家寨 羅家寨 趙家塾

李家莊

田家莊

司家寨

迴龍寺

犁園村

林家寨

以上村莊一十五處共成一保東西長五里南北寬四里共三百六十五戶  
北路第六保七村莊

楊家橋

楊家堂

三家莊

張家莊

郭家莊

閻家集

劉家莊

以上村莊七處共成一保東西長五里南北寬四里共四百五十三戶

四境村莊統計二十一保各立保正一人以資統率其在邑居民各從街巷  
附錄於後

街巷

東門一十一街巷

仰聖街

儒學街

察院巷

東關街

堤前街

百爐街

孔學街

後巷

三官街

禮拜巷

孔家巷

以上街巷一十一處共成一保東西長一里南北寬一里共三百八戶

西門一十一街巷

興賢街

義學巷

分司巷

西關街

堤北街

楊家巷

觀音巷

堤南街

吳家巷

祖師廟

順堤街

以上街巷一十一處共成一保東西長一里南北寬一里共三百四十一戶  
南門一十八街巷

通濟街

馬廠街

崇儒街

文化街

小街

南關街

沿堤街

祖師街

橋南街

龍井街

大碓街

戴家巷

張家巷

堤口街

橋南街

菜園街

吳家巷

土樓街

以上街巷一十八處共成一保東西長一里南北寬二里共五百五十五戶

北門一十四街巷

適衛街

普濟街

重道街

木鐸街

土地街

北關街

堤外街

孔樓街

三賢街

八卦街

小北街

三官街

河南建華印刷所承印

一四

三仙巷

張家巷

以上街巷一十四處共成一保東西長一里南北寬二里共五百二十一戶野處之民則聯以村莊邑居之民則分以街巷亦既按里可索逐戶可稽生聚之道犁然在目但使絃歌耕鑿相協厥居儀雖下邑將勒康樂安平之書足以資輜軒之採矣

舖舍

舖兵名數工食詳驛站

按程立舖舖各有司所以慎文檄往來上下交替之責也其制或十里一舖或數十里一舖皆可按稽儀邑密邇會城東北又隣直東二省文報紛糾接遞之勞能弗為之謀棲息之安與

總舖在縣治中街舖舍一座

陳留舖在縣治西一十二里舖舍一座西抵蘭陽要路

趙家舖在縣治東一十五里舖舍一座東抵考城要路

沈興舖在縣治東三十里舖舍一座東抵考城要路由縣舖至趙家舖一十五里由趙家舖至沈興舖一十五里

邑內急遞舖四處舖舍四座

### 墓域

人生不朽之業在樹立於生前泊乎馬鬣既封杳然長夜付之宿草寒烟而已古來如楊伯起郭林宗諸賢之墓千古令人憑弔非要離三尺柳下一坯比也死而不亡殆其人與儀邑往者達人輩出節著生前光垂身後賜祭賜葬備極榮哀繼起之賢後先輝映爰爲歷志高阡并錄錫典丸丸松柏鬱鬱佳城後之人鄭重而護守之毋使麋鹿之觸其樊垂之永遠可矣

元

禮部尙書李則昌墓

向在西門外四面沮洳邑諸生趙遠念其絕裔以禮改葬城東三里許



明

僉都御史李敏墓

在縣西三里許宣德六年遣禮部員外郎張寶諭祭其文曰

朕以爾居近侍積有歲年肆擢僉憲甫終三季而遽以疾歿今特賜爾祭爾靈不昧庶其享之

都督僉事祁英墓

在縣北三里許事蹟詳勳業傳

留守王守墓

在舊城西南隅

副都御史楊謐墓

在縣西三里許弘治十四年遣河南布政使左參政羅鑒諭祭賜葬其文

曰

惟爾發身賢科擢官風紀歷遷理寺讞獄稱平左都憲臺克綏邊檄夏部是  
貳式贊兵機持身著謹恪之稱泣事有勤能之譽方隆委用胡遽云亡追悼  
往勞宜頒恤典特賜葬祭以慰幽冥爾靈有知庶克欽服

嘉靖十七年以其配淑人蔣氏祔葬遣參議王崇諭祭其文曰

惟爾資性溫淑儀度端嚴作配儒門克敦婦道相夫盡職歷事兩朝封章屢  
賜祿食久沾宜膺壽祉遽焉長逝爰推恤典追祭致葬爾靈不昧庶克欽承  
教諭贈太僕卿張綸墓

在縣西七里許嘉靖癸卯甲辰兩年黃河東徙近墓數十武瀕危忽一夕  
水勢遠移僉曰厚德之報今塋形如半壁

兵部尙書諡肅敏王廷相墓

在縣東二里許隆慶初年遣河南布政使左參議查志立諭祭其文曰

卿資性剛嚴操守端慎官徧歷於臺諫茂著直聲身兩奮於沉淪不渝素志

握臺章而修明法紀佐營務則振肅戎行正輿望之攸歸顧讒言之遽肆豈  
惟落職竟至隕身追念往勤慨良臣之不作式頒渥澤恢先帝之遺恩晉秩  
三公易名一行備加彝典用慰幽魂英爽如存尙其歆服

光祿寺卿張原明墓

在縣東四里

贈僉都御史張立墓

在縣東四里萬歷元年遣河南布政使左參政馮敏功諭祭時以其配恭  
人雷氏祔葬乃並恭人祭之其文曰

惟爾振起膠庠清修範俗爰有良配一德相成毓慶儲祥篤生令嗣奮跡甲  
第薦陟都臺固本義方亦由慈訓久綏祿養寵被封章正宜永年胡遽淪謝  
茲特並祭慰子孝思爾靈有知尙其同服

兵部侍郎王教墓

在縣東四里嘉靖二十二年遣河南按察使僉事翟鎬諭祭其文曰  
惟爾才識老成學問該博名魁甲第職列詞林史局編摩精詳不苟經筵進  
講獻納惟忠屢校文場每稱得士晉官宮諭侍從勤勞擢任司成賢才樂育  
南兵佐政留務有裨委用方殷設施未竟偶嬰一疾遽至長終訃音來聞良  
切傷悼追維往績用示恤典遣奠臨喪飭工治葬九原不昧渙命其承  
副都御史劉大謨墓

在縣東五里嘉靖二十七年遣河南布政使左參政何繼之諭祭其文曰  
惟爾明敏之質爛博之才奮跡甲科筮仕民部載轉憲察激揚有聲因事左  
遷薦陞府佐簡居外臬計拒逆藩踐歷滋深愈彰丰采擢參藩省平靖番彝  
晉陟都臺經略戎務振威足餉邊備有裨再遂優閒旋復召用撫巡西蜀益  
著勳庸採木有功官階登進方隆委任以疾長終訃音來聞良用悼惜追維  
往勸諭祭載頒爰命有司爲營兆域九原不昧渙命其承

侍讀學士郭維藩墓

在縣西北四里嘉靖十七年遣河南布政使右參政查應兆諭祭其文曰  
惟爾資性端良才識明敏詞林毓秀史局擅長歷佐成均晉陞翰長比膺召  
用特進講筵啟沃多功用資舊學奉常加秩兼綰院章向用方殷奄爾長逝  
特賜葬祭庸示恤恩爾靈有知欽予悼惜

都給事中張漢卿墓

在縣東南五里

僉都御史張鹵墓

在縣東四里萬歷二十六年遣河南分守大梁道布政使參議袁奎率本  
縣知縣張邦俊儒學教諭何箴諭祭其文曰

惟爾正色立朝清標直節嘉績多於先朝忠藎孚於朕志偶因人言之挂誤  
遂尋初服而休歸薦剡數列賜環有待胡期淪謝卹典宜優茲特用祭一壇

減半造葬惟爾有靈尙其不昧

贈禮部尙書張自新墓

在縣東南藕荷村

贈禮部尙書張醇墓

在縣東南陳阜岡

皇清

贈禮部尙書張岩墓

在縣東南藕荷村

禮部尙書諡清恪張伯行墓

在縣通安鄉崇儒里雍正三年五月遣禮部右侍郎景日珍

諭祭文曰

抒誠宣力人臣盡職之經賜卹施榮國家酬庸之典必服休亮采令聞克著

於生前斯增秩易名厚予聿隆於身後爾張伯行秉心誠實賦質端凝幼學壯行砥廉隅以立志家修庭獻勵公慎以居官由監司而歷任封疆行多清操自閩嶠而旋移江左政有賢聲久持農部之壽兼司天庾洎擢春官之長允稱秩宗正倚毗之方殷詎沉疴之忽遘遽聞奄逝深用軫傷贈宮保以晉階遣天潢而賜奠既逾常格特表殊恩載考彝章更從優卹於戲想履聲而眷懷耆舊素度猶存頒祭醴而咸集官僚哀榮備至爾靈不昧庶其祇承

雍正三年九月遣河南布政司分守開歸道沈廷正

諭祭文曰

國家重禮樂之司寅清攸賴人臣勵靖共之節恩卹宜隆生被殊榮沒膺異數聿頒綸綍寵及泉扃爾張伯行厚重凝姿恪誠立品巍科早掇既經術之夙優仕籍旋通即政聲之克懋由監司而敷化節鉞頻加歷中外以宣猷度支尤謹潔清自好凜終始之不渝澹泊可甘徵涵養之有素朕眷懷成績命

長春官方冀克享遐齡詎意忽聞奄逝考彛章而賜祭稽謚法以易名於戲  
舊德猶存永垂休於竹帛新恩載賁誕被澤於松楸爾靈有知庶克祇受  
戶部員外郎湯豫誠墓

在縣西南隅湯家寨

河東河道總督加贈太子太保謚愨敬張師載  
乾隆二十九年四月遣河南開封府知府張珽

諭祭文曰

任畀河防持節奏安瀾之績禮垂令典飾終邀禋薦之恩念陳力於封疆常  
資保障用酬庸於俎豆式展哀榮爾張師載起自世家早翔郎署風清典郡  
分符竹以宣猷計善持籌司筦庫而稱職洎提刑而陳臬允執法以平情旋  
擢銀臺並參宗秩更佐度支於民部能籌轉運於太倉繼開府於皖江特專  
節鉞兼司河於淮右仍領修防嗣日累誤以去官旋沛殊恩而入召旣前愆



之曲宥望後效之可期資贊理於兵樞藉轉輸於漕節河渠久歷俾克殫夫  
勤心疏築隨時乃屢臻乎順軌方專司之攸寄忽遺疏之上陳晉錫崇階爰  
申奠醞嗚呼緬宣房之故蹟底績常昭增泉壤之休光榮施勿替靈而不昧  
尙克歆承

諭祭碑文曰

朕惟恪勤率職臣子之本衷優卹明恩朝廷之鉅典若乃久於其任措置攸  
宜慎爾在官封圻胥賴尤深軫惻是用褒崇爾加贈太子太保原任河東河  
道總督張師載始任農曹出膺劇郡能諳吏事遞予超遷逮晉秩乎京卿遂  
佐襄乎河務隄防克固疏濬咸通自是雖領他御皆兼茲職朕留心水利屢  
念民依每秋汎之屆期必機宜之親授是以棄瑕錄舊朕何嘗預設成心趨  
事赴功爾尙克祇承德意方念老成之可任何圖朝露之易晞覽爾遺章良  
增悼念爰飭厚終之典用昭眷舊之仁晉加宮保之銜賜諡愨敬之號嗚呼

檢身率屬功名永著於河隄奉職宣猷勞勩深鐫於碑版欽茲懋典貽爾後人

傳  
自  
身  
示  
三  
奏  
貴  
示

儀封縣志卷之四

河渠志

河務

隄工

汛防

堡舖

溝洫

橋梁

大河自西北至東南以入於海磅礴奔放萬餘里其經歷儀境特全龍之片甲耳其為患非儀一邑所獨受而所以弭其患者亦非一儀之力所獨支然上流則宜防其衝下流則宜疏其委儀境跨河兩岸捍衛隄防不可不預也至於水利之道在於蓄洩有資農田藉以灌輸水潦得以歸宿隨時疏導其可不講與志河渠

河務

儀邑黃河上由蘭陽四門堂迤東入境下至本邑三家莊迤東出境袤邪六十餘里達徐呂二洪匯於淮考歷代河患及治河之家於儀初無專指亦無

專功自宋迄明河勢屢遷河工紛起雖因時制宜難泥故轍而以今鏡古須  
監前車昔人云善治河者導河不善治河者防河導河者以河治河勢便而  
功省防河者以人治河費鉅而役煩然而導河固難防河亦正不易且防河  
亦所以導也爰歷叙累朝修築以爲河務先資其不涉儀境者不具書

秦始皇二十二年王賁攻魏引河溝灌大梁河溝者鴻溝也一名陰溝水經  
注云陰溝本瀆蕩渠在浚儀縣北自王賁斷故渠引水東南出以灌大梁謂  
之梁溝於是水出縣南而不經其北遂名梁溝爲瀆蕩渠亦曰鴻溝此河與  
汴分流之始

漢時長水校尉平陵關並

師古曰桓譚  
云並字子陽

言河決率常於平原東郡左右其地形

下而土疏惡上古難識近察秦漢以來河決曹衛之城其南北不過百八十  
里者可空此地勿以爲官亭民室觀此則儀境當在百八十里之內矣

漢永平十二年夏四月詔修汴渠遣王景與匠作謁者王吳督理工役汴渠

卽蕩蕩渠也初平帝時汴河決壞久而不修建武十年光武欲修之浚儀令樂俊以民新被兵革未宜興役諫止之其後汴渠合河東浸日月彌廣百姓怨咨乃命王景與王吳修之分疏河汴二水令黃河東北流入海汴河東南流入泗渠成河自滎陽至千乘海口千里餘每十里立一水門令更相迴注汴渠亦復其故迹周顯德二年夏四月疏導浚儀故堤東至泗上

宋淳化二年六月汴水決浚儀縣督步卒塞之

天聖元年仁宗時凡沿河諸州縣有跨南北者皆命設埽其在開封者有陽武埽滑州有七埽通利軍有二埽澶州有十三埽大名有二埽濮州有四埽鄆州有六埽齊州有二埽濱州有二埽棣州有四埽然則在儀之上流者止一埽在下流者合埽以數十計蓋其時大河在儀境之北未甚吃緊也嗣後河勢日遷綢繆宜預

熙寧十年秋七月河決澶州曹村北流斷絕河道南徙漸逼儀境

元至元二十三年夏四月河決開封祥符諸州縣凡十有五處調南京民夫二十萬四千三百餘人分築堤防儀邑議築棟城口挖泥河等堰

金大定十二年尙書省奏檢事官言河水東南流其勢甚大可自河陰廣武山循河而東至原武陽武東明等縣增築堤岸日役夫萬有一千

明洪武二十二年河決儀封遷縣治於白樓村

宣德六年從河南布政言

明史不註姓名

濬祥符抵儀封黃陵岡淤道

弘治二年夏五月黃河自儀境龐家口北徙居民田廬渰沒是年河決支流分爲三其一決封邱金龍口至曹州入張秋其一出中牟下尉氏合潁水入淮其一泛濫於原武陽武蘭陽儀封考城命刑部侍郎白昂治之役丁夫二十五萬水患稍寧

弘治五年夏四月河溢蘭陽儀封鄆城諸縣又決金龍東注潰黃陵岡下張秋侍郎陳政督夫九萬治之弗績六年又命都察院右副都御史劉大夏總

理河道大夏請築堤岸於黃陵岡上下並濬黃陵岡南賈魯舊河由曹出徐以殺水勢又言必築黃陵岡導河上流南下徐淮庶運道久安帝允其請旋以黃陵岡河口功成勅建黃河神祠以鎮之賜額曰昭應黃陵岡堤工有劉健碑並劉大夏治河疏見藝文

正德四年河決楊家口東徙儀封于莊口居民田廬衝塌殆盡又決黃陵岡尙家等口五年九月復衝黃陵岡入賈魯河泛濫橫流直抵豐沛御史林茂達以北決安平鎮爲虞

即張秋鎮

即濬儀封考城上流故道引河南流以分其勢

然後塞決口築故堤上命李鏜治之鏜言蘭陽儀封故道淤塞河流俱入賈魯河經黃陵岡至曹縣築梁靖楊家二口地高河澱隨濬隨淤請自大名至沛縣築堤三百餘里以障河北徙從之八年復決黃陵岡越日南徙嘉靖十年黃河徙縣南圈頭村

嘉靖二十一年夏五月雷雨十三晝夜不絕河水暴發平護城堤先是謠言



肆興謂河決衝縣城人家皆毀屋爲浮桴出城避之知縣隨鷗乃親著篋笠率衆塞六門堤口及堤之穴隙水勢罷去城邑倖存

嘉靖二十三年黃河徙縣北留陳口居民被害知縣谷鳳階以河防之要首在築堤請興工築于莊口堤北自蘭陽迴龍口至考城崔家壩長九十二里有奇南自蘭陽接界至考城閻家集王家樓長一百三里有奇閱半載工竣有王崇慶碑見藝文萬歷十五年七月黃河陡漲衝決蘭陽堤堰直抵縣城壞民田廬無算

萬歷十九年河水漫李景高口旋塞又決黃家寺總河潘季馴逐一查核分爲緩急二工其在儀邑者縣北棟城口舊堤一段舊壩一座南岸普家營新舊月堤又自陳留縣至儀封界舊堤一段爲險要之工北岸榮花樹舊堤一段挖泥河舊壩坍塌爲次緩之工均應次第舉修疏上從之詳見藝文崇禎十五年秋九月流賊李自成決河衝汴城北門由曹宋二門而出南人於渦

巡撫高名衡推官黃澍俱北渡士民溺死不可勝計是年冬十一月黃河水乾儀境南北兩岸人可徒步

順治元年夏六月黃河復故道

康熙十二年春正月議給河夫僱役錢巡撫佟鳳彩疏略曰查修築河工每歲用夫或萬餘名俱按地畝起派甚至紳衿衙役借題優免懦弱鄉愚愈累愈貧每月或三四兩方能僱夫一名欲除此弊莫如官僱一策舊例河工夫役管河道每歲預估需用人夫若干方行各州縣按地起派若經官僱每夫每月僱價二兩足矣其每歲僱夫若干該銀若干除歲征河銀外不足者於河南八府一州地畝分別等則每畝派銀若干算明刊於由單亦照地丁錢糧年終河臣奏銷有餘剩留爲下年之用如是則民知有定額狡猾之徒無所用其巧矣疏下九卿科道會議派夫派銀仍屬累民應將豫省河夫停其僉派如遇歲修工程仍動河道錢糧僱覓夫役不敷撫臣應動某項錢糧奏

請從之

雍正三年乙巳秋七月淫雨河漲潰儀封大寨後堤直抵縣城護城堤外水深丈餘壞民田廬無算

乾隆二十六年秋七月河決蘭陽南岸滄及本邑西境圈頭集等處越日河決祥符北岸灌入本邑北鄉堽陽集霸城寺等處

### 隄工

禹貢云九澤既陂陂障也是隄防之法禹實創之八蜡之祭其六曰坊義綦重矣賈讓治河策曰若繕完故堤增卑培薄勞費無窮數逢其害此爲下策然爲今之計實急救之方蓋河自孟津以上羣山東水勢不得橫至滎汜以下出險就易百川匯之始汗漫奔放掀波嚼岸非堤防不爲功豫省土性虛鬆工難鞏固每至泛漲防禦爲勞儀邑幸無漫溢之患者百有餘年然不可以百年無患而可一日不防蓋既無一勞永逸之方惟盡其隨時保護之法

則增築隄防良亦不能已夫

河北岸遙堤一道西自蘭陽交界起至考城交界止順長六十四里上離大河二十六丈中離大河八里下離大河六七里不等創築未詳康熙二十三年俱行加幫康熙二十五年坍斷遙堤順長一百五十丈

蘭陽界版堤一段南北順長一百四十九丈康熙二十七年坍斷至二十八年坍去七十八丈五尺二十九年又坍去四十四丈五尺

于莊口舊堤一道北自蘭陽迴龍口至考城崔家壩長九十二里百六十步南自蘭陽界至考城閻家集王家樓長一百又三里餘六十步明嘉靖二十四年知縣當塗谷鳳階創築有禮部侍郎王崇慶記

河南岸舊縷堤一道創築未詳順長五十里

河北岸舊遙堤一道創築未詳順長五十三里

七村堤一道順長三里

小宋集舊堤一道又名狀元堤順長五百丈順治二年建築

方家莊小堤二道一長二百一十丈一長二百二十五丈

佛寺後幫堤一道順長一百九十丈

三家莊舊堤一道丈尺未詳順治十三年幫築

以上舊堤一十一道或數里或數十里不等半係歷久坍塌今據舊志存之

河南岸大堤一道上接蘭陽交界下至考城交界順長五十四里沿堤俱有

堡房

河北岸大堤一道上接蘭陽交界下至曹縣交界順長四十里沿堤俱有堡房

三家莊後月堤一道順長四百丈康熙三年創築

壩陽集東月堤一道順長二百七十丈康熙四年創築

堽陽集南月堤一道順長四百三十丈康熙五年創築

小宋集西格堤一道順長九十丈康熙五年創築

三家莊前月堤一道順長三百丈康熙五年創築

堽陽集東南月堤一道順長五百一十丈康熙十八年創築

堽陽集西南月堤一道順長八百二十丈康熙二十一年創築

蔡家樓東北月堤一道順長五百二十丈緣康熙二十五年河水漫漲衝決

### 民田建築

周家灣月堤一道順長三百六十六丈緣康熙三十八年秋八月河溢衝塌

### 堤根進埽搶護建築

七堡道月堤一道順長七百一十四丈緣雍正三年秋七月河勢生險衝決

### 大堤建築

昔賈魯治河其堤之名不一曰護岸堤曰刺水堤曰縷水堤曰截河堤曰石

舡堤埽之名不一曰岸埽曰水埽曰龍尾埽曰馬頭埽曰攔頭埽其法有至  
今仍之而不變者有不能行於今而可略仿其意者凡築堤捲埽之方俱詳  
歐陽玄河防記載入藝文不復贅叙嗣是而後有河防一覽行水經鑑等書  
至詳且悉後人講求而擴充之治河之法至於今而大備惟是機宜方略雖  
在神而明之而黃流自三門七津而下匯衆川而東注浩瀚澎湃晝夜沸騰  
非海門潮汐之來往長落有一定之晷刻也儀境跨河南北如北岸之三家  
莊尤爲今日喫緊之處相其衝激之勢而預捍衛之方二守四防不敢暇逸  
其庶幾乎

明潘印川先生所著河防一覽其說詳矣而摘其最要者則以不與水爭地  
一語該之蓋南北臨河大堤之外皆爲容水之地無論汎水之大小皆寬其  
地以予之小則河不出槽或與河灘相平大則河灘寬廣足以容受也若於  
大堤外多築一壩卽與水爭地一分迨至水勢衝擊勢不得不於壩外抵禦

是愈爭而愈激矣故凡灘地之民築土堰以自衛者實未知外沙日積內勢愈窪一遇大水衝潰勢若建瓴爲害較甚乾隆二十三年河督張公師載條奏堤外私築民堰有害堤工奉

旨嚴禁現勒碑兩岸云

### 汛防

河員以丞簿爲專職以縣令爲兼司宋時詔令府縣各置河防官一員迨後時移勢變工程日多一員不敷管理由是邑之丞簿皆分司河務近復置防守之弁專管河兵力作於是而防河之體制大備儀邑跨河南北兩岸俱各綿長丞簿二員千把二員南北分守庶無鞭長莫及之憂縣令遇有兩岸工程急需夫料者則支發而鳩集之河平則查防無懈水盛則護守加嚴協力同心以期安瀾奏績閭里無虞而已

儀封縣知縣一員兼管南北兩岸派僱夫役採辦物料並支發工價之責



儀封縣縣丞一員管束堡夫防守南岸堤工

儀封縣主簿一員管束堡夫防守北岸堤工

蘭儀巡檢一員管束堡夫防守北岸堤工

蘭儀二汛千總一員管束河兵分防懷河營北岸堤工

蘭儀二汛把總一員營束河兵分防豫河營南岸堤工

其河工採辦物料或印官或河官或增價或減價起用民夫或多或寡或徭編或僱直係全省一例通行隨時遵照辦理

### 堡舖

堡者哨堡也昔人於邊塞之地多設哨舖屯戍於此以備寇警也

國朝防禦之法上自都會以至通衢要津莫不有帶甲之士星羅碁布於其間故水陸衝途墩堡聯絡爲法至詳而防河之道與備寇同儀邑跨河南北兩岸大堤每一二里設堡房一座以爲河兵堡夫巡查憩息之所各貯簔笠畚

插之屬堡前懸小鐘一具遇有水漲險要情形鳴鐘警衆齊集防護上下相聯互爲照應所以衛井疆何異於戢奸宄而安堵無虞矣

南岸沿堤堡房三十四座月堤堡房二座

防堤堡夫八十一名內分

防守大堤堡夫一十五名

每名工食六兩在於道庫支領

防守縷堤堡夫五十八名

原額工食銀二百四十五兩二錢四分在於縣庫支領

加增工食銀一百二兩七錢六分在於道庫支領共銀三百四十八兩

防守七村堤堡夫八名

原額工食銀三十七兩九錢六分

加增工食銀十兩四分俱在道庫支領共銀四十八兩

北岸沿堤堡房三十八座

防堤堡夫一百四名內分

防守大堤堡夫五十二名

原額工食銀二百四十六兩八錢四分

加增工食銀六十五兩一錢六分俱在道庫支領共銀三百十二兩

守遙堤堡夫三十六名

原額工食銀一百九十兩二錢八分在於縣庫支領

加增工食銀二十五兩七錢二分在於道庫支領共銀二百一十六兩

新設堡夫十六名

每名工食銀六兩在於道庫支領

額設河兵七十一名內分戰守

戰餉兵丁一十三名

月大建每名應支餉米折銀一兩六錢七分

月小建每名應支餉米折銀一兩六錢一分二釐六毫六絲六忽七微  
守餉兵丁五十八名

月大建每名應支餉米折銀一兩一錢九分

月小建每名應支餉米折銀一兩一錢四分九釐三毫三絲三忽四微  
溝洫

自古王者欲行仁政必先經界謂正其溝塗封植之界也大禹既奠水土而盡力乎洫溝周禮溝洫之制縱橫於畝澮之間蓋蓄洩有資則兩暘無患儀邑土地平衍旱則乏灌溉之資澇則有浸溢之害歷蒙

聖明軫念豫省大發帑金勤求水利著有成效而濱臨大河之處土性虛鬆易於壅塞苟不隨時疏導數年之後漸成平陸惟每年於農隙時逐段挑濬一律寬深水少則藉以灌輸水多亦有所容受裕農桑之本收率育之功夫非

司土者之責與

東路龐家莊支溝一道宣洩龐家莊西北一帶陂水歸入東關路溝計長八里口寬六尺底寬四尺深五尺現在深通兩旁並無堤埝

東路十五舖岔溝一道宣洩十五里舖一帶陂水歸入考城縣境盤馬寺溝計長三十里一百一十丈口寬三丈底寬一丈四尺深五尺現在深通兩旁堤埝堅固

東南牛家莊幹溝一道宣洩牛家莊後堤根陂水歸入考城縣境沙河計長八里口寬一丈六尺底寬八尺深五尺現在深通兩旁堤埝堅固

南路呂家拐支溝一道宣洩呂家拐東西一帶陂水歸入老黃河計長五里口寬八尺底寬五六尺不等深五尺現在深通兩旁並無堤埝

西南周家河幹溝一道宣洩蘭陽交界大閣寺陂水歸入本境老黃河計長十三里七十五丈口寬四丈底寬二丈深五尺現在深通兩旁堤埝堅固

西路劉陳舖支溝一道宣洩蘭陽交界沿堤西來一帶陂水歸入老黃河計長二百五十丈口寬七尺底寬五尺深五尺現在深通兩旁並無堤埝

西路楊家莊支溝一道宣洩南岸三堡堤灣一帶陂水歸入西關護城濠計長五里口寬五尺底寬三尺深五尺現在深通兩旁並無堤埝

西路玉皇廟支溝一道宣洩趙家樓侯家莊一帶陂水歸入北關護城濠外順注東關路溝計長五里口寬六尺底寬四尺深五尺現在深通兩旁並無堤埝

北路大力集支溝一道宣洩北岸沿堤迤西一帶陂水歸入陶背大河計長三里一百二十五丈口寬一丈二尺底寬八尺深五尺現在深通兩旁並無堤埝

北路迴龍寺支溝一道宣洩北岸沿堤迤西一帶陂水歸入陶背大河計長三里六十丈口寬一丈底寬七尺深五尺現在深通兩旁並無堤埝

東北南丈廟支溝一道宣洩南丈廟西南一帶陂水歸入陶背大河計長三里六十丈口寬一丈底寬七尺深五尺現在深通兩旁並無堤埝

東北周家莊支溝一道宣洩周家莊迤東老窪陂水歸入陶背大河計長三里一百一十丈口寬一丈底寬七尺深五尺現在深通兩旁無堤埝

以上溝渠十有二道分布四境以資灌溉宣洩有裨田廬每歲農隙時疏濬深通勿令淤塞

### 橋梁

列樹以表道水澗而成梁王者修月令之政使民不病涉夏令十月成梁周制十一月徒杠成十二月輿梁成率於歲晚務閒鳩工集事自古迄今著爲令典儀邑溝渠溪澗紛錯潑洄故橋梁素備蓋旣獲深通之益必謀利涉之方廢者興之圯者修之於以達通津便行旅單襄公之論陳庶幾其可免乎爰於河渠之末並紀橋梁

大南關磚橋一座歲久傾圮

小南關磚橋一座歲久傾圮

大北關磚橋一座現在堅固

小北關磚橋一座現在堅固

東關外磚橋一座現在堅固

西關外磚橋一座現在堅固

十五里鋪磚橋一座現在堅固

縣西關路磚橋一座俗名楊橋橋接官路又曰官路橋

縣南五里磚橋一座俗名舊橋橋有三空又曰三空橋乾隆十九年里人田

### 中朝重修

李家莊東磚橋一座乾隆二十一年知縣于仁臣重修

沈興集東磚橋一座現在堅固



王家橋磚橋一座以姓名橋建於前明弘治年間今廢

蔡家寨磚橋一座乾隆十六年監生蔡應瑞建立

小宋集磚橋一座舊名渡蟻橋詳見古蹟

以上共橋一十五座俱係磚砌但得隨時修治堪垂永久其餘溪畔村澗架木填土興廢無常者不盡載

儀封縣志卷之五

食貨志

戶口

田賦

倉貯

漕規

驛站

鹽權

稅款

贖政

古者量民授田任土作貢故考其圖籍而賦稅可稽按其賦稅而徭役以準今亦猶行古之道也儀邑瀕河土田半雜沙礫加以洪水浸灌堤外之地日削前明萬歷間邑令張邦俊詳請一邑地畝區作三等起稅膏腴惟上斥鹵惟中堤壓河占惟下其後法久弊生康熙中邑宰范端力爲分鄉別里均平賦役至今賴之餘若倉額漕規郵符鹺政均皆裁定章程著爲令典至於卹民命實所以培國脈故備書以括之焉志食貨

戶口

語稱有德而人土財用繫焉蓋民以食爲天而國以民爲本是故食貨之志必先戶口儀邑舊時版籍經明季兵燹散失無存我

朝定鼎百有餘年列經編審茲謹登民數以徵繁庶原額丁戶一萬二千七十六丁

原額丁銀八百五十七兩二錢五分

自經崇禎末年兵荒水疫逃亡人丁四千六十六丁僅存人丁八千一十丁國朝順治十二年招徠復業人丁一千二百一十一丁又十四年奉文編審加增戶口一百五十丁又康熙二十八等年陸續奉文編審加增戶口一千七百九十五丁

實在人丁共一萬一千一百六十六丁

實在丁銀共七百一十三兩三錢

又自康熙三十二年以後至雍正四年陸續編審加增人丁八百七十二丁

應照則例加增丁銀六十四兩七錢共計丁戶一萬二千三十八丁共計丁銀七百七十八兩內除雍正四年六月內奉文歸併山東曹縣三則人丁一十八丁共派丁銀一兩四錢五分應歸曹縣項下

實在賦役人丁共計一萬二千二十丁共派征丁銀七百七十六兩五錢五分

自雍正四年以後至乾隆元年奉文

盛世滋生戶口人丁永不加賦

自雍正四年以後至乾隆二十六年編審止共新增人丁一千五十三丁  
新收人丁

順治十六年正月內奉文收併宣武衛人丁照現在丁銀準額

原準額丁戶四十一丁

原準額丁銀九兩五分

又自康熙十一年以後至雍正四年陸續編審加增人丁十丁加增丁銀一兩一錢共計人丁五十一丁共計丁銀一十兩一錢五分

自雍正四年以後至乾隆元年奉文

盛世滋生戶口人丁永不加賦

自雍正四年以後至乾隆二十六年編審止共新增人丁一百一十六丁

共計民衛丁戶一萬二千七十一丁

共計民衛丁銀七百八十六兩七錢

遵照雍正四年題准 部覆就一邑之丁糧均派於本邑地糧之內無論民衛紳衿富戶不分等則一例輸將

### 田賦

儀邑田賦區作三等糧田瀕河畎澮高卑燥鬱肥磽不同分別輸將法良意美然經猾吏奸胥輕重倒置安望均平况當明季戶口流亡土田荒落肅清

爲難治

國朝初年免荒征熟弊去其已甚者而猶未盡絕至康熙間按方定里大爲釐正而後上中下錯賦役始均是故有治法不可無治人司民牧者敢不審諸原額上中下三色共地五千二百四十七頃二十八畝九分九釐七毫

原額銀一萬五千五百七十八兩四錢四分五釐七毫五絲五微三纖一沙  
又萬歷年間加增九釐共銀四千七百二十二兩五錢六分九毫七絲三忽  
二項共原額銀二萬三百一兩六釐六毫七絲五忽五微三纖一沙

又遇閏月加額共銀六百六兩四錢五分八釐六毫三絲

連閏共額銀二萬九百七兩四錢六分五釐三毫五絲三忽五微三纖一沙  
內分

上地三千三百一十八頃七十九畝九分九釐三毫每畝照依賦役則例派銀五分五釐四毫四絲七忽九微六纖一沙五塵八埃七渺五漠

該共派銀一萬八千四百二兩六分九釐一毫三忽五微三纖一沙

河岸沙礮中地六百二十三頃一十二畝八分四釐每畝額征銀二分

該共派銀一千二百四十六兩二錢五分六釐八毫

堤壓河占不堪耕種下地一千三百五頃三十六畝一分六釐四毫每畝額  
征銀五釐

該共派銀六百五十二兩六錢八分八毫二絲

康熙十年十一月內 巡撫郎 具題

部覆臨河堤壓挖傷地畝本年十二月十五日奉

旨除豁土地二十頃八十五畝五分四釐二毫

應除豁地糧銀一百一十五兩六錢三分九釐一毫

雍正四年六月內奉文歸併山東曹縣上地六頃九十畝七分四釐八毫中  
地八十八畝七分六釐六毫下地一頃二十四畝七分八釐二毫

應除歸併地糧銀四十兩六錢九分九釐七毫

乾隆元年五月內 巡撫富 具題奉

旨豁除臨河南北兩岸堤壓柳占中地二十一頃五十畝九分三釐七毫四絲

應除豁地糧銀四十三兩一分八釐七毫

乾隆元年九月內 巡撫富 具題奉

旨豁除鹽礮上地一十四頃五十七畝四釐六毫

應除豁地糧八十兩八錢二分四釐三毫

乾隆九年六月內 巡撫碩 具題奉

旨豁除抑園沙礮中地一頃四十七畝八分七釐

應除豁地糧銀二兩九錢五分七釐四毫

乾隆十年十月內 巡撫碩 具題奉

旨豁除坑塘栽葦土地二頃三十六畝八分七釐四絲

四

河南建華印刷所承印



應除豁地糧銀一十三兩一錢三分四釐

以上共豁除歸併地六十九頃八十二畝五分六釐一毫八絲

應共除豁除歸併銀二百九十六兩二錢七分三釐二毫

實在三色行糧共地五千一百七十七頃四十六畝四分三釐五毫二絲內  
分

上地三千二百七十四頃九畝七分八釐六毫六絲每畝照依賦役則例連  
閏派銀五分七釐二毫七絲五忽三微四沙七塵三埃二渺

該共派銀一萬八千七百五十二兩四錢六分一釐三毫三絲三忽五微三  
纖一沙

河岸沙礮中地五百九十九頃二十五畝二分六釐六毫六絲每畝額征銀  
二分

該共派銀一千一百九十八兩五錢一釐九毫四絲六忽

堤壓河占不堪耕種下地一千三百四頃一十一畝三分八釐二毫每畝額  
征銀五釐

該共派銀六百五十二兩五分六釐九毫二絲

以上三色行糧連閏共派銀二萬六百三兩二分一毫九絲九忽五微三纖  
一沙

內除紳衿停免雜辦銀五百三十一兩三錢應照數另行扣解

實征地銀二萬七十一兩七錢二分一毫九絲七忽五微三纖一沙

每地銀一兩應攤派丁銀三分四釐一毫八絲六忽二微五纖二沙二塵九  
埃二渺八漠三灰

共派丁銀六百八十三兩三錢七分一釐六毫

實征地丁二項除停免外連閏共征銀二萬七百五十五兩九分一釐七毫  
九絲九忽五微三纖一沙

又應補征黃丹價銀一十二兩一錢八分五釐六毫三絲五忽

新收

順治十六年正月收併宣武衛原額供軍樣田共地三十五頃四十一畝三釐全熟比照民田並照舊例起科連閏該原額銀一百三十七兩八錢五分一釐六絲內分

原額供軍地二十二頃二十一畝三釐比照民田起科查本縣民田三百六十步爲一畝每畝派銀五分五釐四毫四絲七忽九微六纖一沙五塵八埃七渺五漠衛地二百四十步爲一畝每畝比照民田則例折算止連閏該派銀三分七釐七毫七絲三忽六微六纖七沙七塵二埃四渺八漠連閏該共派銀八十三兩八錢九分六釐四毫六絲

原額樣田地一十三頃二十畝比照民田起科仍照舊例每畝連閏派銀四分八毫七絲四忽七微連閏該共派銀五十三兩九錢五分四釐六毫

該派丁銀四兩五錢六分九釐六毫

以上丁地二項連閏該共派銀一百四十二兩四錢二分六毫六絲

康熙八年四月新收更名原額地六百三十五頃八十九畝八分四釐五毫全熟內分

上地四百八十六頃三十六畝四分三釐二毫一絲三忽照依賦役則例每畝連閏派銀五分七釐二毫七絲五忽三微四沙七塵三埃二渺

該共派銀二千七百八十五兩六錢六分六釐五毫

下地一百四十九頃五十三畝四分一釐二毫八絲七忽照依賦役則例每

畝連閏派銀六釐八毫二絲七忽三微四纖三沙一塵四埃四渺五漠

該共派銀一百二兩九分三釐一毫

以上二項地畝連閏共派銀二千八百八十七兩七錢五分八釐六毫

該派丁銀九十五兩七錢二分六釐一毫

地丁二項連閏該派銀二千九百八十三兩四錢八分四釐七毫

又收歸德府考城縣更名原額小地六十四畝五分全熟仍照舊拆行糧地二十五畝八分比照民田賦役則例每畝連閏派銀五分七厘二毫七絲五忽三微四沙七塵三埃二渺

連閏該共派銀一兩四錢七分七釐七毫

該派丁銀四分九厘

地丁二項連閏該共派銀一兩五錢二分六釐七毫

又原有馬院額外荒田地一十四頃四十六畝三分四厘全熟每畝照依民田賦役則例連閏派銀五分七釐二毫七絲五忽三微四沙七塵三埃二渺連閏該共派銀八十二兩八錢三分九釐六毫

該派丁銀二兩七錢四分六釐

地丁二項連閏該共派銀八十五兩五錢八分五釐六毫

又額外陳言籽粒地三頃五十八畝六分一釐七毫照依賦役則例中地每畝派銀二分

該共派銀七兩一錢七分二釐三毫四絲

該派丁銀二錢三分七釐七毫

地丁二項該共派銀七兩四錢一分四絲

乾隆四年四月新收陳留縣寄莊行糧熟地二頃二十四畝九分五釐每畝照依賦役則例連閏該派銀五分九釐七毫九絲二忽九微七纖八沙三塵四埃九渺二漠三灰

該共派銀一十三兩四錢五分四毫

該派丁銀一錢一釐九毫

地丁二項連閏該共派銀一十三兩五錢五分二釐三毫

以上通共民衛更名丁地並補征停免連閏實征銀二萬四千五百三十二

兩五錢五分七釐四毫三絲四忽五微三纖一沙

額辦漕米九百石每石價銀六錢五分米價銀兩卽於應完丁地銀內按戶扣除共扣米價銀五百八十五兩

實應征連閏丁地等銀二萬三千九百四十七兩五錢五分七釐四毫三絲四忽五微三纖一沙不閏年分除辦漕米外實應征收丁地銀二萬三千二百二十七兩一錢八分八釐二毫四忽五微三纖一沙今照每年實在解支款項開後

一解河道河夫銀四百四十兩一分八毫

遇閏加銀十七兩八錢二分七釐九毫九絲

一支發南北兩岸槩夫工食銀四百四十兩二錢九分一釐八毫

遇閏加銀四十一兩

一解糧道漕米節省銀一百三十五兩

一解司停免銀五百三十一兩三錢

一解司撥協新淇二縣銀二千三十三兩六錢四分六釐五毫一絲八忽  
遇閏加銀一百八十九兩七分四釐三毫四絲

一解司驛站撥協改解銀九百九十六兩三錢三釐二毫

一解驛道留四等銀三百六十五兩四錢

一解本府儒學俸銀八十五兩

一解本府儒學門斗三名工食銀二十一兩六錢

遇閏加銀一兩八錢

一解下南河廳橋傘扇夫七名工食銀四十二兩

遇閏加銀三兩五錢

一解督糧廳皂隸二名工食銀一十二兩

遇閏加銀一兩



一解本府照磨所皂隸四名工食銀二十四兩

遇閏加銀二兩

一支本縣驛站馬夫草料等銀六百八十五兩

遇閏加銀五十二兩八錢五分

一支知縣俸銀四十兩八分五毫

一支門子二名工食銀一十二兩

遇閏加銀一兩

一支皂隸十六名工食銀九十六兩

遇閏加銀八兩

一支馬快八名工食銀四十八兩

遇閏加銀四兩

一支喂馬草料銀七十六兩九錢五分四厘八毫

遇閏加銀七兩一錢五分四釐七毫

一支禁卒八名工食銀四十八兩

遇閏加銀四兩

一支斗級四名工食銀二十四兩

遇閏加銀二兩

一支轎傘扇夫七名工食銀四十二兩

遇閏加銀三兩五錢

一支庫夫四名工食銀二十四兩

遇閏加銀二兩

一支舖司兵十二名工食銀七十二兩

遇閏加銀六兩

一支民壯三十名工食銀二百四十兩

一支管河縣丞俸銀三十五兩六錢二分七釐二毫

一支門子一名工食銀六兩

遇閏加銀五錢

一支皂隸四名工食銀二十四兩

遇閏加銀二兩

一支馬夫一名工食銀六兩

遇閏加銀五錢

一支管河主簿俸銀二十九兩四錢九分三釐九毫

一支門子一名工食銀六兩

遇閏加銀五錢

一支皂隸四名工食銀二十四兩

遇閏加銀二兩

一支馬夫一名工食銀六兩

遇閏加銀五錢

一支典史俸銀二十八兩七分四釐二毫

一支門子一名工食銀六兩

遇閏加銀五錢

一支皂隸四名工食銀二十四兩

遇閏加銀二兩

一支馬夫一名工食銀六兩

遇閏加銀五錢

一支本縣儒學教諭訓導各俸銀四十兩共銀八十兩

一支齋夫三名工食銀三十六兩

遇閏加銀三兩

一支門斗二名工食銀十四兩四錢

遇閏加銀一兩二錢

一支膳夫工食銀四十兩

遇閏加銀三兩三錢三分三釐三毫

一支各壇廟春秋二次祭祀并香燭等銀六十兩六錢三分一釐六毫

一支 關帝廟祭祀銀四十兩

一支儒學喂馬草料銀一十兩六錢九分八釐四毫

遇閏加銀九錢九分三釐七毫

一支修理 文廟銀八兩九錢一分五釐三毫

一支鄉飲二會銀六兩二錢四分三毫如未舉行原款解司

一支孤貧月糧花布銀十一兩六錢五分

遇閏加銀九錢

一支廩糧銀共九十六兩

遇閏年分解司丁地銀一萬六千四百九十八兩一錢四釐八毫八絲六忽  
五微三纖一沙

不閏年分解司丁地銀一萬六千一百四十二兩八錢六分九釐六毫八絲  
六忽五微三纖一沙

### 倉貯

州縣建立倉廩以裕積儲上關國計下濟民生歷代相傳法至善也耿壽昌  
之常平長孫平之義倉朱紫陽之社倉立法雖小異而其意則同蓋軫民依  
卽所以爲國計也迄於今法愈備而積愈饒根本之圖其在是與儀本瘠土  
頻遇歲稔惟儲蓄有資則旱澇無患矣

### 常平倉

康熙三十二年奉文以倉廩不敷積儲建倉五間

康熙三十三年奉文又建倉九間連舊遺增設共計倉廩五十一間額貯穀  
二萬石歲終奏銷

義倉

黑集村義倉一座貯捐穀二百三十九石七斗五升

堽陽集義倉一座貯捐穀一百九十四石八斗

以上共貯穀四百三十四石五斗五升於康熙五十四年奉文附入常平倉  
內奏銷

社倉

縣城內社倉一座貯穀一千四十九石四斗八升五合五抄四撮

沈興集社倉一座貯穀五百六十六石二斗九升四合

小宋集社倉一座貯穀一千二十四石八斗七合於乾隆八年奉文附入常  
平倉案內奏銷

按朱子論義社各倉云藏於州縣所惠不過市井遊惰至深山長谷之民雖饑餓瀕死而不能及云云儀邑分設城鄉獨存古意惟在儲之日充守之極固則獎勸稽覈之法其可忽諸

### 漕倉

原額穀數六千五百四十石乾隆十八年奉文撥濟江省穀二千石乾隆二十年奉文撥濟江省穀四千石現存並息穀六百三十一石九升六合九勺監倉

收貯民間俊秀捐穀歲終歸入常平倉案內奏銷

邦國委積以待施惠縣鄙委積以備洵饑卽值大荒大札民賴有濟以其備之者預也故舊名預備後乃改曰常平復益以義社等倉爲民父母者能使倉廩充實雖有凶年飢歲民無死亡流離是積貯者天下之大命也  
漕規



信圭 縣志 卷五  
飛芻挽粟所以供

天庾昔人見一水不通思荷插而往一粒不運思負米而趨誠重之也豫州平原曠野驅車服軛轉運艱難

國朝康熙年間酌量水陸遠近以定各府州縣章程其距水次在五百里之外者則征折色在五百里之內者則貢本色儀邑由陸路至衛郡水次二百餘里向屬派漕慈列科條以備遵守

額糧

本邑每歲應辦漕米漕豆共九百石向隨上中下三則民地內攤派每地丁銀一兩辦漕四升五合

耗米

每輸正米一斗外加耗米一升統計正米九百石應加耗米九十石

定價

每供漕糧一斗定價六分五釐限於應輸地丁銀內照數扣算統計漕糧九百石應共扣除地丁銀五百八十五兩

### 運費

本邑由陸路運至衛輝水次交卸計程二百四十里每石每里腳價銀一釐四毫共計腳價銀三百二兩九錢在於糧道庫項請領

### 驛站

置郵之設由來舊矣置用馬驛遞郵用步遞各因其邑境之衝僻道里之短長而酌其經費立爲章程自唐至德間軍需戎馬肆出孽牧未遑驛傳乏絕州縣取富人主郵遞當時謂之捉驛蓋稅外橫征民不堪命儀邑順治初年有司以驛站錢糧不敷供億遂令里書報戶科派民間養馬應差未及十年幸邀停止嗣後馬匹喂於官廊芻粟悉動錢糧而甌人走卒工食皆於正項支給由是無民瘠馬肥之嘆矣

本縣驛站

原額走遞馬四十六匹草料銀一千四百三十五兩二錢

原額走遞夫六十九名工食銀八百二十六兩四錢

以上草料工食銀共原額銀二千二百九十七兩六錢除荒實征銀二千四十八兩三錢八分一釐一毫加閏原額銀一百九十一兩四錢六分六釐六毫除荒實征銀一百九十兩二錢六分三釐四毫二絲連閏實征共銀二千二百三十八兩六錢四分四釐五毫二絲康熙十四年奉文通融計算裁四留六至二十年欽奉

恩詔准復二分其應支應裁實在銀數俱係糧驛道按年另造確冊 奏銷

協濟驛站

協濟新淇二縣驛所驢二十八頭牛一十三隻連管夫工食

撥協新鄉縣原額銀一千八百六十七兩二錢五分四釐

撥協淇縣原額銀四百一十六兩

以上撥協共原額銀二千二百八十三兩二錢五分四釐除荒實征銀二千三十五兩五錢九分一釐二毫加閏原額銀一百九十兩二錢七分除荒實征銀一百八十九兩七分四釐三毫四絲連閏實征共銀二千二百二十四兩六錢六分五釐五毫四絲康熙七年改充兵餉

撥協杞縣協濟銀四十二兩

皇清順治十三年十月二十三日奉文爲杞縣衝繁撥去馬匹外准留本縣馬三十五匹僅支行差衝苦申請原馬

裁減

走遞夫一十三名每名日減工食銀五分歲減銀二百三十二兩

現在驛遞馬二十四匹每匹日減草料銀一分歲減銀七十二兩

現在驛塘等夫二十四名每名日減工食銀五釐歲食銀四十三兩二錢

以上馬夫工料歲共裁減銀三百四十九兩二錢

支存

驛馬二十匹雍正四年五月於敬陳管見事案內奉文裁馬匹改撥禹州案在驛馬一十六匹每匹日支草料銀五分歲支銀二百八十八兩

驛馬夫九名雍正四年五月於敬陳管見事案內奉文裁夫二名改撥禹州實在驛馬夫七名每名日支工食銀四分五釐歲支共銀一百一十三兩四錢

塘馬夫一名日支工食銀四分五釐歲支銀一十六兩二錢奉文裁減應需銀兩該縣自捐給探馬夫一名日支工食銀四分五釐歲支銀一十六兩二錢

支遞夫一十二名每名日支工食銀四分五釐歲支銀一百九十四兩四錢

醫獸一名日支工食銀二分歲支銀七兩二錢鞍屨銀七兩二錢

額設買補倒馬銀四十二兩四錢雍正十二年四月於酌定驛棚事宜請旨遵行事案內奉文裁減馬價每補倒馬一匹議定價銀八兩五錢除該縣動用額銀買補倒馬外其下剩銀該縣奏銷後解貯司庫行解部

以上夫馬工料等項歲共支銀七百一兩二錢內除裁解塘馬夫工食銀一十六兩二錢該縣捐給實在支存正項銀六百八十五兩

通共驛站夫馬工料等項歲共支解銀一千五十兩四錢如遇閏月之年再行照例加給

按儀邑民間養馬應差起於順治六年知縣白國樑以本縣錢糧不敷令里書報戶養馬邑西走郡南走杞爲孔道更苦寧陵站路寫遠每遇急差馬輒倒斃民累甚重順治十五年巡撫都御史賈漢復特奏

允准照山東河南就便分馳官民賴以甦息

儀邑昔有種馬苦差原係暫寄喂養後累害難支明邑人太僕寺少卿楊謚自爲諸生時卽誓欲爲儀除此苦累後登朝於弘治元年特奏除豁他州縣有此差者咸得一體免豁云

### 鹽權

昔管子論鹽筴也凡男女食鹽之數皆覈計之蓋以民不能淡食而非產鹽之地全賴商人爲之轉輸然鹽有引引有課若私販行則官引滯惟在有司嚴其禁令則商民不困昔人修牢盆謹衡石商通吏懼而國用益饒民生攸賴其所以經理之方具在史冊儀不產鹽而行鹽則鹽權之有關於食貨顧不重與

### 原額

### 儀邑自

國朝初年向食山東阿城鹽額引二千五百九十二道每引一張運鹽一包每

鹽一包重三百觔每引應輸課銀五錢一分三釐六絲二忽共輸銀一千三百二十九兩八錢五分六釐七毫四忽康熙四年食改食天津衛鹽其額銀二千五百九十二道仍如前數鹽商運鹽辦課悉遵舊規邑中僅設鹽店一座商民兩便

新增

雍正三年川陝總督年羹堯以戶口日增額引不足 題請餘引多銷多領少銷少領三年一銷引數不拘又分認京引一百一十九道連前額引共二千七百七十一道每引應轉課銀五錢一分三釐六絲二忽共輸課銀一千三百九十二兩三釐八毫二絲如遇災傷本縣居民不能逐引盡售該商呈明鹽院通融隣邑代銷

乾隆十六年十一月奉

特恩每引加鹽十觔自十七年爲始至十九年止嗣後不據以爲例



稅款

周禮以九職任萬民而閭師之職各以其所任之事而貢其物此田賦正供而外雜稅興焉抑亦崇本抑末之意與嗣後庸調之法定有成額權酷之條立有專司與歲征徧行州編儀雖不通商賈而少閒民則其生計所存亦所以裕國也慈於食貨之後列其條目

牙帖

原額稅銀五兩二錢五分

新增稅銀五兩三錢二分二釐八毫

新認稅銀七十四兩九錢二分

代征本府牙帖稅銀一兩二錢七分七釐五毫

盈餘稅銀二百六十四兩二錢四分六釐一毫

老稅

原額稅銀七兩六錢

新增稅銀

盈餘稅銀十兩一錢九分

活稅

原額稅銀二十八兩六錢三分五釐

新增稅銀二十八兩一錢一分二釐七毫

盈餘稅銀一十四兩二錢四分一釐

當稅

原額稅銀二十兩

房地稅契

原無定額儘收儘解

以上諸款歲終彙報解司充餉

舊稅各款附錄備考

原額夏稅麥四千二百六十九石五升二合六勺四抄二撮起運以黃河坍  
場地折陝西闊布准三千八百八十石五斗六升八合八勺六抄餘京邊腹  
倉庫折銀准二百五十石存留一百三十八石四斗八升三合七勺九抄五  
圭

原額秋糧米七千三百一十七石三斗二升九合五勺二抄八撮起運以黃  
河坍場地折陝西闊布准六千六百五十一石四斗五升二合五勺五抄餘  
京邊腹倉庫折銀准四百五十石存留二百一十五石八斗七升六合九勺  
八抄八撮

原額絲二千四百三十九兩二錢起運以黃河坍場地稅二千一百九十五  
兩四錢三分三毫八絲五忽折京庫絹一百九疋二丈三尺一寸四分五釐  
五毫七絲七忽五微餘地稅二百四十三兩八錢一分六釐三絲五忽折京

庫絹一十二疋五尺七寸二分四釐九毫五絲二忽五微

原額草一萬一千一百七束八觔一十兩五錢九分四釐

原額棗一百九十四株科棗一十四石二斗五升三合七勺四抄易米六石七斗五升

原額桑九萬六千七百三十株該絲綿三千二百五兩八錢九分三釐五毫折京庫絹一百六十疋二丈九尺四寸六分七釐五毫

原貢胖襖八十七件折銀五十八兩五錢柏子仁五觔折銀一兩五錢

原收騾馬八十匹兒馬二十四匹每年解俵馬十匹喂養盤纏賠補銀二千一百四十兩五年一次隆慶二年奉例變賣五十匹

鹽鈔起運二萬二千二百八十五貫有閏月二萬四千三十三貫七百五十五文存留同

課鈔起運九千九百九十六貫五百八十文有閏月一萬八百二十九貫九

百二十五文存留同

站賦上馬一匹中馬二匹下馬一匹後加上下馬各一匹驢五頭後加至六頭牛十二隻後加至三十八隻其糧銀與官幫銀數視舊加十之三

屯賦沈興楊表溫其陳留四屯共地二百一頃三十四畝六分五釐三毫三絲共征銀四百九十兩九錢八分三釐六毫八絲

賙政

周禮大司徒以荒政十有二聚萬民首曰聚利次曰薄征既急予之以甦其生復輕取之以紓其力意甚厚也漢時賜民田租歷代亦多惠政蓋以金穰木饑古所時有必使旱乾水溢民無菜色而後賙政備焉故不能保無荒歲而能保無荒民至於鰥寡孤獨煢煢無告尤堪憐憫而愛養之者

國朝惠賙之政較歷代而愈宏一遇災稔頻施膏澤此仁心仁政在於天下不以一邑之小而不謹志之者也

## 賑濟

康熙六十一年議准河南開封等五府所屬各州縣雨澤愆期二麥失收其被災乏食貧民將所存倉穀石酌量動賑

雍正元年派大臣一員會同河南巡撫將逃荒乏食窮民速動常平倉穀查明戶口按數賑濟如常平倉穀不敷將分貯監穀并截留漕米賑濟其耕種無資衣食匱乏者酌量資給至有攜眷覓食不能回籍者查明招復

雍正三年秋七月開封等府淫雨河漲潰本邑大寨後堤議准本年夏秋以來河南雨水過多其有生計蕭條升斗無資以及田地被淹不得收穫房屋倒塌不安厥居者卽行賑濟

乾隆二十二年秋七月開封府屬報災儀邑被淹地畝一千三百餘頃奉文查明戶口賑濟共用賑濟穀三萬一千二百四石零

乾隆二十六年秋七月河決蘭陽儀邑西南北三鄉被災貧民五千二百餘

戶奉文撫恤一月口糧共用穀五千八百九十九石零

蠲免

康熙十八年夏秋不雨亢旱成災奉文蠲本邑地丁額征十分之三

康熙五十九年覆准河南開封屬州縣被災錢糧各按分數蠲免又奉查本縣民欠錢糧其有年久應免者復行豁免

雍正三年覆准河南開封府屬州縣被河水衝決田地難以耕種將每年額征地丁漕折等銀及康熙六十年六十一年雍正元年二年三年未完民欠地丁等銀悉行豁免

雍正七年蠲免本省丁地銀四十萬兩本縣亦在蠲免之列共免銀三千六百八十一兩二錢零

雍正十一年蠲免本省地丁銀四十萬兩本縣在蠲免之列共免銀三千三百九十三兩零

乾隆二十二年覆准河南開封府屬被災州縣地丁錢糧各按分數蠲免本縣被滄地一千三百餘頃共免銀二千九百一十一兩有零

緩征

康熙四十九年覆准河南開封府屬州縣雨水失時本邑四十八年未完地丁錢糧等銀緩至四十九年秋後帶征

雍正元年以河南屢被災稔民力未紓將康熙五十九年至六十一年緩征錢糧停征一年又將河南開封府屬州縣康熙五十九年六十年未完民欠在停征之外於二年帶征其六十一年未完民欠銀兩於三年帶征

雍正二年查明河南舊欠分作三年帶征又覆准河南康熙五十九年六十年舊欠錢糧於雍正三四兩年各帶征一半又將河南康熙五十九年至六十一年帶征錢糧并雍正元年未完民欠從二年起寬作五年帶征

乾隆二十二年覆准河南開封府屬被災州縣本年未完地丁等銀應作分



年帶征以紓民力本縣未完民欠銀四千三百九兩八錢零分作二十三  
五等三年帶征

借給

康熙四十二年覆准河南開封府屬州縣被災饑民動用倉穀借給

康熙四十七年覆准河南省開封等府所屬各州縣常平倉存貯穀石每年  
借給民間三分之一出陳易新今將新貯穀石亦照常平之例不必限定借  
數隨民便借給

以下賑濟蠲免緩征借給諸政救荒之策至詳至備亘古所無舊志闕而  
不書故籍茫無可考謹於近今數十年內確覈以著於篇以志儀民之幸  
焉

養濟院

本縣養濟院額定孤貧三名口每名每日支口糧銀一分歲支冬月花布

銀三錢三釐每歲共支口糧花布銀一十一兩六錢五分在於地丁正銀內給發院內孤貧除故頂新歲終冊報

### 普濟堂

本縣普濟堂二座舊存義田一千畝每歲分租收養鰥寡孤獨貧民每名每日支口糧穀一升鹽菜錢二文歲支棉衣一領於歲終冊報

普濟堂義田一千畝坐落河北岸小程家寨高家寺係邑人張師栻捐施佃戶杜起彩王章劉士舉吳剛董學孟孔傳琦張佩玉每歲租息係均分八堂支給貧民

### 田賦歷朝條議事由

儀地自大河北徙東西南北四面受水萬歷中民困難支知縣張邦俊於萬歷三十年申請上司分地爲三等其遠離河岸永得種收者爭上地其次則水退地出雖不獲歲歲耕種然有土可耕間或薄收者爲中地又其次則地

可行船風沙荒莽塌毀無常者爲下地條上駁查委勘得實詳允分別三等起稅立碑畝數載赤歷中

儀地又有荒田墾田賠田種種名色自崇禎十二年以後邑民疊遭兵荒水疫流亡過半其有地無人耕種者曰荒田順治二十奉文除荒征熟嗣又接年奉文招撫居民勸諭開墾於順治十三年從前荒地已盡報爲熟地曰墾田後河患頻仍隨地興工或挑河築堤插占夫廠及大堤南北沙噴淤漫寸草不生之土皆係有糧有差此儀近河地畝苦賠累者曰賠田儀自萬歷三年後瀕河民窮部議以輕糧闢布派儀後被新鄭獲嘉等縣竟以彼處重糧易儀輕糧等差計儀向年歲征不過一萬三千兩嗣加以各處五千兩從此儀民困憊難支萬歷三十八年間邑人工科左給事中張鳳彩在朝具揭投部致書河南省院司道府其時新鄭等縣亦願退還前以輕糧及張鳳彩以病卒於京其事遂寢

儀自萬歷三年乙亥以後歲辦夏秋稅課折色等項總依張江陵一條鞭之法至今未改其在萬歷年中南北兩岸好地每頃老戶征糧三兩六錢寄莊每頃征糧四兩三錢自萬歷三十年申請三等起稅之後又以中下地所除之糧扣加上地嗣又漸加漸添因不過釐毫絲忽不與校正至明末已至五分有餘求如萬歷初年輕糧不可得矣今上地征派畝數銀數載諸赤歷中地每畝二分下地每畝五釐自萬歷間至今未有增減

徐府侵田在嘉靖十一年均田之際有中山武寧王徐達佃戶陳留縣常志原之裔常濟暨李斐蕭通等冒援徐府佃戶各色以其祖洪武中隨衆應詔開墾儀封境內免科諸田捏稱徐府莊田投獻徐府既入均丈者四十餘頃嘉靖二十三年又有寄莊民及本縣民王良王臣羅澤等復效前尤充爲徐府佃戶將前項開墾暨續易民田復獻二百餘頃書吏飽賄潛通儀邑遂有徐府莊田之說嘉靖三十年陽城王公國光來知縣事洞悉奸弊軫念民隱

據邑民劉廷等呈告轉詳上官事乃昭雪隨以嘉靖二十三年復獻之地除首發改正外仍以前墾田七十八頃歸儀其前獻四十一頃於嘉靖四十三年查明歸儀詳見邑人僉都御史張鹵復田記

康熙七年知縣范端查儀邑田賦前明萬歷間分作三等起稅法久弊生狡點者將上作下規避徭役愚魯者頂虛爲實包賠糧差負逋者或逃或亡刊單猶曰上戶素封者多田多丁編審假爲荒絕昔爲上地今忽爲下今爲下地後忽爲上或種無糧之田或納無地之糧在冊與在野不符立法與民情不便今日若不早爲釐定則將來之遺害何堪於是均平田賦約法定令與民休息里則分方東西朔南各列所止分爲一十五里田則從里濱河之里田在水中厥田惟下堤北堤南波濤在中廬舍在岸土泥相半乾溼無常厥田惟中在浚之郊在浚之野禾不滄溺居不漂移厥田惟上賦則從田流水之田惟下厥賦亦下泥土之田惟中厥賦亦中郊原之田惟上厥賦亦上賦

定矣乃立法均里各里派上地二百二十一頃二十五畝三分三釐中地四十一頃五十四畝一分八釐下地八十七頃二畝四分一釐里均矣乃立法均戶有人無田者則給以田有地無人者則綏其人逃亡之丁則除之壯盛之丁則補之戶累者則恤其役則緩其供戶厚者則時其徵則公其徭蓋政令既定積弊咸除及乎期月已臻田賦均平之效是以闔邑紳士公請將三色地畝分派數目勒諸石以垂不朽云

田畝按方定里碑記

儀封縣原額上中下共地五千二百四十七頃二十八畝九分九釐七毫上地三千三百一十八頃七十九畝九分九釐三毫中地六百二十三頃一十二畝八分四釐下地一千三百五頃三十六畝一分六釐四毫自遭明末荒亂之後人民流亡土地荒蕪其中有有人無地亦有有地無人其遺下逃亡錢糧節年盡屬十牌里書包賠自康熙七年按方定里均里均派將逃亡糧

銀抵補清訖地畝俱足原額誠恐日久更變奸弊復生爲此刊石垂久今將十五里上中下實在地畝開列於後

計開

在坊里

上地二百一十六頃二十三畝三分五釐九毫

中地五十三頃二十九畝九分六釐

下地一百一十頃八十六畝二分三釐一毫

通德一里

上地二百一十九頃七十二畝七分九釐六毫

中地一十五頃九十九畝四分三釐三毫

下地四十八頃六十八畝六分六釐二毫

通德二里

上地二百一十八頃九十八畝六釐八毫

中地六十一頃九十五畝九釐七毫

下地一百二十六頃二十一畝六分七釐六毫

隱賢一里

上地二百二十四頃五十九畝五分八釐二毫

中地四十五頃七十五畝五分八釐七毫

下地一百三十六頃七十畝二分二釐五毫

隱賢二里

上地二百一十五頃五十三畝五分九釐二毫

中地七十五頃六十三畝八分八釐六毫

下地一百五十四頃一十四畝八分五釐

隱賢三里



上地二百二十五頃三十六畝六分九釐五毫

中地三十五頃六十八畝八分五釐六毫

下地六十頃五十五畝八分二釐九毫

隱賢四里

上地二百二十六頃四十六畝七分四釐八毫

中地六十四頃八十六畝三釐六毫

下地一百六十九頃三十二畝五分六釐一毫

崇化一里

上地二百四十八頃九十七畝七分五釐七毫

中地六十六頃四十四畝七分五釐

下地一百四十九頃三十畝五分七釐

崇化二里

上地二百二十三頃三畝二分三釐二毫

中地一十七頃四十六畝五分四釐一毫

下地六十一頃七十畝六分五釐五毫

崇化三里

上地二百一十九頃九十九畝八分七釐七毫

中地二十一頃一十六畝九分二釐七毫

下地四十八頃五十畝八分一釐五毫

垆陽一里

上地二百二十二頃五十六畝九釐五毫

中地六十頃八十二畝九分四釐一毫

下地一百二十五頃八十五畝八分六釐一毫

垆陽二里

上地二百二十三頃四十三畝九分七釐

中地十頃五十七畝三分七釐二毫

下地二十八頃七十九畝二分四釐六毫

麟遊一里

上地二百二十三頃四十一畝六分二釐六毫

中地二十五頃二十一畝六分一釐八毫

下地三十四頃八十一畝六釐

麟遊二里

上地二百二十一頃四畝五分五釐二毫

中地三十頃六十八畝九分八釐

下地三十五頃二十六畝五分二釐四毫

圈頭里

上地二百一十九頃四十二畝一分四毫  
中地三十七頃五十九畝九分二釐八毫  
下地四十五頃四十九畝四分四毫

信  
圭  
興  
示  
身  
王  
會  
1

儀封縣志卷之六

禮樂志

祭祀

慶賀

鄉飲

講約

賓興

考校

涖任

風俗

先王制禮作樂以治天下後世由之文物聲明於今爲盛儀邑民淳俗樸禮樂之原也以云治幽則肅明禋以云治明則昭綱紀記曰樂者天地之和禮考天地之序於以治神人和上下政之大也尙其加意於豆籩鐘鼓之先揖讓聲歌之外歟志禮樂

祭祀

州縣祀典凡社稷山川風雲雷雨之神皆附於天地而人所共尊矣顧登叙則必從其類以免錯雜故邑厲應從壇壝之類劉猛應從祈禱之類然後次及文廟似非所以照敬也我

朝聖聖相承崇儒重道典禮加隆茲謹照各志例首叙文廟而壇壝祠宇以次類及焉蓋登載不能無先後而實各有專尊云爾

文廟

凡壇廟祠宇坐落修建已詳建置門

每歲春秋上丁日致祭其

孔子特廟子孫自行奉祀

先期知縣率領陪祭各官齊赴文廟階下行禮教官滌器視牲並瘞毛血至期黎明各官衣朝衣齊集行禮

正殿

至聖先師孔子神位

祭品

帛一 白色

牛一

羊一

豕一

登一

鉶一

簋二

簋二

饗十

豆十

酒樽一

白磁爵三

四配東二位

復聖顏子

述聖子思子

四配西二位

宗聖曾子

亞聖孟子

祭品

帛四 白色

豕一

羊一

釧二

簋二

簋二

籩八

豆八

酒樽一

白磁爵三

十哲東六位

閔子損

冉子雍

端木子賜

仲子由



卜子商 有子若

十哲西六位

冉子耕 宰子予

冉子求 言子偃

顓孫子師 朱子熹 諡文

祭品

帛各一 白色 羊一 豕一 鉶各一

簋各一 簋各一 籩各四 豆各四

酒樽一 白磁爵三

祭文 遵乾隆九年頒發

維

先師德隆千聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香泮水膠庠益致嚴

於籩豆慈當仲春秋祇率彝章肅展微忱聿將祀典以復聖顏子宗聖曾子述

聖子思子亞聖孟子配尙 饗

東廡先賢三十九位 遵乾隆十八年頒定位次

遽 瑗 字伯玉衛大夫 澹臺滅明 字子羽武城人

原 憲 字子思宋人 南宮适 字子容孟僖子孫懿子弟

商 瞿 字子木魯人 膝雕開 字子若蔡人

司馬耕 字子牛宋人向魍弟 梁 鱣 字叔魚齊人

冉 孺 字子魯魯人 伯 虔 字子楷魯人

冉 季 字子產魯人 漆雕徒父 字子有魯人

漆雕哆 字子欽魯人 公西赤 字子華魯人

任不齊 字子選楚人 公良孺 字子正陳人

公肩定 字子中魯人

罕父黑 字子索魯人

左人郢 字子行魯人

原 亢 字子藉魯人

叔仲會 字子期魯人

邾 巽 字子斂魯人

琴 張 字子開衛人

秦 非 字子之魯人

顏 何 字子冉魯人

樂正克 周人

周敦頤 字茂叔宋道州營道人諡元

邵 雍 字堯夫宋范陽人諡康節

鄆 單 字子家衛人

榮 旂 字子祺魯人

鄭 國 字子徒魯人

廉 潔 字子曹衛人

公西輿如 字子上魯人

陳 亢 字子禽陳人

步叔乘 字子車齊人

顏 噲 字子聲魯人

縣 亶 字子象魯人

萬 章 齊人

程 顥 字伯淳宋河南洛陽人諡純

西廡先賢三十八位

林放 字子邱魯人

公冶長 字子長魯人

高柴 字子羔齊人

商澤 字子秀魯人

顏辛 字子柳魯人

公孫龍 字子石衛人

顏高 字子驕魯人

石作蜀 字子明成紀人

后處 字子里魯人

顏祖 字子襄魯人

秦祖 字子南秦人

宓不齊 字子賤魯人

公皙哀 字季次

樊須 字子遲魯人

巫馬施 字子期陳人

曹卣 字子循蔡人

秦商 字不茲魯人

壤駟赤 字子徒秦人

公夏首 字子乘魯人

奚容蒧 字子偕魯人

句井疆 字子疆衛人

縣成 字子祺魯人

公祖句茲

字子之魯人

樂欬

字子聲魯人

孔忠

字子蔑孔子兄孟皮子

顏之僕

字子叔魯人

申枏

字子續魯人

秦冉

字子開蔡人

公都子

張載

字厚宋陝西郿縣人諡明

東廡先儒二十三位

公羊高

周末齊人子夏門人

董仲舒

寬夫廣川人漢時江都相

杜子春

時元河南緱氏人漢劉歆門人

燕伋

字子思秦人

狄黑

字皙之衛人

公西蒧

字子尚魯人

施之常

字子恆魯人

左邱明

字子明左史倚相後魯中都人

牧皮

力牧後

公孫丑

齊人

程頤

正叔宋河南洛陽人

伏勝

子賤秦濟南人爲博士

后蒼

近君東海邳人漢時博士

諸葛亮

孔明瑯琊陽都人漢昭烈帝相

王通

仲淹河津人諡文中子

歐陽修

永叔廬陵人宋進士諡文忠

羅從彥

仲素劍州人宋楊時門人

呂祖謙

伯恭金華人宋進士諡忠亮

陳淳

安鄉龍溪人宋朱子門人

王柏

會之金華人宋何基門人諡文獻

許謙

益之金華人宋末元初金履祥門人

胡居仁

叔心餘千人明正統時文學

羅欽順

允升泰和人明弘治進士諡文莊

西廡先儒二十三位

穀梁赤

元始周末魯人子夏門人

孔安國

子國孔子十一世孫漢諫大夫

范仲淹

希文吳縣人宋進士諡文正

楊時

中立劍州人宋進士程子門人

李侗

愿中劍浦人宋羅從彥門人

蔡沈

仲默建陽人宋朱子門人

魏了翁

華父邛州人宋進士諡文靖

趙復

仁甫德安人宋末元初私淑朱子

吳澄

幼清崇安人元國子監丞諡文正

王守仁

伯安餘姚人明成化進士諡文成

高堂生

伯漢秦季魯人至漢時博士禮

毛萇

長公河間人漢河間獻王博士

鄭康成 諱元漢高密人漢時人

范甯 武子鄆陵人晉豫章太守

韓愈 退之南陽人唐進士宏詞諡文

胡瑗 翼之如皋人宋蘇湖教授諡文昭

司馬光 君實陝州人宋進士諡文正

尹焞 彥明洛陽人宋程子門人

胡安國 康侯崇安人宋進士諡文定

張栻 敬夫綿竹人宋時以癘補官諡宣

陸九淵 子靜金谿人宋進士諡文安

黃幹 直卿閩縣人宋朱子門人

真德秀 景元浦城人宋進士諡文忠

何基 子恭金華人宋黃幹門人諡文定

陳澧 可久都昌人宋末元初

金履祥 吉夫金華人私淑朱子諡文安

許衡 仲平懷慶人元國子祭酒諡文正

薛瑄 德溫河津人明永樂進士諡文清

陳獻章 公甫廣東新會人明正統進士

蔡清 介夫晉江人明成化進士諡文莊

陸隴其 稼書平湖人國朝庚戌進士清獻

祭品 東西廡各二案

帛二 白色

羊三

豕三

每案簋一

簋一

簋四

豆四

酒樽一

銅爵三

樂章

迎神樂奏咸平之章 無舞

大哉至聖 道德尊崇 維持王化 斯民是宗 典祀有常 精純並隆

神其來格 於昭聖容

初獻樂奏寧平之章 有舞

自生民來 誰底其盛 惟師神明 度越前聖 粢帛具成 禮容斯稱

黍稷非馨 維神之聽

亞獻樂奏安平之章 有舞

大哉聖師 實天生德 作樂以崇 時祀無斁 清酏惟馨 嘉牲孔碩

薦羞神明 庶幾照格



三獻樂奏景平之章 有舞

百王宗聖 生民物軌 瞻之洋洋 神其寧止 酌彼金罍 惟清且旨

登獻惟三 於嘻成禮

徹饌樂奏咸平之章 無舞

犧象在前 豆籩在別 以享以薦 既芬既潔 禮成樂備 人和神悅

祭則受福 率遵無越

送神樂奏咸平之章 無舞 望燎同

有嚴學宮 四方來崇 恪恭祀事 威儀雝雝 歆茲惟馨 神馭還復

明禋事畢 咸膺百福

舞生樂器舞器

康熙二十九年正月巡撫閩興邦裁定樂舞生六十四人

歌章四人

笙二人

簫二人

笛二人

琴二人

瑟二人

箎二人

塤二人

排簫二人

搏拊二人

祝一人

敔一人

鐘一人

磬一人

大鼓一人

執麾一人

引爵一人

舞生三十六人

舞器節

羽 籥 佾 舞 擇 民間

俊秀子弟爲之按禮有文舞武舞文廟止用文舞照初獻亞獻三獻樂章九十六字一字一舞取和樂發揚之意

祭器樂器藏諸學宮至春秋饗祀陳設堂上堂下東序西序籩豆靜嘉簫韶迭奏無不明不備之譏惟在加意收藏隨時增置庶足遠垂不朽

崇聖祠

雍正元年追封 孔子五代爲王爵禮與大成殿同

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向  
啟聖王叔梁公西二室南向

祭品 五案

帛五 白色

羊一

豕一

鴈一

簠二

簋二

籩八

豆八

酒樽一

白磁爵三

配位

顏氏無繇 字季路顏子父

孔氏鯉 字伯魚子思父

曾氏點 字子皙曾子父

孟孫氏激 字公宜孟子父

祭品 每位一案

帛二 白色

豕首一

簠一

簋一

籩四

豆四

豕肉一

每位銅爵三

東配

周輔成

字伯夫周子父

程

珦

字伯溫程子父

蔡元定

字季迪蔡子父諡文節

西配

張迪

字張子父

朱

松

字喬年朱子父諡獻靖

祭品

帛二

白色

簠一

簋一

籩四

豆四

豕肉一

每位銅爵三

祭文

維

王奕葉鍾祥光開聖緒盛德之後積久彌昌凡聲教所覃敷率循源而溯本宜

肅明禋之典用申守土之忱茲屆仲春聿脩祀事以顏氏曾氏孔氏孟孫氏

配尙 饗

孔門歷代封爵及從祀諸人年月考

周敬王四十二年魯哀公誅孔子曰尼父立廟於舊宅魯世世相傳以歲時奉祀孔子塚此追諡孔子之始

漢高帝十二年過魯以太牢祀孔子此用太牢之始諸侯王卿相至郡先謁然後從政此新官蒞任謁廟之始

東漢明帝十五年東巡至魯祀仲尼及七十二弟子此諸賢從祀之始親御講堂命太子諸王說經此講堂之始章

魏齊王一年祀孔子以顏淵配顏子配享始此

南齊武帝三年詔復立國學釋奠舞六佾牲牢器用悉依上公

北齊孝文帝十六年詔賓尼廟常別勅有司饗薦之禮改諡文聖尼父

隋文帝初制州郡學以春秋仲月釋奠樂奏咸夏此郡縣二仲釋奠之始

唐太宗二年尊孔子為元聖顏子為先師四年詔州縣皆立孔子廟此郡縣立文廟之始二十一年詔以左邱明卜

杜預范滂等二十二人並配享廟堂

高宗二年樂用宣和之舞

睿宗元年加贈顏子曾子並配享會子配享始此元宗八年進聖門十哲並會子從祀詔以顏子等十哲悉為坐像

以前此皆立侍也又十哲始此會子特為塑像坐於十哲之次因圖畫七十二弟子及二十二賢於廟堂二十七年

詔封孔子文宣王南向彼王者袞冕祭用十邊十豆樂用宮懸顏子贈國公西向配閔子等九人俱贈侯會子等七

十三人俱贈伯時復列曾子於諸賢之位宋太祖建隆元年詔用正一品禮立十六戟於文宣王廟門戟門之名始此增太學詞宇塑先聖亞聖十哲像畫先賢先儒像於東西廡之木壁兩廡之名始此太宗淳化四年詔先聖廟六

衛朔望焚香行香始此

真宗祥符元年加封孔子元文宣王封父叔梁紇濟國公母顏氏魯國太夫人妻元官氏鄒國夫人加封閔子等九人爲公曾子等六十二人爲侯左邱明等二十一人爲伯內王肅故蘭亭侯贈司空杜預故常陽侯贈司徒五年改封孔子至聖文宣王天禧元年詔崇文館雕印釋典儀注及祭器圖頒行諸路

神宗元豐六年封孟子爲鄒國公七年配食文廟位次顏子孟子配享始此荀况楊雄韓愈並封伯從祀徽宗崇寧元年封伯魚泗水侯子思沂水侯四年詔改文宣王廟曰大成殿大成殿始此大觀二年詔繪子思像從

祀四年詔孔子改執鎮圭廟門立二十四戟續贈弟子公夏首后處公肩定顏祖鄒單罕父黑秦商原亢樂欬廉潔爲侯從祀政和九年詔弟子封爵及郡縣犯先聖諱者悉改正三年進王安石配享士雋從祀五年詔州縣學皆賜

堂上樂一副正聲樂曲十二章春秋上丁釋奠則學生登歌作樂此州縣丁祭用樂舞之始欽宗靖康元年罷王安石配享猶從祀廟廡

高宗紹興十年以釋奠文宣王爲大祀孝宗淳熙四年黜王雋從祀

理宗寶慶三年封朱熹信國公紹定二年改徽國公端平二年升子思於十哲淳祐元年封周敦頤張載程頤程顥爲伯與朱熹並從祀黜王安石從祀景定二年封張栻呂祖謙爲伯從祀

度宗咸淳三年封曾子爲鄒國公子思爲沂國公配食大成殿位次顏孟之間子思配享始此是爲四配升顯係師於十哲進邵雍司馬光從祀

元世祖至元十年詔丁祭執事官員公服如其品陪位諸儒備帶唐巾行禮以前此猶用常服也十三年以雲南省平章賽典赤始建明倫堂購貯經史詔下其式於諸路明倫堂始此成宗大德十一年加封孔子大成至聖文宣王

仁宗皇慶二年進許衡從祀延祐二年詔天下學校皆建尊經閣建尊經閣始此六年進遠坂從祀文宗至順元年加封聖父爲啓聖王母爲啓聖王夫人加封顏子爲兗國復聖公會子爲鄒國宗聖公子思爲沂國

述聖公孟子爲鄒國亞聖公進董仲舒從祀三年加封聖配爲大成至聖文宣王夫人明太祖洪武四年詔定釋奠禮器各設高案邊豆簋盞悉代以磁五年罷孟子配享六年復祀如故十五年詔頒臥

碑置明倫堂左臥碑始此二十四年勅每月朔望太學祭酒以下行釋奠禮郡縣學長吏以下誦學行香著為令二十六年議定樂用登歌舞用六佾加大成樂器於天下學宮二十九年罷楊雄從祀

英宗正統二年進胡安國蔡沈真德秀從祀三年禁祀孔子於釋老宮吳澄從祀  
憲宗成化十三年詔孔子廟用八佾籩豆用十二郡縣樂用六佾籩豆各八

孝宗弘治九年進楊時從祀

世宗嘉靖五年詔頒御制敬一箴於郡邑學校皆行鐫石並刊程子四箴范氏心箴作亭覆之敬一亭始此九年釐正祀典改稱文宣王為至聖先師孔子大成殿稱先師廟四配稱復聖顏子宗聖曾子述聖子思子亞聖孟子十哲以下皆稱先賢左邱明以下皆稱儒詔天下文廟俱撤塑像易以木主國子監祭用十籩十豆府州縣學用八籩八豆樂舞皆用六佾悉去前代封號禮臣議以申張申黨為一人存根去黨罷公伯寮秦冉顏何荀况戴聖劉向賈逵馬融何休王肅王弼杜預吳澄十三人從祀改林放蘧瑗鄭康成鄭衆植服虔范甯七人於其鄉增入后蒼王通歐陽修胡瑗陸九淵從祀又詔學宮皆建啓聖祠叔梁紇以先賢顏路曾點孔鯉孟孫激配享先儒程頤朱松蔡元定從祀立啓聖祠始此

穆宗隆慶五年進薛瑄從祀

神宗萬曆十二年進王守仁陳獻章胡居仁從祀二十三年以周輔成從祀啓聖祠四十二年進羅從彥李侗從祀  
莊烈帝崇禎十五年詔先儒周敦頤程顥程頤邵雍張載朱熹改稱先賢位次在先儒之上

國朝康熙五十二年升祀朱子於十哲之列五十五年進宋儒范仲淹從祀文

廟雍正元年追封 孔子五代為王啓聖祠改為崇聖祠二年復祀先賢蘧

瑗林放秦冉顏何增祀先賢縣廩牧皮樂正克公都子禹章公孫丑復祀先

儒鄭康成范甯增祀先儒諸葛亮尹焞魏了翁黃幹陳淳何基王柏趙復金

履祥許謙陳潛羅欽順蔡清陸隴其又增入張迪從祀崇聖祠三年升先儒  
左邱明周敦頤張載程顥程頤邵雍六人位附於先賢是年刊布文廟及崇  
聖祠先賢先儒排定位次乾隆二年復先儒吳澄從祀文廟三年升先賢有  
若並列十哲十八年又頒正先賢先儒位次及丁祭陳設

### 社稷壇

縣社壇明洪武八年定制今因之東西二丈五尺南北亦二丈五尺高三尺  
陞各三級壇下前十二丈東西南各五丈繚以周垣門四北門入石主高二  
尺五寸方一尺剡其上去壇二尺五寸埋之神牌以木爲之共高二尺二寸  
方四寸五分座高四寸五分寬八寸五分硃漆青字一書

### 縣社之神一書

縣稷之神每歲春秋上戊日出主於壇祭之祭畢藏之

### 祭品



帛二 俱黑色

豕一

羊一

雞一

籩四

豆四

簠二

簋二

白磁爵三

祭文

維 神奠安九土粒食萬邦分五色以表封圻育三農而蕃稼穡恭承守土

肅展明禋時屆仲春敬修祀典庶丸丸松栢鞏磐石於無疆翼翼黍苗佐神

倉於不匱

風雲雷雨山川壇

每歲春秋仲月合祭

風雲雷雨居中

山川居左

城隍居右

祭品與社稷壇同惟帛用白色初獻先詣風雲雷雨次山川再次城隍

祭文

維 神贊襄天澤福佑蒼黎佐靈化以流行生成永賴乘氣機而鼓盪溫肅  
攸宜磅礴高深長保安貞之吉憑依鞏固實資捍禦之功幸民俗之殷盈仰  
神明之庇護恭修歲祀正值良辰敬潔豆籩祇陳牲幣

先農壇

先農壇雍正四年定制各縣與社稷壇同紅牌金字書

先農之神每歲仲春亥日致祭

祭品俱與社稷壇同祭畢各官衣蟒衣補服行耕藉禮知縣秉耒教官播穀  
典史執青箱

祭文

維 神肇興稼穡粒我蒸民頌思文之德克配彼天念率育之功陳常時夏

茲當東作咸服西疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願五風十雨嘉祥恆沐於神庥庶幾九穗雙岐上瑞頻書於大有

藉田

儀邑藉田向在適衛門外先農壇原地六畝除壇廟基址占地一畝一分實地四畝九分每年耕種收穫以供春秋二祭粢盛經費不敷支用嗣經詳明上憲飭撥鄰封藉穀銀兩幫補自乾隆十年以後俱係關撥杞縣蘭陽二邑乾隆十九年知縣于仁臣以本邑祀典告助隣縣事非體制爰捐俸四十八兩買邑民陳守福地八畝附八藉田連前壇地四畝九分共田一十二畝九分足充祀事或稍有贏餘糶價貯庫詳明 各憲在案

厲壇

按明史禮志云秦厲壇祭無祀鬼神春秋傳曰鬼有所歸乃不爲厲此其義也祭法王祭太厲諸侯祭公厲大夫祭族厲士喪禮疾病禱於厲鄭注謂漢時民間皆秋祠厲則此祀達於上下矣後世皆不舉行洪武三年詔郡邑復行之今因之以清明日七月望日十月朔日晡時致祭先三日有司移牒城隍神祭則奉其主於壇之正中南向以主其祭

祭品

豕三

羊三

飯米三斗

雩祭

雩祭祭天祈雨也禮月令仲夏大雩註吁嗟求雨之祭也爾雅說文夏祭奏樂於赤帝以祈甘雨玉篇亦謂請雨祭也左氏傳龍見而雩皆言爲百穀求膏雨祈有年也

祭文



二祭向無定期亦無專所因時舉行當與社稷山川諸壇略同

祈雨

香案陳設 龍干廟注水盈缸內插柳枝拜用蘆席僧道各一班開壇誦經各官衣素服步行至廟行禮宣疏文畢再行禮焚疏文揖退

祈晴

香案陳設 城隍廟拜用紅氈僧道各一班開壇誦經各官衣素服步行至廟行禮宣疏文畢再行禮焚疏文揖退

蜡祭

蜡者索也歲十二月合聚萬物而索饗之也周禮國祭蜡則吹豳頌擊土鼓以息老物其所祭之神一先嗇二司嗇三農四郵表暉五貓虎六坊七水庸八昆蟲故曰八蜡貓虎謂貓食田鼠虎食田豕迎其神而祭之也昆蟲謂驅昆蟲之神也以其皆有功於農故索而饗之冬祭也

祭文

竊維 尊神量涵天地愷澤徧於寰區功著古今仁風被乎奕葉既禦災而捍患大有頻書復阜物而安民羣黎徧德敬求先嗇錫福浚郊旱澇無虞雨暘不忒更祈司嗇加惠儀人稼穡豐登倉箱盈溢田畷効靈郵表是息貓虎有神豕鼠竄跡堤防崇隘水庸蓄洩昆蟲爲災驅除是力如茨如梁實穎實粒吹豳擊鼓報賽於西成薦幣陳牲祈求於冬日伏惟 諸神功在社稷敬抒鄙誠尙其昭格謹告

劉猛將軍

通志神爲南宋劉宰字平國金壇人光宗時進士仕至浙東倉司幹官告歸三十年卒以正直爲神驅蝗保穡又攷怡庵雜錄載宋理宗勅云爾故提舉江州太平興國宮淮南江東浙西制置使劉錡今特封爲揚威侯天曹猛將之神按通志與勅文名號官爵不同並識於此以俟再考雍正初年奉

旨建立劉猛將軍廟

祭文

田祖有神雅重吹豳之祀昆蟲無作禮嚴祭蜡之文祈求莫要於專司禱祀  
宜先於此日恭惟 尊神五德炎精兩間正氣廟食徧寰區之內鬱葱總荷  
栽培提封在梁汴之間蠕動尤祈彈壓來牟在望已托賴於天庥梁茨可期  
更仰資夫 神力殲其醜類植我嘉禾敢薦馨香用抒忱悃

凡邑中四境祠廟載入祀典者每遇春秋二祭照例按日次第舉行縣官或  
躬詣行禮或分委僚屬致祭隨時酌定

武廟

每歲春秋仲月及五月十三日致祭

前殿

勅封忠義神武關聖帝君



祭品

帛一 白色

牛一

豕一

羊一

籩十

豆十

酒尊一

五月十三日祭品不用籩豆加果品五盤

祭文

維

帝浩氣凌霄丹心貫日扶正統而彰信義威震九州完大節以篤忠貞名高三國

神明如在徧祠宇於寰區靈應丕昭薦馨香於歷代屢徵異蹟顯佑羣生恭值

嘉辰遵行祀典筵陳籩豆几奠牲醪

後殿

雍正三年追封三代公爵

光昭公正中南向

裕昌公東一室南向

成忠公西一室南向

祭品

帛各一 白色

豕各一

羊各一

籩各八

豆各八

酒樽各一

祭文

維

公世澤貽麻靈源積慶德能昌後篤生神武之英善則歸親宜享尊崇之報列

上公之封爵

錫命攸隆合三世以肇禋典章明備恭逢諷吉祇事薦馨

封人祠

祭品

帛一 白色

豕一

羊一

簠一

簋一

籩四

豆四

酒樽一

祭文

維 神默卜天心潛窺聖德川原共古長守周室封疆風雨常調永享儀城  
俎豆昔款門於旅館欣遇知音今列廟於宮牆幸蒙默廕茲當仲春秋敬修祀  
典

文昌祠

祭品同封人祠

祭文

維 神職司桂籍典握水衡彩徹河魁作浚郊之士氣光騰金璧振儀邑之  
文風高閣嶙峋映泮池而舒芹藻靈祠赫奕接巒序而聆鼓鐘茲值仲春秋丁

日率同閣學生徒薦薦明禮伏惟昭格  
名宦

晉

陸雲字士龍華亭人西晉時爲浚儀令

元

宋文玉字汾陽人至元中爲儀封令

明

于敬祖字德州人洪武中爲儀封令

許譽字長山人洪武中爲儀封令

胡澄字永清堂邑人天順庚辰進士爲儀封令

張鳳騫字鄒平人成化壬辰進士爲儀封令

王國光字及泉陽城人嘉靖甲辰進士爲儀封令

盧立志字 宜興人萬歷年間明經為儀封令

劉廷宣字方壺直隸人萬歷癸丑進士為儀封令

申佳允字素園廣平人萬歷辛未進士為儀封令

郁調元字 嘉善人崇禎時為主簿

馮 弼字 江寧人成化間為儀封訓導

鄉賢

漢

劉 昆 字桓公建武中官騎都尉

虞 延 字子大光武中官太尉

虞 放 字子仲桓帝時官司空

劉 軼 字君文劉昆子官太子中庶子

楊 倫 字仲理元初中特徵博士官常山王傅

宋

劉師道 字損之雍熙二年進士官太常寺少卿

王廷德 字 太平興國初年官邕州觀察使

明

李敏

字克勤永樂年間貢生官僉都御史

傅允

字克誠天順甲申進士官左參政

李恆

字彥常天順四年貢生官黃州同知

楊謐

字文寧成化己丑進士官兵部侍郎

李景繁

字邦泰成化己丑進士官左參政

翟通

字士亨成化壬辰進士官左參政

郭廷珪

字國器成化丁未進士官程蕪府知府

張原明

字孟復正德庚午進士官光祿寺卿

王增

字廷相之父 誥贈資德大夫

王廷相

字子衡弘治壬戌進士官兵部尚書諡肅敏贈太子太保

郭維藩

字价夫正德辛未進士官侍讀學士

劉愷

字邦傑大謨之父教諭贈中憲大夫

雷啟東

字震之弘治乙丑進士官戶部主事

劉大謨

字遠夫正德戊辰進士官副都御史

張瑛

字天順壬午舉人官東光縣知縣

張漢卿

字元傑正德辛未進士官戶科給事中

馬國貢

字正德丙子舉人官棲霞縣知縣

王教

字庸之嘉靖癸未榜眼官兵部右侍郎

謝夢顯

字嘉靖庚子舉人官自在州知州

張立

字惟中張鹵之父貢生贈中憲大夫

張 鹵 字召和嘉靖己未進士官大理寺正卿

張大綸 字鯉門鳳彩之父訓導贈徵仕郎

張鳳彩 字南隅萬歷戊戌進士官工科給事中

戴一松 字明庵萬歷己卯舉士官慶陽府同知

王徵逸 字 廷相之子蔭生官慶遠府知府

王安仁 字 萬歷癸巳貢生官真定府通判

尙觀光 字陞顯 官鴻臚寺序班

皇清

馬從龍 字容慶天啓辛酉舉人 本朝壬辰會試副榜官北流縣知縣

張 岩 字克已伯行之父庠生贈光祿大夫禮部尙書

尙金章 字紫雲順治己丑進士官按察使僉事

張伯行 字孝先康熙乙丑進士官禮部尙書諡清恪贈太子太保

名宦鄉賢二祠祭儀同東西兩廡

忠義

劉 煜 明武進士崇禎間爲汝南營練兵守備殉難

馬恆年

明邑庠生崇禎間為督撫盧象昇勦賊殉難

高興

明邑庠生崇禎間為流寇陷儀駕賊而死

高

羅

明邑庠生興之子流寇陷儀駕賊而死

謝欽

明孝子母歿廬墓三年知縣杜瑄為表門

田

密

明孝子母歿廬墓三年邑人王教為立傳

呂應

明孝子親歿廬墓三年以恩詔例給冠帶

段

續

明孝子善事祖母孀母累舉鄉飲大賓

許信

明義士正統間歲荒捐糧助賑建敦義坊

趙

義

明義士萬歷間歲荒捐糧助賑建敦義坊

杜瑜

明義士五世同居以恩詔例給冠帶

張自新

明邑庠生克敦孝義萬歷間歲荒助賑

張岩

本朝庠生克敦孝義順治間歲荒助賑

繩祖武

本朝廩生克敦孝義累舉鄉飲大賓

位次

忠烈居中楹

孝行居左楹

義士居右楹

節孝



段魏氏

明邑人段整妻守節矢志成化間旌表

李于氏

明邑人李嵩妻守節矢志成化間旌表

劉段氏

明邑人劉恕妻守節養親成化間旌表

段胡氏

明邑人段安妻守節矢志成化間旌表

傅劉氏

明邑人傅儀妻守節矢志弘治間旌表

喻胡氏

明邑人喻祥妻守節矢志弘治間旌表

黃蔣氏

明邑人黃智妻守節矢志弘治間旌表

侯王氏

明邑人侯端妻守節矢志嘉靖間旌表

謝孔氏

明邑人謝天恩妻守節教子嘉靖間旌表

張李氏

明增生張汝翼妻守節教子嘉靖間旌表

劉宋氏

明諸生劉松妻守節矢志崇禎間旌表

趙侯氏

明邑人趙汝登妻守節殉夫嘉靖間旌表

侯馮氏

明邑人侯剗妻死節殉夫嘉靖間旌表

張劉氏

明邑人張臺妻死節殉夫嘉靖間旌表

黃吳氏

明邑人黃文煥妻死節殉夫嘉靖間旌表

耿氏

明邑人杜機妻死節殉夫萬歷間旌表

辛梁氏

明邑人辛春妻死節殉夫崇禎間旌表

吳孟氏

明邑人吳繼周妻死節殉夫崇禎間旌表

張戴氏

本朝邑人張戊妻守節矢志順治年間旌表

張侯氏

本朝邑人張啓寅妻守節矢志順治年間旌表

張曹氏

本朝邑人張凝妻死節殉夫康熙間旌表

方劉氏

本朝邑人方良琮妻死節殉夫康熙間旌表

尙王氏

本朝貢生尙書妻守節矢志康熙間旌表

湯尙氏 本朝監生湯繼禹妻守節教子雍正間旌表

湯張氏

本朝邑人湯作霖妻守節矢志雍正間旌表

盧湯氏

本朝邑人盧殿臣妻守節教子乾隆二年旌表

馬張氏

本朝邑人馬香妻守節專姑乾隆二年旌表

張甯氏

本朝邑人張法行妻守節奉親撫孤乾隆二年旌表

位次

前明節婦居中楹

歷代烈婦居左楹

本朝節婦居右楹

忠義節孝二祠祭儀同名宦鄉賢

名宦祭文

維 靈功被儀城澤流浚水岳雲河雨湖撫字於昔年里豆庠籩報馨香於

今日慈惠上追古吏心版鏤銘循良下庇慈邦口碑作頌陳牲薦幣肅禋祀於歲時列姓書名垂典型於廟社

鄉賢祭文

維 靈毓秀乾坤篤生碩彥明良合德奮庸而庶績咸熙禮樂裊躬敷澤而兆民永賴洵屬岩廊碩望俎豆流光允爲閭里芳型井疆增色姓氏香於邑乘淩水未寒靈爽依於廟楹儀人永戴

忠義孝弟祭文

維 靈稟賦貞純裊躬篤實忠誠奮發貫金石而不渝義問昭宣表鄉閭而共式祇事懋彝倫之大性摯莪蒿克恭念天顯之親情殷棣萼楷模咸推夫懿德林泉特發其幽光祠宇維隆歲時式祀

節孝祭文

維 靈純心皎潔令德柔嘉矢志完貞全閨中之亮節竭誠致敬彰闔內之

芳型茹冰蘖而彌堅清操自勵奉盤匱而匪懈篤孝傳徽

褒章持沛乎殊恩祀事永昭乎令典

慶賀

叨膺百里難近

天顏而赫濯聲靈無遠弗届凡慶賀大端莫如拜牌拜詔拜牌之禮行之於常拜詔之禮行之於暫謹書之以備考稽

拜牌

凡恭遇

萬壽聖節縣正印官五更率邑中文武各官衣朝衣齋肅立丹墀下文東武西行三跪九叩頭禮其前後坐班日期遵

新頒例前三日後三日俱蟒衣坐班

儀仗

龍亭一

龍幄一

龍扇一

椅一

香亭一

龍傘一

梧杖一

盆一

立瓜一

臥瓜二

骨朵二

金鉞二

拜詔

詔書至本縣官員衣朝服具

龍亭彩輿儀仗鼓樂出郭外跪迎

詔書安

龍亭中隨班導引至公署跪於門左候八行三跪九叩頭禮跪聽宣讀畢叩頭

捧

詔安

龍亭仍照前行禮畢退班樂作行三跪禮

迎春

每歲有司預期塑造春牛並芒神立春前一日縣中文武各官吉服迎於東郊祭勾芒神至本日衣朝衣祭勾芒神訖各執綵仗正印官擊鼓三聲環鞭土牛者三

宋景祐中所頒土牛經其作土牛以歲之干色爲首支色爲身納音色爲腹立春日干色爲角耳尾支色爲頸納音色爲蹄

元至元中所頒土牛經土牛之色止以立春日爲法日干爲頭角耳色支爲身色納音爲蹄尾肚色不取歲干支式與宋異

明洪武初襲用元制正統中始用年庚制土牛色腹用歲之干支納音如宋法

### 國朝因之

謁朔

每月朔日長官及僚屬鷄鳴起昧爽謁

文廟仍率僚屬暨鄉約木鐸老人司約人等至公所宣講

聖諭儒學遇長官謁廟學師率諸生迎接行禮引入明倫堂講書望日略同

鄉飲

王制載前代養老之典備矣蓋四代立學首重引年而尊賢之意亦寓乎其中後世之鄉飲酒其風猶爲近古儀禮戴禮備陳其儀而發明其意非所以興起其孝弟之良而爲推行仁義之本與故孔子曰吾觀於鄉而知王道之易易也然則序長幼別賢愚美風俗廣教化無以古禮爲無益而等諸具文每歲正月十五日十月初一日於儒學行鄉飲酒禮前一日設坐習禮至日黎明宰牲具饌速賓僕以下主席率僚屬出迎於庠門之外三揖三讓而後升堂東西相向立贊兩拜司正揚觶曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外合鄉里無或廢墜以忝所生讀

畢司正飲酒飲畢司正揖賓僕以下皆揖隨舉律令案於堂之中引讀律令者案前北面立讀畢供饌案主獻僕賓酒交拜賓僕酬主人酒交拜介賓三賓衆賓以次酌酒飲酒供饌徹饌各交拜送賓三揖出庠門而退

### 位次

凡鄉飲酒禮序長幼崇賢良別奸頑其坐席以高年德劭者居上高年淳篤者次之以次序齒而列其有違條犯法者不許干與良善之席違者罪以違制敢有誼譁失禮者揚鱗者以禮責之主以州縣爲之位於東南大賓以致仕官爲之位於西北僕以里之年高有德者爲之位於東北介以次位於西南三賓以賓之次者爲之位於賓主介僕之後除賓僕外其衆賓則序齒列坐其僚屬則序爵列坐司正以儒學爲之揚鱗贊禮者以老成生員爲之

### 樂章

初歌鹿鳴之首章

次歌南山之首章



三歌湛露之首章

終歌天保之首章

鄉約

講約讀法之遺也其治宜於今其風近於古縣官每遇朔望謁廟後詣明倫堂講書所以訓士子講約所以迪鄉氓近亦有行之於明倫堂者於義未協蓋學宮爲造士之地講約則村農野老羣至環集教之以孝悌課之以耕桑城中廟宇城外關廂輪流宣講其四境遼遠當於大鎮聚衆之處行之俾共見共聞知所遵守

凡縣城廂及各大鄉鎮俱立講約之所設約正一人於舉貢生員內揀選老成有學行者爲之值月三四人揀選朴實謹守者爲之置二籍德業可勸者爲一籍過失當規者爲一籍值月掌之月終則告於約正而授於其副每月朔日舉行其先期值月預約鄉人夙興集於講約之所俟官長至及約正耆老里長皆至參官捐衆以次分左右立設案庭中值月向案北面立朗聲宣

讀

聖諭廣訓推說義理務在剴切講明紀善紀過值月者讀紀善籍其紀過籍呈約正及耆老里長各默視歲終考校善過彙冊報縣設爲勸懲之法

本縣講約之所附城關廂六處至期輪流搭廠設案城中城隍廟一處鄉鎮河南岸沈興集一處河北岸小宋集一處

賓興

三年大比鉅典攸關

朝廷開取士之科鄉里重明經之選儀雖褊小代有名賢每遇鄉試有司敬啟賓筵以賓禮相接合樂而餞之所以崇儒亦所以勵士豈特奉行故事已哉應試

有司逢鄉試之年於七月上旬擇吉舉賓興禮前三日使司禮者執簡邀應試諸生赴餞宴預日造天衢橋於儀門外及東郊餞處至日有司衣公服開

宴公庭用鼓吹導諸生諸生服藍衫入主者立公庭左諸生以次排列公庭下向上三揖主者行酒禮舉樂展宴宴畢具路費行餞禮畢諸生仍向上三揖辭謝鼓吹前導主者具儀簿躬送諸生過橋諸生皆乘馬先行主者送至東郊把蓋行祖帳禮諸生向上三揖拜別有司有司看諸生過橋畢返進士會試如鄉試禮加隆

報捷

舉人報捷縣官樹旗送捷報匾禮於其廬搭彩棚令地火甲執事躬致賀以榮重典

進士報捷如舉人禮加隆

郊迎

新科中式舉人至日有司率閭邑官屬具傘蓋鼓吹旗隊結彩出郊行禮如常儀

釋菜

用禮生導中式舉人至文廟行四拜禮畢迎赴公宴至縣以次行禮分坐縣令款宴鼓樂侑饌畢送之歸第

鹿鳴鷹揚各宴知縣或爲同考官或不爲同考官各隨班行禮例詳通志

考校

從來學校之政舉而後風俗美董率之道勤而後人文興古者皆以令領教事越自唐宋乃立經學博士文學助教遂以其責專屬師儒然考德行而察道藝化民成俗邑宰實司其權卽秉鐸是邑者亦惟邑宰勤惰是視今

功令程文課士蓋代聖賢立言而其人立品之邪正居心之踈靜福命之厚薄識者可以窺其微焉是故致治以教學爲先教學以考校爲重濂溪周子曰師道立而善人多其此之謂乎

觀風

泣任伊始校閱闈學士子文藝謂之觀風先出告示預訂考期至日封門面  
試其拔取前茅者酌給花紅獎勵

### 季考

按季而考謂之季考蓋至三月天道一變則學業亦宜益進於此別其優劣  
察其勤惰邑宰詳加評隲苟其不爽孰不奮興

### 月課

按月而課謂之月課昌黎韓子曰業精於勤荒於嬉古人月旦之評各有定  
日邑宰至期或有公務移學代行仍加評隲

### 童試

州縣考試童生遵奉學憲行文示期禮房預備試卷結冊諸童填冊投卷至  
期於五更時舉炮號集頭門唱名給卷鍵戶命題遵照乾隆二十四年新例  
書藝一篇經藝一篇五言八韻律詩一首先示招案嚴加覆試以絕代倩傳

遞之弊

泣任

凡新官泣任未到城一舍先告示官屬父老人等令洒掃應祀神祇祠宇預治牲醴比至城齋宿城隍廟詰旦到本衙門儀門前下馬從中道入宅祭竈祭宅神畢更衣朝服出大堂拜印畢向北設香案望

闕諭

恩升公座整堂儀開印信具書押凡參見禮先從皂隸次吏典新官坐受次屬官參見新官拱手答禮次佐官見出公座答拜諭僚屬查點倉庫匙鑰署判各房須知事件接見邑中紳士畢將所祭牲酒與官屬父老享飲

風俗

班孟堅有言剛柔緩急繫乎風氣爲風好惡取舍隨乎情欲爲俗而要之移風易俗之道是在有司舊志云儀俗千金之家獨秉耒耜土人之妻皆親井

夔富室大商不衣紈綺街巷不絕誦讀之聲少之事長不命之行不敢行不命之坐不敢坐一言有及人之曖昧過失者衆皆擯斥迨後民產漸耗士習始渝然尙有確然不變者數事民俗耻行詐力婚喪耻不如禮士大夫以勢力聞鄉里雖婦女皆知指斥之良由前輩之植本固而發源長故俗差近古若夫教化以防其漸勸勉益進於淳絜誰之責與茲將冠婚喪祭伏臘歲時錄其梗概以覘土俗民情亦獨幽風之詩荆楚之記而已

冠禮士大夫家子若弟十五歲加冠擇吉告祖廟會親族設宴子弟先拜祖若父命之冠然後冠再拜入席次日子若弟詣親族謝

婚禮士大夫家行六禮曰請期曰納采曰告廟曰迎親曰奠雁曰廟見庶人亦間有行之至其儀文豐儉各稱其家

喪禮初喪三日就殮孝子以訃聞三黨受弔百日後孝子親往謝弔凶服三年不離苦茨士大夫家親喪不作佛事風最近古

祭禮喪前一日行堂祭禮開喪前一日行啟殯禮發喪前一日行祭祖禮次行出喪禮葬後一日行虞祭禮期而小祥行小祥祭禮大祥如之歲祭於墓士大夫家立祠堂亦不廢墓祭

正月元旦祀神祀先卑幼拜賀尊長親族交相拜賀自一日至八日候雲物占年穀人畜豐嗇立春迎春觀土牛飲春酒上元家設燈前後各三日十六日早士女登高阜炙石人

二月二日煎餅辟蝎竈灰攔門辟災三日士祀文昌農祀土穀

三月一日士女赴棘針園禱祀設醮三日清明各家祭墓添土

四月八日親族各相送王瓜

五月五日食角黍飲菖蒲酒以艾懸門插頭辟毒小滿日以紙旗插麥中迎豐

六月六日以麩作醬侵晨取黃河水荷葉露踏細麴貯以備用



七月七日晡時婦女各穿針乞巧於庭十五日士民祭於墓

八月一日候陰晴占明春雨旱中秋禮月列瓜果相饋以月餅

九月九日士民以糕相贈貽登高飲酒

十月一日拜墓焚寒衣

十一月長至日親族交相拜賀與元旦同

十二月八日食粥二十三日祀竈除夕燒爆竹達旦名曰守歲

舊志載邑人馮泌曰冠婚喪祭禮之大者然冠禮俗不行久矣婚則有力之家時競侈靡而六禮反有未備惟喪與祭咸遵王肅敏公家藏集志節目略具士大夫家有喪不作佛事最爲近古葬以灰隔意取完固不惑於形家地脈之說尤人子掩親之盡善者若夫月令俗尙似不雅馴亦他處皆然存其近古者可也

按舊志修於康熙辛未迄今將七十年風俗略同惟有習焉不察初意良

厚而不能無流弊者夫遺棟滯穗寡婦之利隆古之風也然必本家所遺棄而取以爲利今本家方事穫斂而羣焉取之甚至所種木棉八九月間主者所收無幾乃男婦雲集恃衆採摘名曰轟花以至毆傷涉訟甚或釀成人命此則在在皆然而儀邑花地甚稠連界之考城蘭陽杞縣以搶花結訟者何歲蔑有習爲固然未能禁戢蘇長公云風俗誠厚不患於弱而貧誠薄不救其強與富今以古之厚意而染於習俗潛移默化之方其貴薰陶而漸漬也與

信 圭 鼎 示 年 万 册 卷

儀封縣志卷之七

官師志

周書曰唐虞稽古建官惟百內有百揆四岳外有州牧侯伯昔人謂後之州縣即古侯伯子男之國春秋時如所稱先茅之縣瓜衍之縣楚子縣陳絳縣老人之屬不可悉數則縣之爲號久矣秦置郡縣非創也後世因之又設丞以貳令設簿以掌簿書古以尉爲重後以簿先尉焉又古以令領教事唐宋以來始立經學博士助教專司教士歷代因革不同今建官分職各視縣之大小繁簡以爲差儀邑跨河南北兼司專司者各有責成而興賢衛民以至巫醫之流至於今而大備職思其居清和咸理人存政舉之道固徹上下而言之者歟志官師

官制

漢

令一員 丞一員 尉一員 長吏一員

東漢

令一員 丞一員 尉二員

晉

令一員 主簿一員 錄事吏一員

北魏

令長三員

隋

令一員 丞一員 尉一員

唐

令一員 正七品職田三頃五十畝月支俸錢四千一百祿米六十五石

丞一員 從八品職田二頃五十畝月支俸錢二千四百七十五祿米四十七石五斗

主簿一員 從九品職田二頃月支俸錢一千九百一十七祿米二十七石五斗

尉二員 從九品職田祿米月支俸錢與主簿同

錄事一員 職田祿米月俸錢

董令一員 職田祿米月俸錢

經學博士助教各一員 職田祿米月俸錢

### 宋

知縣事一員 正七品文林從事郎月支料錢一十五貫茶湯錢一十貫廚料米六斗麵一石五斗棗三十束柴一十五束春冬絹各五疋綿十兩

縣丞一員 天聖中置正八品從政郎月支料錢一十五貫茶湯錢一十貫米麥各二石

主簿一員 正九品迪功郎月支料錢一十二貫茶湯錢一十貫米麥各一石五斗

尉一員 從九品月俸錢米麥與主簿同

文學助教一員 從九品月俸錢米麥與主簿同

### 金

令一員 從七品職田五頃錢粟一十七貫石麴米麥各二稱石衣絹各七疋綿二十五兩

丞一員 正九品職田三頃錢粟一十二貫石麥一石五斗衣絹各五疋綿一十七兩

主簿一員 正九品職田二頃錢粟一十二貫石麥一石衣絹各三疋綿一十兩

尉一員 正九品職田錢粟麥衣綿絹與主簿同

元

達魯花赤一員 職田二頃俸錢二十貫

縣尹一員 職田一頃五十畝俸錢一十五貫

丞一員 職田俸錢與縣尹同

主簿一員 職田一頃俸錢一十三貫

尉一員 職田一頃俸錢一十二貫

典吏二員 俸錢各三十五貫

蒙古教授一員

明

知縣一員

縣丞一員

弘治十八年裁汰

主簿二員

典史一員

稅課司一員

正統二年裁汰

教諭一員

訓導二員

陰陽訓術一員

醫學訓科一員

僧會司一員

道會司一員



皇清

知縣一員俸銀四十五兩

縣丞一員俸銀四十兩康熙二十四年復置

主簿一員俸銀三十三兩一錢一分四釐

典史一員俸銀三十一兩五錢二分

教諭一員俸銀三十一兩五錢二分康熙三年裁汰十二年復置

訓導二員俸銀各三十一兩五錢二分順治十七年裁汰一員但留一員

蘭儀巡檢一員

蘭儀千總一員雍正五年增設

蘭儀把總一員雍正五年增設

陰陽訓術一員

土人任無俸

醫學訓科一員

土人任無俸

僧會司一員 土僧任無俸

道會司一員 土道任無俸

職官

漢明帝云郎官出宰百里上應列宿則凡所以興利除弊激濁揚清爾一不  
宜本實心以行實政詩曰豈弟君子民之父母其果何道之修而得此與至  
若贊府少府有協理之責廣文博士分董率之司官守具在可不慎哉

邑宰

舊志首列封人封人非宰也今載隱逸傳

晉

陸雲 吳郡華亭人晉太安年由太子舍人出補祀名宦詳循吏傳

唐

崔賢 籍貫失考唐太宗時為浚邑令

馮元叔 安陽人天后如意年由清漳令調任尋調始平令詳循吏傳

裴勝 河東人天寶十一載為浚邑令

宋

賈珙 滄州南皮人進士宋建隆年由水部員外出知浚儀縣詳循吏傳

張錫 福建閩縣人建隆年為浚儀令陞司門駕部二郎中詳循吏傳

董樞 真定元氏人乾德年為浚儀令秩滿遷殿中侍御史詳循吏傳

宋琰 淳化年任事

呂端 幽州人淳化年由開封縣調任浚邑後登台輔詳循吏傳

張錫 京兆人進士淳化年由太常博士監染院出知東明縣詳循吏傳

張詠 鄆城人進士淳化年為浚儀令陞荆湖北路轉運使詳循吏傳

賈昌朝 真定獲鹿人進士淳化年由殿中丞出知東明縣詳循吏傳

樂黃目 撫州宜黃人咸平年為浚儀令後權知開封府詳循吏傳

邢仲寶

曹州濟陰人大中祥符年由太常博士知東明縣詳循吏傳

賈蕃

籍貫失考宋神宗時為浚儀令詳循吏傳

按自晉迄唐有浚儀而無東昏則東昏境土必有割併浚儀者當時之邑宰自應入今之儀志至宋有東明而無浚儀大中祥符三年始以古浚儀改為祥符儀邑為宋之東明地如張錫京兆人賈昌朝邢仲寶三人為東明令自應入志了無疑義若董樞張錫福州人呂端張詠樂黃目賈蕃為浚儀令則與東明異縣似應俱入祥志而不應入儀志但大中祥符以前浚儀境土其東偏必隸東明則不得謂東明境內無古浚儀地土也且舊志亦載諸人今因之

金

王

毅

直隸大興人經義進士貞祐二年任事東明城陷殉節詳循吏傳

元

義

寸

系

三

卷

二

五

五

五

五

河南建華印刷所承印

宋文玉

通志無宋字河東汾陽人至元元年由戶部椽尹儀封祀名宦詳循吏傳

木滅刺沙

籍貫失考至元元年尹儀封曾築舊城

張士讓

籍貫失考 平尹儀封詳循吏傳

明

于敬祖

山東德州人洪武年知儀封在任九年祀名宦詳循吏傳

浦澤

籍貫失考洪武年任事

許譽

山東長山人監生洪武年任事後陞武昌府知府祀名宦詳循吏傳

顏仲璋

籍貫失考洪武年任事

喬嵩

山東人永樂年任事

高惠

陝西商州人永樂年任事

李昇

順天大興人永樂年任事

張享

順天大興人永樂年任事

倪俊 山東曲阜人永樂年任事

王衡 江南江浦人永樂年任事

閻威 山西壽陽人宣德年任事詳循吏傳

衛庸 山西聞喜人宣德年任事後陞光祿寺丞

郭鼎 山西深源人宣德年任事

馮綸 山東濮州人天順年任事詳循吏傳

胡澄 山東堂邑人天順庚辰進士成化年任事祀名宦詳循吏傳

張鳳 北直安州人成化年任事

徐寧 山東昌邑人成化年任事

錢貫 順天霸州人成化年任事

張鳳騫 山東鄒平人成化壬辰進士陞太僕寺丞祀名宦詳循吏傳

杜瑄 北直永年人成化戊戌進士弘治元年授儀封令後陞主事

周整 山西曲沃人舉人弘治四年任事

劉琰 陝西咸寧人舉人弘治八年任事

馬聰 山東章邱人舉人弘治十年任事

張法 山西安邑人舉人弘治十三年任事

萬祥 順天宛平人舉人正德四年任事

李漆 陝西武功人舉人正德六年任事

張舜舉 陝西武功人舉人正德八年任事調內鄉縣

傅貫 山東蓬萊人舉人正德十一年任事

韓邦彥 陝西朝邑人舉人正德十三年任事陞鄭州知州

趙榮遷 湖廣上津人監生正德十五年任事

潘潤 北直薊州人舉人正德十六年任事

周綜 錦衣衛人辛巳進士嘉靖元年任事

王庚 北直深州人癸未進士嘉靖二年任事累官至陝西布政使

李繼美 山東平度人舉人嘉靖四年任事

劉欽 江南臨淮人監生嘉靖六年任事

張瑩 江南丹徒人舉人嘉靖九年任事

王錦 北直曲周人舉人嘉靖十二年任事

張瑄 湖廣蘄水人舉人嘉靖十四年任事陞刑部郎中詳循傳

毛豸 湖廣荊州人舉人嘉靖十九年任事

隨鷗 山東魚臺人舉人嘉靖二十年任事以忤上官去任民悲之

谷鳳喈 江南營塗人舉人嘉靖二十四年任事

葛之奇 江南沐陽人監生嘉靖二十七年任事

王國光 山西陽城人甲辰進士嘉靖三十年任事祀名宦累官戶部尚書詳循吏傳

陶應龍 北直棗強人庚戌進士嘉靖三十一年任事累官至監察御史詳循吏傳



田西成 山西交城人舉人嘉靖三十四年由泰州州判陞任

齊宗文 北直昌黎人監生嘉靖三十八年任事

劉一孚 山東益都人已未人進士嘉靖四十一年由富陽調任歷官吏部郎中詳循吏傳

郭志學 山西澤州人舉人嘉靖四十三年任事

宗廷美 雲南臨安人舉人隆慶二年由湯陰教諭陞任

徐化 北直永年人舉人隆慶六年任事

趙維魚 山東齊河人甲戌進士萬歷元年任事

呂永富 順天固安人舉人萬歷五年任事陞覃懷通判詳循吏傳

顧夢鯉 字熙宇江南崑山人進士萬歷九年任事

周班爵 山東霑化人進士萬歷十三年任事旋調任祥符縣

薛同術 字樂山陝西韓城人舉人萬歷十四年任事

游悅開 江南婺源人舉人萬歷十五年任事詳循吏傳

趙任

山東膠州人癸未進士萬歷十六年

任詳循吏傳

孟熊

籍貫失考舉人萬曆十八年任事

孫文龍

江南太倉人進士萬曆十九年任事

李垂街

山西鎮安人進士萬曆二十二年任事

梅開先

湖廣武昌人進士萬曆二十四年任

張邦俊

陝西韓城人乙未進士萬曆二十六年任事詳循吏傳

張爾基

山西大同人萬曆年間任事

盧立志

江南宜興人舉人萬曆年間任事祀名宦詳循吏傳

李德性

北直永年人舉人萬曆年間任事

劉廷宣

北直山海衛人癸丑進士萬曆四十二年任事祀名宦詳循吏傳

李魯生

山東霑化人進士天啓元年任事

李長春

北直興濟人進士天啓年間任事

閻青雷 北直肅寧人舉人天啓年間任事

許國翰 陝西涇陽人進士天啓年間任事

徐方敬 陝西西安人舉人天啓年間任事

孟紹孔 未詳舊志據他傳增入今仍之

孫如金 山西沁水人貢生崇禎元年任事

黎玉田 陝西乾州人甲辰進士崇禎三年任事歷官直隸巡撫詳循吏傳

申佳陰 北直永年人崇禎四年進士六年任事行取遷擢主事祀名宦詳循吏傳

王九鼎 江南潛山人貢生崇禎八年任事詳循吏傳

何呈瑞 北直文安人舉人崇禎十年任事

范燦元 廣西桂林人舉人崇禎十三年任事

周室瑜 江南崑山人舉人崇禎十五年任事

皇清

安國珍山東肥城人貢生順治二年任事

白國樑滿州人順治四年任事

范 龍江南無錫人已丑進士順治七年任事

崔維雅北直新安人丙戌舉人順治十二年任事歷官湖廣布政使詳循吏傳

門四關陝西寧州人癸酉舉人順治十六年由白水教諭陞任

陳觀泰福建同安人癸酉舉人康熙二年任事詳循吏傳

葛維屏江南金壇人壬辰進士康熙五年由鳳陽府教授陞任

范 端江南如臯人廩生康熙六年任事陞袁州府同知詳循吏傳

崔鳴鷺北直內邱人辛丑進士康熙十二年由河津縣補任詳循吏傳

倪長犀江南贛榆人庚戌進士康熙十四年任事被劾去官詳循吏傳

白彥良江南武進人進士康熙十五年任事調湖廣雲夢知縣

王時雍北直深州人貢生康熙十七年由福建順昌知縣改補

屈福基遼東鑲白旗人例監康熙二十一年任事卒於官

劉繩武江南南陵人貢生康熙二十五年由定遠教諭陞任

朱弘士江南當塗人例監康熙三十年任事

王璋山西陽城人戊辰進士康熙三十四年任事

顧聞禮籍貫失考吏員由陝西汧陽縣補任

時樞廣西灌陽人舉人康熙四十年任事

倫之綱廣東開平人舉人康熙四十四年任事以憂去官歷任戶部主事

鄧廷相江西盱江人丙戌進士康熙五十三年任事因議加漕忤上官吞金

死詳循吏傳

李必緒本姓郭福建惠安人乙卯舉人康熙五十七年任事初從榜姓到任

後改正縣西捐義塚十畝

袁 珂江南華亭人貢生教習雍正元年任事陞任陝州知州歷任兵部員外郎

吳 耀浙江仁和人甲子舉人雍正四年任事以病告休

錢應榮浙江長興人附生捐職雍正四年由湯陰縣調任詳米不准願捐俸代辦

劉世貴滿洲正黃旗人監生雍正四年任事後被參革以疾卒于儀承領糶米後沿爲例

汪萬祚江南吳縣人監生雍正六年任事

梅 枚江西南城人辛丑進士雍正七年任事陞任禹州歷任山東泰安府知府

武錫彤湖廣孝感人廩生雍正十一年任事陞懷河同知

稽 琰江南無錫人生員保舉乾隆元年任事被劾去

黃道遠湖廣安陸人拔貢揀選乾隆三年任事被劾去

趙鶴洲山東歷城縣人附生捐職乾隆五年任事告老致仕

唐曾銘浙江海寧人丙午舉人乾隆十一年任事十五年被劾去

蕭潤山東福山人乾隆十五年由西平縣調任以西平任內事被劾去

鍾先麟湖廣淑浦人壬子舉人乾隆十五年試用調考城

于仁臣漢軍鑲藍旗人辛酉舉人乾隆十六年任事以憂去官

紀黃中直隸文安人監生乾隆二十四年由葉縣調任陞北河同知

王績山西文水人壬戌進士乾隆二十七年由寶豐調任

縣丞

唐

鄭汜 高宗時為儀封丞

鄭湜 高宗時為儀封丞

明

方國琛 江西貴溪人洪武年任事

王轟 陝西郃陽人洪武年任事

王英 山西河津人洪武年任事

褚中 北直贊黃人洪武年任事

徐璧 江南丹徒人洪武年任事

張綸 山東歷城人洪武年任事

秦慶 陝西葭州人洪武年任事

許仲璫 籍貫失考成化年任事

李性 北直真定人成化年任事

梁璧 廣東連州人成化年任事

孫隆 北直唐山人成化年任事

卷之七

河南建華印刷所承印



鄒 祥 江西瑞州人弘治年任事

韓 廣 江南五河人弘治年任事

弘治十八年裁汰

皇清康熙二十四年復設

沈天漢江南蕪湖人監生康熙二十四年由修武丞調任

潘尙智浙江德清人監生康熙三十二年由州同改授

周之鎬江南上元人監生康熙三十六年任事

張弘章江南丹徒人監生康熙四十年任事

謝 綬江南江都人監生康熙四十七年任事

鈕天祺直隸 人雍正元年任事陞江南山旰通判

劉國琮江南山陽人副榜貢生雍正三年任事

郭興祖江南江寧人職監雍正四年任事

趙學禮河南睢州人監生雍正九年任事  
李維坦江南山陽人職監雍正九年任事  
趙鶴州山東歷城人附生雍正十年任事  
朱沂江南寶應人監生雍正十一年任事  
張廣居江南銅山人職監雍正十二年任事  
楊濟江南丹徒人職監乾隆元年任事  
楊熙江南無錫人附生乾隆四年任事  
戴燾山東濟寧人州同乾隆五年委署  
柳霈河南太康人州同乾隆十三年任事  
張際盛江南銅山人監生乾隆十六年委署  
傅桂鏤黃旗漢軍監生乾隆十八年委署  
張弘業河南滑縣人監生乾隆十九年委署

席紹董江南吳縣人監生乾隆二十年委署

謝沈生江南武進人職監乾隆二十二年委署

張廷敬江南銅山人監生乾隆二十六年由考城縣主簿陞署

主簿

宋

孔維

開封雍邱人乾德年任事調滁州軍事推官詳循吏傳

元

劉毅

孔秀

明

冉旺

湖廣荊門人洪武年任事

于深

山西太原人洪武年任事

侯將仕

江南揚州人洪武年任事

曹英 陝西郃陽人洪武年任事

藥祥 山西遼州人洪武年任事

杜春 山東濰縣人洪武年任事

甄鞏 北直曲陽人洪武年任事

趙儻 山東壽陽人洪武年任事

段衡 陝西平涼人洪武年任事

彭玫 陝西咸寧人洪武年任事

秦聽 山西垣曲人洪武年任事

劉敵 北直高邑人成化年任事

馮廉 陝西平涼人成化年任事

劉璟 陝西延川人成化年任事

白琪 北直真定人成化年任事

李 鉞 陝西華陰人成化年任事陞江南華亭縣丞

淡 仁 江南徽州人成化年任事

閻文惠 山西定襄人弘治年任事

張 繡 陝西西鄉人弘治年任事

董 輪 北直廣平人弘治年任事

李 實 隆慶衛人弘治年任事陞山西清源縣丞

陳汝愚 陝西寶雞人正德年任事

王 端 山東臨清人正德年任事

王 鉞 山西沁水人正德年任事

馮 虞 陝西藍田人正德年任事

劉 相 山東夏津人貢生嘉靖年任事

譚 寵 江南邳州人嘉靖年任事

張時中 山西太原人嘉靖年任事

張志隆 四川太寧人嘉靖年任事

褚世良 陝西涇陽人嘉靖年任事

陳淵 江南潁州人貢生嘉靖年任事陞陝西寶雞縣丞

王餘慶 北直容城人嘉靖年任事

戴文卿 江南太倉人嘉靖年任事

曾榮輝 江西豐城人嘉靖年任事

任位 江西豐城人嘉靖年任事

陳銑 江南揚州人嘉靖年任事

陸希贊 江南滁州人貢生嘉靖年任事

牛角 山西長治人貢生嘉靖年任事

曹來貢 山東定陶人隆慶年任事

劉應元

山東博野人隆慶年任事

譚繼祥

陝西鄂縣人萬歷年任事

王伯川

山東臨淄人萬歷年任事

劉秀龍

湖廣靖州人萬歷年任事

鄭九經

山西石樓人萬歷年任事

盛以仁

江南武進人萬歷年任事由禮部儒士陞任序班

張念

陝西涇陽人萬歷年任事

余純華

江南婺源人萬歷年任事

丁廷炬

山東蒙城人貢生崇禎年任事

郁調元

浙江嘉善人監生崇禎年任事贈刑部主事祀名宦

張大節

郝藻

張金

王尙綱

路以廣

韓如斗

朱國泰

羊彙

王養廉

楊紹震

張耀垣

林文瑛

盧榮

葛龍衢

朱之範

翟九苞

萬建祚

黎元宇

沈諫

馬騏

以上二十人俱萬歷末年至天啓崇禎兩朝儀邑主簿籍貫失考

皇清

盛鑑北直清宛人貢生順治年任事陞知縣

沈正春浙江仁和人貢生順治年任事陞江西興國知縣詳循吏傳

龔光美浙江上虞人儒士順治十六年由延慶經歷調任

韓賓王浙江紹興人吏員康熙元年任事

王雲會浙江諸暨人吏員康熙四年任事

葉春浙江仁和人吏員康熙七年由白苑港巡檢陞任

趙基北直大興人吏員康熙十年任事卒於官



樓應宿順天宛平人吏員康熙二十年由江南丹徒縣主簿補任

方應登江南旌德人吏員康熙二十一年由山東諸城縣巡檢陞任

張鴻順天騰鑲衛人吏員康熙二十三年由經歷改任

許朝柱山東曹縣人監生康熙四十八年任事

馬勳正白旗漢軍監生康熙五十一年任事

王彙全江南婁縣人附生康熙五十五年任事

張文進江南清河人吏員雍正三年委署

顧秉衡江南吳縣人監生雍正十一年委署

王灃山東鉅野人監生雍正十三年委署

柯宜濬正藍旗漢軍監生乾隆元年委署

金人文浙江會稽人監生乾隆五年委署

謝鎮江南江寧人監生乾隆六年委署

王繼烈浙江山陰人監生乾隆八年任事

張漢江南山陽人監生乾隆二十一年任事

縣尉

唐

馮元常

相州安陽人高宗朝任事擢監宗御史詳循吏傳

元

也先不花

明

支子明

山西聞喜人洪武年任事

柴豫

陝西郃陽人洪武年任事

劉能

北直趙城人洪武年任事

張俊

北直邯臺人洪武年任事

趙通 山東霑化人 洪武年任事

畢耘 陝西富平人 洪武年任事

徐賢 山東德州人 洪武年任事

張端 山東平原人 洪武年任事

李舉 陝西扶風人 洪武年任事

于通 北直保定人 成化年任事

梅聰 江南鳳陽人 成化年任事

張泰 籍貫失考 成化年任事

倪銑 江南安東人 成化年任事

李瓊 籍貫失考 成化年任事

吳聰 江南揚州人 弘治年任事

陳大倫 湖廣麻城人 弘治年任事

胡 旻 湖廣孝感人正德年任事

蘇 曦 湖廣長沙人正德年任事

劉繼興 北直棗強人正德年任事

陳守用 山東禹城人嘉靖年任事

曾人漢 江西臨川人嘉靖年任事陞主簿

萬 秀 山東新城人嘉靖年任事

余 瑀 湖廣沅陵人嘉靖年任事陞吏目

許 譚 福建莆田人嘉靖年任事陞吏目

王 朴 北直河間人嘉靖年任事陞主簿

羅崇貞 江西南昌人嘉靖年任事

吳 奎 浙江仁和人嘉靖年任事

徐 諮 江西南昌人嘉靖年任事

任朝憲 浙江蘭溪人嘉靖年任事

楊子儒 北直河間人嘉靖年任事

陳嘉猷 陝西涇陽人嘉靖年任事

邱尙仁 山東蓬萊人萬歷年任事

余 曾 江西南昌人萬歷年任事

李 策 聞友直 張 琪

陳 懋 姚大夔 鄒希懋 王元通

李 英 糕光裕 川 雲 侯廣粟

宋應漢

以上十三人俱屬萬歷末年至天啓崇禎兩朝儀邑縣尉籍貫失考

皇清

程自盛陝西華州人吏員順治元年任事

梁 全福建莆田人監生順治九年任事有善政陞巡司詳循吏傳

孫惟懿浙江金華人吏員順治十五年任事陞桂陽巡司

祝鼎新北直大興人吏員康熙十一年由陳留縣尉補任

錢萬選北直順天人康熙十三年任事以憂去官

王時可陝西平涼人吏員康熙十四年任事以憂去官

李業新山西高平人吏員康熙十七年任事以憂去官

張仰曾北直新樂人吏員康熙二十二年任事

曲 伸山東德平人吏員康熙二十八年任事

許宗文浙江山陰人監生康熙三十二年任事詳循吏傳

劉世祿山東濟寧人吏員康熙四十四年任事

嚴 芳順天通州人吏員康熙五十年任事

陳嘉謨順天寶坻人吏員康熙五十八年任事

金芳順天大興人吏員雍正六年任事

倪長寅順天大興人吏員乾隆五年任事

朱登元浙江上虞人吏員乾隆十三年任事

潘鈞順天大興人監生乾隆二十二年任事

唐廷桂順天大興人例監乾隆二十三年任事

### 教諭

## 明

陳宗彛 浙江蘭谿人儒士洪武年任事

浦澤中 本省宜陽人貢生洪武年任事

王通 湖廣人永樂年任事

侯復 山西人永樂年任事

任才 籍貫失考宣德年任事

羅彥亨 江西廬陵人宣德年任事

張華 江南壽州人舉人宣德年任事

萬豹 江西人舉人成化年任事

馮文魁 湖廣人舉人成化年任事

孟輔 籍貫失考成化年任事

劉瑤 籍貫失考成化年任事

伏思輔 四川人舉人成化年任事有傳

郭璿 籍貫失考弘治年任事

晁先 山東人舉人弘治年任事有傳

李深 陝西武功人壬戌進士弘治年以華亭知縣改任有傳

趙忠 山東人舉人嘉靖年任事

郁時 北直人嘉靖年任事



王 璋 陝西人嘉靖年任事

曾志澄 福建莆田人舉人嘉靖年任事

唐良臣 湖廣長沙人嘉靖年任事

焦 通 北直南宮人嘉靖年任事

蕭應奎 廣東人嘉靖年任事陞國學

方 冕 山東德州人嘉靖年任事

劉國用 山東人嘉靖年任事

姜 瀾 山東夏津人嘉靖年任事

尹 相 江南太倉人舉人嘉靖年任事

黃 楨 廣西橫州人舉人嘉靖年任事陞興寧知縣

石敏仁 北直河間人嘉靖年任事

張 河 永寧州人舉人隆慶年任事陞西平知縣

張佩 陝西涇陽人舉人隆慶年任事陞府學教授

林瑄 福建南平人舉人萬歷年任事陞廣西博白知縣增修邑志

楊紹先 北直東安人萬歷年任事

李秉謙 本省涉縣人萬歷年任事

毛茂春 湖廣麻城人舉人萬歷年任事陞任國子監學錄有傳

劉繩祖 本省汝寧人舉人萬歷年任事

段絢 籍貫失考萬歷年任事

何箎 籍貫失考萬歷年任事

蔡馨明 湖廣人舉人萬歷年任事

陳啓祚 福建人舉人天啓年任事

熊山 光州人舉人崇禎年任事

屠振鐸 湖廣人舉人崇禎年任事

解散輿

陝西人舉人崇禎年任事

梁維新

本省孟縣人貢生崇禎年任事

皇清

董自修北直真定人貢生順治六年任事

高 托衛輝府淇縣人貢生順治八年任事由光州訓導陞任後陞懷慶教

授

張君美衛輝府汲縣人貢生順治十七年任事

康熙三年裁汰康熙十六年復設

傅 箕河南府嵩縣人貢生康熙十六年任事陞汝寧教授

范 瑄懷慶府河內人舉人康熙二十五年任事

王 維衛輝府新鄉人貢生康熙三十二年任事

王 鵬懷慶府孟縣人歲貢康熙三十八年任事

趙永清河南府永寧人歲貢康熙四十四年任事

呂復恆河南府新安人拔貢康熙五十一年任事

李 翁歸德府永城人歲貢康熙五十九年任事

杜 棠河南府洛陽人壬午舉人雍正三年任事

張天民衛輝府延津人拔貢雍正四年任事

楊作相衛輝府延津人辛卯副榜雍正十年任事

郭文煥懷慶府濟源縣人庚子科副榜乾隆十年任事

訓導

明

周 益 北直宛平人洪武年任事

李林叟 本省睢州人洪武年任事

朴文整 本縣人洪武年任事

張本 山東濟寧人永樂年任事

王守忠 山東東平人永樂年任事

張旻 陝西咸寧人舉人永樂年任事

徐士奇 湖廣公安人舉人宣德年任事

張俊 陝西鳳翔人舉人宣德年任事

劉懷 籍貫失考成化年任事

石瑛 籍貫失考成化年任事

馮弼 江南江寧人成化年任事祀名宦有傳

喻聰 湖廣江夏人成化年任事

張綽 江南居庸人成化年任事

黃銓 江南懷遠人成化年任事

葛茂 湖廣巴陵人舉人成化年任事陞教諭

陳繁 浙江海寧人成化年任事

董駿 山東歷城人貢生成化年任事陞芮城教諭有傳

朱紳 江南六安人成化年任事

方鑾 江南合肥人弘治年任事

董朝 山西平定人弘治年任事

陳謨 江南泰州人弘治年任事

侯寅 北直容城人弘治年任事

盧繼宗 籍貫失考弘治年任事

劉友義 湖廣漢川人嘉靖年任事

重朝綱 籍貫失考嘉靖年任事

齊寧 北直固安人嘉靖年任事

周仲德 四川江津人嘉靖年任事

何勝 浙江分水人嘉靖年任事

李蘭 北直人嘉靖年任事

王忱 浙江處州人嘉靖年任事

朱材 江南歙縣人嘉靖年任事

韓檠 北直清苑人嘉靖年任事

劉廷璋 山西陽曲人嘉靖年任事

宋佑 山東恩縣人嘉靖年任事

李行可 山東堂邑人嘉靖年任事

何桂 陝西長安人嘉靖年任事

秦鼎 山西崞嵐人嘉靖年任事

張仕 北直交河人嘉靖年任事

盧邦靖 山東博平人嘉靖年任事

徐迎 山東萊州人嘉靖年任事

邱自成 山東肥城人嘉靖年任事

吳文偉 湖廣漢川人嘉靖年任事陸洛陽教諭

何承謙 江南建德人隆慶年任事陸來安知縣

葉真 湖廣漢陽人隆慶年任事

原附 山西遼州人萬曆年任事

何正 本省靈寶人萬曆年任事

張垣 籍貫失考萬曆年任事

張文蔚 籍貫失考萬曆年任事

源溱 本省林縣人萬曆年任事

任性善 本省睢州人貢生萬曆年任事

馬騰龍 北直滄縣人貢生萬曆年任事



于行可 本省睢州人貢生萬歷年任事

胡修超 雲南人貢生天啓年任事

蘇湯宇 北直雄縣人貢生崇禎年任事

周之才 雲南人崇禎年任事

王 菊 徐邦彥 文學歐 鄭養性

魏有孚 趙白東 曹維新 房可大

張洪基 蔡先春 王 任

以上十一人係萬歷末年至天啓崇禎兩朝儀邑訓導籍貫失考

皇清

王徵賢陝西同官人貢生順治六年任事

陳 濬籍貫失考順治七年任事

郭萬仞籍貫失考順治八年任事

王用六彰德府涉縣人貢生順治九年任事陞固始教諭

王璣南陽府唐縣人貢生順治十六年任事

順治十七年裁汰康熙四年復設

張其勳衛輝府淇縣人貢生康熙四年任事陞延平經歷

劉元震本省南陽人貢生康熙十七年任事

張星輝南陽府新野人貢生康熙二十二年任事有傳

闕萬程本省光州人貢生康熙四十二年任事

徐琳懷慶府河內人附生康熙五十六年任事

張璜河南府偃師人貢生雍正三年任事

李大新汝寧府正陽人貢生雍正五年任事

劉颺汝寧府確山人貢生乾隆二年任事

吳閏陳州府西華人貢生乾隆七年任事

李廷杜陳州府西華人貢生乾隆十六年任事

楊道芳陳州府沈邱人貢生乾隆二十二年任事

楊克繩光州商城人貢生乾隆二十六年任事

儀封縣志卷之八

循吏志

邑宰

佐丞

簿尉

師儒

儀境本古東昏漢時東昏循吏渺渺無傳焉嗣後廢東昏而存浚儀則故壤必併入浚邑如晉之陸雲唐之馮元淑輩多歷年所邑人戶祝之與魯恭治牟卓茂化密並著績中州夫非慈惠之師與他如簿尉勤勞學博造士凡惠愛及人者永垂志冊焉我

國家吏治澄清凜官常而追芳躅班班可考用以昭示來茲庶幾心慕而力追

歟志循吏

邑宰

晉

陸雲字士龍吳郡華亭人六歲能屬文少與兄機齊名時號二陸幼時吳尙

書廣陵閔鴻見而奇之曰此兒若非龍駒當是鳳雛後舉雲賢良時年十六吳平入洛刺史周浚召爲從事謂人曰陸士龍當今之顏子也爲太子舍人出補浚儀令縣居都會之要名爲難理雲到官肅然下不能欺市無二價人有見殺者主名不立雲錄其妻而無所問十許日遣出密令人隨後謂曰其去不出十里當有男子候之與言便縛來旣而果然問之具服云與此妻通共殺其夫聞妻得出欲與語憚近縣故遠相要候於是一縣稱神明郡守害其能屢譴責之雲乃去官百姓追思畫其象配食縣社祀名宦

唐

馮元淑相州安陽人元常從弟武后時歷清漳浚儀始平三縣令右善去惡人稱爲神明與奴僕日一食馬日一秣所至不挈妻子常分俸餘以給貧窮世咸譏其近名元淑曰此吾性也不爲苦中宗降璽書勞勉付狀史官元淑約潔過於元常然剛直不及也終禮部郎中

宋

賈玘字仲寶滄州南皮人晉天福三年進士宋初爲刑部郎中終水部員外出知浚儀縣年七十卒玘性嚴毅善教子士大夫子弟來謁必諄諄誨誘以禮法相繩初通判鎮州墓鄉黨羣從之未葬者十五喪孤貧不自給者咸教育而婚嫁之子黃中眞宗朝仕至禮部侍郎

張錫福州閩縣人梁末劉君鐸任棣州刺史辟爲軍事判官棣爲鄆屬郡郡有麴務鄆以牙將主之頗橫恣民有犯麴三觔牙將欲寘於死君鐸力不能救旣而牙將盜麥百斛私造麴事覺錫判曰麴犯三觔求生不克麥盜百斛免死誠難時郡吏以使府牙將乞免錫不允固寘於法後爲淄川令不畏強禦專務愛民刺史有所徵不答由是銜之及代白其事於宰相馮道道知錫介直奏召爲監察御史遷陝虢觀察判官晉開運二年拜右補闕歷起居郎刑部員外郎開封府判官浚儀令司門駕部二郎中並以清節聞周顯德中

義

封

系

志

卷

八

三

一

河南建華印刷所承印

以老疾求解官授右諫議大夫致政宋初改給事中

董樞真定元氏人後唐太清中以獻書授校書郎累歷賓佐晉天福中爲左拾遺知樞密院表奏周廣順初爲左補闕世宗即位詔常參官各奏封事樞上平吳策淮南平遷浚儀令恭帝即位遷殿中侍御史太祖乾德初遷主客員外郎上書請代蜀蜀平通判劍州會全師雄叛攻劍州刺史張仁謙足疾不能戰欲棄城走樞固爭與賊戰敗之因招餘衆降仁謙飲樞令醉密殺降卒數百誣奏樞與賊通會中使自成都還備言其事太祖並召之庭辨曲直仁謙遂屈下御史臺鞠之黜宋州教練使以樞嘗獻西伐計遷北部郎中三年出兼桂陽監使上書請伐廣南詔益桂陽戍卒三千令樞統之開寶二年又上方略會劉鋹命內侍曾居實侵桂陽樞擊退之三年大舉伐鋹令樞率兵趨連口克之改兵部郎中權知連州後爲桂陽監張侃奏樞前在桂陽時賊事坐死史論曰董樞論平吳伐蜀及取廣南咸克舉之其多戰功而以貪

墨取敗惜哉

呂端字易直幽州安次人宋太平興國間歷知開封浚儀二縣臨事果決案無留牘卹農敦本家有蓋藏兩地之民戴之如父母後知蔡州吏民感其善政列奏借留太宗嘉予之太宗欲相端左右或曰端爲人糊塗帝曰端小事糊塗大事不糊塗遂登台輔及卒賜諡正惠

張錫字旼之其先京兆人徙家漢陽錫進士甲科爲試秘書省校書郎知南昌縣詔選能吏治畿縣乃以錫知東明始至今下曰吾所治者三恃力恃富恃賸者吾所先也歲終以治績聞樞密直學士李及薦爲監察御史丁謂貶崖州議還內地錫疏謂姦邪弄國本與天下共棄之今復還是違天意由是北徙雷州遷殿中侍御史權三司鹽鐵判官出爲荆湖北路轉運使改尙書兵部員外郎還判度支院爲京東轉運使淄青齊濮鄆諸州人冒耕河壩地數起爭訟錫命籍其地收租絹歲二十餘萬訟者亦息錫淳重清約雖貴



奉養如少賤時讀書老而彌篤初舉廣文館進士考官任隨以爲第一及隨死無子錫屢賙其家

張詠字復之濮州鄆城人太宗時登進士由崇陽令調浚儀令初令崇陽民以茶爲業詠諭之曰茶利厚官將榷之不若早自易也命拔茶而植桑民以爲苦其後榷茶他縣皆失業而崇陽之桑皆已成爲絹歲計百萬匹民富至今其任浚儀亦然量其豐歉察其勤惰勸民積貯閭里漸臻殷阜治績異等李沆宋湜寇準連薦於朝擢爲荆湖北路轉運使後詔知陳州歷官尙書

賈昌朝字子明真定獲鹿人晉史官緯之從曾孫天禧初真宗祈穀南郊昌朝獻頌道左召試賜同進士出身主晉陵簿賜對使殿除國子監說書孫奭判監獨稱昌朝講說有師法爲潁川郡王伴讀再遷殿中丞知東明縣詔試中書尋復國子監說書英宗朝晉封魏國公諡曰文元

樂黃目字公禮撫州宜黃人咸平間令浚儀上言州縣引見御前試時務策

取明於吏治達於教化者充選則官得其人而民得牧上嘉納之爲政簡默處劇而無廢事後權開封府持正奉法吏民畏而愛之有著述數百卷

邢仲寶曹州濟陰人大中祥符年由大常博士出知東明縣父昂太平興國中舉五經官至工部尙書知曹州事父昂抱疾上命中書召仲寶侍疾昂卒贈左僕射仲寶進秩

賈蕃籍貫失考神宗時爲浚儀令因縣民訴助役提刑趙子義罪蕃繫獄將自鞠之御史中丞楊繪御史劉摯皆上言論子義希王安石意欲藉以箝天下之口蕃由是知名

金

王毅直隸大興人經義進士累官東明令貞祐二年東明圍急毅率民間義勇數百人登陴拒守城破率衆抗戰力窮被執內有投戈向賊者毅以足踣之厲聲曰忠臣不佐二主汝乃降乎賊手办之不屈而死人高其忠節

元

宋文玉河東汾陽人至元初以戶部椽授從仕郎尹儀封發伏摘奸羣小惕息養老恤孤又復藹如春和主簿翟卒於官周其襯歸杞縣孟氏與族姪有隙姪結黨伐火叔家無噍類惟一女奴得出鳴於縣上官皆其黨與泥不行女奴訴於行省文玉一問得實黨與盡伏辜治儀三年士民思之翰林院編修張琬爲之作記祀名宦

張士讓籍貫失考至正間爲儀封令時當元末兵革疊乘井邑離析讓獨曉諭百姓不折一草一木堅守完城以待明兵之至而歸附之太祖隨以原官錄用民多賴以安輯

明

于敬祖山東德州人洪武間授儀封令十八年黃河水溢浚舊城敬祖賑窮拯溺備極撫循民賴全活二十二年遷今治城邑廟祀衙署次第創建興學

訓農實心行政九年遷擢去民如赤子之失慈母焉祀名宦

許譽山東長山人監生洪武己卯任儀封時當兵燹後民業盡廢譽勸諭招徠遇春秋耕斂必躬行田畝騎一驢隨一隸攜食糧所至村落父老聞驢鳴知縣官至爭迎謁之一如家人父子相爲勸勉民間井牧安寧盜賊屏跡永樂元年奏績遷官耆民劉成等詣闕攀留成祖諭吏部曰守令與民休戚觀民心愛戴可卜治行廉能即令復職賜鈔三千錠衣一襲踰年陞武昌知府祀名宦

閻威山西壽陽人宣德年爲儀封令時邑治新遷庶務草創附邑居民當轉徙之餘力役之後民氣未復威乃省刑薄斂加意撫循二年政成擴文廟舊基學校規模始具居廟三閱月工竣告成於先師乃歸邑人思慕不忘

馮綸山東濮州人天順年爲儀封令承歷任寬恤之餘禁網疎闊綸政尙嚴肅苞苴不納請托不行併力剪除豪強踰年匪類斂跡不敢橫行窮黎咸被

噓植後以遷擢赴京百姓感嘆咸謂在任使人畏去任令人思

胡澄字永清山東堂邑人天順庚辰進士癸未出宰儀封廉明平易軫念民艱儀邑接年荒歉戶口流亡聞新宰有惠政逋民雷通等千餘人先後荷擔歸業逐人量給籽種至犖獨無告之流尤如矜卹民氣漸蘇乃節新廟學興起人文訪求孝子節婦貧弱不能自進者力爲表章以維風化治行稱最上官交薦其賢賜璽書褒嘉調知杞縣耆民孔彥紀等詣闕泣留詔仍許歸令踰年擢監察御史學士尹直撰文勒石祀名宦

張鳳鸞字九苞山東鄒平人成化壬辰進士釋褐泣儀揚善懲惡不恃明察而物無遁形閭井安業時有道不拾遺之風修文廟堂齋學舍招集諸生絃誦其中三年奏績擢太僕寺丞祀名宦

張璿號鄂渚湖廣蘄水人嘉靖十四年由舉人宰儀邑才捷英發剛明有斷縣事當廢弛後賴以振興痛抑豪強邑有肆惡無籍武斷鄉曲衆莫敢撓者

數人密訪其穢跡按名懲治置之死人皆畏服又養老興學勸農課桑四境駸駸嚮治儀人至今思明作之政以璫爲第一詔徵比部郎中歷潯州知府王國光字汝觀山西陽城人嘉靖甲辰進士辛亥以吳江令調儀封令時儀封地畝半被黃流侵害家無蓋藏國光躬行節儉軫念民間疾苦罷無名之征除額外之索聽斷明敏案無留牘非命盜重大不輕遣役勾人刑清訟簡胥吏無所營私邑有奸民王良王臣羅澤等工於漁利巧於投獻明興功臣中山武寧王徐達奉旨錫之土田以報勳績向有成額定域載在令典乃徐氏後裔通同本縣奸民強占儀邑民田一百二十餘頃國光據邑人劉廷等詞白之上官力爲釐正徐氏始則恃強力撓後以賄誘國光毅然曰國夷其紀民受其殃官因以爲利死不爲也遂抗言於諸司徐氏乃悉歸侵地中原向係計畝論差儀邑久爲書算市奸欺隱間有膏腴上田反作河地遇重差大役豪猾全脫鄉愚獨當苦累國光察得其人明白曉諭令其自行投首如

過期不首及首而不實不盡即以其地沒官嗣後賦役均平偏苦窮黎尤感念刻骨儀人爲之勒石立祠未及期年以治行第一擢吏部司勳郎歷官刑戶吏三部尙書明史爲立傳祀名宦

陶應龍字見山真定棗強人嘉靖庚戌進士壬子春泣儀封廉靜寡欲約己裕民凡前令法之善者守而行之不事更張而地方安輯嘉靖癸丑師尙詔寇宋州郡邑羣牧爭獻計議勞費百出賊未至而民已重困應龍陰爲預備不動聲色迨賊勢已逼始集士民守禦賊竟不犯甲辰以父喪歸里邑士民攀轅河壩下至輿隸亦感泣丁巳服闋補諫垣拜侍御史

劉一孚字貞甫山東益都人嘉靖己未進士初任富順調儀封政尙寬平不事苛刻而幾務日興豪強自戢儀邑城隍廟建立南街規制宏敞其前後關張俱有界址正德時爲奸民侵占以致堂基湫隘一孚慨然釐正邑人感侯事神治民各得其道徵謝夢顯爲文紀之再踰期遷順天府推官轉吏部郎

呂永富號兩河固安人萬歷間以孝廉出宰儀邑潔已愛民往時河壩田賦有力者以膏腴作河田而冒復除貧弱以灘場既盡之田不能豁糧而苦賠累永富嚴稽民田察出豪強漏課以畝計者踰萬又不以干知於上惟用補賠累者之額而甦其生豫省白蓮教妖徒充斥永富掃其餘孽邑惡少有名扛柈槌會者大恣河朔永富發一伏而衆皆屏跡癸未夏河漲嬰城永富請築李景高口隣邑官民有倡爲利儀不利蘭之說中圖沮壞永富抗爭不遺餘力迨至工成儀人永賴焉泣任四年遷擢覃懷別駕邑中父老流涕遮道游悅開字信吾婺源人江寧籍舉人萬歷十五年泣任深厚沉默敷政不爲張皇明經術以造士除苛政以蘇民察詐冒舉廢墜善政不可殫述時值兩歲旱荒之後儀民擔荷轉徙悅開不安寢食本邑倉儲告匱捐俸出境採買救活災黎邑民賴以安集民間相勉爭先完賦曰無藉口凶歲以貽邑侯憂於是所司課歲賦之入儀邑稱最



趙任字元冲山東膠州人萬歷癸未進士授中書舍人出爲太平丞轉儀封令儀自甲申迄己丑患水旱厲疫者六年四野一空百物盡耗任適當其會又奉令督修堤防以十五里版圖役夫九千名旄倪鰥寡皆出荷畚杵公署盡圯賓至弗供任設施調劑悉本惻怛慈愛卒至民活役興邑蒙再造之福儀有時興大蠹號白刺者久爲民患訪察得實盡法治之掃除蝥賊百姓若獲更生焉

張邦俊字彥升陝西韓城人萬歷乙未進士爲儀封令儀邑瀕河向祇縣南一隅屢被水患自嘉靖二十一年大河北徙每逢夏秋異漲滄漫田廬民生日蹙加以設廠於北以防運道築堤於南以護寢陵賦役繁興度支紛擾邦俊寢食不遑徧訪邑中紳士父老擘畫詳明體卹周至將闔邑地畝區作三等土不灘塌禾不滄溺爲上土沙相半乾濕無常爲中堤壓河占不堪耕植者爲下申請三等起稅以紓民困上官奏准邦俊更請勒石垂諸久遠至今

賴之

盧立志號恪菴江南宜興人萬歷年間以明經舉於鄉謁選得儀封縣政教嚴明有土豪窩匪敗俗廉訪得實盡法處之奸宄戢志紀法肅清寒士窮黎咸蒙噓植其所設施措置率皆寓惠於威儀人頌之爲有鄭子產之風後遷擢去祀名宦

劉廷宣字方壺直隸山海衛人癸丑進士萬歷四十二年蒞任耿介廉明邑有灘場地畝本戶逋逃向來派賠胥吏每輕重其手貧弱苦累豪強賄免廷宣徹底清查糧地均平邑治文昌祠向僅一廛位置失所且漸就傾圮廷宣謀諸學博暨文紹山任鳳嶺諸生卜建櫺星門東廷宣爲文以紀其事後以陞任赴京士民如失所天祀名宦

黎玉田字藍川陝西乾州人萬歷間進士崇禎三年授儀封縣器宇豁達洞悉情僞有刁民誣良爲盜者究詰詞窮懲以反坐闔邑頌爲神明後以廉明

調知杞縣時有寇賊嘯聚單騎擒之民無戶庭之擾累遷至巡撫

申佳蔭字孔嘉北直永年人崇禎四年進士授儀封知縣縣故多盜佳蔭嚴保甲法盜無所容霑雨河決艤舟怒濤中塞其口捕大猾置之法以才調杞縣八年賊掃地王率萬人來攻城土垣多圯佳蔭募死士擊走賊因甃其城唐王聿鍵勤士將抵開封諸大吏惴恐集議曰留之不聽行守土者且得罪佳蔭曰惟周王可留之衆稱善用其計治行卓異擢吏部文選主事上備邊五策進考功員外郎佐京察大學士薛國觀傾少詹事文安之安之佳蔭座主也事連佳蔭左遷南京國子監博士久之遷大理評事進太僕丞閱馬近畿聞李自成破居庸嘆曰京師不守矣君父有難焉逃死馳入都遍謁大臣爲畫戰守策皆不省貽子涵光書曰行己曰義順數曰命義不可背也命不可違也天下事莫不壞於貪生而畏死死於疾死於利死於刑戮於房幃於戰鬪均死也死數者不死君父蓋亦不善用死矣今日之事君父之事死義

也猶命也我則行之京師陷冠帶辭母策馬至王恭廠從者請易服以避賊  
佳蔭曰吾起微賤食祿十三年國事至此敢愛死乎兩僕環守不去給之曰  
吾不死也將擇善地焉下馬旁見灌畦巨井急躍入僕號呼欲出之佳蔭  
亦呼曰告太安人有子作忠臣勿過傷也遂死年四十二贈太僕少卿諡節  
愍

本朝賜諡端愍傳載明史祀名宦

王九鼎字在德安慶潛山人崇禎八年由選貢出宰儀邑凡遇詞狀批令親  
故和處其有不聽者當堂傳集兩造曲直立判無不心服笞不過十至巨奸  
積蠹則必盡法處之懲一警百宵小斂跡民間歲賦之入預立限程踰期不  
至命里老各傳諭村落不使吏役滋擾民感其德輸將及時歲饑力請上官  
施賑儀邑城垣自嘉靖三十四年交城田侯西成洩治易女墻以磚歲久盡  
頽城門空設時當流寇猖獗蹂躪中原諸邑九鼎憂之與邑紳士馬從龍徐

思捷等合謀創建磚城五閱月而工竣及賊衆壓境侵偪南郊遙望言言雉  
堞輒回戈他走儀得安堵如故邑人至今頌保障之功瀕行立祠志愛

皇清

崔維雅字惕菴北直新安人丙戌舉人順治十二年知儀封縣承鼎革兵燹  
之餘邑治荒落任事四載百廢具興整理學宮纂修縣志葺城隍廟以肅祀  
典建養濟院以卹孤窮聽斷精明廉能大著奉文讞積年黑獄董嗣清等二  
十三人已擬重辟維雅推究原委知係挾讐扳累具詳開釋頓洗沉冤又捕  
獲數夥衆盜首頓玉所宋際明王士海諸人其餘黨類各鳥獸散由是井牧  
安輯雞犬無驚後以才能遷擢歷任湖廣布政使

陳觀泰福建同安人癸酉舉人康熙二年任儀封縣興廢舉墜儀邑之有磚  
城創自前明王令九鼎歲久漸頽雉堞剝落觀泰憂之請於上官不動公帑  
首先捐俸紳士義民感激樂輸計修全城八百十有四丈庀材鳩工譴訶不

聞儀人踴躍赴役七閱月告竣至今稱之儀民張翮董工役亦傳爲好義云  
范端江南如臯人廩生由墾田例於康熙六年補儀封令涖任七載潔已愛  
民儀邑田賦自前明萬歷間知縣張公邦俊區作上中下錯三等起稅經上  
官奏准遵行乃法久弊生胥吏輕重其手或種無稅之田或輸無田之課在  
冊與在野不符歷經編審仍多假借端乃力爲釐正務劑均平里則分方田  
則從里削逃亡之戶補壯盛之丁狡黠者不得規避徭役愚魯者不至賠累  
糧差立法嚴明積弊盡剔闔邑紳士勒石以垂不朽後以才能陞山東兗州  
府黃河同知

崔鳴鷺字文繻直隸內邱人順治辛丑進士康熙十二年由山西河津尹補  
授儀封令邑地瀕河黃流漫溢蔡家樓一帶尤險上官命築遙堤挑引河竭  
蹶工竣而河患如故鳴鷺蒞任齋宿虔禱越三日河伯効靈順流東下康熙  
十三年奉檄徵兵掃除餘孽路經邑東棟城口時當二麥將登不堪蹂躪鳴

驚浹旬露處力爲防護大將軍以崔令廉明加意約束部伍秋毫無所犯民不失業連歲工役軍需胥吏借端滋擾察出一二巨奸懲以重法餘皆惕息越二年以憂去官邑人愛慕爲立德政碑

倪長犀字六通江南贛榆人庚戌進士康熙十四年知儀封縣一本爲學之道爲政動法古人勸農課桑單騎巡行郊野毫無擾累禮師儒興文教署前設立義館與邑諸生按月考課手披口授比戶詩書文風丕變分校乙卯鄉闈所拔皆知名士惜其政尙嚴察抗忤上官卒爲當事所忌被劾

鄧廷相字淡中江西盱江人丙戌進士康熙五十三年知儀封縣遇事有擔荷治尙嚴肅上下有等凡千犯名分者雖小必懲丁酉九月蘭邑有無知之徒被邪說煽誘事覺株連儀民蘭令指名飛提廷相詢明誣扳原委具文回覆蘭邑捕役昏夜叩關搜索廷相登城斥之居民得脫然無累後以議加漕運忤於上官與邑父老垂涕相告曰吾寧死必不肯爲爾邑貽後患越日含

忿吞金而卒事賴以寢百姓至今哀之

簿尉

唐

馮元常相州安陽人舉明經及第調浚儀尉高宗時擢監察御史劍南道巡察使歷尚書左丞劍南有盜夜掠人晝伏山谷元常喻以恩信約悔過自新賊相率脫甲面縛賊平縛廣州都督安南李嗣仙殺都護劉廷祐劫州縣詔元常詰之率士卒航海馳檄先示禍福賊黨多降元常斬首惡而還雖有功猶以拂旨見怒不錄三徙終不得至京師卒爲酷吏周興所陷下獄死神龍中旌其家大署曰忠臣之門

宋

孔維字爲則開封雍邱人乾德四年九經及第解褐東明鄆陵二主簿開寶中禮部再奏爲考試官調滁州軍事推官太宗即位擢授太子左贊善大夫



知河南縣通判滑梓二州太平興國中就拜國子周易博士代還遷禮記博士七年使高麗王治問禮於維維對以君父臣子之道升降等威之序治悅稱之曰今日復見中國之夫子也九年判國學事雍熙初遷主客員外郎三年擢爲國子司業賜金紫會將有事於籍田維起周禮至於唐書凡沿革制度並錄之以獻觀者稱其博

元

孔秀寧陵楮垌村人孔子五十三代孫懷抱卓犖有幹理才時當南宋末葉客遊四方結交當代名士元世祖定鼎詔求天下文學之彥當道薦秀召見授儀封縣主簿上以聖裔特加禮焉秩滿致政置莊宅於邑之崇化鄉再傳至希先入籍於儀

皇清

沈正春浙江仁和人順治初年由貢生任儀封主簿才守並著有以私相干

者毅然作色曰縣簿雖職卑俸薄斷不受暮夜金躬行節儉以惜民力濬築河堤累月宿露餐風不辭勞瘁上官優之工竣陞江西興國縣令瀕行邑人餞於郊外冠蓋遮道梁全福建蒲田人監生順治間爲儀封尉勤慎自持奉公守法出郊勸農課桑洞悉民間疾苦遇鄉曲有爭忿以理平之諭以終訟之凶衆皆輸服三年遷擢行李一襪被而已儀人勒石誌之以書字知名許宗文字瑞章順天大興籍浙江山陰人康熙三十三年任儀封縣尉以才幹操守見知於上官奉差運糧至湖廣又運糧至潼關又運糧至龍駒寨踴躍辦公屢以勤慎註冊出郊查勘息事寧人約束胥役潔已愛民儀人至今頌其德

師儒

明

馮弼江寧人成化間訓導儀邑廉靜有氣節慕天台陳選之風鐫石像自作

後

寸

系

示

卷

八

五

三

二

一

一

一

河南建華印刷所承印

贊題其上朝夕吟咏不輟文詞清逸一時知名士皆出其門儀邑名宦世祀封人鄰邑有誤祀者弼謂禮必有義祭不宜瀆詳請督學車璽力爲裁正封人之祀始定卽此可見風裁秩滿入籍於儀祀名宦

董駿山東歷城人成化間由貢生授儀封訓導貫通五經尤精易象手註河圖洛書疏解能以經學訓士按期考課內有文字荒略者援筆直書一一指陳其弊不少假借諸生苦其刻勵後皆感服久而思慕不忘越八年秩滿陞芮城教諭

伏思輔四川人成化間舉人任儀封教諭學問淵博考課嚴明婉轉開導有誨人不倦之風視生徒一如子弟有不率教者輒加怒責尋復樂育如初儀士傾心嚮往多所造就每談忠孝節義事輒毅然動色必詳究巔末援筆作傳以紀之邑中高行多賴闡揚

晁先山東人弘治間舉人授儀封教諭博學修行約束嚴明諸生肄業學中

者無間寒暑手批口授其學規條約悉做關西楊震遺程一時文風丕振弘治正德中儀邑人才類皆出其門下至今溯賢鐸者首推晁公

李深武功左衛人弘治壬戌進士由華亭令改任積學敦行不苟取予與邑人李英友善英客江淮屢分俸寄英後英挾厚貲旋里按年計息倍償深堅却其餘儀人並高其行

尹相江南太倉人嘉靖中授儀封教諭志行高潔動必以禮居恆自閑身心以及教授諸子專主主敬工夫每獨居一室闡發先儒語錄直接濂洛關閩之傳慨然以理學自任鄉前輩究心理學者皆敬慕之越三年致仕歸里毛茂春湖廣麻城人萬歷間由孝廉就教諭訓迪諸生務期明經修行季考月課確有箴規一笑一言悉有法度儀士重其品行益加敬謹由是門墻日盛秩滿擢國子監學錄

皇清

張星輝新野人歲貢生康熙癸未訓導儀邑殷殷訓士士多歸之性豪邁遊歷所至輒搜討幽潛憑弔勝蹟儀邑西郭舊有封人請見亭久委草蔓星輝喟然興嘆曰吾夫子停車之處風教係焉一旦澌滅至此繫誰之責慨然捐俸構亭三楹亭前爲橋橋前爲門閱三月工竣邑人周棐爲文記其事

杜棠字癡菴洛陽縣人康熙壬午科舉人任儒學教諭爲人卓犖英奇大異寒毡氣象其居官也惟以課士爲先務因材施教不拘一術卽時當河水衝突而孳孳不厭無分常變也講說一遵朱註制藝惟取成弘坐春風而被化兩者指不勝屈而浚川文風因蒸蒸日上矣適有丈八村生員王斌悞被窩娼坐罪卽力爲申愬事乃終寢其扶顛持危他事亦多類此甫三載乃以丁憂去任至今人思慕之

儀封縣志卷之九

選舉志

薦辟

科甲

貢生

封蔭

附職監三考

周禮大司徒以鄉三物教萬民而賓興之其時閭胥族師黨正州長之屬皆得操選舉之法而選士俊士造士進士之名起焉漢時取士多途曰茂才曰孝廉曰賢良方正東漢惟孝廉一途最盛自是而後科目漸增唐有秀才科明經科進士科至宋而進士科得人最盛前明以制藝取士并置科貢歲貢亦古里選之遺意我

國家重熙累洽治極文明應制科而獻其身者代有偉人復廣旁求不遺草野宜乎功業文章後先輝映猗歟盛哉志選舉

薦辟

漢

陳 平漢高帝封戶牖侯進封曲逆侯爲右丞相詳勳業傳

按平史稱陽武人但戶牖之卽東昏城前人言之鑿鑿東昏城實在儀境  
自應入志詳見封域條下

虞 延建武年爲戶牖亭長仕至司徒晉太尉詳忠烈傳

劉 昆建武年舉孝廉官光祿勳晉太子中庶詳文學傳

劉 軼昆子永平年爲太子中庶遷宗正後遂世掌宗正

楊 倫元初中徵博士拜武威太守遷大中大夫詳文學傳

虞 放建和年累官至尙書封都亭侯遷大司空詳忠烈傳

唐

格希元高宗朝爲洛川司法參軍同章懷太子註後漢書詳文學傳  
格輔元高宗朝舉明經遷御史中丞同鳳閣鸞臺平章事詳忠烈傳

吳 競開元年直史館修國史遷右拾遺官至諫議大夫詳文學傳  
朱忠亮永貞年封東陽郡王爲定難功臣加御史詳勳業傳

宋

孔守正太平興國年以武功遷都指揮贈泰寧軍節度使詳勳業傳  
石守信太平興國年以武功遷都指揮領歸德軍節度使詳勳業傳  
王 侁太平興國年以武功知靈州通遠軍都監詳勳業傳

劉廷翰太平興國年以武功領大同軍節度殿前都虞侯詳勳業傳  
尹繼倫淳化年以武功領長州團練使遷河西兵馬都監詳勳業傳  
和 峴建隆年授太常博士太平興國中轉運使詳文傳學

郭 載端拱年擢和泰州兼緣邊巡檢改知成都詳勳業傳

李繼宣咸平年領康州刺史累遷至西京水南都巡檢使詳勳業傳  
王延德咸平年累遷至東京舊成都巡檢贈邕州觀察使詳勳業傳



元

張誠道由選舉仕至元帥幕府

明

劉 恭洪武年以儒士舉歷任永州府知府

李 實洪武年以人才舉歷任應天府府尹

魯 宣洪武年以儒士舉任蘭陽訓導

杜文整洪武年以儒士舉任本縣訓導

李 敏永樂年以明經授刑科給事中僉都御史詳勳業傳

祁 英本姓元洪熙年以靖難軍累遷都督府都督僉事詳勳業傳

科甲

進士

宋

薛居正後唐長興年進士仕宋至宰相贈太尉諡文惠詳勳業傳

郭 贄乾德年進士仕至參知政事

和 嶸太平興國年進士累遷光祿寺丞付史館詳文學傳

劉師道雍熙年進士官太常少卿加樞密直學士詳勳業傳

劉幾道師道弟雍熙年進士

元

張特立泰和年進士任假師主簿累遷監察御史詳文學傳

王 鶚正大年狀元授應奉翰林累加資善大夫詳文學傳

吳賢祖泰定年進士

明

李則昌至元年進士仕明太祖洪武初累遷至禮部尙書詳文學傳

李 珍則昌從子至元年進士由襄城籍中式仕明歷官翰林學士

李 瑤則昌從子元貞年進士仕明歷官太原府知府

張 鑑永樂辛丑科官指揮僉事中調慶遠千戶詳文學傳

李 璫宣德丁未科仕至知府

史 儀正統丙辰科任四川布政司參議

胡 福景泰甲戌科累遷至刑科給事中

白 鳳天順丁丑科任御史遷苑馬寺卿

傅 允天順甲申科任刑部主事擢四川右參政詳勳業傳

李景繁成化己丑科擢太僕寺丞遷四川左參政詳勳業傳

楊 謐成化己丑科授崑山縣歷任兵部右侍郎詳勳業傳

翟 通成化壬辰科任戶部主事遷山東右參政詳勳業傳

田 畊成化丁未科任山東鄒城令復調滕縣令

郭廷珪成化丁未科授戶部主事晉程蕃府知府詳勳業傳

王廷相弘治壬戌科任兵部尙書贈少保諡肅敏詳勳業傳  
雷啟東弘治乙丑科授山東鄒城令晉戶部主事詳勳業傳  
劉大謨正德戊辰科歷任四川巡撫左副都御史詳勳業傳  
張原明正德辛未科任陝西右布政晉光祿寺卿詳勳業傳  
郭維藩正德辛未科任太常寺少卿兼侍讀學士詳勳業傳  
張漢卿正德辛未科任戶科給事中贈太常寺卿詳勳業傳  
王 教嘉靖癸未科榜眼由編修晉兵部右侍郎詳勳業傳  
張 鹵嘉靖己未科由御史歷任浙江保定巡撫詳勳業傳  
張鳳彩萬歷戊戌科授東阿令晉禮科左給事中詳勳業傳

皇清

曹之錦順治丙戌科知山東新泰縣補江南黟縣詳勳業傳  
尚金章順治己丑科知山西沁水縣晉廣西提學詳勳業傳

王 匯順治壬辰科知陝西安定縣晉工部主事詳勲業傳

張文旦順治戊戌科授江西高安縣令以疾去官詳勲業傳

趙文炳順治戊戌科授奉天海城縣令秩滿歸里封文林郎

馬 驥順治己亥科授浙江象山縣令復委連城詳勲業傳

侯殿邦順治辛丑科授北直真定縣令以疾去官詳勲業傳

孔興壇康熙丙辰科授江西上饒縣令未赴任以疾卒於家

曹 樸康熙壬戌科以祥符籍中式授兵部職方司郎中

張伯行康熙乙丑科任禮部尚書贈太保諡清恪詳勲業傳

熊維祝康熙辛未科授陝西長武縣令以疾卒於官

湯豫誠康熙己丑科任督糧冀寧雁平口北道轉戶部員外詳勲業傳

張 濼雍正丁未科授廣東開平縣令詳勲業傳

馬上襄雍正庚戌科授山西長子縣令致仕歸里詳文學傳

張師赤乾隆壬戌科授山東諸城縣令

郭乙山乾隆辛未科授懷慶府教授未赴任卒詳文學傳

進士一科昔之中式者年遠無稽故自薛居正始舉人一科洪武三年庚戌開科取士儀邑領鄉薦者有趙瀾一人其後二十年失考至洪武二十三年庚午科李博劉憲以下乃可按名而紀其官爵已見進士表者不復書

舉人

明

趙 瀾洪武庚戌科

李 博洪武庚午科

劉 憲洪武庚午科

王 瑾永樂戊子科授山西靈臺縣令致仕歸里封文林郎

張 振永樂辛卯科初任興平訓導調唐山訓導詳文學傳

王 文永樂辛卯科知山東安樂縣任十八年以卓異聞致仕歸里

杜 裕永樂辛卯科任山東高密縣教諭

尙 忠永樂辛卯科任山東濟南府訓導

張 鑑永樂甲午科詳進士表

馮 善永樂甲午科

李 聰永樂甲午科詳進士表

潘 剛永樂丁酉科任湖廣黃梅縣主簿

陳 經永樂丁酉科任蜀府左長史

徐 恭永樂丁酉科任陝西開城苑園長

侯 慶永樂丁酉科

李 宗永樂庚子科

趙 孜永樂庚子科

史 儀宣德壬子科詳進士表

韓 儀宣德壬子科任山東德平教諭

高 謙宣德乙卯科任陝西葭州學正

劉 學正統戊午科任陝西潼關訓導

陳 清正統丁卯科任陝西淳化訓導

胡 福景泰庚午科詳進士表

張 昇景泰庚午科

翟 通景泰丙子科詳進士表

張 祐景泰丙子科任洽陽縣訓導

白 鳳景泰丙子科詳進士表

傅 允景泰丙子科詳進士表

左 輔天順己卯科任涇陽縣教諭



楊 儉天順己卯科知山東費縣

張 瑛天順壬午初任濰化令後補東光令致仕歸里詳勳業傳

趙 傑天順壬午科任米脂縣教諭

戴 經成化乙酉科任鞏昌府通判

楊 謐成化乙酉科詳進士表

李景繁成化乙酉科詳進士表

李 誠成化戊子科仕山東樂安教諭

吳 賢成化戊子科仕兩淮運司同知

田 畊成化辛卯科詳進士表

岳思忠成化甲午科仕涇州知州陞太平府同知

安 庠成化庚子科仕山西汾西知縣

李宗仁成化庚子科仕北直故城知縣

郭廷珪成化庚子科詳進士表

史 舉成化癸卯科仕南城兵馬司指揮

尙 鸞成化癸卯科授陝西三原縣令

趙希魁傑之子成化癸卯科初知壽張陞山東青州府同知

賈廷輔成化癸卯科以歲貢中式順天鄉試任山西鳳翔府通判

侯 俸成化丙午科中亞魁任山東東平知州

楊 潤謐之子成化丙午科任工部司務

張原明綸之子弘治乙卯科詳進士表

李應辰弘治乙卯科

王廷相弘治乙卯科詳進士表

李東熙珍之子弘治戊午河南解元未第早卒

郭維藩廷珪子弘治戊午科詳進士表

劉大謨愷之子弘治戊午科詳進士表

李應禎景繁子弘治戊午科歷任長蘆運判

侯錫弘治戊午科是科榜首榜末俱係儀人而解元李即侯之受業弟子也一時傳爲佳話云

馮澤弼之子弘治辛酉科授江南山陽縣令

張大威弘治辛酉科以布政司候缺吏中式官四任知縣至山西絳縣致仕  
雷啟東文之子弘治甲子科詳進士表

張漢卿瑛之子正德丁卯科詳進士表

楊魁正德丁卯科授山西和順縣令

李世臣正德庚午科授北直慶雲縣令陞山西解州知州致仕歸里

畢仲正德癸酉科歷任後軍都督府督事遷戶部主事致仕歸里

王教斌之孫正德丙子科由祥符縣籍中式亞元詳進士表

馬國貢麟之子正德丙子科授山東棲霞縣令詳文學傳

徐道存正德己卯科授北直威縣令

戴玉紹之子嘉靖壬午科授山東海豐縣令

左翼輔從子嘉靖乙酉科授江西黟縣令轉肅府長史致仕歸里

溫伯仁嘉靖甲午科授陝西白水縣令

扈廷相嘉靖丁酉科

謝夢顯嘉靖庚子科授山東武城縣令陞遼東自在知州

趙秉忠嘉靖庚子科授江南鳳陽通判踰年致仕歸里

楊仲經嘉靖癸卯科授北直新安縣令陞廣西全州知州致仕歸里

張鹵立之子嘉靖癸卯科詳進士表

陳朝儀嘉靖癸卯科以茂州籍舉四川鄉試任雲南曲靖軍民同知

張尙恆嘉靖戊午科

戴一松萬歷己卯科授五河縣令陞慶陽府同知詳勳業傳

張鳳彩大綸子萬歷丁酉科詳進士表

郭世華廷珪曾孫天啟辛酉科

馬從龍國貢曾孫天啟辛酉科順治壬辰科會試副榜授廣西北流縣令詳

文學傳

曲 昌崇禎丙子科

王仁普崇禎壬午科

皇清

曹之錦順治乙酉科詳進士表

王嗣定廷相曾孫順治丙戌科歷任湖廣澧州知州

是年奉 詔加科

徐永昌順治戊子科

張文燦順治戊子科

尙金章順治戊子科以拔貢中順天鄉榜詳進士表

王 匯順治辛卯科詳進士表

侯殿邦順治辛卯科詳進士表

趙文炳順治辛卯科詳進士表

張文旦順治甲午科詳進士表

馬 騏順治甲午科詳進士表

王仁深順治丁酉科授江南廬江縣令

張鷟表順治庚子科

孔興壇康熙癸卯科詳進士表

繩 鈺康熙壬子科授陝西長武縣詳文學傳

熊維祝康熙乙卯科詳進士表

曲致懋康熙丁巳科候補內閣中書

張允成康熙戊午科任淇縣教諭

湯伊知康熙戊午科任葉縣柘城教諭

張伯行康熙辛酉科詳進士表

陳 史康熙辛酉科

王 宜康熙甲子候補內閣中書改商邱教諭詳文學傳

李國華康熙癸酉科禮記經魁詳文學傳

張孚先康熙丙子科授湖廣廣濟縣令丁憂歸里詳文學傳

周 棐康熙丙子科詳文學傳

馬淑襄康熙壬午科授光州學正以疾卒於官詳孝義傳

湯豫誠康熙壬午科詳進士表

馬上襄康熙辛卯科詳進士表

王 聲康熙癸巳科任淮安中河通判卒於官

侯元灝殿邦孫康熙癸巳科由衛輝府訓導中式

王 炆康熙甲午科

張師載伯行子康熙丁酉科以蔭授戶部員外現任兵部尙書河東河道總督

張 濼孚先子康熙丁酉科詳進士表

孔興銘康熙丁酉科

郭宗遠康熙庚子科

王從今康熙庚子科任濬縣教諭 長垣人

權 度雍正癸卯科

劉師枳雍正癸卯科

趙萬策雍正甲辰科



張 綸雍正丙午科

張師赤雍正巳酉科詳進士表

孔興甲雍正巳酉科任永寧縣教諭

馮安宅雍正壬子科任北直龍門縣知縣

王方岱雍正壬子科丙辰會試以老年 欽賜國子監學正職銜

郭乙山雍正壬子科詳進士表

郭承烈乾隆丙辰科

戴王訓乾隆丙辰科辛巳會試以老年 欽賜翰林院檢討職銜

孔繼翥乾隆戊午科

孟 楨乾隆戊午科

張一寧孳先孫乾隆辛酉科

侯 嵩乾隆甲子科

張立誠乾隆丁卯科

李敬勤乾隆丁卯科任山東樂安縣知縣 鄭州人

張篁華乾隆癸酉科以是年選貢中式任北直獲鹿縣知縣調正定令

李廣田乾隆己卯科經魁

武進士

明

劉 焜崇禎丁丑科歷官信陽守備崇禎末年流寇圍城殉難詳忠烈傳

皇清

張洪範順治己丑科初任廣東鹽法道守備歷江南京口正白旗遊擊管參

將事

湯日璉康熙丁丑科

靳文武邑人入蘭陽籍雍正丁未科由陝西永昌協守備歷陞寧夏鎮標右

營遊擊

李 慄 雍正丁未科任廣東守備

李 洵 乾隆己未科原任四川龍泉營守備

舉人

明

劉 焯 崇禎癸酉科詳見進士表

劉 炫 崇禎丙子科授歸德衛中所千總補選鞏昌衛後所千總

王用予 崇禎丙子科

劉 燁 崇禎己卯科任順天府涿州營守備後改名逾光

魏昌運 崇禎己卯科

皇清

張洪範 順治戊子科詳見進士表

劉 斌順治戊子科由懷慶府籍貫中式

孔興武順治辛酉科

張鷟鵬順治甲午科

鄭 明順治丁酉科

李芳年順治丁酉科

元善子

史 傅康熙乙卯科

張 斌康熙乙卯科

張 俊康熙戊午科

程九德康熙戊午科

楊洪禮康熙戊午科

戴文武康熙辛酉科

蕭雲路康熙辛酉科

程啓沃康熙甲子科

郭世寧康熙甲子科

孔興宜康熙甲子科

秦 昭康熙丁卯科

張六德康熙庚午科

張公寧康熙庚午科

湯曰璉康熙癸酉科亞元見進士表

張九錫康熙癸酉科

陳錫爵康熙壬午科

甯 驄康熙壬午科

李若樞康熙戊子科

楊夢麟康熙丁酉科

李居崑康熙庚子科任濟寧衛任城幫千總

靳文武雍正癸卯科見進士表

李 榆雍正甲辰科

李 棵雍正丙午科見進士表

秦元龍雍正丙午科任直隸大明縣把總

李官道雍正壬子科

李 洵雍正壬子見進士表

貢生

明

田 著洪武九年任句容縣主簿

張 輔洪武十三年任翰林院待詔擢吏科給事中歷官監察御史

曹 肅洪武十五年任兵科給事中

李 翼 洪武十六年歷任監察御史

杜 廣 洪武十七年任行人司行人

李 隅 洪武十八年任應天府府尹

孔 敏 洪武十九年

曹 恆 洪武二十年

劉 徵 洪武二十一年

史 潔 洪武二十二年

董 彬 洪武二十三年

雷 澤 洪武二十四年

沈 忠 洪武二十五年

陳 犛 洪武二十六年歷任永州府知府

孔 端 洪武二十七年

丁俊 洪武二十八年

白翔 洪武二十九年

王理 洪武三十年

趙海 洪武三十一年 歷任鞏昌府知府

王正 永樂二年

李謐 永樂三年

王麟 永樂四年 歷任光祿寺署丞

王遜 永樂六年

毛銳 永樂八年

蔣迪 永樂十年

李敏 永樂十二年 歷官南京都察院右僉都御史

王惟善 永樂十四年



程 旭永樂十六年

蔣 貴永樂十八年

范 謙永樂二十二年任山東都司經歷

侯文礪宣德三年任陝西苑馬寺監正

張 瓚宣德八年

張 霖宣德十年任濱州學正

郭 顛正統三年任寧州訓導

王 屏正統五年任和順縣知縣

李 顏正統七年任昌平州訓導

孫 觀正統九年任遵化所大使

李 茂正統十一年任青縣知縣

朱 忱正統十三年任景州判官

李維景泰元年任河間縣縣丞

馮玉景泰三年任襄府引禮舍人

扈安景泰五年任福建按察使司照磨

許聰景泰七年任蒲臺縣知縣

解理天順二年任遼東倉大使

李恆天順四年任黃陂縣知縣遷淮安府同知詳文學傳

張綸天順六年任如臯縣教諭調山陰縣教諭詳文學傳

胡海天順八年任清江倉大使

魏銓天順八年任介休縣知縣

龍文天順八年任安化縣知縣

孫忠天順八年任襄陽府檢校

張憲天順八年

孔 純天順八年

鄭 芳天順八年

李 清天順八年任吉府奉祀正

劉 芳天順八年任荊州府照磨

劉 儀天順八年任吳堡縣知縣

胡海以下十人俱天順八年貢生按在官別錄以鄭芳劉芳李清劉儀屬之景泰四年餘六人屬是年今仍舊志錄之

趙 忠成化二年任夏縣縣丞

蕭 韶成化四年任豐城縣丞

李 森成化六年

王 斌邑人良鄉籍鄉貢歷任鴻臚寺序班湖廣道監察御史

杜 銘成化八年

王 嵩成化十年任信陽縣教諭

苗 秀成化十二年任濟陽縣訓導

賈廷輔成化十四年中式順天癸卯鄉試詳舉人表

李 福成化十六年任靜海縣訓導

郭 福成化十八年任黎城縣教諭

雷 文成化十九年任商河縣訓導晉臨城教諭詳文學傳

傅 徵成化二十一年任冀州判官

李廷舉成化二十三年

韓 秦弘治二年

王 璣弘治四年任浙江都司都事

扈 仁弘治六年任滿城縣知縣

程 約弘治八年任涿州訓導

許廷英弘治九年任贊黃縣知縣踰年致仕歸里詳文學傳

趙文奎弘治十年任長山縣訓導陞淳化教諭

劉愷弘治十一年任黎城縣教諭年六十致仕詳文學傳

馬麒弘治十二年任寧陽縣主簿

李志道弘治十四年任高密縣訓導

王威弘治十六年任新安縣訓導

黃學弘治十八年任武邑縣訓導

白璽正德二年

孫輔正德四年任靜海縣訓導

傅璋正德六年任蓬萊縣教諭

劉漢正德八年

趙凝道正德十年任元城縣訓導

秦 漢正德十二年任清苑縣訓導

苗天潤正德十四年任海州訓導

李 富正德十五年任灤州訓導

韓國藩嘉靖元年任嶧縣教諭

張 銘嘉靖二年

趙時雍嘉靖三年任韓府教授

段守中嘉靖四年任無錫縣縣丞

黃 愚嘉靖六年任新城縣訓導

楊 鼎嘉靖八年任武學訓導

戴 恩嘉靖十年選貢任麻城縣教諭陞開州學正

趙秉德嘉靖十一年選貢

自嘉靖十年奉韶始行選貢例儀士戴恩及趙秉德俱以正貢得充選貢

安中夏嘉靖十二年任蕭縣訓導

徐來同嘉靖十三年

胡來賓嘉靖十四年任嘉興縣教諭陞石州學正

楊承祉嘉靖十六年任六安州訓導陞濟寧州學正

聶道隆嘉靖十八年任周府教授

張秉葵嘉靖十九年

李汝瑚嘉靖十九年

徐來夏嘉靖二十年任順天府訓導陞宣府武學教授

趙盡卿嘉靖二十一年任曹州訓導歷衡府教授

張廷恩嘉靖二十三年任鉅鹿訓導歷商州學正

馮承宣嘉靖二十五年任五河訓導詳方伎傳

劉汝阜嘉靖二十七年任唐縣訓導

呂 實嘉靖二十九年任清苑縣訓導

李培之嘉靖三十一年

張 立嘉靖三十三年以子鹵貴贈御史詳文學傳

趙鴻儒嘉靖三十五年任永康縣訓導

戴 珩嘉靖三十七年任懷遠縣主簿

翟兆慶嘉靖三十九年任沭陽縣訓導

王 在嘉靖三十九年任無爲州訓導

張廷諮嘉靖四十一年任蒙城縣訓導

宋 勤嘉靖四十三年

高 岡嘉靖四十五年任濟南府訓導歷周府教授

岳凌雲隆慶二年

尙 卿隆慶四年



劉象隆慶五年任睢州訓導

杜禹卿隆慶五年選貢

徐納誨隆慶六年選貢任完縣訓導陞阜平縣知縣

自隆慶五年奉詔選貢一人隆慶六年又奉詔加貢一人

黃桐萬歷元年

張大綸萬歷三年任長垣縣訓導調假師縣訓導詳文學傳

楊文鳳萬歷五年

張綿萬歷七年

戴一桄萬歷九年

張應登萬歷十一年

謝夢龍萬歷十三年

宋東井萬歷十五年

戴一葦萬歷十七年

裴從義萬歷十九年

王安仁萬歷二十一年選貢任白水縣知縣陞真定府通判詳文學傳

孟紹登萬歷二十三年

王自謐萬歷二十五年選貢任隆平縣知縣

自萬歷二十一與二十五兩年俱奉詔選貢一人不復起歲貢

張 嵩萬歷二十七年

張子元萬歷二十九年

馮雲衢萬歷三十一年

劉守祖萬歷三十三年

岳守禮萬歷三十五年

謝錫車萬歷三十九年

郭浚萬歷四十年

張尙賁萬歷四十二年

王永康萬歷四十三年任固始縣訓導

溫克遜萬歷四十四年

王貞萃萬歷四十六年任穎上縣訓導歷定州衛經歷詳文學傳

陳克恭萬歷四十八年

趙光閔泰昌元年選貢任安邱縣訓導

是年奉詔選貢一人

徐思捷大啟元年選貢詳隱逸傳

是年奉詔選貢一人

白 玉天啟元年歲貢任臨漳縣訓導

孔貞俊天啟三年

張 珍天啟五年歷任歸德府教授致仕詳忠烈傳

王欲仁天啟七年

尙有光天啟七年

劉一麟崇禎元年選貢

是年奉詔選貢一人

覃 曦崇禎二年

孫同琪崇禎四年任商城縣訓導詳忠烈傳

胡思虞崇禎六年任虞城縣訓導

宋 熙崇禎八年任睢寧縣訓導

劉 焯崇禎九年選貢

是年奉詔選貢一人

李正詮崇禎十年

趙兩儀崇禎十二年

畢爾熾崇禎十四年歷任南陽府教授

張 騷崇禎十六年任新蔡縣訓導歷任平縣令詳文學傳

皇清

王朝相順治元年貢任成安知縣轉龍泉知縣

趙 祉順治二年選貢任綏德州判官

尙金章順治二年選貢戊子舉人已丑進士任廣西提學詳勳業傳

是年奉 詔選貢一人舊志趙祉與尙金章並列未知孰是今仍之

溫之鼎順治三年恩貢任河內縣教諭

武功弘順治三年歲貢任靜海縣主簿

是年奉 詔正貢作恩貢次貢作正貢

王光祖順治四年貢任新安縣訓導

張 範順治五年副榜貢歷任臨洮府通判署甘肅道事詳文學傳

尙臨汝順治五年首卷貢

是年奉 詔副榜准貢首卷准貢

蕭元亨順治六年任溫縣訓導

魏宜高順治七年首卷貢任江山縣縣丞

是年奉 詔學道首卷准貢

劉承源順治八年恩貢任金山衛經歷

王懋祉順治八年歲貢任泌陽縣訓導

是年奉 詔正貢作恩貢次貢作正貢

杜芳華順治十年貢任縉雲縣縣丞

曲 昂順治十二年選貢

李生光順治十二年歲貢任浙川縣訓導

是年奉 詔選貢一人

張學蘊 順治十四年貢

張 駢 順治十六年貢

張佳玉 順治十八年貢 任輝縣訓導

王錫命 康熙六年貢

李耀明 康熙九年貢 任寧陵縣訓導

曲 旻 康熙十一年選貢


張象德 康熙十一年副榜貢 又戊午副榜 任宜陽縣教諭 詳文學傳

是年奉 詔選貢一人

王承命 康熙十三年貢 任孟縣訓導

王世治 康熙十三年貢 任新安訓導

王懋昭 康熙十五年 恩貢



戴先覺康熙十五年歲貢任閩鄉縣訓導

是年奉 詔以正貢作恩貢次貢作正貢

王之禎康熙十七年

張峻典康熙十九年任孟津縣訓導

徐作舟康熙二十年歲貢

郭 陞康熙二十一年貢任盧氏縣教諭

秦 瑗康熙二十三年貢任偃師縣訓導


周 鼎康熙二十五年貢

侯雲路康熙二十五年貢任桐柏縣訓導

楊洪祿康熙二十五年貢

周 棐康熙二十六年選貢舉丙子科孝廉詳文學傳

是年奉 詔選貢一人





張千度康熙二十七年貢

孔興教康熙二十九年貢

馬雲襄康熙二十九年庚午科副貢歷任澠池縣教諭

尚玉汝康熙三十一年歲貢

張嵩生康熙三十三年歲貢

湯文知康熙三十四年歲貢

趙 祁康熙三十五年歲貢

胡生儀康熙三十六年歲貢

王運昌康熙三十七年歲貢

張雲霞康熙三十八年己卯科副貢

趙方旦康熙三十九年歲貢

畢啟元康熙四十一年歲貢

孔興銘康熙四十三年歲貢舉丁酉科孝廉

武毓瑞康熙四十五年歲貢授寶豐縣訓導未任

張弘亮康熙四十七年歲貢

王廷挺康熙四十九年歲貢

張斐章康熙五十年辛卯科副貢授虞城縣教諭未任

孔興魯康熙五十一年歲貢

趙偉康熙五十三年歲貢

李彭年康熙正十五年歲貢

郭奪錦康熙五十七年歲貢

曹毓通康熙五十九年歲貢任確山縣訓導

張淦康熙五十九年庚子科副貢

呂韶康熙六十一年歲貢

李 巖雍正元年癸卯科副貢

張嵩啟雍正元年 恩貢

程見龍雍正元年選貢

馮孜恪雍正元年歲貢

孔傳心雍正三年歲貢

陳師容雍正五年郡學歲貢

齊居酉雍正四年丙午科副貢選授高縣教諭

李天鐸雍正七年郡學歲貢

孔傳符雍正七年選貢

王文教雍正九年歲貢任淇縣訓導

尙 震雍正十年壬子科副貢

宋維翰雍正十一年歲貢

蔡夢麟雍正十三年選貢

劉祥德雍正十三年歲貢

王文上乾隆元年 恩貢

繩兆元乾隆元年歲貢

劉帝臣乾隆三年歲貢

劉飫德乾隆五年歲貢

孔傳鑑乾隆六年選貢考授直隸州州判

谷 崑乾隆七年歲貢

王 介乾隆九年歲貢

王新沐乾隆十一年歲貢任商邱訓導

閻日曾乾隆十三年歲貢

劉筆華乾隆十三年郡學歲貢任嵩縣訓導

孔廣教乾隆十五年郡學歲貢現任葉縣訓導

楊 仇乾隆十六年 恩貢

周志伊乾隆十六年 恩貢

程人文乾隆十七年歲貢

張箏華乾隆十八年選貢卽於是年癸酉科中式現任直隸獲鹿正定縣知

縣

張師朱乾隆二十一年歲貢

王志學乾隆二十一年郡學歲貢

傅 琬乾隆二十三年歲貢

張洛鍾乾隆二十五年歲貢

趙中翼乾隆二十六年郡學 恩貢

王 綸乾隆二十六年 恩貢

王文明乾隆二十七年歲貢

趙中鐸乾隆二十八年癸未歲貢

補遺

楊良佐雍正五年歲貢

朱象圖乾隆丙辰歲貢

張晉德乾隆己卯例貢

張 譔嘉慶庚申歲貢

封陰

地封

明

李彥通以子敏贈刑科給事中

白 源以子鳳贈監察御史

傅廷美以子允贈刑部主事

翟宣以子通贈戶部主事

李榮以子景繁封太僕寺丞

楊伯中以孫謐贈兵部右侍郎

楊瑾以子謐贈兵部右侍郎

張霖以子憲封魯府審理正

郭慶以子廷珪封戶部主事

史宣以子舉封兵馬指揮使

王實一以孫廷相贈太子太保

王增以子廷相贈太子太保

張振以孫原明贈太僕寺卿

張綸以子原明贈太僕寺卿

劉 愷以子大謨贈僉都御史

王 斌以孫教贈兵部右侍郎

王 鶴以子教贈文林郎累贈兵部右侍郎

畢 振以子申贈後軍都督府都事

李天葵以子世臣封慶雲縣知縣

王 旒以子徵逸封都督府經歷

張 立以子鹵贈僉都御史

王徵吉以子安仁贈文林郎

張大綸以子鳳彩贈禮科給事中

孔貞尤以子尙林封國子監學正

尙體復以子觀光封鴻臚寺序班

皇清



尚觀光以子金章封提學道僉事

趙炳以子

張光陞以子範 勅封承德郎陝西臨洮府通判

侯鳴珮以子殿邦贈文林郎

熊尙麟以子維祝贈文林郎陝西長武縣知縣

張九臯以子文旦贈文林郎

張自新以曾孫伯行贈光祿大夫

張醇以孫伯行累贈光祿大夫

張岩以子伯行累贈光祿大夫

曹維新以子樸封奉政大夫

湯式九增生以子豫誠贈中憲大夫山東東昌府知府

張敷五生員以子孚先 勅贈文林郎湖廣廣濟縣知縣

曲致以懋出繼子沼貽贈奉直大夫陝西寧羗州知州

曲致思以子沼贈奉直大夫陝西寧羗州知州

靳宋儒以孫文武貽贈武德將軍

靳 醇以子文武封武德將軍例贈武翼大夫

馬允騰庠生以子上襄贈文林郎山西長子知縣

張爲錕以子綸贈文林郎

徐 鏞以子一熊贈儒林郎

王繼孖以子誠正貽贈登仕郎

秦乙森以子元龍貽封奮力校尉

張象德以孫篁華貽贈文林郎直隸正定縣知縣

張時穩廩生以子篁華贈文林郎直隸正定縣知縣

馮 泌以孫安宅貽贈文林郎直隸龍門縣知縣

馮孜恪以子安宅贈文林郎直隸龍門縣知縣

劉光漢庠生以子尙讓贈儒林郎

王維烈以子盈 勅贈儒林郎

恩蔭

宋

石保興守信子建隆年以蔭補供奉拜祿州防禦使

石保吉守信子建隆年以蔭補指揮累加檢校太師

薛惟吉居正子建隆年以蔭補右千牛衛知河南府

明

楊承祺謚之孫弘治中以官生入監任永平府推官後轉順天府治中

王徵逸廷相孫嘉靖中以蔭生授後軍都督府知事陞任慶遠府知府

劉 爻大謨子嘉靖中以蔭監任通政司知事

張永吉鹵從子萬歷中以官貢候選

孔尙林至聖裔崇禎元年衍聖公咨題由生員授國子監世襲學正

張光陞鹵孫以恩蔭浙江按察司照磨

皇清

孔衍齊尙林子順治間由生員襲國子監學正

孔與發衍齊子康熙間由生員 勅授徵仕郎襲國子監學正

孔毓璋興發子康熙間由生員 勅授徵仕郎襲國子監學正

孔傳鈞毓璋子康熙間承襲學正

張師載伯行子雍正六年以舉人承蔭授戶部員外現任兵部尙書河東河

道總督

孔繼緒傳鈞子乾隆十年承襲學正

孔傳桂監生協辦國子監學正

孔廣遠繼緒子乾隆二十五年承襲學正

軍功恩蔭

明

祁民表世襲壽州衛指揮僉事

楊廉世襲彰德衛指揮僉事

胡江世襲大嵩衛指揮僉事

續入貲贈

張明素以孫師赤貲贈文林郎山東諸城縣知縣

張文焯以子師赤貲贈文林郎山東諸城縣知縣

孔繼炤以子廣教貲贈修職佐郎葉縣訓導

補遺

鄧德以孫國安累封懷遠將軍貴州提標後營遊擊

鄧方燦以子國安累封明威將軍江南六安營參將

附職監三考

明

正統孫敏 曹縣典史

任鐸 高郵州大使

安然 徽州大使

成化李應極 太谷縣主簿

張昱 蘭谿縣主簿

孫禎 天津縣巡檢

曹晟 淳化縣縣丞

劉澄 吳武監園長

岳岩 新城縣典史

郭岩 蕭縣典史

李整 長山縣典史

楊瑾 華容常熟以上兩縣主簿三考

吳用夏 濟寧州吏目

田宥 博興縣主簿 以上職監

劉瓊 都昌巡檢

雷隼 順天府司獄

胡麟 四安府大使

李宣 濰縣典史

趙驥 交城縣典史

白湧 新喻縣縣丞

王堦 寧國府大使

錢通 湖廣按察司司獄

弘治郭資 石泉巡檢

翟舉 武清縣主簿

傅紳 淄州典史 以上三考

正德岳廷輔 三河縣主簿

扈廷炳 房縣主簿

田宏 樂亭縣縣丞

張鼎 宛陵驛丞

張儀 武功縣典史

楊讚 嘉魚巡檢

郭泰 烏撒驛丞

苗達 華陰縣典史

戴銘 武清縣典史 以上三考

趙鑑 德平縣主簿

耿佐 金臺縣主簿

賈宗儒 梭山縣縣丞

柴炳 交河縣主簿

戴璠 曹州判官 以上職監

徐廷臣 濟陽縣經歷

邵鼎 授寧津縣典史未仕卒

敬 昭 大使 以上三考

嘉靖張 疇 歷南工部提舉

扈 籬 靜海縣主簿

張 廡 華亭縣主簿

羅 弼 易州吏目

劉世恩 淮安府照磨

左應璇 典陽縣縣丞

岳舜舉 肥城縣縣丞

王 孝 益都縣主簿

刁 金 河間府照磨

刁 燧 保寧府經歷 以上職監

高 經 青州府知事

張 可 歷鴻臚序班深澤清苑縣丞

張 滔 鴻臚序班

劉 象 光祿寺署丞

陳司敬 元城主簿

劉 乾 崑山縣主簿

郭 留 交州府照磨

郭 昫 滑縣縣丞

王 仕 授鴻臚序班

刁 欽 歷鴻臚寺鳴贊靖州州判

張 銑 西安府大使

扈廷臣 行唐縣典史



郭昌 壽光縣典史

陳良武 定州倉官

辛安 西安府大使

俞思仁 巡檢

戴紹 南陵縣縣丞

朱志道 鄉縣大使

王廷佩 大使

魏福 提舉

秦懷忠 逢萊縣典史

王錫允 巡檢

王錫豸 甲子庫大使

翟永昌 南昌府大使

許宗義 大使

趙來貢 大使

劉彥洪 大使

齊大賓 浙江巡檢

劉師夔 王田縣典史

陳時清 江夏縣主簿

彭得享 金吾倉大使

徐昆 漢兒倉大使

胡大寧 巡檢

劉用 亳州巡檢

唐嵩 夾口驛丞

張沚 藩府大使

李思斌

鳳樓縣驛丞

張廷訓

龍門所吏目

紫煜

陝西千戶所吏目

戴梅

蘭江縣驛丞

張本

守約子考授州司知

以上三考

萬歷周位

苑馬寺監正

張光陞

浙江按察司照磨

周三樂

海豐縣主簿

以上職監

何維圖

西安府倉大使

戴邦屏

山陰縣典史

以上三考

皇清

順治馬

驥

考授州同知

侯汝松

成都府大使

宋儒

太平府知事

趙國華

林縣千戶所吏目

翟繼信

九江口巡檢

尙觀光

鴻臚寺序班

張文煒

本子北城兵馬司副指揮

潘桂

淮安府大使

關相和

海汾縣主簿

管振先

考授州同知

康熙張岩

自新孫醇子附監考授州同知

張倫

附監考授縣丞

曹國麟

考授州同知

管茂先

清河縣主簿

馬駿

蘇州府司獄

管盛先

考授州同知

孔毓瀨

考授州同知

馬鸞玉

考授縣丞

曲致思

考授州同知

曲畢

考授縣丞

趙崑

考授州同知

賈煥文

考授吏目

楊敬需

考授州同知

徐一熊

考授州同知贈儒林郎

曹濬

考授州同知

曹廷延

考授州同知

楊作楫

考授州同知

李若驥

考授州同知

孔國柱

考授州同知

張師栻

候選知州署宿虹同知詳義行傳

以上職監

曹元夢

原任江南太平府蕪湖同知例貢

周思謙

生員保舉吏部學習會差戶部倉場監督

王繼孖

附監生捐候選光祿寺典簿

孔毓珮

原任山東曹縣縣丞降補廣東巡檢

孔傳典

原任銅山縣縣丞

曹瓚

原任東阿縣縣丞

劉尙讓

由貢生候選州同知

封儒林郎署令姚孔緯賜樂施不卷匾額

張力行

由州同管江南淮安府桃源縣主簿

張師灝

由職監管山東曹州府鉅野縣主簿

王盈

原任陽武縣主簿

王誠正

原任考城縣主簿

孔毓瑤

原任山東安陵司巡檢

曲準

原任湖南平江縣長壽司巡檢

崔崑

原任蘇州巡檢

尙思敬

原任清江龍王閘閘官

馬皇津

考授州同

曲泮

考授通判任陽武縣丞

楊甫

考授州同

曲沼

江西進賢縣知縣

楊良輔

考授州同

傅繼祖

天妃閘官

曲渭

考授訓導

曲潮

考授州同

張圖南 考授州同

劉尙寬 現任武城縣縣丞

徐舒度 考授訓導縣令稽琰賜孝友克敦匾

張圖書 揀發江蘇候補同知

孔傳竿 考授州同

孔興學 考授洙泗學錄

侯 墉 考授訓導

曹芝田 候選通判

劉尙恭 考授州判

王思誠 考授州同

柴永譽 興業縣典史

趙良棟 考授主簿

鄭懋臨 考授總歷

齊國瑞 淮陰驛驛丞 以上三考

李 柑 江南沛縣先疇泗亭驛丞

莊 珍 現任醫學訓科

王雲禧 現任陰陽訓術

按舊志所登例監三考其有姓名下不註考授職銜及無仕宦處所者恐一概登入反貽鑿一漏萬之譏故專錄其已經考職與註明仕處諸人一命之榮例入邑志也但止列姓名之中或有當時失註職銜宦地者今歷

年既久無從查考非故遺之也黃中識

補遺

王 瑤 雍正七年任廣儲府倉大使

許 琰 吏員候選主簿

王師曾 吏員候選主簿

何思敬 吏員候補經歷

朱元圖 吏員考授經歷

作  
身  
集  
示  
身  
力  
美  
示

儀封縣志卷之十

人物志

勳業

文學

忠烈

孝義

隱逸

流寓

方伎

邑名自金置而後人物之產於斯者彰彰矣金以前兩漢浚儀東昏並置惟東昏人可以入志其產浚儀者不得濫入焉三國至隋唐但存浚儀而廢東昏則東昏地土必割入浚儀舍浚儀人物無可志也宋祇有東明縣大中祥符中以浚儀為祥符然則產於浚儀者皆應入祥志乎是大不然儀之名縣始於春秋衛風之咏浚者又不一謂古浚儀之境全是今之儀封不可也謂今之儀封必無古浚儀之地亦不可也舊志歷歷載之諒哉至於名世間生人才輩出或垂青史或待採風後之人庶觀感而興起乎志人物

勳業



漢

陳平陽武戶牖鄉人少時家貧好讀書治黃老術與兄伯居伯常耕田縱平游學平爲人長美色或謂之曰貧何所食而肥若是其嫂嫉之曰亦食糠覈耳有叔如此不如無有伯聞之逐其妻後事魏王咎爲太僕歸項羽爲都尉降漢仍拜都尉使典護軍拜護軍都尉凡六出奇計天下定封戶牖侯進封曲逆侯官至右丞相後與太尉周勃合謀誅諸呂立文帝卒諡曰獻

按舊志人物傳載陳平張蒼二人但張蒼史但稱陽武人今陽志有文侯鄉土人呼張大夫寨乃張蒼故里未敢引以爲東昏人也若陳平史稱陽武戶牖鄉人東昏之在儀境及戶牖即東昏之說前人屢言之其說詳見封域平自應冠人物之首

唐

朱忠亮字仁輔浚儀人舉明經不第往事昭義節度使薛嵩爲裨將屯普潤

開田峙糧以功擢太子賓客朱泚亂率麾下四十騎至奉天封東陽郡土爲定難功臣扈狩梁州爲賊抄獲繫長安獄賊平李晟釋之奏隸本軍累遷平定軍使憲宗立授涇原四鎮節度使隱敷軍籍得竄名者三千人歲收乾沒十萬緡吏白耄卒不任戰者可罷答曰古於老馬不棄况戰士乎聞者莫不感奮涇俗舊多賣子忠亮以財贖免者前後數百築潘原城有勞改封丹陽卒贈尙書右僕射諡曰靈

宋

孔守正浚邑人周世宗征淮南以材勇選爲東班承旨宋初補內殿直兼領驍雄吐渾指揮開寶中太祖征太原守正隸何繼筠麾下會契丹遣兵來援晉陽守正接戰於石嶺關大敗之斬首萬級時宋師陷敵者數百人守正單騎驅入盡奪以還太平興國中累遷日騎東西班指揮使太宗親征晉陽守正與蔡守恩率騎兵力戰晉軍遂潰從征范陽說關使劉禹使降守正入城

撫諭其軍民赴行在時契丹兵在涿州東守正與傅潛率御前東西班分兩班馳擊之逐北二十餘里至桑乾河契丹自是不敢近塞咸平初累遷安化軍留後卒年六十六贈泰寧軍節度使

石守信浚儀人事周世祖得隸帳下廣順初累遷親衛都虞侯太祖即位遷侍衛馬步軍都指揮使改領歸德軍節度李筠叛守信與高懷德率前軍進討破筠衆於長平斬首三千級以功加同平章事建隆二年移鎮鄆州詔賜本州宅一區乾德初稱病乞解兵權帝從之以散官就第賞賚甚厚太平興國初加檢校太師進封衛國公卒年五十七歲贈尙書令追封威武郡王諡武烈子保興保吉並有戰功保興拜棣州防禦使改澶州保吉鎮安軍節度使卒諡莊武

薛居正字子平開封浚儀人父仁謙周太祖賓客居正少好學有大志晉天福中華帥劉遂凝辟爲從事開運初改度支推官桑維翰爲開封府尹奏署

判官漢乾祐初史宏肇領侍衛親軍威權震主殘忍自恣無敢忤其意者其部下吏告民犯鹽禁法當死獄將決居正疑其不實召詰之乃吏與民有私憾因誣之逮吏鞠之具狀抵法宏肇雖怒甚亦無以屈周廣順初遷比部員外郎領三司推官旋知制誥周祖征兗州詔居正從行以勞加都官郎中顯德三年遷左諫議大夫擢宏文館學士判館事宋初遷戶部侍郎太祖親征李筠及李重進並留司三司俄出知許州建隆三年入爲樞密直學士權知貢舉乾德初加兵部侍郎車駕將親征太原大發民餽運時河南府饑逃亡者四萬家上憂之命居正馳傳招集浹旬民盡復業以本官參知政事開寶五年監修國史五代史踰年拜門下侍郎平章事太平興國初加右僕射昭文館大學士從平晉陽還進位司空因進丹砂遇毒卒年七十贈太尉中書令諡文惠居正氣貌瓌偉性孝行純居家儉約爲相任寬簡不好苛察士君子以此多之自參政至爲相凡十八年遇恩始終不替好讀書爲文落筆不

能自休子惟吉集爲三十卷上之賜名文惠集成平二年詔以居正配饗太祖廟庭子惟吉字世康居正養子也少有勇力形質魁岸與京師少年追逐角抵蹴鞠縱酒不謹雅好音樂嘗與伶人游居正不能知陰補右千牛衛及居正卒太宗親臨居正妻拜於喪所上存撫戴四因問不肖子安在頗改行否恐不能負荷先業奈何惟吉伏喪側竊聞上語懼赧不敢起自是盡革故態謝絕所與游者居喪有禮旣而多接賢士大夫頗涉獵書史時論翕然稱之上知其改行令知澶州改揚州上表自陳遷左千牛衛大將軍丁內艱卒哭起復本官懇求終制不許俄詔知河南府又知鳳翔府淳化五年秦州溫仲舒以伐木爲蕃戶攘奪驅其部落徙居渭北頗致騷動詔擇守臣安撫之乃命惟吉與仲舒對易其任未幾遷左領軍衛大將軍至道二年移知延州未行卒年四十二歲惟吉旣知非改過能折節下士輕財好施所至有能聲王侁字秘權浚儀人父朴周樞密使侁以陰任太僕寺丞王師渡江與樊若

水同知池州太平興國初預討梅山洞蠻契丹使來朝詔侁送於境上還使靈州通遠軍及旋言王師所留牙兵率與邊人交結頗桀黠難制歲久當慮請悉代之太宗因遣侁調內郡卒往代之戍者聞代多不願還侁祭其中旅拒者斬之以徇衆皆悚息遂將以還一歲中數往來西邊多奏使宜上多聽用遷通事舍人四年從征太原以侁護陽曲塌地石嶺關諸屯賜鹿馬介冑淳化五年召還道病至京師卒

劉廷翰開封浚儀人父紹隱死節於晉宋初廷翰預平上黨維揚補鐵騎都指揮使領廉州刺史太平興國四年從征太原領鎮州駐泊都鈐轄太宗北伐旣班師率兵屯真定冬契丹南侵廷翰戰於徐河大敗其衆於浦城以功領大同軍節度殿前都虞侯淳化三年改大名尹天雄軍節度以病求解官還闕上親臨問賜資有加未幾卒年七十贈侍中曾與郊祀恩當追封三世廷翰少孤其大父以上皆不逮事忘其家諱上爲撰名親書賜之子贊元宮

苑使登州刺史贊明皇城使勤州團練使尹繼倫沒儀人父勳邳州防禦使  
嘗內舉繼倫以爲可用太祖以補殿直預平嶺表下金陵太宗即位改供奉  
官端拱中威虜軍糧餽不繼契丹潛議入寇上聞遣李繼隆發鎮定軍萬餘  
護送輜重數千乘契丹將于越謀知之率精銳數萬騎將邀於路繼倫適領  
兵巡檄路與寇值侯夜人持短兵潛躡其後至唐州徐河間繼倫從後急擊  
殺其將皮室皮室契丹相也衆遂驚潰契丹自是不敢窺邊相戒曰當避黑  
面大王淳化初著作佐郎孫崇諫自契丹逃歸太宗詢以邊事極言徐河之  
戰契丹爲之奪氣故每聞繼倫名則倉皇不知所措於是遣繼倫尙食使領  
長州團練使以勵邊將至道二年召繼倫至京師時繼倫已被病強起受詔  
乘驛赴行營至慶州卒年五十上聞之嗟悼賜賻加等道中使護其喪而歸  
葬焉

劉師道字損之一字宗聖開封東明人父澤右補闕師道雍熙二年舉進士

初命和州防禦推官歷保寧鎮海二鎮從事凡十年王化基呂佑之樂史薦於朝擢著作佐郎又遷殿中丞出知彭州加監察御史轉運使劉錫馬襄上其治績召歸太宗獎其勤面賜緋魚真宗祠位進秩度支咸平初范正辭薦其材堪長民徙知潤州三年改淮南轉運副使兼淮南江浙荆湖發運使四年以漕事入奏特遷司封七月擢樞密直學士掌三班俄擢三司使祥符二年以兵部郎中知潭州遷太常少卿師道敏於吏事所至有聲吏民畏愛劑煩析滯案無留事歲滿復加樞密直學士暴病卒年五十四師道性慷慨尙氣善談世務與人交敦篤工爲詩多與楊億輩酬唱當時稱之祀鄉賢郭載字咸熙浚儀人父暉歷官義州刺史載以蔭補右班殿直端拱初出知秦州兼緣邊都巡檢使先是巡邊者多領兵騎以威戍人所至頗煩苦之載至乃悉減去戍人感悅改知成都府未幾受詔隨招安使王繼恩平李順之亂寇平而卒蜀人多嘆惜之



李繼宣浚儀人初爲貝州監軍咸平中以功累遷西上閣門使領康州刺史時契丹入寇繼宣率兵大戰敵敗走繼宣逐之馬中矢斃凡三易騎進至牟山谷大克之詔書褒獎加檢校官累遷至西京水南都巡檢使

王延德東明人曾祖芝濮陽令祖璋相州錄事參軍父溫晉末契丹內寇溫率鄉豪捍蔽境內里人德之宣祖掌畿甸兵與溫厚善延德方總角宣祖愛其謹重召置左右太宗尹京署爲親校太平興國初從征太原賜浚儀壽昌坊宅一區領蘇州刺史真宗嗣位改領懷州咸平初出知華州上幸大名爲東京舊城都巡檢使明年以風痺請告遣還本郡是冬卒年六十四贈邕州觀察使祀鄉賢子應昌端州團練使

明

祁英本姓元前明以靖難軍屢立戰功授副千戶遷指揮使洪熙元年陞中軍都督府都督僉事宣德六年卒宣宗賜祭葬子孫世襲壽州衛指揮僉事

英父元成洪武元年歸附大將軍徐達從軍爲驍騎小旗一日太祖親選軍卒至成名上曰此必海外異姓即舉筆易元爲祁至今子孫家儀封者仍姓元在官承襲皆從祁七世孫民表任中都留守司副留守

李敏字克勤邑崇化鄉人父彥通元樞密院鎮撫卒敏年十歲居喪盡禮承樂初歲大饑三兄恭寬信皆流移他方敏獨與弟惠奉嫡母路以衣食於陳蔡母沒時河決水溢常百里無人煙敏與弟奉柩跋涉七日夜抵家附葬父墓復葬從親無主者六喪歲大蝗不入敏居境人咸異之永樂十二年以明經貢於廷時成祖始都燕欲得文武士列官禁近親幸太學遴選班行中見敏相貌異之試以竭忠守分論論奏帝大悅即日授行在刑科給事中凡論奏時政帝皆嘉納十八年遷左給事中宣宗卽位晉南京都察院右僉都御史車駕親征高煦命敏扈從及樂安城克敏未嘗妄戮無辜師旋論功以敏爲最年五十七卒於官平生著述有編纂通鑑諸書行於世祀鄉賢

張瑛字廷彥邑通安鄉人天順壬午舉人知霑化縣以民困 傳磬餉首務

積穀會東郡饑流離載道獨霑境內無死徙旋居母憂服闋知 縣民間

掘地得錢數十萬曰於官瑛曰民爭之不法官受之不義盡給邑中貧乏九年致仕單車就道東光人刻碑記之卒年七十祀鄉賢

傅允字克誠邑圈頭鄉人幼苦志讀書至夜漏三下膏竭燒薪繼之火逸燃衣及膚滅之猶誦不輟天順甲申成進士任刑部主事能求情比法法定雖大官勢人莫之能奪在官出則乘驢不自畜管貨於養驢者之家京師遂呼爲乘驢公浙江銀場礦賊張信猖獗廷議薦爲提督參議允至信暗通守者以五千金置臥內乞勿捕允發其事且偵得與信通者抵法獲其黨四十餘人積患以平居母喪服除時憲宗方命將征大同威遠軍允以償運芻粟功荷璽書綵幣卽軍中賜之擢四州右參政卒於官年五十有二祀鄉賢子汝舟敦朴有行誼

李景繁字邦泰邑在坊鄉人成化己丑進士令三原以廉幹稱擢大僕寺丞改營繕主事弘治庚戌以都水郎中管漕河時漕河塞自淮入儀真凡三百里繁檄夫八萬人分布之初濬邵伯湖楊子橋三叉河廣皆六丈次濬黃陵驛廣倍於三叉次濬朴樹灣廣三倍於初次濬儀真壩廣倍於朴樹者三深於舊各五等已乃引河外諸陂塘水及瓜州東南江湖之匯以達漕舟猶告淺繁欲引江水都御史以下難之繁曰有害繁不敢避遂移濬夫守閘運土石備壩令潮至決壩起閘水入奔捍如雷衆懼繁不爲動暢流晝夜水瀾瀾與河岸平遂塞壩閉閘舟乃大通僉服其智勇繁分署徐州於城北築堤土石相半計四百餘丈半匝其城徐人至今世脫水患尋晉山西參議癸丑兵犯雲中以僭運功晉四川左參政尋致仕晉階嘉議大夫卒年七十七著有本草捷經人相大略各四卷祀鄉賢

楊謐字文寧邑隱賢鄉人成化己丑進士授崑山知縣輯奸宄興水利民頌

神君三年擢監察御史出按湖廣歲饑運米十萬斛賑濟饑民賴以全活尋居母喪服闋補南京畿道時孝宗初政急於登進才賢太宰襄毅公王恕薦謚連擢都察院右副都御史巡撫宣府力修屯政復勢豪侵地千餘頃分軍屯種歲得穀充餉餘補積年逋欠及馬價之缺部伍交驩三年尋詔還佐理院事晉兵部右侍郎謚做秀才時深以儀邑養馬爲害至得位奏請豁免尤大有功於儀邑卒年六十祀鄉賢

翟通字士亨邑通安鄉人成化壬辰進士任戶部主事督轉輸於徐州時歲饑道殣相望通首疏請賑淮徐以安淮揚鹽法壅遏屬通往治之富商鉅猾以金壺蓋數事匿置居室屏間通發其事奏聞擒首事者若干人盡抵以法太監汪直北征通從軍督餉直甚忌通通不少貶附師旋錫賚有加尋以郎中出賑關陝通請輸荆襄之糧以濟饑民全活甚衆晉陝西左參議撫治商洛剿妖寇黃南王剛謀等朝廷降璽書勞之晉山東右參政卒於官平生志

行廉潔歸囊蕭然惟圖史而已祀鄉賢

郭廷珪字國器邑崇化鄉人成化丁未進士居母憂諸弟有促其析產者乃號泣從之盡讓產於四弟恐傷父心服除授南京戶部主事再補南京刑部填人有范和者與其徒李鍾同出因酒忿鍾毆和死乘夜焚其屍諸訊者舉不得情以屬廷珪廷珪禱於神夜夢釜鳴自外入寤曰釜飯器也又釜鳴鍾也范器其在鍾家乎果得填器二又雜諸填器使和之妻辨之其妻內持二器泣曰此故夫出所攜物也召鍾一訊而伏人以爲神以不得於當事謫知膠州膠人譚深爲逆圜瑾偵卒延珪擒治之堙怒坐以災異奏瀆罰米二百石尋陞荊州府同知荆人德之晉程蕃府知府不就歸卒年七十八以子維藩貴晉階中憲大夫生平著述有遺集祀鄉賢

王廷相字子衡儀封人年十三補邑庠生弘治八年舉於鄉十五年登進士改翰林庶吉士授兵科給事中劉瑾中以罪擯亳州州判識薛蕙於稠人中

調高淳知縣尋晉監察御史出按陝西時鎮守權閹廖鏜貪虐裁抑之先是  
廷相督學北畿權閹三王二劉納賄學政廷相焚其書於庭至是鏜誣奏廷  
相二閹協力相構繫獄吏部尙書楊一清都給事中李鐸監察御史平世用  
等皆抗疏論救謫贛榆縣丞陞寧國知縣歷松江同知四川提學僉事山東  
提學副使嘉靖癸未陞湖廣按察使平李見寇亂甲申以山東右布政使居  
母憂著喪禮備纂丁亥陞副都御史巡撫四川平向信亂賜金幣時國論亟  
籌邊并嚴核官府冗冒乃以兵部右侍郎督修邊工以左侍郎清查騰驤四  
衛勇士旋晉南京兵部尙書廷相謂南京根本重地守備重權不宜久屬魏  
國專司請如各處文武官推代上從之更置推代自此始越三年召爲都察  
院左都御史掌院事世宗傳諭欲令太子監國舉朝錯愕延相奏太子春秋  
方幼一旦御事恐失分別壅蔽自此而生疏入其事報罷尋加太子太保賜  
玉帶御史馮恩論吏部尙書汪鉉貪鄙狀上怒下所司所司引上言大臣德

政律擬死廷相具疏辨之以申臺諫敢言之氣上將南幸命廷相輔行掌軍務及行在兵部都察院事踰年以郭勛事罷官歸越三年卒年七十有一歷事三朝以忠誠爲本讀古人書言求實用與大梁李夢陽信陽何景明武功康海東吳徐縉以古文相倡一變成化前纖弱靡麗之習所著有溝斷集臺史集近海集吳中稿泉上稿家居集鄂城稿小司馬集金陵稿喪禮備纂慎言雜述總爲王氏家藏集六十卷又奏議公移語略歸田集三十卷皆行於世贈少保諡肅敏葬祭恤典有加明史立傳祀鄉賢

雷啓東字震之邑崇化鄉人父文任教職母楊氏患疾啓東方童時懽禱泰嶽神祠母感夢疾愈登弘治乙丑進士授山東鄒城令有惠政居母憂復補臨朐值流賊擾亂山東城邑荒沒啓東乃集其民之僅存者酌財力以定徵徭劑量悉平築城浚池五月事竣賊率大衆臨城啓東與民誓以死守且隨事設奇歷三晝夜賊衆引去是時齊魯間論保障功以啓東與樂陵知縣許



達章邱知縣章秉懿號爲三傑三年晉戶部主事以收草價事當道啣之啓東不善引避遂罷歸年甫強仕惟孝事其父更不復問世事亦不治家人產晚年優游泉石自號逸菴卒年六十有四所著有逸菴楹社雜編二卷祀鄉賢

劉大謨字遠夫邑隱賢鄉人父愷治禮經學者宗之大謨克承父志正德戊辰進士授戶部主事督古北口軍餉能正權閹侵漁改監察御史值逆瑾專政大謨與麻城劉天和壽張董建中桐城余珊崑山周廣俱侃直不撓言路以振出按遼東忤鎮守權閹李章誣奏大謨逮繫詔獄士民號泣自遼陽抵山海關遮道不絕謫隆德縣典史量移蒲城縣知縣鳳陽府同知浙江按察僉事所至皆著治績嘉靖初轉山西副使四川左參政以平番功時賜銀幣尋以母憂歸服除晉都察院右僉都御史巡撫山西有經略三關議被言者擠之致政歸十年再起巡撫四川蜀人喜其再至修四川總志屯田志及所

著三蜀兩遊稿大興文教癸卯晉左副都御史是年卒於成都年六十有八  
訃聞詔賜祭葬祀鄉賢

張原明字孟復邑涪陽鄉人父綸以明經任學博原明幼秉家學登正德辛  
未進士歷官部郎有南畿富猾恃江斌爲奧援數戕人命原明按之盡法斌  
復浼時宰共嗾之原明日身可死法不可易略不爲動時號鐵面郎中武宗  
欲巡幸方岳權幸蓄謀叵測原明伏闕固留詔廷杖幾死辛巳晉四川按察  
副使世宗卽位追錄前功詔進食三品俸任蜀四年平石灰溪寇亂開夔州  
東山路七百里以避瞿塘灘瀕之險設瞿關以遏巫山奉節間盜賊竊伏之  
虞全蜀永賴乙酉陞甘肅行太僕寺卿尋晉陝西右布政使壬辰關輔大饑  
原明督理賑濟閭閻秦隴間數月衣履俱穿全活甚衆關中人戴之若更生  
事聞賜金幣踰年上疏乞歸吏部右侍郎霍韜奏稱原明歷官三十年始終  
一節今懇乞休致乞加晉職銜以爲崇獎恬退激勸士風之盛典詔晉光祿

寺卿致仕卒年七十四所著有座右編庚午集復泉存稿諸書行於世祀鄉賢

郭維藩字价夫邑崇化鄉人刑部主事廷珪子正德辛未進士改翰林庶吉士授檢討丁丑同考會試晉南京國子監司業毅然修復師氏之教「端坐帷中與六館士講授經書士習翕然釐正嘉靖初晉侍講學士掌南京翰林院事尋晉侍讀學士典內制壬辰主考會試力正文體時號得人詔進經筵維藩每借經書意旨爲啓沃開陳一日講尙書天惟純佑命章末獻言有曰去躁急之習而崇敦大之風上諭輔臣謂維藩言必有所指使究言之維藩乃疏防民邪正士風辨賢才闢僞學罷選貢復吉士崇師儒廣言路八事上嘉納之未幾免歸三年詔還又進講大學衍義仍前啓沃上乃嘉悅賜金幣寶鏹晉大常少卿兼侍讀學士掌翰林院事卒年六十三上震悼諭祭葬有遺集十卷門人德清蔡汝楠刻之行世祀鄉賢

張漢卿字元傑邑通安鄉人瑛子也漢卿幼承父教爲學務期實用正德辛未成進士授魏縣知縣潔已愛民張魏縣之名滿燕趙徵拜刑科給事中屢遷戶科都給事中嘉靖朝疏言畿輔莊田皆奪民業之乞還之民以及后父陳萬年請營新第又乞莊田內官吳勳等請督蘇州織造皆極諫不納已又劾席書振濟垂方乞遣官往勘正其欺罔帝方眷書甚召爲禮部尙書不罪也初興獻帝議加皇號漢卿力爭至是又倡衆伏闕兩受杖斥爲民二十年言官邢如默賈準等會薦天下遺賢及漢卿終不召卒年六十一隆慶初追贈太常寺少卿明史爲立傳祀鄉賢

王教字庸之邑崇化鄉人始寄籍祥符學生後去籍歸邑爲諸生時過湯陰爲弔岳武穆詞賦安陽崔文敏銑時亦未第見而奇之嘉靖癸未成進士時世宗嗣位臨軒策士教以帝王治天下之大本大法大幾八對上擢置一甲第二人授翰林編修丙戌己丑壬辰三充會試同考官得人稱最充經筵展

書官預修會典應詔獻郊祀議陳時政十二事上嘉納之晉侍讀兼司經局事充經筵講官尋掌南京翰林院事召還爲國子祭酒董正監事撰六堂箴銘揭之館壁以誨生徒己亥册立東宮命以祭酒兼右諭德再晉南京兵部右侍郎辛丑入賀聖節還以疾卒年六十三上賜祭葬所著有中川遺稿三十三卷行於世祀鄉賢子三在知名能詩任無爲州訓導

張鹵字召和父立隱居不仕鹵弱冠舉於鄉嘉靖己未成進士歷知婺源高平二邑以治行異等徵拜禮科給事中庚午晉太常少卿命未下會內江相請更制兵營鹵草疏極言不可或勸之曰已遷官言少巽何如鹵曰未拜命猶諫官也疏入從之辛未陞右通政旋拜南京都察院僉都御史提督操江巡撫浙江以養母予告戊寅詔巡撫保定提督紫荆倒馬等關加右副都御史鹵自通政擢中丞三領節鉞在操江殲叛卒馬應祥在河道獲妖人王溪在保定修三關險阨百里保障大璫馮保丐建坊鹵不許以爲勞百姓力媚

士大夫尙不可况內璫乎保目攝之而未發也相居正以材望相推每與談可否具以書聞鹵有所薦進及論刺皆獨行其意不阿居正漸不能平嗾言官論之左遷南京太常乞休歸後居正敗本省撫按以境內人材再薦起用疏累上不果卒於家所著有澹東文集神宗賜祭一壇田四頃除徵祀鄉賢張鳳彩字南隅父大綸鳳彩生而聰穎邑令孫文龍器之延入公署讀書萬歷丁酉戊戌聯捷成進士初授東阿縣慈祥愷惻潔已愛民值張秋濬築之役民困難支鳳彩調劑保護隨事便民民感之立石建祠尋擢禮科給事中遇事侃侃直言凡藩王之封報與貴顯之侵易必加意慎重不使滋蔓晉秩工左一切水衡冒破極力節裁歲省金錢數十萬居恆誼篤桑梓念儀邑糧重累民具揭投部乞裁省凡前後請命不惜心力以病卒於官事遂寢櫬歸里人深悼之所著有禮工二垣題稿擊筑吟詩集藏於家祀鄉賢戴一松字明菴萬歷己卯舉人初任五河縣治行廉能得奸吏置之法閭邑

頌爲神君調繁豐邑代完前任舊逋慷慨仗義勤於民事時有蝗不入境之謠陞慶陽府通判士民勒石頌德尋歸里閉戶却掃未嘗干謁公門祀鄉賢周三樂字性然太學生天啓末授山東海豐縣主簿著本縣事廉稱甚著有隣邑大紳舟過焚於火脅境人償之縣爲捕繫百餘人送簿理之吏曰此事可得三百金三樂大怒笞吏逐之所捕繫者悉解縱抗牒代民訟冤事遂寢崇禎元年入貢蘇油監場閹人索賄不收將黜濟南郡守三樂至欲持油叩閹閹人乃已陞山西雲川衛經歷未任歸里踰年卒無子從姪有鳳葬之舊志載王通洪武初立戰功陞隆慶衛指揮僉事改武功衛繩矩以軍功陞都司署指揮僉事二人但書職守事蹟未詳無憑立傳又武功載楊廉胡江祁民表三人皆係世襲茲另列封蔭條下

皇清

尙金章字紫雲生有異瑞弱冠入庠旋食餼順治戊子拔貢入監領順天鄉

薦已丑成進士授山西沁水縣時姜鑲雖授首而餘黨盤踞沁境猖獗如故金韋單騎入寇營多方開導賊衆感其誠悉降離亂後百姓逃亡土田荆棘申請招集流民寬徭賦由是漸次復業辛卯分校棘園所拔皆知名士兩院重其賢薦於朝補刑部員外旋擢郎中獄案山積多所平反庚子提學粵西加意振作得真才試竣旋里卒年五十七歲所著有領南草公餘集祀鄉賢王嗣定字定菴肅敏王公曾孫壽齡即善讀書克承先訓每誦肅敏公奏議輒以用世之學自期弱冠補弟子員順治丙戌領鄉薦知湖廣澧州州治濱湖苗民雜處且當兵革之後餘氛未靖頗稱難治甫下車嚴緝奸宄撫循井牧踰年綱紀大張乃葺文廟進學校諸生相與講論切劘人文丕振上官知其賢交口推薦尋以疾致仕歸里澧人愛慕爲立去思碑

曹之錦字製廣一字白公爲諸生時慷慨有大志順治乙酉登賢書丙戌成進士授山東新泰令時邑初入版圖井牧凋瘵之錦惻然憂之乃如意撫循



以復民氣教士勸農靄然相接百姓戴之旋移江南黟縣黟境與江西接壤  
兩省奸民聚集其間草寇充斥時擾城下前官以失守落職之錦居官鎮靜  
與民期約先事密防寇亦斂戢卒以前任新泰失察被議罷官歸蕭然自得  
杜門終老

張文旦字旦復邑崇化鄉人順治甲午孝廉登己亥進士授江西高安令邑  
居萬山之中匪類蟠結夜行晝伏騷擾居民文旦勸懲並用捕一二賊渠盡  
法處之餘則憫其愚昧卹其饑寒並示以法網森嚴令其改業漸至化盜爲  
良邑舊例歲漕萬石解上之外尙羨八百餘石文旦按額清釐悉爲裁革高  
安西南境爲往來孔道有虎爲害文旦爲文祝之虎徙去患遂息後以疾去  
官歸里邑人勒其德政

馬騏字大千邑諸生爲忠烈恆年兄子生而英敏器宇不凡弱冠遊邑庠順  
治甲午領鄉薦己亥成進士授浙江象山縣僻處海隅頗稱難治騏泣任編

徭讞獄明允精詳踰年吏惕民懷秩滿課最會耿逆之變海寇直逼邑治副將羅萬里以城降駟獨力不能支爲賊束縛解閩賊衆迫脅毅然不少屈嗣以大兵壓境羣盜惶恐駟乃得乘間脫泚奔赴

康親王及閩省諸大憲鑒駟忠節復委連城縣事當駟之坐困賊窳與邵武郡守張端午建昌郡守高天爵潛謀起兵剪寇計洩張與高已受耿戮駟發長樂僞城守馬鳳監絞其得免於難誠爲萬死一生寇平查核前事將管秩擢用駟夷然長辭徒步歸里家居二十餘年足跡不至公庭日以賦詩飲酒自娛怡然終老

侯殿邦字晉錫號膚公邑隱賢鄉人順治辛卯舉人辛丑進士授直隸正定知縣家居自矢曰居官但不爲胥役所蒙則地方利弊何難盡悉及澆正定首嚴胥役猾吏屏息興除諸政次第舉行正定當九省之衝往來供役百姓苦之殿邦悉爲汰革邑南連滹沱河久爲巨浸浮沙壓地不下萬餘畝賦多

通積殿邦力請豁除冬月建橋其上民不病涉上官嘉其治績尋以病解組  
王匯字觀瀾其先江西南昌人曾祖朝漢始遷儀封越兩世生匯賦性聰穎  
讀書過目不忘少孤家貧明末寇起奉母避難河朔流離遷徙力學不懈順  
治辛卯舉於鄉壬辰成進士初任陝西安定縣地經兵燹民多流亡匯泣任  
招徠撫綏以復民氣上官稱爲治行第一居母憂服闋補湖廣應山縣縣當  
楚豫接壤素號衝繁時以房縣餘氛未靖兩省會勦軍需旁午乃力爲剔除  
陋規釐正戶役使奸猾不得滋擾百姓咸賴以安秩滿陞工部都水司主事  
尋提督張秋北河疏濬有法運艘不至壅滯差竣致仕旋里訓課子孫丹鉛  
經史經年不造縣庭遇邑中公事侃侃直陳洞澈利弊鄉黨依以爲重家居  
三十餘年壽八十有七子維熙孫坦俱廩生曾元遶膝五世一堂咸稱熙朝  
人瑞云

曹樸字曰朴其先洪洞人明永樂間遷於邑之黃陵崗康熙己酉科以祥符

籍舉於鄉壬戌成進士知廣西岑溪縣縣接廣東界山賊竄伏時有擾害又苗獠雜處最稱難治樸泣岑九年清寇盜衛民生興學校多諸善政陞刑部主事旋晉本部員外郎部臣有出巡河南者諮以利弊樸對以僉派河堤堡夫最多擾累至則設法更之迄今臨河州縣皆賴焉陞兵部職方司郎中患病乞假調治卒於途年六十有二

張伯行字孝先邑諸生讀書不事章句毅然以理學自任康熙辛酉舉於鄉乙丑成進士補中書舍人甲戌以父憂歸己卯淫雨決護城堤邑人大恐伯行募民囊沙塞堤擘畫周至總河張公閱堤至儀異之題赴河工効力上治河議十條隨補山東濟寧道歲荒饑民載路不遑申請動用倉穀累萬分賑當事將以專擅題參乃引漢汲黯持節發倉故事具詳獲免尋遷江蘇司臬甫兩月陞福建巡撫褒廉糾墨風化大行建鰲峰書院造士人稱道南嗣音庚寅移節江蘇時總督嚆禮壞法營私辛卯科場弊發核實具題督臣互劾

並落職使者屢獻皆祖督臣疏再上

聖祖知伯行爲天下第一清官留撫江蘇督臣斥職自是直聲益振丙申總督倉場丁酉典試順天辛丑總裁會試得人極盛

世宗登極遷禮部尙書晉秩一品追贈三代

賜額禮樂名臣雍正三年春秋七十有五卒於官預檢生平著述授子師載口授遺疏勸崇正學勵直臣一語不及其私疏入

世宗憲皇帝震悼

遣親王奠茶酒

賜祭葬有加謚清恪祀鄉賢所著有文集困學錄濂洛關閩書集解小學集解近思錄集解續近思錄集解刊刻行世

湯豫誠字素一幼失怙恃與兄曰璉弟作枚俱在童穉伶仃無依年十四始習句讀性敏漸造邃深康熙壬午登賢書己丑成進士授海豐縣令政尙嚴

肅吏惕民懷境內有異教奉活佛惑衆豫誠曳其像焚之諭民各務正業勿納於邪雍正元年以治績陞東昌郡守尋擢山東督糧道會歲饑查賑經海豐父老郊迎相對泣下踰年轉山西冀寧道督理糧屯驛傳事務爲雁平道謝王寵誣訐落職按問事白隨補雁平道三任監司潔已率屬所至有聲乙卯改直隸口北道以承辦運車持正不阿爲同事所忌蜚語中傷解任馳驛赴京留任戶部員外郎

今上嗣服遂以衰老告歸閉戶擁書研窮經學卒年七十有四所著有四子書困學編周易毛詩說略春秋經傳集註子元長國學生讀父書

張師載清恪公次子字又渠號西銘晚號愚齋少穎異力書深得清恪公之傳康熙丁酉舉孝廉以陰補戶部員外旋守揚州兩任河庫道擢豫章臬所在有政聲由是內而通政副使宗人府丞倉場侍郎外則協督南河安徽巡撫以河決罷職家居恬如也丙子夏起授兵部侍郎嗣以大司馬總督漕務

調河東河道總督中外敫歷凡四十餘年皆以實心行實政上則深荷

主知下則克修庶職其治功卓犖可紀彪炳宇宙間者自必功在 社稷名在

河山矣可無復誌爲人度量恢宏天性仁愛忠事

君孝事親與人交溫溫然而彌篤心無機械胸無藏言負己侮己俱不與校  
敬謹小心和平溫厚蓋終其身如一日平生無他好暇則手持一卷于書無  
不讀終日危坐如對聖賢故其發爲治術悉本經史而出偉然

盛代之醇臣實粹然一世之醇儒也年六十九卒于任加

宮保

賜全祭葬諡愨敬

張濼字餘波邑隱賢鄉人廣濟令孚先子也天姿豪邁遇事有擔荷康熙丁  
酉登賢書雍正丁未成進士授開平令開平壤接新會有村曰大官田小官  
田地勢漫衍爲百峰山草寇出沒之所爲患數十年卒難撲滅督臣憂之遣

濼往戢諭以見幾行事濼率壯士數人深入百峯賊窟婉轉開導示以

聖朝寬大仁慈不殺之意宵小俛首隨帶賊渠赴省覆命上官咸加褒獎濼復上條議請於大小官田等處設立縣城以塞羣盜門戶繪圖貼說以進上官如議題准特設鶴山縣於大小官田之間開平新會新興恩平諸邑永息寇警地方寧謐濼實有以造之居恆剛直不屑屑伺人意旨卒被吏議去官不克大展抱負卒年七十有三

張師赤字松門號豫川乾隆壬戌科進士爲人沉敏有智略明達世務仕山左初署博興即委辦鄰城賑務查聊城昌邑水災盡心盡力民實被其澤歷署長清泰安東平諸篆民以爲萬家生佛理新泰六年教民種植比戶殷富別弊扶衰治績備載家乘乾隆二十三年以卓異

陞見旋調諸城令政尙體要不茹不吐寬嚴得宜暇日課士於蘇子超然臺品題悉當庚辰鄉會兩元俱出諸邑中式之多不可枚舉是歲鄰境多蝗災及



諸境師赤爲文祝之輒赴東海死侍御李公有滄海曾驅五月蝗之句以咏其清政之盛焉後以疾歸里卒年六十有三生三子鍾巽太學生鍾元邑增生鍾寶太學生諸孫林立長孫治綱尤爲弱冠入庠

熊維祝字仲龍號占菴貧而好學弱冠入庠旋食餼康熙乙卯科登賢書辛未成進士閉戶傳經非公不見邑宰嘗以報

國濟民爲念迨謁銓吏曹得陝西長武縣前任繩公鈺與公同鄉虧缺累累公至慨然任之其不吝財而克敦古道如此涖任三月力清訟讞弊絕風清邑之士民咸頌爲仁父母焉方謀立義學培植人材而命與數違頓以疾逝至今長武人道及公猶郤歎不置云

補遺

馮安宅字弗曠號劄齋邑貢生孜恪子天性仁孝嗜學能文年十九入庠旋食餼壬子舉於鄉終困禮闈乾隆二十六年授龍門令邑隣榆塞地瘠民貧凡所因革期順民情邑有灘沒地畝民苦征輸奉

上諭查勘安宅力請詳免又官馬出口放青民頗疲於支應安宅改爲官辦民咸感悅舊有義學幾等虛設安宅敦請明師日勤講課復捐俸以資膏火之不給歲壬午苦雨明年復大旱安宅祝晴祈雨徒步泣禱有求輒應邑人以神君頌之涖任三年卒於官年六十有四子三長育增貢生次亨廩貢生次交業儒克承其家

### 文學

漢

劉昆字桓公陳留東昏人梁孝王之胤也少習容禮平帝時受施氏易於沛人戴賓能彈雅琴知清角之操教授弟子恆五百餘人每春秋饗射備列典儀以素木瓠葉爲俎豆桑弧蒿矢以射兔首每行禮縣宰輒率吏屬觀之王莽以昆多聚徒衆私行大禮有僭上心乃繫昆及家屬於外黃獄莽敗世亂避難河南負犢山建武五年教授江陵光武聞之除爲江陵令境內連年火

災昆向火叩頭多能降雨止風徵拜議郎遷侍中弘農太守先是崕龜驛道多虎行旅不通昆爲政三年仁化大行虎皆負子渡河帝聞而異之徵爲光祿勳詔問昆曰前在江陵反風滅火後守弘農虎北渡河行何德政而致是昆對曰偶然耳左右皆笑其實訥帝嘆曰此乃長者之言也命書諸策尋拜騎都尉以老乞骸骨詔賜洛陽第舍以千石祿終其身中元二年卒子軼字君文克承父業永平中爲太子中庶遷宗正均祀鄉賢

楊倫字仲理陳留東昏人也少爲諸生師事司徒丁鴻習古文尙書爲郡文學椽志乖於時以不能人間事遂去職不復應州郡命講授於大澤中弟子至千餘人元初中特徵博士爲清河王傳是歲安帝崩倫輒棄官奔喪號泣闕下不絕聲闔太后以其專擅去職坐抵罪順帝即位詔免倫刑遂留行喪於恭陵服闋徵拜侍中是時邵陵令任嘉在職貪穢因遷武威太守後有人奏嘉賊罪其所率染將相大臣百有餘人倫乃上書曰臣聞春秋誅惡及本

本誅則惡清振裘持領領正則毛理今任嘉所坐狼籍未受辜戮猥以垢臭  
改典大郡自非案坐舉者無以禁絕姦萌云云有司以倫言切直不遜坐不  
敬律詔書特原之免歸田里陽嘉二年徵拜大中大夫將軍梁商以爲長史  
諫誨不合出補常山王傅病不之官詔書刺司隸催促發遣倫乃留河內朝  
歌以疾自上曰有留死一尺無北行一寸刎頸不易九裂不恨匹夫所執強  
於三軍固敢有辭坐稽留王命免既歸閉門講授絕意人事公車復徵遜遁  
不行卒於家祀鄉賢

唐

吳競浚儀人少厲志淹貫經史方直寡諧魏元中朱敬則薦競才堪論議詔  
直史館修國史累遷起居郎與劉子元徐堅等並職玄宗初立收還權綱銳  
於決事羣臣畏服競慮帝果而不及精察乃上疏勸上納諫尋以母喪去官  
服除自陳修史有緒家貧不能具紙筆願得少祿以終餘功詔拜諫議大夫

復修史競就集賢院論次時張說罷宰相在家修史大臣奏國史不容在外  
詔競等赴館撰錄晉封長垣縣男久之坐書事不當貶荊州司馬以史草自  
隨蕭嵩領國史奏遣使者往競取書得六十餘篇累遷洪州刺史坐累下除  
舒州競叙事簡核號稱良史卒年八十競初與劉子元撰武后實錄叙張昌  
宗誘張說誣證魏元忠事頗言說已然可賴宋璟激勵苦切故轉禍爲忠不  
然皇嗣且殆後說爲相知競所爲乃從容謬謂曰劉生書魏齊公事不少假  
借奈何競曰子元已亡不可受誣地下競實書之其草具在聞者嘆其直世  
謂今董狐云

宋

和峴字晦仁開封浚儀人晉宰相凝之子也仕晉爲著作郎丁父憂服闋拜  
太常丞建隆初授太常博士從祀南郊贊導乘輿進退閑雅太祖謂近侍曰  
此誰氏之子熟於贊相左右即以峴門閥對拜刑部員外郎兼博士仍判太

常寺乾德元年十一月甲子有事於南郊丁丑冬至有司復請祀吳天上帝  
詔峴議其禮峴以祭義戒於煩數請罷之二年議孝明孝惠二后神主祔於  
別廟峴以舊禮有二后同廟之文無各殿異室之說今二后同祔別廟亦宜  
共殿別室孝明皇后嘗母儀天下宜居上室孝惠皇后止以追尊當居次室  
從之又嘗言依舊典宗廟殿廷設宮縣三十六架加鼓吹熊羆十二案朝會  
登歌用五瑞郊廟奠獻用四瑞回仗至樓前奏采茨之曲御樓奏隆安之曲  
各用樂章又謂八佾之舞以象文德武功請用元德升聞天下大定二舞並  
從其議太祖以雅樂聲高詔峴講求其理以均節之自是八音和暢上甚嘉  
之遷司勳員外郎太宗即位遷京東轉運使年五十六卒所著有奉常集五  
卷秘閣集三十卷注釋武成王廟贊五卷

和嶸字顯仁凝第四子也生五六歲凝教之誦古詩賦一歷輒不亡令詠物  
爲四句詩頗有思致凝嘆賞而奇之語峴曰此兒他日必以文章顯吾老矣

汝曹善保護之太平興國八年擢進士第累遷光祿寺丞先是凝嘗取古今史傳聽訟斷獄辨雪冤枉等事著爲疑獄集矇因增益事類分爲三卷及所著文賦五十軸並上之召試中書擢爲太子中允補註凝所撰古今孝悌集成十卷以獻遂以本官置集賢院賜緋魚三年遷右正言至道元年賜金紫與王旦同判吏部銓知制誥是秋晨起將朝風眩暴作而卒年四十五上聞之驚嘆遣中使就家問疾狀並恤其孤賙賻加等長子珙纔十歲授大理評事次子璲補太廟齋郎矇好修飾容儀自五鼓張燈燭至辨色冠帶方畢雖幼能屬文殊少警策每草制必精思討索而後成拘於引類偶對頗失典誥之體上以其家貴子能業文甚寵待之

元

張特立字文舉東明人初名永避金衛紹王諱易今名舉泰和進士任偃師主簿改宜德州司候州多金國戚號難治特立至官俱往謁之有五將軍率

家奴劫民羣羊特立命大索閭里遂過將軍家溫言誘之曰將軍宅寧有盜羊者聊視之以杜衆口潛使人索其後庭得羊數十遂縛其奴繫獄豪貴由是遵法民賴以全正大初遷洛陽令尋拜監察御史首言世宗諸孫不宜幽囚執政者忌之遂歸田里晚年教授諸生東平嚴實每加禮焉歲丙午世祖在潛邸首傳旨諭特立曰前監察御史張特立養素邱園易代如一今年幾七十研究聖經宜錫嘉名以光潛德特賜號曰中庸先生名其讀書之堂曰麗澤復降輿書諭特立曰白首窮經誨人不倦無過不及學者宗之錫爾嘉名以彰寵數卒年七十有五所著書有易集說歷年係事記

王鶚字百一東明人曾祖成祖立父琛鶚始生有大鳥止於庭鄉先生張大淵曰鶚也是兒其有大名乎因名之幼聰悟日誦千餘言長工詞賦金正大元年中進士第一授應奉翰林文字六年授歸德府判官行亳州城父令七年改同知申州事行蔡州汝陽令丁母憂天興二年金主遷蔡詔尙書省移



書悅山公武仙進兵金主覽書問誰爲之右丞完顏仲德曰前翰林應奉王  
鶚也曰朕卽位時狀元耶召見惜擢用之晚復授尙書省右司都事陞左右  
司郎中三年蔡陷將被殺萬戶張柔聞其名救之輦歸館於保州甲辰冬世  
祖在藩邸訪求遺逸之士遣使聘鶚及至使者數輩迎勞召對進講孝經書  
易及齊家治國之道古今事物之變每夜分乃罷世祖曰我雖未能即行汝  
言安知異日不能行之耶庚申世祖卽位建元中統首投翰林學士承旨制  
誥典章皆所裁定至元元年加資善大夫五年乞致仕詔有司歲給廩祿終  
其身有大事則遣使就問之十年卒年八十四謚文康鶚樂易爲文不事雕  
飾嘗曰學者當以窮理爲先分章析句乃經生舉子之業非爲己之學也著  
論語集義一卷汝南遺事二卷詩文四十卷曰應物集無子壻周鐸外孫之  
綱爲之營葬刻其遺書之綱官至翰林侍讀學士

明

李則昌元進士洪武初任禮部尙書子藻任絳縣丞從子曰珍曰瑤皆元進士珍累官翰林學士瑤太原府知府父子伯姪皆以文學行誼名後藻謫戍雲南洱海珍瑤又俱無子故其行事無可考見僅於學宮碑記得其略云

張振字濟民邑堯陽鄉人少以經術節義知名永樂甲午舉於鄉是時制藝初定程式振所爲文闡發聖人立言之旨前輩爭誦法之初任興平訓導調唐山訓導年五十念高堂垂白不忍以一官久曠子職乃手繪望雲圖旋即解綬終養欣然娛老其學以復性爲宗以潤身爲自得與前進士田鑑談詩悉自性情流出有近體詩若干首以孫原明貴贈中憲大夫

張鑑字視明邑通安鄉人永樂辛丑進士初膺民社以事望謫戍龍門衛旋復起用官至指揮僉事中爲權貴所擠調慶遠衛副千戶既老而歸子孫得世其官卒年九十所著有砥礪指南歸舟三集梅花百詠數種藏於家其先世本田氏後復田姓子畊成化乙未進士初任郟城復補滕縣有才名

王斌邑人贈兵部侍郎鶴之父兵部侍郎教之祖也有學行官與客儀曹詔擢異之晉秩寺丞膺寵詔退歸以經術勗其子孫五子皆有才名克承世業再傳至教而大振家聲邑人重其品望爲儀巨族堯兆碣石可考而知僅以光祿丞終未克大展其用王氏以文章起家自斌始

張綸字君言振子也平生孝友純篤不苟取與天順六年以明經貢於廷初任如臯教諭一本禮教以範生徒旋調山陰教諭山陰士人好挽弓騁馬綸條教嚴明士習丕變年六十致仕歸里公舉鄉飲大賓垂老猶手錄太極定性諸圖皇極律呂諸篇以授生徒遠近宗其傳者甚衆王肅敏公廷相自諸生時卽日侍左右爲能傳綸之學者嘗作綸贊曰出嬉入恬動順靜適與道翱翔陶然自得壽至九十有三所著有省菴集愚儒錄各四卷以子原明貴累贈中憲大夫

李恆字彥常邑在坊鄉人博學能文尤工於詩屢試於鄉不偶天順四年貢

於廷卒業而歸橫經授徒從遊甚衆後謁選授黃陂知縣九年政成遷淮安府同知黃陂之民詣闕懇留詔改黃州仍知縣事卒於官嘉靖辛亥儀邑卒王國光夜夢一人持牒相見曰我楚大夫也詰旦國光詣學以告學官弟子莫知其故是日有移文自黃州至謂公已崇祀彼州名宦當入本邑鄉賢其英爽如是人咸異之祀鄉賢

雷文字崇翰邑崇化鄉人啓東父也性至孝雖年至耆艾愛慕不異嬰孺成化十九年以明經貢於庭授商河訓導以躬行導士遇束脩禮餽即轉給貧士之不能婚喪者居九年廉慎如一日晉臨城教諭又八年致政歸躬修簡默足跡不履城市惟鄉飲賓筵一見邑宰鄉里有事涉爭競及後輩行誼不飭者望其居廬翻然悔過晚年猶口授生徒壽九十有四無疾而卒

許廷英爲邑諸生苦志力學慕古人下帷閉戶遺風坐擁羣籍經年不出戶庭弘治九年膺選拔授贊皇縣令潔已愛民未嘗加橫撻踰年免官歸布袍

茅屋不改寒素日浸淫於詩古文詞往往月落夜闌諷詠之聲達於里巷生平淡泊不好名其所著作亦不傳於後

馬國貢父麒貢生任寧陽縣主簿國貢克承父志學通五經邑人受業甚衆正德丙子舉於鄉授山東棲霞縣知縣民苦礦盜爲害國貢下車即擒賊首衆悉解散境內得安居官廉潔自矢裁課稅賑饑民課士多得人且爲發明忠孝大義有感激泣下者逾歲告歸行李惟圖書數卷棲霞士庶爲立生祠歸仍教授生徒纂禮書正俗邑時未建北堤秋汛侵城國貢倡義上書當道調十六縣民夫創築護城堤儀邑永賴祀鄉賢

劉愷字邦傑隱賢鄉人好學博覽羣書精於三禮融會先儒註疏自撰集說遠近皆宗之弘治戊午貢於廷授黎城縣教諭文教大行年六十解任歸里日惟談經論史杖策林臯夷然脫略塵世邑人推重屢舉鄉飲一夕語其子大謨曰吾生平無過人事但一毫惡念弗萌於中敢云仰不愧俯不忤庶幾

夢寢稍安耳古云喪欲速貧死欲速朽我死但以麤布裹尸足矣慎勿過也未踰旬而卒年八十有七以子大謨貴贈中憲大夫祀鄉賢

張大綸字鯉門邑崇化鄉人刻苦讀書學富經述以貢生任長垣縣訓導提躬教士人比之蘇湖長垣歲饑捐俸煮粥活民其邑人刻石記之再任偃師偃士不知春秋經乃指授之一時從學甚衆偃邑後有以春秋捷南宮者大綸之教也年六十告歸閉門著書足跡不入公門三子皆克成立鳳彩登進士爲直諫名臣識者歸美庭訓生平著述有春秋楷旨若干卷藏於家祀鄉賢

張立字惟中號兩山九歲能詩隨父原明宦京師讀書坐臥一室十載不窺戶外淹貫五經尤精易理嘉靖甲寅以明經貢於廷不赴性至孝遇父母寢疾躬侍湯藥衣不解帶父歿以瑩兆未卜晝夜哀號友愛兄弟敦卹族黨言動必以聖賢爲法悃樸冲淡學者尊之曰兩山先生卒年六十所著有兩山

集八卷大梁曹金狀其行曰先生之學以禮爲體以易爲用以詩爲陶嘗慕周濂溪邵康節之爲人其詩有曰茂叔從來拙堯夫到老乖蓋以自况也祀鄉賢

王安仁字仁之肅敏公廷相曾孫萬歷癸巳選貢初任陝西白水令再任直隸贊皇令陞正定府通判爲政有聲所至民尸祝之工詩精於書法生平足跡所歷形諸詠歌所著有倦遊集詩稿典則流麗識者謂有中唐風致祀鄉賢

王貞萃邑崇化鄉人兵部侍郎教之孫也爲諸生粹然以純儒自任湛深經術不愧家學淵源萬歷四十六年貢於廷初任穎上縣訓導調內鄉縣教諭陞歸德府教授三膺學博文教大行率士提躬品高望重後轉定州衛經歷歸老林泉自安恬退未竟所施晚更閉戶著書不干世事臨歿焚其餘稿但留居易集三卷藏於家

皇清

繩祖武字述之邑廩生積學敦行事父母至孝居喪盡哀盡禮三年不苟言笑奉庶母惟謹撫庶母弟曲盡友愛鄉閭累薦不售隨絕意科名聚書家塾教子課孫子三人長汝梅次汝明並入庠孫曾二十餘人皆能讀書以承先業邑宰鍾公敦請應鄉飲大賓表其門曰邦推祭酒年八十餘猶博覽書史嘗手一編與諸孫相究辯家學淵源爲鄉里推重

孔衍忝歸德學廩生籍儀封幼讀書尙氣節志行卓犖以

至聖後裔自重早歲失怙奉母至孝爲文不較時趨年三十未入泮友人約赴歸德試往輒冠軍自是知名常明季闖賊屠毒中原邑人避難河朔忝母亡停柩南關舊舍聞賊縱火奮不顧身渡河而南直貫賊營抵家埋母卒脫危險迨

國朝定鼎旋里餬口不給猶手抄經史子集以及先正制藝學臣極加鑒賞諭



之曰爾文過高曷少貶以隨俗恣應曰讀書期成大儒非徒獵金紫昔人有  
不讀漢以後書者吾竊慕焉以惡濫時文博取科第吾甚鄙之學臣益嘉其  
志由是名益噪一時名流如湯潛菴吳冉渠輩皆納交焉及諸人貴顯未嘗  
一干謁窮居教授生徒性剛毅不畏權貴遇鄉黨公事挺身立辨當道重之  
壽八十餘生平甘淡泊不治生產歿之日僅遺薄田數十畝子二興孔興仲  
俱能讀父書

張範字公儀大中丞鹵之曾孫幼讀書耽韻學中懷有所感觸輒形諸詠歌  
豪縱有奇氣塾師嘆爲未逮長益博綜羣籍淹貫古今順治戊子以副榜充  
貢授陝西靖遠衛經歷陞臨洮府通判三護甘肅道邊陲重地有幹理才督  
撫器重之倚恃如左右手尋以疾卒於官其生平倜儻疎落與鄉先輩結社  
載酒歌詩托興豪邁善草書酷似東坡壽踰七十而卒

張騷字康馳邑諸生積學修行工詩詞清腴秀潤崇禎十六年以明經貢於

廷當鼎革之後斂跡養高日事吟咏友人勸之仕責以出處大義乃就新蔡縣訓導遷遂平縣教諭歷河南府教授三任儒官潔治學宮振興文教所至有聲尋擢山東茌平縣令論者疑其拘牽文義優於課士而拙於長民及施之教養諸政一本恩義感孚踰年肅然就理隨致政歸益究心詩學生平不好名未付梓行世

馬從龍字空塵邑人國貢曾孫性慷慨遇事有擔荷天啓辛酉舉於鄉例以知縣用因未得第不欲就選銳志於學下帷二十年直造深邃順治壬辰會試爲房考首薦以限於額置副車蓋會試有副車自前明永樂間始國初尙仍其制出知廣西北流縣蠻荒初定風俗陋劣從龍蒞任多方撫綏凡有裨於民生者次第舉行粵西至今稱之庚子爲同考官分校麟經甄拔三人皆一時知名士百姓望治方殷竟以勞瘁卒於官從龍素行推重鄉里崇禎末年中州寇患叠告從龍請於縣官王九鼎爲儀邑創築磚城里人德之歿後

信 圭 集 卷 一 公舉祀鄉賢

張象德字原陸邑普家營人自幼工文章履凡童子試簡練揣摩彌自刻苦聯邑中才俊屬文西郊別墅賞奇析疑互相淬礪思敏機熟落筆滔滔不休年二十八京江張九徵督學中州以第二人入泮康熙壬子戊午兩以副榜充選貢壬午授宜陽教諭復立壽安五社糾集諸生督課考校效月旦之評釐定甲乙宜士向風會令宜者貧鄙慢士將以鹽盜罪案械繫諸生象德呈郡力辨以脫其禍又有市駟凌侮子矜者象德挺身聲罪盡法懲之由是益與長吏相忤隱懷去心與生徒輩徧覽靈泉錦屏諸山捫蘿策杖登其絕頂瞻望興嘆曰寒甍無恙曷不歸乎即日投牒詣府乞休宜陽諸士不能留祖餞郭門外追隨數十里勒石於學志去後思

繩鈺字其相父國憲割股愈親行重鄉黨鈺生而孝友克承父志母歿妻亡井臼親操色養老父餘暇刻苦讀書康熙壬子領鄉薦公車不第歸家教授

生徒多所成就治毛詩旁通諸家融貫卹康成孔穎達箋疏自著集說學者宗之晚授陝西長武縣勸農課士原本經術以失郡守意借奏銷斥之歸家五載而卒器宇醇厚接引後學無論智愚皆因材造就門人私謚曰和順先生

王承命字含章爲少司馬教曾孫少穎異能文章落落不屑與稠人伍弱冠遊庠每試輒第一巡按御史觀風全豫奇其才拔爲八郡首同產弟九章亦列高等王氏昆季一時文名藉甚康熙甲寅以明經貢於廷授孟縣訓導衡文課士一繩以先民矩矱據史根經刊落浮艷一時教化大行尋以年老乞休行李一襜被而已性慷慨疎於財四方知交多顯者以承命好學安貧爭相贈遺輒轉濟鄰里以故貧乏終其身

岳進善字同人邑諸生爲太平同守思忠曾孫年十四淹貫五經長吏旁搜博覽工詩古文詞教授兩河遠近從遊數百人學規整肅講誦無間寒暑門

下士屢擿巍科進善曰有命焉不可強也晚歲功益深邃生平著述有葩經大意二卷詩集一卷文集一卷藏於家三舉鄉飲大賓步履矍鑠壽七十八無疾端坐而卒碩德高年鄉里推之

湯伊知字維衡邑諸生氣質沉厚篤於孝友事父母先意承旨得其權心同產弟文知出則同車居則連席共習舉子業未嘗跬步相離刻苦向學每夜至漏三下不輟康熙戊午舉於鄉初任柘城教諭訓士以敦實行黜浮華爲文務期羽翼經傳闡發聖賢義理士習文風洒然丕變嘗述陸先生語語諸生曰細思一齊衆咻之義覺得咻字情狀萬千愈思愈覺可畏非必有意引誘然後爲咻凡親友來者或語言粗鄙或舉止輕率一入初學耳目便是終身毒藥此孟子所以必欲置之莊嶽然莊嶽勢不易得惟將一齊人之辭嚴義正能使衆咻辟易望風而靡則瀟湘雲夢盡成莊嶽矣有訓蒙之責者尙留意焉越三年以父憂歸服闋再補葉縣教諭率葉諸生亦如任柘時年六

十四以疾卒於官自號其文曰任菴遺稿

王宜字子協號後川以前明兵部侍郎王教號中川取義中川之後裔也少警敏日誦千言性至孝舊居瀕河距縣治二十餘里父疾徒步入城求藥累月跋涉雨雪中隨得軟脚病年踰三十試不售益攻苦治胡氏春秋旁通三傳制義取法前明諸大家既入邑庠甲子領鄉薦授內閣中書十年不除改商邱教諭士習駸駸日上商俗入廢鄉飲宜以崇德敬老大典攸關慨然白於邑宰復舉行之賓介得人邑人稱善後以董載臣一案牽累去官歸里士論惜之

李國華字光生號浚水邑崇化鄉人爲諸生時力崇正學所爲文章率皆根據註疏原本經史不肯剽竊浮華康熙癸酉科以禮經居房首兩赴南宮不第輒深自斂藏耻爲干謁與二三同志釐正文體遴選制義名曰正風悉本歸胡家法手定四子書講義發揮聖賢理蘊湛深精密遠近負笈者推爲正

宗其他著述益會孫廣田藏於家田篤志好學克繼家聲於乾隆己卯科領鄉薦

馮泌字仁可其先爲杞縣人父瑋進士明末隱居於儀泌因家焉應試仍從本籍年十六補弟子員旋食廩餼後以赴試北闈援例入監生平篤於孝友父歿哀毀逾常收養從兄之子秋水課以舉子業垂二十年遊庠食餼秋水卒復撫其孤命兒孜恪飲食教誨以篤宗誼作爲古文詞力追韓柳其古近體詩存印學史論喪禮廣論諸書名曰東里子集已刻行世易簣之日猶作絕句十八首伏枕沉吟而歿子孜恪邑貢生孫安宅雍正壬子科孝廉現任龍門縣令

張孚先字顒若邑隱賢鄉人自束髮授書卽晝夜朗誦如有不及年十六補弟子員於諸子百家無不淹貫文筆崢嶸復能脫落藩籬不受羈縛康熙丙子以尙書第二人舉於鄉辛丑出宰廣濟蒞任釐剔積弊裁汰陋規一切公

費俱捐俸不令攤派以蘇民困爲政以不損爲益不奪爲予民啣感入骨甲辰以母憂去官百姓挽舟流涕三年服闋以衰病絕意仕進手周易一編反覆玩味遇有得心輒爲說識之以示後人會集族中英俊一月三課振興文教暇則植花木自娛超然物外

周棐字伯章號闇齋晚號愚壑居邑之中莊少孤事母極孝束髮讀書刻苦自勵康熙丙子舉於鄉明年公車不第歸慨然曰吾所以夙夜競業者固將闡發精奧與古爲徒豈復與世味中爭得失哉用是遠攬旁搜以絕學自任同邑孝廉王宜與棐素友善有浙人王益卽董載臣者客於儀與宜通宗誼棐因與王益相識後益因邪教案繫浙獄以曾識棐宜諮提讞訊棐口訥不置辯削籍歸益讀書精專杜門掃迹絕交遊宅旁有先世古栢一株蒼翠盤鬱架屋三楹顏曰柏子菴貯經史圖籍及儒先語錄諸書薈萃羣言研精纂述無間寒暑至耄彌勤卒年六十有五所著有四書集疏二十卷評文章正



宗十二卷審幾齋遺稿六卷日省錄一卷已鐫刻行世居恆用石硯一方中  
凹當案置木椅肩股手足所着處悉深寸許裴嘗序王爵辰制義云子孫之  
與祖父雖唾涕猶當敬之况於文乎以故後人克守先訓惟恐失墜子思濂  
思洛俱貢生珍父遺書遺器以傳後

王桓字殿武邑廩監生少穎悟有遠識篤學不倦每語輒引古人以實之爲  
文數千言立就因屢試鄉闈不售益肆力於詩書所得益遂邑人號爲淵博  
先生前承修邑志考核精詳直筆無隱至今人稱有南狐遺風所著有儒宗  
正傳藏於家

馬上襄字宛來北流縣令從龍孫也幼穎悟年十五補弟子員屢陞鄉薦抑  
鬱不得志因從闈齋周子探討儒先語錄潛心理學杜門却掃垂四十年康  
熙辛卯登賢書庚戌成進士時年已六十矣發山西試用旋授長子縣深自  
韜晦人或疑其迂闊疎於吏治上襄應之曰吾惟清以律已慎以處事勤以

卹民期無負吾學而已上官喜怒黜陟非所計也泣任七載其所設施措置悉法薛文清公宰治之條爰著爲學從政錄一書遂以年老乞休歸里襄爲諸生時講學西園多所造就罷官仍理舊業後輩爭相傳習奉若龜蔡所撰有帶經淺言牧吟詩稿卒年七十有九伏枕詔門弟子曰學問之道無窮吾恨限於歲年此生不能畢吾素志茲當蓋棺論定每自維譎陋滋愧古人

張綸字言如號西嶺邑諸生爲錕仲子自束髮授書穎悟不與羣童伍得父懽心未冠而文輒中程度旋補弟子員刻苦自勵於制義一道變化於江左五家雲間六子之間縱橫奧峭脫盡藩籬間爲詩古文詞饒有逸氣雍正丙午舉於鄉志在榮親援好善樂施例以候選知縣

勅授文林郎父爲馭母戴氏皆 贈如其品生平醇謹修行聞人善則樂道不置聞人不善則默然不發一言遇鄉黨貧乏娶助聘喪助賻克敦任卹之風既登賢書未嘗一日廢學手著經義百篇經蘊深厚年六十九而卒子圖南

克承世業諸孫林立叔孫道衡尤爲府學領袖

郭乙山字峯長邑儀賓村人甫髫齡輒好學家貧膏火不繼則焚薪照讀每至日落參橫雉鳴之聲達於里巷其爲文才氣縱橫不受羈束邑宰袁珂於童子場中見而奇之以爲非池中物取以冠軍旋入庠食餼雍正壬子以五經領鄉薦乾隆辛未成進士授懷慶府教授未及赴任以疾卒於家生平性孤傲與俗寡諧自甘淡泊不治家人產業嘗累日不舉火里人有惜之者曰子何一貧至此乙山笑應之曰貧者士之常詩書具在猶堪果吾腹復何憂鄉里重其清操子應酉業儒督學案臨會城以父病侍湯藥不應院試父促之行勉強終場事明日榜發已列首選念父病亟赴院哀懇歸省督學許之及抵家正父易簀之頃呼而囑之曰吾先世以讀書起家汝曹惟力學克繼家聲是吾願也言已溘然長逝其子亦孝思可嘉

張文焯字斯在邑廩生性孝友迨父故事母母失明委曲承歡俾忘其苦且

撫孤姪允最如已出其教授生徒成就有方小試屢冠其曹雖艱於第泊如也著有四書文稿百忍堂詩藝藏於家長男師亦成進士任山東諸城令得贈文林郎次男師朱歲貢生

忠烈

漢

虞延字子大陳留東昏人也延初生其上有物若一疋練上昇占者以爲吉及長長八尺六寸腰帶十圍力能扛鼎少爲戶牖亭長時王莽貴人魏氏賓客放縱延率吏卒突入其家捕之以此見怨故位不升性敦朴不拘小節無鄉曲之譽王莽末天下大亂延常嬰甲冑擁衛親族賴其全者甚衆建武初仕執金吾府除細陽令每至歲時伏臘輒休遣徒繫各使歸家並感其恩德應期而還有囚於家被病自載詣獄既至而死延率吏椽吏殯於門外百姓感悅之後去官還鄉里光武聞而奇之東巡路過小黃高帝母昭靈后園陵

在焉時延爲部督郵詔呼引見問園陵之事延進止從容帝善之勅延從駕於是聲名遂振時元旦朝賀帝望而識延遣小黃門馳問之即日召拜公車令明年遷洛陽令是時信陽侯陰氏有客馬成者常爲姦盜延收考之陰氏屢請獲一書輒加勞二百陰乃訴帝譖延多所冤枉帝乃臨御道親錄囚徒知延不私謂成曰汝犯王法身自取之呵使速去後數日伏誅於是外戚斂手莫敢干法遷南陽太守三年徵代趙熹爲太尉八年代范遷爲司徒歷位二府十餘年無異政績會楚王英謀反陰氏欲中傷之使人私以楚謀告延延以英藩戚至親不然其言又欲辟幽州從事公孫弘以弘交通楚王而止並不奏聞及英事發覺詔書切讓延遂自殺祀鄉賢

虞放字子仲延從曾孫也少受業於楊震師生誼篤及震以彈劾權璫被讒自殺順帝初放詣闕追訟震罪由是知名桓帝時累遷至尙書以議誅大將軍梁冀功封都亭侯後爲司空坐水災免性疾惡宦官遂爲所陷靈帝初與

長樂少府李膺等俱以黨事被誅祀鄉賢

唐

格輔元汴州浚儀人希元弟也輔元與希元俱抱經濟才高宗時舉明經武后臨朝累遷御史中丞同鳳閣鸞臺平章事會張嘉福等請立武承嗣爲皇太子輔元與文昌左相棘陽岑長倩不署奏詔切責嘉福等由是忤武氏來俊臣脅誣輔元長倩謀反遂俱斬之子遵亦舉明經爲太常寺太祝亡命匿中牟十餘年中宗即位遵訴父冤擢爲贊善大夫

明

劉焜邑人大謨曾孫崇禎丁丑科武進士選汝南營練兵守備駐劄信陽州在任二年選鋒養士部署驍勇是時汝南無總戎守備爲重焜每恨天下輕武見前此守備者奔走於有司之門不復坐廳事廳事雖設爲樵牧場僅霜降揚兵一升其堂而已焜盡洗從前陋弊勤職守嚴武備一夕賊以萬餘騎

至城下卽擁衆登陴城陷煜率衆巷戰迎殺數賊以賊衆不支反廳事自縊  
祀忠義

馬恆年邑諸生意氣豪舉工五言詩崇禎六年從督撫盧象昇勦中原遇賊  
商州武陽店自辰至酉數接戰斬獲甚衆賊急佯北恆年追之誘山谷中落  
斬被獲賊婉詞誘之降恆年厲聲大罵遂被害家丁陳世虎亦被獲後逃歸  
陳其狀儀邑一時忠義死信陽者劉煜死武陽者馬恆年也祀忠義

高興與其子羅並邑諸生興居貧襟懷落落談節義事每形於色羅亦善承  
父志曲盡孝養崇禎九年寇據中原八月破儀城村落蕩盡興攜子羅渡河  
避鋒遇賊於道執之賊見羅貌壯偉給好馬解衣勸之從行興喊聲大罵曰  
不爲名教罪人豈爲亂世賊子賊怒手刃之父子俱被害並祀忠義

張珍邑諸生天啓五年選貢歷任歸德府教授罷官歸里崇禎十五年流寇  
攻儀城紳士居民相率渡河逃竄珍獨慨然起義拒賊招撫營頭曹天知召

募邑中壯士激發義勇率先登城投以矢石衆莫敢撓及賊勢蟻聚蜂擁力不能支踰時城陷珍猶恐殘綴邑治與賊格鬪以身殉城縣治印務冊卷賴以幸存嗟乎當逆闖寇儀之日儀之人盡如珍同心僇力環守堅持夫亦可少挫其鋒矣珍以致仕儒官身死王事而邑乘未登鄉廟未祀凜凜忠節甫越百年乃漸滅至此悲夫

孫同珥邑諸生崇禎四年選貢任商城縣訓導積學好古課士有方崇禎十五年流寇攻商城從者各鳥獸散或告之曰賊勢偪矣急奔猶可全軀珥曰教職雖微究屬朝廷一命寇至苟且偷生其何以持風教表士類乎獨正衣冠哭

先聖廟賊至升明倫堂諭以大義賊持刃脅之疾聲大罵闔門婦孺俱死於難

### 孝義

### 孝行



明

謝欽邑隱賢鄉人少孤母盧氏歿哀毀盡禮既葬廬墓三年負土起墳朝夕  
哭奠成化間儀邑歲饑盜起過其門獨不犯以爲此孝子之廬也弘治元年  
知縣朴瑄以聞詔樹坊表門卒年八十有九知州楊仲經爲欽作傳祀忠義  
田密邑通安鄉人父耕早卒奉母安氏備極孝養母歿既葬密廬於墓朝夕  
號泣負土起墳三年然後歸里人景其行苦其志白於邑長上陳同邑太史  
王教爲立傳祀忠義

呂應父母相繼謝世卜吉合窆負土成墳廬居墓側閱歷風霜形容枯槁三  
年如一日廬旁有三五馴兔朝夕與居咸以爲孝感所致友人爲之作馴兔  
行以歌其事與田密同時俱以恩詔給冠帶祀忠義

喻鼎少孤事母胡氏至孝母疾侍湯藥累月衣不解帶及居母喪哀毀骨立  
家貧躬親畚插以葬朝夕培土成馬鬣封編茅墓側三年寢苦枕塊族人勸

之歸依戀不忍舍去儀邑感其孝思稱爲今之穎考叔

張鳳毛大綸第五子大綸弟大紀無子以鳳毛嗣鳳毛事嗣母王氏生盡養死盡禮女弟六人皆依禮厚嫁之及生父歿諸兄相繼謝世少即鳳彩職諫垣亦卒於京鳳毛恐母老過痛誠家人勿以訃聞及母知之哀感行路鳳毛率諸姪晨夕慰勸孝謹有加又十年母壽踰八秩以天年終鳳毛幾滅性仍以子職終三年喪鳳彩素與鳳毛友愛以鳳毛貧爲置莊宅却不受於南村建一額曰十畝居手植松果數百株卒葬於此

段續少而孤祖母魏氏母胡氏兩世孀居宗祀不絕如縷續純孝性成左右奉養每事先意承志能得母於祖母歡心祖母垂老抱病續親滌溺器嘗藥餌累月衣不解帶先後居祖母及母喪殯葬盡哀盡禮人謂孝子節婦萃於一門居恆周卹族黨恩誼備至晚年公舉鄉飲大賓辭不就邑宰五及其門乃起而應之壽九十有一無疾而終

阜清

繩國憲性至孝終身不減孺慕父病晚思食肉荒村莫購國憲愛親念切割股以進父病遂愈里人聞其事於有司旌其閭曰誠孝格天其子名鈺領康熙壬子鄉薦以父國憲年老不謁銓曹長侍杖履怡然色養孝子之後復生孝子鄉前輩以爲大道好還云

肅元奏性至孝父九詔垂老元奏雖處匱乏每食必具甘脆及父病劇偶思食肉窮鄉不可猝得元奏籲天垂涕刲股調羹父食之汗下夙疾頓除鄉里異其孝思感格焉

李化鵬王問禮李守忠陳光祚張儀五人皆割股救親事與繩國憲肅元奏相符同邑同時孝行接踵風俗淳龐人心敦朴於斯可見昔人嘗論割股非孝爲其毀傷父母遺體使當父母臥病有知且有食不下咽者矣嗚乎末俗人情類皆厚於慈而薄於孝國憲以下十人獨能當老親纏綿床第之時計

無所出乃剜肉佐膳以冀再生雖其病之痊與不痊不必一轍要其忍痛療親皆從一片惻怛愛慕中流露而出以此激勵孝思又曷可少哉惜舊志略其事蹟今不可考茲列姓氏庶使後之事親者有所奮興

張岩字克己性孝友壬午流寇躡中州鄉人避匿母方臥病岩侍湯藥城陷獨立榻前賊持刃脅之泣曰寧殺我弗驚我病母賊爲感動獲免其兄乘城拒守爲賊所執中傷幾絕乃裂衣裹創背負以歸先後丁內外艱哀毀骨立喪葬盡禮撫愛諸弟俾成立庚午歲大饑設粥以賑死無棺塋無資者悉加周濟鄉里有稱貸力不能償卽焚其券累舉鄉飲大賓才瞻學富屢躡場屋由諸生入國學考職以子伯行貴贈光祿大夫祀鄉賢

馬允勝邑諸生明經修行恂恂醇謹父從龍順治壬辰會試副榜補廣西北流縣令允勝隨父任之粵間寢視膳朝夕不懈父卒於官躡躑哀號抱痛嘔血不能止哭絕父尸傍同產兄驥救護竟不能復蘇粵人傳爲奇孝兄驥扶

父觀弟樞同歸邑令表其門曰以身殉父

曹俊彥邑貢生初失怙事孀母至孝母性嚴肅家人少拂意輒形於色俊彥百方將順務得歡心三十年如一日居母喪三年不茹葷飲酒哀毀逾常居恆博聞強識力學不倦卒之日距出貢期僅三月而不逮士論惜之

楊鱗少司馬謚之後裔邑諸生幹敏有才恪守少司馬遺訓勿墜家聲事父母至孝父疾篤指其姪屬鱗曰此汝叔遺孤我死汝當加厚之勿負我撫育之意鱗感泣不忍忘多方獎進期於有成母老病痿不能起居者數年鱗日侍寢門朝夕扶掖衣食藥餌必親供未嘗假手於人居母喪盡禮盡哀謂弟曰我亦衰老惟是二親窳窳未卜死亦遺憾九原力謀塋事絕不分任於弟既窆乃曰吾事畢矣踰年而卒樂里稱其孝友

劉作士自幼出繼堂叔劉璫爲嗣克盡孝道璫病湯藥親嘗寢興俱廢璫臥床第嘆爲勝似親生病賴以愈乾隆二年嗣母王氏卒居喪不入內寢既塋

廬於墓歷三載依戀不忘

張子壽家貧事親至孝衰年缺養子壽深自刻責典衣鬻履以供養殯嚴寒身被短褐每食必進一味之甘父母有疾左右持侍晝夜不懈事聞上官載中州彰善錄

張儒行字文菴邑庠生節婦郭氏嗣子也天性純孝過房時年甫十歲生母居鄉嗣母居縣相去十餘里行往來行走委曲宛轉以慰母心及長郭氏染病行四方延醫調治每至百里外往來跋涉不辭艱難迨諸醫診氏脉咸以非參餌莫効行急圖之不惜破產以易雖稍拂母意無恤也厥後母以老疾卒衣衾棺槨皆從豐盛人謂不以天下儉其親者年八十六而卒且善書法兼長詩賦所著有體仁堂詩稿存於家子師孟邑庠生以精通醫理名世孫景幹國學生秉彜邑庠生俱以恂謹稱

李芑內閣供事性至孝喜施與父之俊有不悅跪問以故怒欲責跪獻以杖

父亦每語人曰芄吾之順子也隣里有同姓貧不能娶慨然助銀十二兩不自爲德又有謝姓者喪母無棺出銀三兩以賻之睢州路遇割賣生妻已獲錢四千伊妻慟哭不忍去芄問知其故助錢令伊回贖平居行事類如此乾隆四年知縣趙公鶴洲廉得其實詳請撫憲雅公爾圖顏其匾曰熙朝良善鄉先達湯川南公撰文以贈之

義行

元

吳瑞字伯符敦行重鄉里歲凶施穀數千石以濟貧乏途中老稚病羸爲設廠施粥全活甚衆有司上達其事奉詔表門子三後皆讀書成名長賢祖累官內閣中書次欽祖誥授奉訓大夫知靜寧州季紹祖爲蒙古奧魯千戶子孫世多賢達人皆以爲陰德所致

明

許信劉貴俱慷慨仗義好施與正統五年歲荒各輸粟一千石助賑饑民奉勅獎諭命有司建敦義坊以表其行其他義舉二人亦略相同並書之以爲好義者勸祀忠義

趙遠邑增廣生萬歷間歲荒捐糧五十石入官賑濟鄉里公議創修文昌閣醵金鳩工遠獨慨捐二十兩好善樂施無所吝惜明大宗伯李則昌絕裔墓在城西隅四面沮洳遠施墳地備棺木以禮改葬城東儀人美其義舉

張守約素有積貯慷慨好施與嘗勸三黨勤積蓄以備災祲萬歷十五年歲荒民饑約於官粥廠傍自立一廠施粥兩月民賴全活又置綿衣以衣寒者邑宰錫額獎之曰尙義

張自新邑諸生至性仁慈事親生盡禮死盡哀兄故姪亡撫育姪孫可學恩勤備至知縣孫文龍獎之曰孝友萬歷二十一年歲饑自新捐穀三十石在縣沈興集施粥一月上官旌之曰澤及窮黎子醇克承父志補弟子員邑宰



令董修城務每日捐貲辦酒脯犒工人人皆德之孫岩由諸生入太學以曾孫伯行貴贈光祿大夫夫人謂積德之報

高魁家富疎於財慷慨仗義遇鄉曲貧乏爭論錙銖輒捐已貲爲之解紛凡事關闔邑公務不敢惜費惜勞務求有濟其他治比之德徧及鄉隣邑中稱爲義士

杜瑜自高祖顯素敦友愛兄弟未嘗析箸五傳至瑜克承先志闔門男婦六十餘人每食羣坐廣堂未成人者別爲一席畜犬十餘一犬不至衆犬不食同居共爨雍睦成風綽有家範有司上聞其事以恩詔例給冠帶祀忠義

扈佐克孝其親親歿與弟仁友愛無間善經理家務富而好施鄉里多被其澤子弟讀書不能遂志爲入貲補官必後其子而先猶子卒年八十有四壻太史王教志其墓謂能晚試陶朱之謀而不得早際種蠡之會信夫

郭廷瑜邑崇化鄉人廷珪之弟維藩叔父也生平厚重謙恭力敦孝友以身

作範化行家庭任卹鄉里有求必應濟人不望報每以虞書六行提其躬卒年七十有二凡邑中所述古格言訓語皆其刊布

皇清

楊兆伸邑諸生謚六世孫操行耿介不苟取與內行孝友兄弟五人父母喪葬獨任其事諸姪少孤者皆撫養成立晚年猶教學不倦五舉鄉飲卒壽八十七歲

尙觀光字陞顯增廣生端方正直慷慨好施當分產時讓所應得田其兄迫之受觀光曰多受爲子孫計何如少受爲兄嫂計竟不受族中有不能成立者撫育之鄉里有貧不能舉火長不能婚死不能葬者皆周濟之不望報崇禎年大稔死者枕籍於道傾囊以賙不少吝募人收枯骸萬餘合葬沈興鎮東每歲瘞紙以祭葺孔子廟建文昌閣補橋梁修道路踴躍赴義悉本實心邑宰表其門曰篤行肇慶以耆德舉鄉飲以子金章貴封奉政大夫孔興嘉

邑諸生父衍興積學敦行中年失明家道荒落嘉爲貿易孝養先意承順曲得親心嘗拾遺金於道輒爲招訪失主還之其安貧行義如此

孔貞實邑諸生爲篤於學設教鄉里有貧不能具束修者招納慰勉從遊數十人各因材造就之族孫穎忝少失怙孤苦貞實撫而教之卒至有造名列膠庠生平富著述不自愛惜散佚無存

張秉正邑諸生文煒子撫其表姪周鼎入學食餼克有成立

張文燦字彬如順治戊子孝廉家貧性耿介淡薄自甘不苟取與或有以事賄託者堅却不受亦不以告人邑人播傳其事晚更杜門不出屏絕交遊及事關閭邑利弊輒慷慨直陳義正辭嚴足動當事之聽邑宰重其氣節

張際泰字會初性孝友慷慨好義從父狎奇之贈金三百俾捐入太學義弗愛明季流寇犯中原儀人遭害者流離載道際泰攜兩孀妹兩幼弟奔走河朔卒克保全鼎革後寓居村落鄰舍獲金數百欲分半與泰泰夷然不屑里

人服其廉介子象德壬子戊午兩登副榜拔貢次子斌舉康熙乙卯武闈  
孔興璩邑諸生性慷慨重義疎財邑有爭河地者持百金私囑爲證興璩却  
金弗顧曹縣族人有女爲流寇所虜至儀賣與錢鳳池家後與其父遇父曰  
痛心哉失身爲奴矣奈無貲回贖何興璩聞之出三十金拔其券送歸里邑  
人高其行誼謂有古豪俠風

張馭字子閑號識伯邑附學生性友愛叔鳳彩宦京都病故子幼馭赴京扶  
襯旋里兄駿卒遺幼子嵩孕甫九齡撫養教訓成立入庠弟驩緣事禍幾不  
測馭破產力救不惜身命庶伯母劉氏無子馭任爲己責奉養盡禮堂姊適  
史門史故無子又雙瞽無所歸馭延至家養生送死崇禎庚辰儀大疫親屬  
貧不能葬者咸爲經理生平學識淹貫好古文詞工詩賦邑中序記啟札皆  
出其手有學詩草藏於家順治間邑侯安公匾曰學行兼優

徐鏞字景青附監生居心仁厚與世和平鄉黨薰其德而慕其風者共勉爲

善良康熙二十八年春邑侯白公彥良延爲鄉飲正賓匾其門曰德重鄉邦  
李允升字升聞邑諸生天性醇朴度量恢宏孝友著於鄉黨四方文人學士  
皆樂與之遊康熙二十八年邑侯白公彥良延爲鄉飲介賓匾其門曰仁壽  
維祺

張爲鋸字魯珍邑諸生名守約者其先世也素以義行著於鄉爲鋸克濟其  
美內修孝友外敦任卹鄉人吳興詭言妻死無棺爲鋸給資而去迨後興歿  
其妻貧不能殮復告於鋸鋸問之曰汝夫言汝已死今何復來其妻曰彼詐  
財耳鋸着人訪得其實復爲買棺不計前事通一里中有逃戶地二十七畝  
向係十家牌民輪流耕種以幫差徭康熙年間署篆張公官賣此地以補前  
任虧空鋸念逃亡之戶賠累難堪用銀三十兩有奇贖回仍歸里中公產邑  
侯倫之綱勒碑以紀其事復表其門曰希文高義其他濟人貧乏拯人急難  
隣里多被其惠子二長經附監生次綸雍正丙子科孝廉候選縣令援好善

樂施例 勅贈文林郎

劉永毅字弘陽國學生倜儻磊落慕古豪士之風凡事關闔邑利弊他人計費計勞毅獨慨然身任邑東境劉家樓堤北舊有河形一道直衝河口寬四五里長數十里每當夏秋汛漲河水驟至湮沒田疇毅於雍正四年臨河築壩約費數百金水患永息禾黍村莊俱保無恙河院朱表其閭曰義衛桑梓後任阿表其閭曰惠流鄉社生平解紛排難類以濟物爲懷晚更杖履優遊鄉里推爲耆德子尙寬前任安陵司巡檢任內 賜贈登仕郎今陞山東武城縣縣丞

孔興睿字照九 聖裔國學生孝友嫻睦德行素著邑人嘖嘖稱之於雍正五年邑令周慕其德行特舉鄉飲大賓 巡撫孫 給匾曰泗水遺趾以獎之

郭隣字永高邑庠生性孝友敦詩率禮有古君子風邑人多景效之雍正五

年邑令周公遵鄉飲大典延爲介賓額其門曰人倫表正

張宗良字瑞商邑庠生爲清恪公再從姪幼謹愿清恪公愛之如已出公內外服官數十年宗良隨侍之日爲多賦性剛正頗有膽識當清恪公任蘇偶遭險患手足莫措宗良勇往直前不辭艱險不畏強暴極之傾覆流離事事以清恪公爲步趨老困諸生又病廢生計益艱從弟大司馬師載爲江南監司時告養歸憫其匱乏割田四百畝資之宗良堅辭不受師載毅然曰此清恪公遺意也強之至再不得已乃受鄉人至今高其行乾隆元年儒學公舉優行學院張考匾其門曰志潔行方卒年七十有一子涵正孫四斌諸生積踐太學生皆以循謹稱

馬淑襄字方來邑人北流縣令從龍孫也中康熙壬午科亞魁心行坦白篤於孝友同產兄雲襄康熙庚午科副榜弟上襄雍正庚戌科進士雲襄歿而無子淑襄長子庠生麟書早亡次子庠生麟臺方在襁褓慨然曰大宗不可

絕遂繼其後及淑襄卒無子人謂有鄧伯道遺風儀邑舊有公田一頃久爲學博侵漁淑襄呈諸有司力爲釐正爰立義學即歸是田以資館師脩脯至今鄉塾相傳不絕謁選得廣西灌陽縣令旋以疾辭改授光州學正泣任首先表揚忠孝節義光士向風其先未仕時儀邑忠孝節義久湮藉以表揚者二十餘家敦倫彰教具見素心諸生中有貧乏無力讀書者割俸助之殷勤造就始終不懈雖冷署閒曹而座上食客常滿歿之日光士思其教化儀士高其行誼

武景淳字伯子邑廩生其母張氏平居樂善好施時值乾隆十二年歲饑念戚隣艱食欲爲周濟景淳善承母志罄其所積酌量給予米糧不足繼以錢財共費三百餘金活人甚多一邑共高其行邑令趙公鶴洲題其門曰善繼母志年老乏嗣買妾常氏及進門知其有夫卽令返回財禮一毫不索其見幾明決勇於爲義宜邑令稽公以砥行醇介獎之歟



張時俊字勵菴邑諸生爲庠生懋德次子繼庠生耀德爲嗣周歲而孤事嗣母陳氏極孝晨昏定省五十年不少懈自幼至冠專心舉子業一切家務惟同產兄時通實主持之俊自奉儉約數十年所積贏餘置買城宅一區坡田十頃俊念嗣父遺業足供日用不忍兄弟處嗇而已獨居豐悉將產讓兄時通及同祖弟時寬家風敦睦感動閭里嗣母老而多疾伏榻嘗藥寢食俱廢及歿哀毀常逾如本生父母生養死葬無不盡禮盡哀嗣母臨窆發喪俊病劇悲慟號泣卒於苦茨乾隆七年邑侯趙鶴洲旌其門曰懿德攸彰

張師栻字又南清恪公長子幼穎異長貢成均爲文浩瀚不受束縛辛卯一試不售即棄舉子業爰赴部考授州同捐助軍需議叙知州卽用雍正十二年又捐產十頃充普濟堂費當事者爰藥善好施例聞于

朝議叙以應得之缺卽用師栻以母年高呈請終養時有同邑太學生劉天柱家一婢有殊邑自幼蓄之一日有曹縣自女班中來冒爲其祖者言女有夫

今長成求歸出嫁且曹宰致書轉屬儀宰強爲斷給婢情急哭訴于邑中師  
枳憐之慷慨力救不顧利害後婢得爲良人婦舉家感頌至歲饑出家藏減  
價平糶後設廠煮粥分男女爲二獨任捐賑存活無筭儀邑至今高其行卒  
年五十

劉師枳字學山雍正癸卯 恩科舉人學富家貧嘗館于汴之朱仙鎮教人  
稱善誘應務多長材桃李滿門合鎮序記書札盡出其手爲諸生應歲試時  
有以百金暗投媚求作文傳投師枳不受後亦不名其人邑之諸君子以仁  
義兼盡歸焉至其去鎮歸里途中雇脚偶遭驚恐行李物件杳乎不知所之  
執鞭歸家爲母所制岌岌難以更生師枳出銀三兩爲之解和行李絕不言  
及此尤仁之至義之盡者與

張經字葩公附監生天性孝友獨置祭田四十餘畝以供二祀餘則仍分給  
族中之力不能葬與不能妻者邑中嘖嘖稱之以爲得范文正公之遺風云

即易簣時猶集同族於床褥間量其戶口之多寡或給十兩或給十五兩或給二十兩共費三百餘金以加惠焉至於施棺木助絮衣減穀價其善行不能枚舉生一男名圖書例貢生現今候補江蘇同知

壽民張自友五世同居總督河道張公師載乾隆六年曾至其家見其少長怡恬大有上古淳龐之風詢以何道致是答曰世不娶無閨訓家之女爲婦以故男耕女織內外無間言習儒者以教學爲業所得脩脯未嘗少私必歸諸公力田者秋收所入盡儲公所以供饗殮耕讀之外無餘事族無游惰相習成風不足異也張公聞之欣然曰遵是道也雖十世同居可也何有于五世哉

徐一熊字非熊邑馬廠街人父鏹國學生爲邑耆德公舉鄉飲一熊克孝其父自束髮授書穎悟不與羣童伍得父懽心及冠刻苦自勵於制義一道變遷於江右五家雲間六子之間縱橫奧峭脫盡藩籬間爲詩古文詞陶鑄經

史而自寫性靈庚申應試爲督學吳鑒賞拔補開封府學諸生屢陞鄉薦因入粟遊太學丁卯部試州同知榜出即就次實錄館纂修聞父得足疾告歸嗣是承歡朝夕絕意仕進居父喪哀毀逾常釋服卽登山陟巘經營墓地及安先人窀穸心血幾枯生平遇鄉里困乏周恤備至子四舒度式度貢生淑度率度監生孝友雍睦克讀父書

隱逸

周

封人逸其名朱子論語註謂賢而隱於下位者請見數語萬古爲昭魯論不傳其名殆以吏隱許之耶古者仕不出其鄉况職同抱關其爲儀之人無疑應冠隱逸之首建祠祀之勿替

晉

董養字仲道浚儀人泰始中入洛不干祿仕遊太學升堂嘆曰建斯堂也將

何爲乎永嘉中洛城東北步廣里中地陷有二鵝出焉其倉者飛去白者不能飛養聞之嘆曰昔周時盟會狄泉即此地也今有二鵝蒼者兵象白者國家之象其可盡言乎顧謂謝鯤阮孚曰易稱知幾其神君等可深藏矣乃與妻孥擔入蜀莫知所終

唐

白履忠汴州浚儀人貫通經史居古大梁城時號梁邱子景雲中召爲校書郎棄官去開元十年刑部尙書王志愔薦履忠學博操嚴可代褚無量馬懷素入閣侍讀國子祭酒楊瑒又表其賢召赴京師辭病老不任職詔拜朝散大夫乞還手詔許遊京師徐返里閭履忠留數月乃去吳兢其里人也謂曰子素貧不霑斗米疋帛雖得五品亦何益履忠曰吾以讀書終身高臥寬徭役豈易得哉

宋

劉希聲東明人博學能文不求仕進嘗獨處一室縱觀羣書屏絕交際聞南豐曾鞏賢遂如臨川從之遊鞏爲文章上下馳騁原本六經斟酌於司馬遷韓愈時鮮能過希聲奮筆疾書縱橫排冑直造南豐堂奧三年歸南豐爲文送之

元

張田字芸已號布衣處士其先浚儀人後徙於吳父雯字子昭博學無所不通尤精律呂憫宋之亡著繼潛錄若干卷田讀書積學克紹父志生當世亂不屑奔競功名晚益肆志林泉胷中有所感憤輒形諸歌詠其題陳惟允荆溪圖詩曰人家綠樹遶孤城溪上風波落日明三害祠存人已去只今豺虎却縱橫隱寓慨世之志以布衣終其身

明

徐思捷以經學應選養遂學富母老絕意仕進母強之行思捷跪告曰吾世

宦家多顯者豈不知仕之榮但人各有志與其出仕而令母耽憂孰若依侍膝下而令母常喜母亡終制或勸之仕終不就姪鏞幼失父思捷撫養成立晚年閉門著書不干世事年八十所著有禮記特解

曹繼芳字維德號栗齋邑諸生器識沉冥叩而彌深生平恬退自安不事奔競累鄉舉不第乃喟然曰養志邱樊與道爲徒豈不足自怡乎遂絕意仕進嘗兀坐斗室探索墳典兼網羅前輩嘉言懿行忠孝節烈紀載成書名曰巨鏡覽儀志久廢缺此邑乘之嗃矢也惜乎天奪其著述之年僅四十二歲卒其他遺集亦散佚不傳同邑王肅敏公廷相誌其墓

孔承宋字永傳少補弟子員刻厲向學無間寒暑至更漏三下猶諷吟不輟性端慤事親以孝聞父歿母多疾應貢於廷以侍母不營祿仕家素饒承宋主家務毫髮無私蓄族大無約束族人共推爲家長居恆訓誡子弟首在修行次期明經適用稟其教者類多循謹此誠能爲政於家者卒年六十有一

同邑僉都御史劉公大謨銘其墓謂其鹿門之節不忝渭水之載未逢蓋愛其才而惜其以邱園終老云

孔弘仁字長卿承宋子也幼讀書爲邑諸生克承父志閉戶養高嘗曰吾躬爲聖裔當以聖賢自期安能日事干謁以博升斗耶其學以飭行爲本孝親睦族鄉里化之每於耕鑿餘閒援筆著述於宋人註疏闕遺多所發明嘗獨處野舍見偷兒盜其林木乃潛自避匿人問其故曰一木幾何使其人知我見之必隕跌而傷吾所不忍四十餘年足跡不涉城市網羅散失摺摭古今所著有萌蘖集二十卷大旨在扶聖教破俗學嘉靖間邑令谷鳳喈屢請鄉飲不就卒年八十有五長孫貞有誌其實行

劉原俊字用章篤學嗜古工於詩詞當明季鼎革高隱不仕養志邱園崇禎年間流寇蹂躪中原思死戰之士而不可得乃作安將軍歌其詞曰安將軍紫髯鐵面多戰勳猛氣散作西山雲前年紅巾入城府赤子滿城誰父母將



軍血戰城東門五百健兒齊奮武更有大郎猛於虎身屬橐鞬寶刀舞匹馬  
奪橋入賊塢殺賊盡作河邊土將軍父子真有功今日渾如筆畫空將軍豈  
不好弁山入雲青不了識者以爲激宕迺勁深得漢魏樂府遺音

流寓

宋

宋庠字公序原名郊雍邱人附籍儀封天聖中舉進士開封試禮部第一累  
官翰林學士參知政事仁宗驟加獎眷便欲大用忌者譖之謂其姓符國號  
郊交也合姓名言之爲不祥帝弗爲意他日以諭之乃更名庠與呂夷簡不  
合出知揚州皇祐中拜中書平章事會趙元昊反劉平石元孫皆以輕失軍  
時諸帥官重者至領陝西四路號令頗不一又兵多分屯保障庠言宜使大  
帥收重兵內地諸帥自當一道緩急有警則分兵四出以援之議久不決後  
卒如其言英宗嗣位封鄭國公以司空致仕卒贈太尉兼侍中諡元獻

宋祁字子京與兄庠同時舉進士禮部奏祁第一獻太后不欲以弟先兄乃擢庠第一而置祁第十人呼曰二宋一大小別之仁宗朝拜太常博士詔定新樂遷尙書工部員外郎權三司度支判官因時方用兵調費日蹙乃上言請去三冗節三費進翰林學士禮部侍郎又上禦戎論七策加龍圖閣學士與歐陽修同修唐書書成晉工部尙書學士承旨卒贈尙書謚景文

宋充國太尉庠子也能讀父書刻意勵行以鄉書試禮部自謂宰相之子當罷舉仁宗召試賜進士累官至太常禮院充國好學問蒐羅宏富善於奉親自居家以至居官事無巨細無不請命父歿思慕哀終身不替平居得微物必先薦家廟乃敢嘗

按兩宋附籍儀境史書無考是以舊志不載但雍邱即今杞縣與儀接壤則築舍於儀亦事理所有且大宋小宋集名舊矣今邑人稱爲兩公裔孫者亦繁故錄之

元

孔希先字士先舊居寧陵爲孔子五十六代孫自三十三代孫德倫於唐貞觀十一年由紹聖侯改封褒聖侯食邑一千戶於河南寧陵縣歿葬縣北褚堙村生二子長崇基襲封次子嘆世守墳墓祭田奉祀家廟十八傳至秀時元世祖詔求天下文學之士授職以秀爲儀封縣簿置產於儀元末兵亂水災寧陵故居蕩析族衆漸次徙居秀之曾孫希先扶父喪來葬於儀寓居邑之崇化鄉因附籍焉明興以

先聖後裔優免差役八傳至尙林積學修行於崇禎元年奉大宗衍聖公題准世襲國子監學正

明

李珍字待聘其先世爲大名人自珍遊歷儀封遂家焉少篤於學博覽羣書工舉子業屢見擯於有司乃喟然曰茲豈堯舜之元纁乎何汲汲若斯遂淡

於仕進教授生從詩書環堵日事丹鉛從遊數十人渤然有終焉之志含光  
渾俗與古逸民爲徒卒年八十子二俱入籍於儀長東雍爲邑諸生次東熙  
中弘治戊子科河南解元累舉進士不第先父而歿東雍貧服闋未能營葬  
一夕火延殯宮邑尹李公繼美率役救柩獲免於燬嘆曰先生君子儒也死  
無以托體九泉此予之責卽日具棹營壙偕配高氏合窆於邱伯岡門人兵  
部尙書王公廷相誌其墓

馮瑋字玉九其先考城人地介杞儀二邑瑋應童子試附籍杞縣其後徙居  
儀封天啓丁卯舉於鄉崇禎癸未成進士授浙江德清令邑小賦重民多逃  
亡瑋泣任招徠安輯戶口漸繁鄉曲有豪猾盡注懲之至犯巨室怒不顧也  
明季遭變歸里家居四十餘年閉戶却掃屏絕世務大學士梁公清標瑋同  
年友也過中州招晤旅館布衣芒屨與之周旋飲酒賦詩夷然不屑居恆積  
書數千卷皆手爲鉛黃每讀至古人忠孝節義傳輒欷歔流涕卒年八十有

八及門曹俊彥諸人私謚曰貞文先生子三潛泌澗分居杞儀二邑

方伎

唐

韓幹浚儀人善繪事尤工鞍馬曾學於曹將軍霸盡得其傳落紙揮毫意態疊出以此知名所交皆當世賢士大夫杜甫贈霸詩云弟子韓幹早入室亦能畫馬窮殊相其他山水人物並臻佳妙王維見而賞異薦於當道天寶間官至大府寺丞

宋

趙修已開封浚儀人少精天文推步之學晉天福中李守真掌禁軍領滑州節制表爲司戶參軍留門下每從守真出征軍中占候多中奏試大理評事賜緋漢乾祐中守真鎮蒲津陰懷異志修已屢以禍福諭之不聽遂辭疾歸明年守真果叛幕吏多伏誅獨修已得免周世祖鎮鄴奏參軍謀會隱帝誅

楊邠史宏肇等將及世祖修已知天命所在密勸世祖遂決渡河之計及卽位改鴻臚少卿遷司天監世宗朝累加檢校戶部尙書宋初遷太府卿判監事卒年七十有一

元

張斐字子昭浚儀人深心稽古博覽羣書而於律呂之法尤有冥契融會先秦兩漢諸說洞悉源流以六律六呂爲五音所從出管有短長聲有清濁晉人截作十二管分配十二辰以黃鐘之管九寸爲律之本其間三分損益隔八相生歷代相傳古制無不研究精微手著律呂疏解與漢書律歷志相爲發明海內審音之家爭來取法名重一時後以遭時不偶流落江湖飲酒作歌輕世肆志晚遨遊吳楚憫宋之亡撰繼潛錄若干卷以寓意子田雅有父風工詞賦

明

戴紹號潛齋與兄經俱有才名積學修行克孝於親伯仲怡怡如也兄經於成化元年登賢書紹屢試不第益復旁搜墳典稽古禮文究心建陽蔡元定律呂新書康節邵子皇極經世圖說參之諸家精通律歷由是知名當道咸敬禮之後以貲就職十庫大使遷衡州知事陞南陵縣丞成化甲辰入覲乞休歸家鍵戶擁書復理舊業有遺集人稱儀邑古音未亡前有張髮後有戴紹云

傅汝舟邑圈頭鄉人父允天順甲申遂士歷官參政汝舟幼隨父任攻舉子業敦朴有行誼人稱佳公子焉因家庭老幼多病每與醫家講求診脉用藥之道兼採經方本草諸書精研脉訣直透微奧游歷所至遇庸醫束手之症輒用肘後方無不立驗遂以醫知名於時生平所著有醫學旁通二十卷邵鼎儀封人讀書好古工書法彙集古人法帖朝夕臨摹酷嗜顏魯公書力追其妙講運臂運腕諸法幾莫辨其真偽遠近紳士持紙絹索書者戶外之

屢嘗滿郡邑常爲禮聘以此名盛中州正德間由吏員授甯津縣尉未仕疾卒家貧別無長物惟餘故紙敗筆而已邑人惜之爭以賻禮相遺自鼎歿後乃益珍其墨蹟

馮承宣邑諸生自幼力學工文每以餘閒兼耽繪事涉筆輒有生趣其天性然也六十始食廩餼八十貢於庭壯心未已於嘉靖二十五年策蹇入都謁選紳士爭識其面咸稱夔夔八十一歲任五河訓導三年歸里猶與後學辨論經史終日齟齬不倦每信手作畫老筆紛披極其奇妙壽九十有一據床兀坐而死

陳清邑諸生正統十二年舉於鄉任淳化訓導踰年去官歸里安貧自守不撓俗累嘗遇異人授以風鑑術虛心默契盡得其精微不輕品題人物偶有評論則休咎吉凶如持左券及歿有司嘗詣其家求遺書得相法一卷語意多不可解書存而祕竟不傳



皇清

周有鳳字竹友邑中莊人祖位仕遼東苑馬寺監正父煥文邑諸生有鳳少有大志卓犖不羈不專事咕嗶之業每出其餘技作水墨畫揮洒如意亦不屑屑摹倣古人明末棄儒從軍馳騁風塵中不可一世尋以功授江南鳳陽府屯田參將甲申之變去官旋里優游十畝間課農桑訓子弟歛跡不撓世網自號萱杖老人暇則作畫自娛興酣落筆往往於不經意處得其神趣晚膺鄉飲大賓年近古稀而卒子棐好學康熙丙子孝廉

莊之海字朝宗號林杏儀之儒醫也少聰慧好讀書天性至孝輕財尙義父壽素精醫理晚年患癩症之海百計求父病愈因遍閱方書精研脉理冀以療父父病六年朝夕不離左右父故遂承先業焉生平一以濟人利物爲心凡敦請者勿問貧富輒往往無不應手卽愈既愈之後亦絕口不言謝邑侯梅公枚長媳臨產患奇症羣醫莫識之海至按脉敢斷真實衆皆錯愕及用

藥後果如所言又督河大人朱公藻患險症診視者數十人久不愈之海爲治即奏殊功其他按治率多類是所全活者殆不勝枚舉焉三世行醫絕不計利所施藥餌日久賬目即付丙丁以故中州遠近咸欽盛德無不籍籍稱頌府尊縣尊各致匾額邑令趙公鶴洲爲文贊之闔邑紳士公贈匾曰和跼名流子珣邑武庠生次璞甲子武鄉榜次珍現任醫學訓科

張休復字恆吉邑庠生淹通五經尤精易理每研究爻象融會古人探者遺法手定占卜約編嘗有言曰易本聖人教人寡過之書凡言貞者皆吉不貞者皆凶與尙書所載惠迪吉從逆凶之理隱相符合而於吉凶兩途又以悔吝居其中間朱子考亭本義有云悔自凶而趨吉吝自吉而向凶旨哉言乎明示人以趨之方而開以轉移之路此人事之所以日起而有功也後人不知反已修省徒執一定之吉凶坐觀後效之成敗是易數雖存而易理已亡易理既亡而易數亦復不驗故其約編所著大率不專術數兼參理學以勸



儀封縣志卷之十一

壺型志

賢母

孝婦

貞節

烈行

歷來郡邑志乘婦女但載節烈其他懿行不概見是必處變乃傳履常則有美弗錄非所以廣勵閨門激揚風化也陶母曲成其子鮑妻善事其姑自昔推女宗焉爰采母賢婦孝以寇壺型之首而冰霜之操金石不渝無論已未旌表並著於編以敦風教志壺型

賢母

明

張汝翼邑增生妻李氏夫卒氏年二十歲矢志守節孝養翁姑皆氏紡績所供撫育四子勵志讀書皆成名長尙恆嘉靖戊午舉人次尙益次尙隨庠生次尙賁貢生縣學申請褒獎巡撫卜給匾曰節孝貞慈巡按郃給匾曰萼錄

信 圭 集 卷 一 一 五 五 二 示  
修齡祀節孝

謝天恩妻孔氏夫歿氏年二十一歲孀居矢志經年不出閨闔家貧織紉謀生辛勤育子遺孤夢顯克承母教於嘉靖庚子登賢書授山東武城縣氏卒年六十六歲有司奉詔以表母儀祀節孝

王卯妻戴氏年二十喪夫撫育孤子命召有成名列庠序氏年七十二歲終萬歷間知縣張邦俊旌曰貞節可風

張蘭壽妻杜氏蘭壽病故氏年二十六歲遺孤贊二歲始孩氏辛勤教子成名有聲譽序

馬之起妻王氏妾薛氏之起謝世王氏二十五歲薛氏二十二歲同心守節撫孤當年弱冠補弟子員孫颺順治己亥成進士

馬國祥妻楊氏年十四歸于祥祥夭亡氏年二十歲孤子鑲甫一齡氏大義自持誓不二志越六年祥弟國禧相繼歿妻刁氏年二十五歲孤子錄方數

月妯娌共勵冰霜事老撫幼二子俱克成立並列膠庠舅姑先後謝世二氏拮据成禮順治四年知縣白國樑表其閭曰一門雙節  
徐翼聖妻張氏二十而寡孤子師毅甫在襁褓舅姑年高氏奉事惟謹教子成章嚴慈並濟弱冠補弟子員氏卒年七十署縣鍾公表曰蒼筠矢志

### 皇清

田榮妻張氏于歸三載夫亡抱痛欲絕撫孤兒既臧以慈母兼嚴父弱冠遊庠氏年七十而卒康熙元年知縣門四闢額其閭曰茹蘗丸熊

孔毓芳妻馬氏爲同邑諸生于蕃室女年十八于歸奉事翁姑惟謹越十載毓芳病故氏年二十八歲一子傳符方穉父于蕃以大義曉之曰女子從一而終義也有子弗守以死殉夫則亦非義之正汝當善撫爾子以延夫祀氏守志終身克勤克儉遺孤傳符於雍正巳酉選貢孫繼曾補開封府學廩生繼翁領乾隆戊午鄉薦皆馬氏之教也氏卒年七十一邑令袁公珂給匾曰

節孝垂芳

馮澗邑諸生妻張氏澗亡氏年二十有七矢志守貞藐孤四人思惕思懼思愉思悱俱在孩穉澗父璋以明進士出宰德清遭變歸里宦囊蕭索氏娛老撫孤艱辛備歷督四子向學思惕思愉先後遊庠氏并憐姪婦孀居從孫失怙畢力栽培之卒年七十七歲於雍正三年邑令袁公郡守談公並錫匾額以表其閭

湯繼禹邑監生妻尚氏年二十六歲夫亡藐孤式九甫生八月撫育備歷艱辛崇禎壬午流寇擾害氏奉高氏劉氏兩孀姑避難河朔賊平旋里故業蕩然氏勤緝織以佐甘旨訓孤兒學成入泮卒年六十七歲於雍正三年具題建坊祀節孝

齊國攷考授經歷妻傅氏年二十八而寡撫育遺孤居酉堅貞自矢躬親績紡課兒句讀居酉弱冠遊庠於雍正丙午科附薦賢書氏壽登九秩膝繞曾

元雍正八年邑令梅枚表其門曰鶴齡鳳采

秦繼曾妻孔氏夫故氏年二十歲遺孤益遜甫在孩抱氏躬勤絰織課子嚴慈兼濟益遜早歲入庠食餼克振家聲氏壽踰七十乾隆元年闔學公舉學院張考錫額曰井水矢清

郭隍妻王氏爲新安縣訓導世治室女年十八于歸越五載夫故無子以夫兄次子方廣爲嗣翁歿姑衰氏扶掖起居不離朝夕督子向學弱冠補弟子員氏壽踰八十乾隆二年學院張考錫額曰冰心維則

盧殿臣妻湯氏年十九于歸結褵三載夫亡有遺腹彌月產男氏恪守從一之志辛勤撫育孤子盧元克承母訓爲國學生卒年六十六歲於乾隆二年具題建坊

尙訥妻劉氏年十七歸於尙越四載夫亡遺兩藐孤呱呱泣在抱氏仰事老親俯育穉子躬操機杼課以詩書長濂源入邑庠次淵源附郡學乾隆二年學



院張考表其門曰金閨砥柱

胡毓璉繼妻侯氏適璉一載璉卒氏年二十一歲無所出元配遺有二子長銓次志賢甫在孩幼氏長養教誨均克有成先後入泮氏壽踰六十而終

孔毓倫妻聶氏年十九于歸結褵五載毓倫病故乏嗣氏承翁姑命以夫嫡姪傳寧爲繼子時方歲週撫養成立傳寧克承慈訓弱冠遊庠氏卒年六十四歲

寧德俊妻李氏夫故氏年二十歲幾不欲生念有遺腹緩死彌月產男甯露氏奉事舅姑教育孤子甯露弱冠入庠氏卒年五十一歲於乾隆十年請旌建坊

趙亭妻徐氏年十九于歸結褵五載亭以疾卒氏年二十四歲一子冠英甫在孩抱翁姑時已垂老氏以一身奉養高年撫育穉齒冠英早歲入泮食餼氏年已六十乾隆十六年闈學公舉學院夢麟錫額栢舟高範

馬恤中妻左氏年十七于歸結褵十載恤中病故遺有二子長曰上達次曰上義翁姑在堂家業蕭條氏以紡織供饒饌凡二子束金皆出其中焉上達早年入庠氏卒年八十三歲守節五十七年學院張公考題其門曰懿德昌後

張士麒邑監生妻張氏夫亡氏年二十三歲孤子純智甫一歲士麒善事父母素以孝著氏亦善事翁姑以成夫志辛勤課子入國學以能文稱氏卒年七十八歲乾隆十七年總督河院稽曾筠旌其門曰勁節凌霜

劉祥來妻管氏年十七歸劉越五載生子振鐸甫一歲祥來卒氏年二十二矢志守貞孝養翁姑曲盡婦道撫育幼子延師訓習詩書俾振鐸早年入庠守節三十年卒年五十二歲

戴高妻王氏夫故氏年二十七歲長子克勤三齡次男興賢遺腹逾五月而牛氏念姑已早亡翁衰子幼境况多艱代夫俾事俯育貧不自給資以女紅

信 圭 鼎  
翁以天年終喪具靡不周到訓子興賢讀書入泮守節三十五年現年六十  
二歲

程寅妻丁氏年十七歸程甫及二載程寅病故遺子執中僅二十餘日翁姑  
在堂俱係暮年氏奉事二人以媳代子教育藐孤以慈濟嚴迨翁姑辭世盡  
禮盡制而執中成立策名太學守節五十八年享年七十五歲閤學公舉節  
孝學院蔡公新旌其門曰淑德貞操

戴隣川妻高氏年十八歸戴甫三載隣川即以時疾卒維時上有翁姑下無  
子女氏欲以身殉有翁禮諭示以大宗不可絕嗣繼嗣必有承領氏乃吞聲  
忍泣抑志守節後以夫弟庠生濬川長子良貴生方彌月即爲過繼氏愛之  
不啻己出撫育成立今爲國學生諸孫林立爲長門衍一脉之傳現年六十  
七歲守節四十六年

父母有子必教之然父在則母或偏於慈父沒則兼有嚴君之責焉惟母氏

足不踰戶外邪僻之誘比匪之傷防閑或有弗逮其不率教者多矣若夫撫孤子以成立秉母訓以淑身人徒見其後日之顯揚嘖嘖稱羨而不知鞠育於茹荼飲藥之中提訓於風雨冰霜之際者人不能見也母賢而子克承之豈獨一家之慶云爾哉茲於邑中賢母彙集一編用彰壺教

孝婦

明

陳玉妻吉氏玉死玉父子乾年老吉氏操井臼供炊爨惟謹翁患傷寒親侍湯藥病劇割股以進病遂愈

魏讓妻樊氏素嫻婦道侍養老姑周旋寢食無不曲體能博歡心及姑抱病瀕危氏祈天割股調羹以進姑病立起邑人咸高其行聞於有司特表其閭曰不愧女宗

李進知妻朱氏夫故氏年二十歲冰兢自矢敬奉翁姑二老相依爲命翁八

十四歲姑八十一歲同年謝世氏力營殯葬相繼而終

劉恕妻段氏恕歿氏年二十六歲翁姑相視而泣以氏未有兒息恐懷異志氏撫臆盟心願相依終老家貧手針紉以養翁姑生事死葬敬謹有加成化二十三年奉詔建坊曰節孝祀節孝

孔尙寶妻黃氏年二十夫亡有女始孩甘心終節事姑左氏夫遺有墳地三畝氏力耕以奉其姑姑得頤養終身姑歿氏亦垂白後以天年終

岳萃英妻李氏侍御李敏孫女十九歲夫亡遺腹得男撫孤矢節歷六十五年卒萬歷間歲荒氏鬻簪珥奉養舅姑及相繼謝世喪葬盡禮萬歷四十二年邑令劉廷宣獎之曰共姜比美後孫岳進善曾孫岳雅皆補弟子員

高登選妻左氏登選家貧舌耕養母儲穀不繼氏勤紡織助之克孝其姑進膳侍寢晨昏弗懈姑櫻疾篤氏割股救姑病賴以安天啓二年知縣李長春給穀獎之并表其閭

劉尙孔妻李氏善事其姑孔氏孔氏衰年多病每思烹鮮李手針紉以佐甘旨怡然色養一朝姑病沉篤氏割股療之病漸愈見其股上刀瘢驚問倍加矜憫鄉里稱爲孝婦

侯之翰母王氏之翰父早世祖母崔氏衰邁與媳王氏相依爲命崔氏病劇王氏焚香告天願以身代潛自割股以奉姑病立愈崇禎三年知縣黎玉田表其門曰格天壽姑

### 皇清

戴先覺邑貢生妻劉氏先覺家貧母老出外教授生徒劉氏克孝其姑親執炊爨以供饗殮姑病醫藥罔效幾不能起氏割股以進病遂瘳順治十四年邑宰崔維雅書額獎勵

馮孜惺邑庠生妻趙氏年十六歸於馮踰年夫故未有兒息氏孝事翁姑婦代子職每事先意承志使翁姑不知有暮景之愁氏亦若忘罄居之苦迨翁

姑相繼謝世氏營喪葬盡禮盡哀宗黨稱善完節四十年卒年六十六歲

張時中妻王氏年十九孀於張家貧時中父斌爲武孝廉母越氏素孱弱氏敬事翁姑每食必請所欲雖疏食必精必潔姑年七十臥病累月醫治不痊王氏禱天割股爲麵食以進姑病輒愈壽至八旬人咸謂孝思所感

管培業邑庠生妻孔氏年十九于歸奉養其姑馮氏朝夕不懈馮氏年逾六旬抱病床第孔氏親侍湯藥不離左右病勢日沉孔氏終夜傍徨焚香默祝割股雜肉勸膳馮氏食之病痊增壽六載鄉里稱其賢孝

馮思悱邑監生妻孔氏年十九于歸念孀姑張氏垂老一切家務服勤罔倦不貽姑憂姑患癱症手足痿痺幾不復起孔氏割股佐食勿令姑覺痼疾頓瘳後壽踰七十孔氏有子孝誠素遵慈訓弱冠遊庠食餼共稱賢孝之報

徐允珩妻李氏夫故孀居事翁姑至孝其翁徐定國患病傷寒氏百計莫救翁思食肉家甚貧且鄉居不可猝得氏遂割股以進翁食之病愈及翁問肉

所由來隱匿不告後隣居老媪見其股上刀癢邑人乃共傳之

劉朋邑堍陽集人妻王氏事其繼姑婁氏克盡婦道婁氏悅其婦並及其兒釀成一門慈孝乾隆七年姑病臥床褥垂危王氏割股以進姑病輒愈咸稱孝感所致事載中州彰善錄

張元禮妻王氏結縭五載夫亡無子氏年二十三歲翁康熙己卯副榜張雲霞年逾六旬姑復患癱不起氏事翁姑終身勿懈姑病侍櫛沐調湯藥不離左右雍正年間翁姑相繼謝世家貧經營葬具百苦千辛卒勦大事邑人稱婦之賢僉謂張氏無子而有子

劉聘良妻孔氏年十八于歸越十載夫亡無嗣遺兩女孩氏曰有子則守無子則死婦道也但老姑在堂年近七旬養生送死絜誰之責因撫弱女朝夕織紡以供高堂之養姑歿盡哀盡禮葬則親駕靈輜道旁觀者無不悽愴洒淚孀居四十載卒年六十八歲



張承統邑監生繼妻趙氏克敦節孝承統元配孔氏育子則朱已出嗣氏夫  
亡無子矢志守貞敬奉其姑侯氏服勤弗懈乾隆十四年侯氏病劇趙氏割  
股療姑姑病輒愈

郭世珍妻劉氏十八于歸越次年世珍亡氏以身殉者數舅姑慰勉至再取  
夫弟子撝謙爲嗣氏遂留心撫育家貧日以紡績爲生奉事舅姑惟謹適舅  
疾篤乞天願代旋割股包麵食以進舅病遂愈氏現年五十五歲守節三十  
八年

婦人之孝事舅姑猶男子之孝事父母非以夫之存歿異也然當伉儷相偕  
庭闈並侍刑于之化歸美其夫孟子所稱導其妻子使養其老是也至於人  
稱未亡親年垂老家貧如洗宗黨無依乳媪婦能供菽水於生前謀窀穸  
於身後將所謂養生送死婦代子職者非與志中所收孝婦多屬孀閨蓋孀  
而能孝爲更難也用以厚人倫勵婦道雖割股醫親久在例禁然以愚孝之

一不敢掩沒云爾

貞節

唐

賈直言妻董氏名德直直言坐事貶嶺南以妻少乃訣曰生死不可期吾去可亟嫁無須也董不答引繩束髮封以帛使直封署曰非君手不解直言貶二十年乃還署帛宛然及湯沐髮墮無餘

明

段整妻魏氏夫歿氏年二十三歲翁姑時皆垂白三子甫在襁褓氏以織紝營生老幼咸資其養後長子安已授室而殤寡媳胡氏年十九亦以死自誓苦節三十餘年成化四年奉詔表其門曰雙節祀節孝

李嵩妻子氏都憲敏之冢婦也嵩早逝遺孤甫三月氏孀居四十二年隣人不識其面撫其子成立出仕成化五年奉詔表其閭曰完貞祀節孝

侯端妻王氏夫歿氏青年矢志服闋終身不施膏沐不御綺羅孀居四十年壽踰六十撫孤成立嘉靖二十一年奉詔建坊曰貞節祀節孝

秦儀妻陳氏儀病故無子年二十矢志完貞卒年七十二歲苦節五十二年侯名環妻李氏夫歿年十九投繯以殉姑救解以告翁翁曰爾死完爾之事爾子始孩失乳必死死則侯氏無後矣涕泣勸諭氏悟乃敬事翁姑鞠育孤子邑令錫額曰節並柏舟卒年六十八歲

張鳳苞邑廩生姜劉氏苞故氏年二十與其嫡溫氏俱無子有女六人越二年溫亦相繼卒劉矢志靡他遣嫁六女主持家計年七十以病終無子守節且以側室與嫡並守節嫡死又獨守節是皆爲其難者鄉黨重之

王徵祥妻侯氏肅敏公孫婦也祥死誓以身殉衆相勸諭以藐孤在抱乃辛勤育子克延後嗣終其身足跡不踰閨闔壽七十二而卒有司褒之曰栢操

松齡

魏紫雲妻呂氏結縡二載夫亡氏年十七歲有遺腹彌月產男舅姑父母欲奪其志氏誓不從苦節四十年年五十六歲卒子亦相繼亡一孫力農特爲孀居祖母表其清節

張日進妻管氏進歿氏年二十五歲有子始孩矢志育孤卒年八十歲完節五十五年

戴一楓妻趙氏夫亡氏年十九歲卒年八十七歲守節五十八年

陳繼賢妻孫氏夫亡氏年二十三歲卒年九十歲守節六十七年

刁鳴忠妻侯氏夫亡氏年十六歲卒年七十三歲守節五十七年

蘇景和妻魏氏夫亡氏年二十二歲卒年七十歲守節四十八年

蘇國表妻魏氏夫亡氏年二十歲卒年七十三歲守節五十一年

張忠邑諸生妻王氏忠歿氏年三十歲卒年七十歲守節四十年

張祖聲妻孔氏夫亡氏年二十九歲卒年六十七歲守節三十八年自戴趙

氏以下節婦七人軼其事實茲特紀其節壽

翟位妻汪氏位死遺三子名添慶甫在孩穉氏撫育成人苦節四十餘年署學道李錫匾獎之

李登喬妻李氏喬亡遺孤尙忠甫三歲氏撫育成人娶婦郝氏尙忠復早亡二子俱幼姑媳兩代苦勵貞操始終不渝時稱一門雙節李氏年九十七歲卒郝氏六十六歲卒祀節孝

傅儀妻劉氏儀歿氏欲以身殉家人勸慰歷四十三載始終不渝弘治元年詔表其門祀節孝

喻祥妻胡氏夫歿氏年十九歲哀號屢絕甦勉育孤踰年妯娌以微言探之胡泣曰古云餓死事小失身事大今日之事更復何言遂斷指以示信孀居五十年弘治十七年詔表其門祀節孝

黃智妻蔣氏夫歿氏年二十七孤子守正生未彌月哀泣七日不食姑憐之

勸令改乃圖斷髮刺面深夜引繩自縊室內忽如雷震姑覺救免孀居三十六年弘治十七年建坊曰貞節祀節孝

馬國貢任山東棲霞縣繼妻王氏國貢卒氏年二十三歲矢志堅貞又能贍恤三黨衆稱其賢國貢元配之子繼武其妻劉氏亦無所出繼武又故氏年二十一歲與姑共勵清節前後五十一年萬歷十五年知縣薛同術表其門曰雙節繼美

劉佃妻尙氏佃故氏年二十四歲一子四齡撫之成立卒年七十九歲苦節五十五年萬歷二十七年知縣張邦俊旌其門曰栢舟矢志

李之蘭妻孔氏夫故氏年二十歲孤子允昌一歲氏躬勤紡績教養成立守志四十九年卒六十九歲

田永漢妻張氏夫亡氏年十九歲有遺腹逾三月生男矢志撫孤百苦倍歷霍重光邑諸生妻孟氏夫死無子止遺二女又相繼俱亡氏清操自勵守節

四十餘年

賈光宦妻趙氏夫死氏年二十八有遺腹彌月生兒名獻璋撫育成人守節四十七年

楊名高妻宋氏夫亡年二十三遺腹得男名石麟撫養成立納婦生孫氏猶主持家計守節五十六年壽至七十八歲

曹東淄邑諸生妻宋氏夫死自縊尸傍父母知覺救解復曲爲勸慰氏乃矢志守貞孀居二十餘年卒

徐加論妻郝氏夫故氏年二十遺孤鳳翼甫一歲氏苦節四十八年天啓間知縣許國翰表其門曰栢舟勵操

張桂邑諸生妻岳氏太平府同知岳思忠孫女桂歿氏年二十二孤子四齡撫育成立生四孫長居易次所蘊俱庠生次學蘊領鄉薦曾元繞膝九十三歲卒天啓間邑令孟紹孔表其門曰節壽天全邑人爲聯曰人經五世壽近

百年

尙明紀妻李氏夫亡氏年二十三青春矢志天啓間邑令孟紹孔表其門曰貞節可嘉六十一歲卒

劉松邑諸生妻宋氏夫亡矢志遺孤在抱教養成立守節五十餘年崇禎五年邑令黎玉田以事上聞奉旨建坊祀節孝

賈東魯妻張氏夫死氏年二十五遺有二子長興仁六歲次興讓二歲家貧子幼日不再食氏勤績撫孤崇禎七年邑令申佳蔭表其門曰貞節可風王九鼎又表之曰節凜冰霜八十一歲卒

譚思聖妻郭氏思聖故遺孤來貢甫二歲氏撫育成人娶婦刁氏生子應龍甫二歲來貢又故姑媳誓志守節撫應龍成人娶婦孫氏生子宏嗣甫二歲應龍又故孫氏孀居一門三節古今僅見

管漢雲妻賈氏夫死氏年二十八遺孤攀桂五歲丹桂三歲撫育成立克孝



孀母守節四十餘年崇禎十年知縣何呈瑞表其門曰母節子孝

劉一鳳妻周氏夫亡家貧如洗氏年二十一甘心苦節紡績自資至老不渝崇禎十年知縣何呈瑞表其門曰白髮青孀

張戍妻戴氏張啟寅妻侯氏戍與啓寅兄弟相繼歿二氏並勵清操當明季寇擾相攜奔竄時有雙節芳流之旌祀節孝

張之俊妻侯氏年十七于歸兩載夫亡有遺腹生男允恭氏撫養遺孤苦心矢志明末寇陷儀城之俊棺爲賊斫開顏色如生允恭生不識父忽見父面痛哭倒地侯氏掖子哭復蘇哀感賊人

張蘭妻杜氏二十六歲守節

劉名譽妻陳氏二十四歲守節

劉松妻高氏二十一歲守節

張禮妻周氏二十五歲守節

李進和妻宋氏二十歲守節杜氏以下節婦六人時當明季喪亂失於表揚  
舊志略其事蹟莫考今僅登姓氏

### 皇清

趙東言妻郭氏夫亡氏年二十二無子有女二人家貧乏食艱苦延生卒完  
貞節年八十卒順治十七年知縣門四闢錫匾曰美姬栢舟

曹可久妻李氏年二十夫亡子幼苦心矢節上事翁姑下撫幼子子死育孫  
克勤克儉卒年八十九康熙七年知縣范端錫匾曰苦節存孤

張斐成妻郭氏年十八歸張越二載夫亡哀毀痛悼欲以身殉念有遺腹隱  
忍以待越月生男撫育孤子孝事翁姑艱苦備歷遺孤大誥入太學且有子  
著篆鍾公表其門曰盛世坤貞

王維新妻張氏夫亡孤子建中甫在孩幼苦節自持教子成立年至八十猶  
勤家政邑侯宋公旌其門曰柏節松年

王英秀妻張氏歸王二載夫亡誓欲身殉念孤子傑尙在襁褓矢志守節家貧氏晝夜紡績度日年八十餘猶督率諸婦既耄弗衰

李貴友妻馬氏年二十二歲夫病故家業蕭然但遺穉子氏撫孤矢志茹藥飲冰歷五十年如一日年七十餘卒

尙書邑貢生妻王氏工部主事王匯室女結縈九載夫亡氏年二十五歲晝夜號泣屢欲身殉又念孀姑在堂孤子尙瑒方五月黽勉事姑撫子成立守節三十六年卒年六十一歲於康熙五十年具題建坊祀節孝

張天聰妻戴氏年十九夫亡有遺娠三月產兒允孚氏念夫無兄弟祇此一脈守志撫孤子復生孫大衍厥嗣完節六十三年卒年八十二歲康熙五十年邑侯倫之綱哀之爲作黃鵠歌

孔傳典妻戴氏年十八適孔門越五載夫故遺孤繼炤甫三齡翁姑在堂氏養老撫孤獨持苦節子繼炤遊國學孫廣教以郡學歲貢現任葉縣訓導孀

居五十九年卒年八十二歲於雍正三年署篆李鍾璠表其門曰勒節凌霜  
湯伊知邑孝廉繼妻楊氏年十六歸湯前子孟禮甫九齡撫愛一如己出親  
子魁光甫二齡伊知卒於葉縣教署氏年二十五歲扶柩旋里魁光復殤氏  
悲腸寸裂卒勤家政撫育諸孫史學士學入庠壽踰八十以天年終

湯作霖妻張氏年二十六孀居翁姑在堂孤子元佐在抱迨翁姑相繼謝世  
夫弟三人俱幼氏攜穉叔與孤兒一體撫恤夫弟豫誠後以科第顯寡嫂教  
養之力居多完節四十二歲卒年六十八歲雍正三年與祖姑尚氏同時具  
題建坊祀節孝

王憑引妻曹氏年二十二歸王越六載夫故孤子昭服詔許幼穉翁姑垂暮  
氏以一身上下撫事翁卽於是年謝世經營喪葬盡禮盡哀至七十五歲而  
卒雍正三年邑令袁珂給額曰節壽天全

張恭先妻張氏年十七于歸十年夫亡氏無兒守節三年服闋夫弟孛先舉

子名法立爲氏後氏恩勤鞠育及長爲邑庠生諸孫林立科第繼美克繼宗  
祿完節五十四年卒年八十一歲於雍正三年邑侯袁珂錫額柏節松齡

張公宣妻王氏年十八歸張兩月夫故氏矢志靡他族人憫之公議同宗昭  
穆相當子姪爲氏立繼氏撫育嗣子敬奉翁姑自始至終克嫻婦道完節四  
十五年卒年六十三歲

秦弘邑諸生妻徐氏年二十五而寡孑然一身未有兒息恪守從一之義立  
夫弟紹曾之子愈森爲嗣氏育子持家勤苦終身孀居四十二年卒年六十  
七歲於雍正三年邑侯袁珂表其門曰節勵冰霜

秦純邑儒童妻孔氏年及笄歸純純少而好學甫應縣試爲邑侯倫之綱首  
拔冠童子軍旋以疾卒氏年二十四歲孀姑垂暮子煌言尙穉氏奉老撫幼  
堅志守節孀居三十七年卒年六十歲

張法行妻甯氏年二十一而寡孤子學易甫九月氏矢志守貞奉親撫子備

嘗艱苦學易克承先業身列成均完節五十四年卒年七十五歲於雍正十一年請旌乾隆二年奉 旨建坊祀節孝

馬爾璘邑監生妻侯氏爲同郡督學良翰室女青年夫故孤子馬晉尙穉氏克勵清操迨子入監授室辛勤鞠養已歷二十餘年復遭摧折兩世宗祧一朝幾斬氏痛夫哭子幾絕復蘇賴有寡媳張氏相依孝養克承姑志

馬晉邑監生妻張氏爲同邑禮部尙書伯行室女年二十九夫亡孝事孀姑侯氏調羹視膳未嘗假手婢人疏諸姑羣姊在貴弗驕立姪鵬程爲繼嗣兩代婦姑形影相弔卒年六十有三於乾隆二年具題建坊祀節孝

馬爾璘妻趙氏年十七于歸結縭力載生子馬均馬昂夫故氏絕食號泣幾不欲生念適姑在堂榭子在抱代夫仰事俯育迨二子漸次成立夫堂兄乏嗣乃以次子昂繼之苦節五十三年卒年七十一歲人稱完節遐齡

陳報國爲邑武弁任雲南蒙化遊擊納妾張氏生子三齡報國卒於官氏年

二十二歲矢志守義率僕扶榭旋歸報國舊存田畝久爲族衆占耕氏爲鳴官歸產教子就傳讀書守節五十一年卒年七十三歲孫錫爵中式武闈曾孫恭楹入泮大衍厥族

尙琰邑貢生繼妻張氏年十七歸尙七月夫故無子以嫡姪思敬爲嗣氏苦志自持事孀姑王氏惟謹撫前女嗣子無異已出思敬克繼家聲完節三十五年卒年五十二歲

岳柵妻王氏年十八歸岳四載夫故遺孤益進未滿二齡氏代夫仰事俯育益進恪守準繩趨踰學校氏守節五十一年卒年七十三歲於乾隆二年邑宰嵇琰錫額曰巾幗完人

王尊北妻張氏年十八歸王踰年夫卒無子氏以死自誓翁姑曲爲勸慰氏乃終身守義事翁姑惟謹後以嫡姪誨之子邑庠生體元立爲嗣孫以承夫嗣完節五十四年卒年七十三歲於乾隆三年督學張考錫額曰冰霜勁節

張有恪妻侯氏年十七歸張六載有恪卒氏年二十三歲遺孤承統甫在孩提氏守從一之義矢志撫孤承統援例入監克保先業孀居六十一年壽至八十三歲乾隆三年督學張考錫匾曰節孝維則

房九齡妻劉氏年十八于歸六載夫故遺孤尙幼氏矢志貞潔育子辛勤納婦數年孤兒復故遺穉孫氏復撫孫成立苦節五十餘年壽至九十有四乾隆三年邑宰嵇琰憐其節旌之曰金石盟心

趙曰屏妻孔氏歸趙五年曰屏卒氏方二十五歲翁姑已在暮年子尙幼氏大義自持慨然以撫事爲任飲冰茹蘖百折不回完節四十五年壽至七十有一乾隆七年督學林枝春旌之曰代終無媿

張惕妻李氏年及笄歸張三載夫亡氏年二十三歲乳乳子立諸苦備嘗卒能養老撫幼以存宗祀完節四十五年卒年六十八歲乾隆十年督學汪旌之曰擘畫餐冰



甯德全妻劉氏年二十夫亡無子撫柩痛絕舅姑族人哀之許其立繼時無昭穆相當者迨後立姪霞爲嗣氏奉事衰親撫育嗣子慈孝兼至人無間言苦節三十四年現年五十四歲乾隆十年請旌建坊

傅纘祖妻周氏年二十五歲而寡遺孤元棻元凱俱在孩抱氏撫孤守義教育成入二子共遊國學矢志四十八年壽至七十三歲諸孫繞膝以終天年李率性妻王氏年十六歸李八載夫亡年二十四歲孤兒兆夢尙在嬰孩氏守節存孤奉事翁姑主持家計米鹽瑣屑各有條理矢志節三十三年卒年五十七歲乾隆十四年請旌

張嵩妻郭氏年二十歸張四載夫亡翁姑早喪氏撫孤矢志踰年孤子復殤夫兄崑以次子儒行爲其後氏撫育嗣子恩勤備至守節六十二年卒年八十五歲

張時展妻孟氏年十六歸張九載夫亡無子氏決意殉夫翁姑曲爲勸諭立

嫡姪爲嗣氏撫育嗣子教以義方克至成立守節三十三年卒年五十八歲  
李若楠妻汪氏年十八歸李十一年夫亡氏年二十九歲翁姑已及衰年孤  
子猶在穉齒氏以一身當大依朝夕主持家政勤於女紅完節四十一年卒  
年八十乾隆十七年請旌

劉繼元妻甯氏年二十六而寡撫孤其齡成立娶媳楚氏生孫嗣茂其齡遽  
歿楚氏繼亡甯氏復撫穉孫納婦魏氏越三載生子仁永甫二歲嗣茂謝世  
魏氏克繼神姑撫孤守義仁永納婦王氏生子長年甫週仁永謝世王氏二  
十三歲克繼孀姑撫孤守義十年而亡魏氏又撫幼孫長年名登成均曾孫  
林立氏現年七十一歲一門三節古今僅見

張同芳邑庠生妻孔氏妾陶氏媳繩氏孫媳張氏俱曉大義同芳隨父範俱  
卒臨洮府通判任所孔年二十六歲陶年二十歲有子維恪扶櫬歸里矢志  
守節撫育孤子維恪娶繩氏惟恪卒繩年二十六歲生子承先奉事孀姑撫

育遺孤備嘗艱苦娶妻張氏未幾承先又卒張氏年亦二十六歲無子取堂姪則朱爲嗣事姑如其姑之事祖姑撫繼子如其姑之撫翁與夫四氏各以節自勵孔卒年七十三陶卒年八十繩卒年五十四張卒年六十三蓋一門四節云

劉尙廉邑庠生妻李氏年十八歸劉八載尙廉病故氏年二十六歲遺有二孤長繼瑚甫五歲次繼璉甫三歲氏教育二子成立事翁姑以孝處妯娌以和孀居三十七年卒年六十三歲鄉里共推完節

孔毓瑄繼妻李氏年十八于歸敬夫孝姑克盡婦道毓瑄病故前子傳紱甫四齡氏年二十一歲悲痛欲死念上有寡母下有遺孤將誰是依乃矢志守貞事姑撫子孝慈備至傳紱成立入監氏年五十而卒雍正元年紱又卒紱繼妻劉氏年二十五歲撫元室子繼章守節四十年亦如其姑現年六十五歲殆兩世貞節云

龐環妻張氏年十八歸龐四載環卒氏年二十二歲孤子時通甫三齡氏矢志守貞上事翁姑克盡婦道下撫穉子成家立業孀居五十年卒年七十一歲邑令于仁臣給匾貞節堪型

張士俊妻陳氏士俊病故氏年二十一歲孤子張璫未離孩抱當士俊易簣之頃手指此子囑其妻氏乃吞聲以死自誓且當翁姑暮年氏以一身仰事撫育諸苦備嘗守節五十餘年壽至七十

陳國師妻武氏年十八歸陳四載夫故無子且家貧無食氏悲腸痛斷惟有以死殉夫孀姑慰之氏遵姑命奉事終身婦姑力勤紡織不輟晝夜取族姪孫學周爲嗣孫苦節五十餘年至七十二歲卒

張毓炤妻王氏年及笄歸張夫故氏年二十二歲無子有女尙在襁褓翁姑年老嘖有繁言而氏矢志甚堅寧以死殉誓不再適翁姑旋生憐憫氏亦敬奉終身日習女紅以給薪水取夫三弟長子曾爲嗣苦節五十餘年至七十

二歲卒

馬惟健邑監生繼妻扈氏于歸三載惟健故氏年二十一歲未有兒息撫養前子皇津視同己出朝夕奉事老姑孝慈兼至克勸家政動中閨範宗黨稱爲女宗壽踰七十孀居四十八載

曹子恆邑庠生妻劉氏年十八于歸踰年夫亡無子勵志守貞終身不事膏沐事姑克盡婦道越三十年乃以姪寧承嗣撫養無異己出嗣子名列成均乾隆五年督學潘公表其門曰節孝維風

王來召妻房氏夫亡氏年二十有七孤子聞仁未及周歲家貧氏以紡織餬口辛勤矢志撫育藐孤聞仁恪遵慈訓克繼宗祧孫男四人次名承業庠生完節七十年壽九十六歲乾隆二年督學張考表其門曰冰操松壽

陳恪妻張氏年及笄歸陳克嫺婦道恪弱冠能文應童子試郡守首拔之病卒氏安貧守志撫遺孤文炳命讀父書躬勤紡織以佐養殮完節六十一年

卒年八十四歲宗黨稱之

管維雅妻刁氏年二十一歲夫亡無子是時翁已早世孀姑在堂命以季子世祉次男爲嗣氏遂奉孀姑撫嗣子勤女紅勞苦終身完節四十四年卒年六十五歲

陳觀油邑諸生妻張氏年二十五而寡痛不欲生翁康熙癸酉孝廉陳史慰之曰我僅二子汝夫既死次子觀洙甫冠爾姑久患癱症爾若殉夫是重吾憂也氏因矢節終身奉姑侯氏惟謹後立觀洙之子金相爲嗣卒年七十六歲孀居五十一年知縣梅公枚匾其門曰松操柏節

杜耿烈妻卞氏年十六歲歸杜生二子長成名次成德俱在孩穉夫故氏年二十二歲家貧鄰居有勸易節者氏怫然曰翁姑年高二子幼小死者未完之事皆未亡人之責也乃矢志守貞備歷艱苦孀居六十年壽踰八秩孫曾九人耕讀傳家克衍宗祀

張嵩翰妻孔氏年十九歸張五載夫亡無子繼姪接爲嗣氏撫孤守節善事翁姑迨後夫弟三人析箸共憐寡嫂弗令輪膳高堂氏心不安必欲一體奉養嗣子先氏歿遺有兩孫又復相繼殤孀居五十九年卒年八十有二苦節終身子然絜獨諸姪爲之治喪

張守誠妻孔氏年十九歸張越十一年夫故遺孤應運孩穉翁姑垂老夫弟立誠以下俱以訓蒙外出惟氏朝夕奉事高堂罔懈迨孤子成立生孫殿會乃五十五歲而終自夫死之後三十三年撫孤存祀族里共重其清操

王瑄妻李氏年二十六歲而寡遺孤嘉善甫在孩抱氏撫子奉姑姑性躁急稍拂意輒加詬詈氏怡然順受姑亦色喜人無間言嘉善先娶孔氏病故繼娶尙氏產一男踰年嘉善歿氏三十年前哭夫三十年後哭子與寡媳相依爲命

王嘉善妻尙氏節婦李氏之媳也喪夫數月藐孤復殤李以媳青年無子且

親歷孀居之苦懼其弗克終守尙氏矢志堅貞隨繼夫堂姪麟爲嗣時方二齡教養成立寡媳孀姑淒風苦雨卒能主持家務承接宗祧李氏謝世尙氏年近六旬人稱兩代孀閨柏舟共濟

劉光先妻徐氏年二十八夫亡翁姑時已七十孤子思聰甫及十齡氏以隻身事老撫幼艱難備嘗迨至孤子成立納婦王氏結褵十載孤子又故徐氏與媳王氏兩代雙寡苦藥同茹徐氏卒年六十七歲守節三十九年

劉思聰妻王氏節婦徐氏之媳也思聰病故氏年二十有七孤子志德未及十齡王氏與姑徐氏並矢貞節共育藐孤族人欲奪其志王氏墜樓以明志徐氏赴救幸未喪生終傷殘左肱事在雍正十一年時邑侯梅枚聞而驚悼嘉其節烈迨至孤子志德成人授室又復早亡其妻柳氏青年喪偶孀姑寡媳相依爲命王氏卒年六十八歲守節三十五年

劉志德妻柳氏節婦王氏之媳也志德物故氏年十九孤子繼勳甫三月或



以言語挑之氏慨然作色曰孀姑在堂藐孤在抱此生倘有異志老穉何堪願承兩世清操爲劉氏延一脉事姑王氏惟謹念姑左臂殘廢起居飲食婉轉扶持人稱節孝雙優一門婦德

馬遙妻張氏夫亡氏年二十三歲誓以身殉家人防之老姑喻以代養撫孤大義乃艱苦備嘗育子承祧完節六十年壽八十有二乾隆十六年闈學公舉節孝教諭郭文煥表其門曰柏節松齡

翟泓妻孔氏年二十歸翟越四載生子文元而泓即以疾卒氏年二十四歲備歷艱苦撫育文元俾之成室婚娶越數載文元又中折遺有二孫長曰乾次曰金山氏多方顧復及長延師勵學金山爲邑增廣生氏卒年八十守節五十一年邑令李公鍾麟以貞節流芳給匾獎之

王幣榮妻李氏邑諸生李曰讓女也年十八歸王甫二載幣榮以疾卒上有翁姑下無子女當幣榮易簣時慮氏以身殉囑曰父母生我一人我死爾當

以婦代子我雖死猶生也氏承其意毅然以貞節自守生養死葬毫無缺欠  
擇族姪作賓爲嗣年七十二卒守節五十二年邑令趙公鶴洲題其門曰冰  
心雪骨

馬權中妻張氏年十八于歸甫六載權中以疾卒有子上恭猶在襁褓氏矢志守節撫養成立年七十四歲卒學院張公考以巾幗儀型贈之

張彭齡妻王氏夫故年二十一歲無子號泣屢絕引繩自縊柩側有婢解救  
翁姑勸慰再三爲取姪翰爲嗣氏遂堅志守節孝事翁姑和睦妯娌撫育繼  
子不異已出翁姑相繼謝世葬祭盡禮盡哀年七十五而卒邑令李鍾璠匾  
其門曰白髮青霜

孔興育繼妻范氏年十七于歸甫二年興育卒氏年十九歲上有翁姑下無  
子女取姪毓茹爲嗣堅志守節終身不渝事上育下孝慈克盡五十餘年不  
出中庭惟紡織不輟勤勞女功享年七十五歲守節五十六年邑令李鍾璠

匾其門曰節映冰壺罔邑以節壽天成贈之

孔毓圻附監生副室趙氏年十七歸孔甫三載孔以病故元室劉氏憐其無出諭以他適氏矢志不移及劉氏染病氏親侍湯藥始終不倦乾隆二十一年以疾卒守節三十八年

趙琛妻張氏年十八歸趙甫四載而琛即以疾卒年二十二歲有女無子恐絕夫嗣遺死者以不孝名擇堂姪曰敏爲嗣氏年五十六歲卒守節二十四年

趙曰敏妻張氏節婦張氏之媳也曰敏爲趙琛嗣子趙琛早亡曰敏亦二十六病故氏方二十七歲惟有孤子趙鋤甫三歲零丁孤苦與孀姑相依爲命又兼以家業蕭條日不再食氏惟紡織度日撫育趙鋤成立婚娶生孫五世孫又生子衍趙氏一脉之傳年六十而卒守節三十三年

戴王璋妻侯氏年二十于歸甫八載而璋卽以時病卒氏年二十八歲一女

無子念翁姑在堂無人奉養又恐繼嗣不定貽二人憂取三門次子世賢爲嗣卒年六十三歲守節三十五年

宋琬妻刁氏年十八歸宋越四年生子建中周歲夫故氏方二十三歲痛不欲生旋念翁姑在堂幼子無依矢志守貞親操井臼時勤紡織翁姑相繼亡殮葬悉盡心力夫弟琨路拾遺錢氏慨然曰此非汝所應得速令訪遺錢者還之又隣人賣妻已得錢某妻向氏哭愬氏命子建中出錢贖之俾得保全卒年七十一歲守節五十一年邑令于仁臣給匾旌獎

賈清標妻蕭氏蘭邑庠生蕭恪之女也年十八歸標甫二年標即以疾卒生子賈政方四月維時上有翁姑下有幼子零丁孤苦勢不堪聞又兼以家業蕭條難以度日氏惟以日勤紡織孝事翁姑撫育幼子成人爲之延師訓讀厥後翁姑相繼謝世喪葬盡禮盡哀雖賈政主之實氏一生勤苦所積也氏六十七而卒守節四十年

儀邑壺德自唐賈直言妻董氏封髮而後清操貞志書闕有間矣自明迄今連篇累牘或專傳或合傳新舊累百不爲不多謂宜分別已未旌獎以爲去取之衡竊恐窮鄉僻壤苦節自持憔悴半生沉埋千載旣不能早預

國恩復不獲並登邑乘良堪悼嘆按乾隆十四年新例婦人夫亡守志或舅姑垂老婦兼子職奉養終身或孤子始孩母司父教琢磨成器或外遭強暴卒保堅貞或內迫饑寒彌矢勁節如斯之類孝義兼全阨窮堪憫允宜建坊入祠以光俎豆至於尋常守節但與年例符督撫學臣酌量給匾嘉獎附疏策題仰見我

朝敦崇節操慎重旌揚至意故於闔邑呈報節婦惟於年例未合不敢濫登餘則有美必錄蓋亦善善欲長之意云爾

補遺

曹元麟繼室張氏年十九歸麟甫七月麟故有元室子璜方七歲氏素曉文

事口授詩書撫養成入始終不異已出璜爲國學生氏年六十九歲卒守節四十九年邑令趙鶴洲匾其門曰松筠勁操

楊良士妻孟氏年十八歲于歸甫三歲良士故生一子文學三歲而殤氏矢從一之志孝事翁姑喪葬盡禮恤弱弟良賓娶妻生子文山繼祀承祧完節三十九年卒年六十一歲

### 烈行

明

張舒翼妻黃氏翼歿哀泣絕食卽於柩前自縊以殉婦人大節首在從夫雖似輕生究歸取義如張黃氏以下烈行足以風世矣

趙汝登妻侯氏汝登歿氏自縊以從侯氏之姪曰侯勅妻馮氏勅歿馮氏亦自縊以從鄉人皆哭弔之謂有古烈女風嘉靖初年奉詔建坊曰雙烈祀節孝

畿

寸系

示

卷十一

一

卷

世

二

二

張臺妻劉氏青年喪偶義不獨生從容自縊遺孤克恭能自成立補弟子員爲母請旌建坊邑人張大中丞函銘其墓祀節孝

李毓璋妻程氏年十八夫亡無子痛不欲生哀號絕食皮骨空存踰旬相繼終萬歷四十二年知縣劉廷宣表其門節烈

黃文煥妻吳氏夫亡無子義不獨生侍夫含殮甫畢氏隨自縊柩前事在萬歷四十二年邑人共高其行

杜機妻耿氏年十六歸機踰年機歿當永訣時氏從容語機曰君勿以我爲念君死我殉家人防之密越二日伺姑他往縊死其夫柩側萬歷四十三年邑令劉廷宣詳請奉詔建坊曰貞烈之門祀節孝

趙祚妻曹氏夫亡誓以身殉家人環守不得遂絕食氏有二子泣勸卒不食越數日餓死時年二十七歲提學任表其門曰巾幗首陽

王纘祖邑諸生妻張氏夫歿哀毀欲殉家人環守不得水漿不入口者十有

二日而卒士林重其節義知縣申佳蔭表其門曰貞烈可風

辛春妻梁氏年及笄于歸二十五歲夫故氏晝夜哀號含殮甫畢縊死柩前闕里感其節烈觀者如堵時當崇禎十五年兵亂未及請旌祀節孝

吳繼周妻孟氏崇禎十五年流賊寇儀繼周拒賊被害氏聞之號泣奔赴勉力收殮當夜遂自縊概傍邑人悲其夫忠婦烈並垂不朽祀節孝

龍一瑞室女年十四崇禎十五年流寇犯縣擄女至西南堤上剝衣欲辱之女罵賊不從賊斷其手罵愈厲賊又剖其心翼日賊退父爲收葬哀感路人邑宰爲之作傳

### 皇清

底二丑妻張氏年十八鄰居惡少慕其姿色酒後入室犯之氏峻拒口嚙其肉惡少逸去氏羞忿欲死其姑與夫勸曰汝未被污何苦死氏陽從之至夜自縊村居民婦不爲強暴所污洵足風世



王碧壺妻孔氏于歸四載夫亡哀號幾絕乘間投繯家人救免將卜葬氏預成大槨臨窆以身投穴家人苦掖而止儀俗百日奠於墓氏手製新衣焚墓前舉身投火家人扶之去氏乃作緩計若安然者踰旬偵者稍懈投繯自盡時康熙四年十月也父母聞訃臨其喪已踰兩日貌如生兩目自開作顧盼狀四方士大夫欽其烈行咸爲詩歌弔之

張凝妻曹氏于歸七載凝以暴疾卒氏哭祝尸前曰願少待攜我同行時凝日已暝而復開若許以相待者以是家人防之越日弔者相向哭氏潛出自縊庭前果樹下康熙十五年知縣白彥良表在門曰殉節流芳祀節孝

馬性敏邑庠生妻張氏夫亡氏年二十時有遺娠未卜男女及產女不育遂於性敏啓殯日縊死柩前上官聞之咸加旌獎

方良琮妻劉氏夫亡無子氏年二十一歲屢欲殉夫父母勸慰遂爲議嗣嗣子復殤氏曰命乖至此不死何爲夫喪服闋是我歸期矣於康熙二十四年

正月十五夜自經事白有司建坊旌表祀節孝

劉禎繼妻戴氏年十六于歸趙半載夫歿誓以身殉數次投繯俱經家人救免氏私念曰我迫欲死人之防我密矣乃給家人曰我屢死不遂豈天故靳我以死耶以是防者日疎及小祥氏往拜墓哭奠盡哀歸猶澣濯遂於是夜潛起自縊聞者莫不悲嘆康熙二十六年御史章公棗疏題旌

傅玉蘭聘妻爲張文典室女年及笄聞其夫玉蘭僉應門役女恥之曰此賤役也從之實爲我玷不從我將安歸惟有一死自全而已遂自縊人咸悲之劉行智聘妻同邑戴珣室女未婚夫死女聞訃哀號願赴夫家守節父母不能勸阻送女過劉撫棺痛哭以頭觸棺流血破面姑舅慰之諭以代夫孝養爲之立嗣女乃易服從命甫踰月而卒時年十八歲與劉合塋

孔毓璉室女爲睢州張德裕聘妻年已及笄德裕病亡女聞之不欲生告于父母願守貞不字未幾相繼而亡遂與張合塋于睢州之青楊桁從女志也

雍正三年邑紳士公舉貞女著篆李鍾璠旌其門曰德茂女宗

孔毓偉妻萬氏年十八夫亡哀悲絕食越九日自縊以殉偉當易簀時謂氏曰父母生予一人予死汝當代予勉旃毋忘予言氏泣曰公姑俱在中年寧憂無嗣吾不忍負汝也死之日顏色如生邑人嘆其貞烈康熙十七年邑令王時雍聞而哀之爲之設奠具文請旌

王阜兒婦李氏歸王一載夫故遺孤在襁褓矢志守貞踰年孤子復殤氏絕後望誓欲從夫地下翁姑曲爲勸諭氏乃吞聲飲泣奉事高堂井臼親操克嫺婦道又越二十一年翁姑相繼去世氏念代夫養親大事已畢此身別無牽掛爰哭奠翁姑墓前投繯自盡康熙四十年里人高其行具呈請旌嗚呼忍死二十餘年代夫事畢從容赴義此尤人之所難者登諸乘志以待旌揚潘周妻曹氏幼育農家長歸於潘踰年夫染疫症晝夜徬徨衣不解帶病劇同嫂登樓預備其夫殮衣事畢給嫂先下潛自縊伊夫絕氣氏亦畢命焉事

在康熙壬辰邑孝廉王宜有輓烈婦詞

曲士奇繼妻陳氏年二十于歸九月夫亡無子氏悲悼絕食誓不欲生翁姑密爲防護婉轉勸導氏乃勉從強進饘粥而殉夫之志益堅既葬告歸省母越日還家至百日墓祭氏往哭奠歸祥托感冒風寒閉戶偃臥戒婢勿驚久而起視已自縊床上旁遺書一紙係氏親筆皆哭夫別母與家人永訣之詞聞者莫不悲愴邑孝廉馮安宅爲詩以弔之

尙念孝妻陳氏年十九歸尙家貧夫以舌耕奉母氏勤絀織助之孝養無缺越四載夫以疾終氏痛夫亡乏嗣哀號隕地幾絕復蘇孀姑李氏掖起慰之氏泣曰姑尙有子媳更無兒婦在從夫不死何俟殮畢伺姑就寢潛起自縊乾隆七年邑令趙鶴洲表其閭曰浩然正氣

孟誠繼妻侯氏年二十于歸六載夫故翁姑俱亡下無兒息氏自傷命蹇孑立無依誓欲從夫地下時以夫柩未埋拮据營葬踰月氏哭奠新墳哀感行

路鄰婦勸之歸遂於是夜投繯畢命乾隆十年呈縣請旌

王者儉妻安氏年十八歸王二十一喪夫抱痛幾絕決意殉夫念夫無子女誰爲齊衰遂終三年喪服服闋日奠墓歸家服嫁時衣裳自縊死乾隆十年邑博士郭文煥表其閭曰巾幗偉人

孔傳舊郡庠生妻胡氏年二十二歲夫亡無子誓不欲生當傳舊彌留之頃氏哽咽而言曰婦人不幸至喪所天有子則守無子則殉今日之事惟有相從地下耳翁姑共聞其語晝夜防護惟謹氏無死所踰夫喪二十餘日家人稍懈氏乃乘間墜樓死事在雍正十三年春正月

王惠氏乾隆壬午科武舉王鑑繼妻年十九歸鑑越一載鑑故氏誓以死殉數日不食家人防之稍疎乘間自縊柩側邑令王公績給匾曰殉節完珍自昔閨烈殉夫舍生取義幽魂依乎皓月碧血洒於黃泉此誠有所難非苟而已也論者或以輕生議之至欲斬其旌典余謂不然婦人從夫者也不幸

而寡有子可守則死不如生所以存孤也無子可守則生不如死所以殉節也縉紳之家嫻於姆教而窮鄉之婦亦能以禮自裁豈非大義昭然知之明而行之果也歟次第書之至今猶有生氣以之勵風俗厚人倫傳巾幗之苦心不忍視爲閨門之佳話也

### 續錄貞節

語曰丈夫蓋棺論定明乎百年未滿則末路宜防也故自昔立傳錫名必要諸身後而於節婦則不然律載旌獎年例但云守志在三十以內歷年至五十以外非必以壽終之日爲完節之年凡在垂暮孀閨半生荼苦雖異時之旌典必及之而邑乘之特書謂必俟諸歿後殊非所以闡幽潛而維風化矣爰將未亡清節並錄簡端用揚彤管之徽以勵柏舟之操

王夢麟妻趙氏年及笄歸于麟而麟夙抱奇疾發則仆地昏絕氏爲扶掖防護辛勤十載安於命迄無怨言及夫故乏嗣悲痛幾於喪生舅姑憐之命以

長子夢麒之子元良爲氏子恩勤鞠育苦節五十年現年七十七歲

劉燕妻張氏年十九而寡悲痛不欲生翁姑憐其夫亡無子立姪學詩爲嗣氏奉養高堂撫育嗣子心力並瘁嗣子學詩已經授室無子而殤族人憐氏苦節共議昭穆相當之陰遂以嗣學詩寡媳童孫形單影隻鄉黨共稱健婦守節四十二年現年六十歲

張質妻劉氏年二十四歲夫亡藐孤宗伋甫在孩穉氏撫養成人娶媳田氏宗伋復殤未有後嗣田氏年亦二十四歲立志守貞與孀姑晨夕相依家貧井臼親操絳織自給絜絜婦姑形影相弔人稱一門清節兩代完人

郭學誠妻蔡氏年十七歸學誠三載夫故氏年二十歲矢志撫孤孤子琴書周歲而殤氏抱痛欲絕翁姑慰之立夫弟嵩長子雙魁爲嗣嗣子復殤又立嵩次子爲嗣視如己出教以義方守節三十一年現年五十二歲

陳金錫妻孔氏年及笄歸陳夫故年二十五歲孤子四齡辛勤鞠養將至成

立而殤痛夫哭子幾不欲生族人憫之後以夫弟金相長子爲嗣氏撫育嗣子以繼宗祧持身克勤克儉守節三十一年現年五十六歲

劉其越妻李氏年十八歸劉四載夫故氏年二十一歲上事孀姑下撫幼子家無隔宿之儲晝夜紡績以供饗殮白頭黃口不至饑寒皆嫠婦勤劬所致守節四十一年現年六十一歲

趙照坤妻張氏虞城縣教諭張裴章女也年二十歸趙越三載姑亡夫即繼歿氏奉舅維勤舅臨訣時以二幼子托之氏遵舅遺命凡衣物食物必先二夫弟而後自奉不特以婦代子而且以嫂代母人謂照坤不死矣以孝思姪爲嗣愛養如生守節四十三年現年六十七歲含貽弄孫康強彌壯人以爲積德之報

王志遠繼妻王氏年十六于歸越十載夫故孤子瀚尙在孩抱翁早謝世孀姑在堂氏孝事其姑不離左右凡問寢視膳一一得姑歡心撫育孤子教以



義方卒克成立守節三十六年現年六十一歲

賈仁妻孔氏年十七歸賈踰年夫亡無子痛不欲生翁姑慰之曰我二人年踰六旬朝夕誰依古人云死節易守節難願爾勉其所難者當爲立繼氏乃含淚守貞旋立夫堂姪曰良爲嗣氏撫字恩勤督使向學以紹書香守節三十五年現年五十三歲

許宗妻王氏年十九夫亡無子誓欲身殉姑王氏臥病床第呼至榻前諭之曰爾欲殉夫吾寧不痛子吾老矣但使媳存猶吾子存也氏感泣遵訓守節奉姑調羹嘗藥無間晨昏越數月姑病不起氏哀痛喪明夫兄琰以次孫武立爲氏後氏撫孫如子守節五十二年卒年七十一歲邑令趙鶴洲表其門曰蒼巖翠栢學憲汪公表其門曰淑範完貞

馬承祖妻秦氏年十七歸承祖承祖幼失怙恃賴叔祖母撫養成入氏亦敬奉如姑越二年承祖卽世氏痛無依其叔祖母慰之曰汝係大宗家婦吾孫

他日產男爲汝立繼氏隨相依終身苦節四十一年現年五十八歲

張友直邑諸生繼妻李氏年十八喪偶遺孤官玉九歲復殤翁姑垂暮立夫  
堂弟松茂長子鳳逸爲嗣氏上事翁姑克盡婦道下撫嗣子爲國學生孝慈  
兼盡守節五十九年現年七十七歲

李繼先妻孔氏夫故氏年二十六歲有女無兒女年十七復殤氏孑孑孤苦  
立夫弟次子運來爲嗣教養無異已出孀居三十一年現年五十七歲

魏士信妻王氏年十七歸魏伉儷三載夫故氏年二十有遺腹逾五月生子  
名祥家至貧躬親紡績無間晝夜事姑育子克繼宗祧守節三十年現年五  
十一歲

劉維穎妻張氏邑諸生張宗良女也年十七歸劉逾年夫故無嗣氏晝夜號  
泣誓以身殉其姑王氏亦係孀居欲與俱死氏乃吞聲矢節事姑盡孝養之  
方姑亡竭喪葬之禮本宗無可承嗣撫母家姪爲子愛如已出現年六十九

歲乾隆十七年具題建坊

馬淑襄光州學正繼室侯氏年十九適淑襄甫一載淑襄卒於官元室秦氏生子麟書娶侯氏夫妻俱早亡繼室張氏生子麟臺早爲長兄雲襄承嗣淑襄於病革之日深以侯氏爲憂氏曰雖麟書無子後日麟臺生子應爲本支承繼吾得作名門婦是亦足矣敢有他志以辱夫子地下哉後麟臺生子果爲淑襄嗣孫氏循分守禮苦節三十三年現年五十四歲

湯日璉武進士繼室李氏年十八歸璉翁姑早逝嘗以不獲逮事爲憾越八載璉故無子僅遺一女擇近族姪元宰爲嗣氏年二十六歲哀毀幾殞誓欲身殉旋念嗣子弱女俱賴撫養勉強不死後爲嗣子元宰擇配成室率子婦日夜紡績上繼先代兩世貞節迄今三十三年現年六十歲

趙興湯妻劉氏于歸十載興湯故無子氏年二十七歲矢志守貞上事翁姑以孝聞後以夫弟庠生永寧長子承先爲嗣視如己出恩愛倍至以延趙氏

一脈守節四十二年現年六十九歲

趙天祥妻陳氏十八于歸甫三載天祥故乏嗣止遺一女即欲身殉旋以二老在堂侍養無人勉強守節凡生事死葬無不盡禮擇本族姪繼業爲嗣守節三十九年現年六十歲

劉維建妻王氏肅敏公後裔也年十八歸劉家業蕭條用度維艱氏紡織度日井臼親操生子永祐甫二月而維建即以時疾卒氏年二十八歲撫孤守貞不以困苦艱難易其志爲永祐立業成室守節四十年現年六十八歲

黃甲宣妻張氏邑監生張玉琛女也年十八歸黃甫七載甲宣以疾亡有子先亡惟存一女有姑在堂亦係孀居氏誓以身殉旋念夫死我從孀姑何恃宗祀何延矢志守貞以次姪之壻爲嗣及子生孫又生二孫孀姑見背弱女亦亡長孫成室旋且夭折繞膝下者惟二孫是守而已氏年六十一歲守節三十八年

趙中興妻樊氏年二十于歸中興以疾卒氏年二十二歲上有翁姑下乏子嗣誓以身殉既而翁姑曲慰矢志守貞以胞兄歲貢生中翼次子爲嗣守節三十九年氏年六十歲

續貞節傳何以別夫前之所編貞節傳也何別乎爾以前之貞節傳哀其死後之貞節傳重其生也死則瘞香骨於地下生則昭壺範於人間是昔之死既猶夫生而今之生不將無愧於死乎聞有同姓爲婚明犯厲禁但下里蓬民妄執同姓不同宗之陋議爲定論今既取其苦節自正之大義姑略其別嫌明微之深文是無異攻木者不以寸朽棄良材採石者不以微瑕棄美玉焉爾

儀封縣志卷之十二上

藝文志

疏 書 傳 序 碑 記

論 議 文 銘 雜著 詩

賦 書目

天文人文周易並舉明乎文明之盛亦秀靈所鍾顧不重哉然姑無論其遠者即儀邑之小凡古今人著作之所及與夫古今之產於儀者其所為詩文不啻汗牛充棟若弗能割愛難免昔人文選之譏矣茲擇其切於儀之人物事蹟利病者錄之其無當者雖美勿收仍列書目於後以存史遺意是亦變而不離乎其宗者與志藝文

奏封邱嘉禾浚儀嘉瓜疏

唐韓愈

謹按符瑞圖王者德至於地則嘉禾生伏惟皇帝陛下道合天地恩霑動植邇無不協遠無不賓神人以和風雨咸若前件嘉禾等或兩根並植一穗連房或延蔓敷榮異實共蒂既叶和同之慶又標豐稔之祥感自皇恩微莖何極於造化親逢嘉瑞小臣喜遇於休明

上治河疏

明潘季馴總河

黃河經之地惟河南之土最鬆禹導河入海止經陝州孟縣鞏縣三處皆隸今之河南一府其水未必如今日之濁今自河南之閩鄉起至歸德虞城縣止河經五府流日久土日鬆土愈鬆水愈濁故平時之水以斗計之沙居其六一入伏秋則居其八矣以二升之水載八升之沙非急湍即至沉滯故決口不塞則水分水分則流緩流緩則沙停而傍溢勢所必至也是以黃河防禦爲難而中州爲尤難自漢迄今東冲西決未有不始自河南緣非運道

所經人遂漫不關心不知上源既決運道必傷往年孫家渡黃陵岡趙皮寨故轍可鑒也弘治年劉大夏於北岸築有長堤一道起自曹縣界至武陟縣詹家店止延袤五百餘里南岸逼近省城亦有長堤一道起自虞城縣至滎澤縣止實爲中原屏翰但地鮮老土堤皆浮沙河水一漲多難保守今逐一查核分爲緩急二工如儀封縣北棟城口舊堤一段舊壩一座南岸普家營新舊月堤蘭陽縣楊家莊至賈家樓舊堤一道南岸自陳留至儀封縣界舊堤一段祥符縣劉獸醫口迤南舊堤二段張家灣塌斷老壩一段達後月壩一段又自陶家店至兔伯埽頭集至舊堤頭長堤二道又劉獸醫口遙堤一道封邱縣荆隆口北中樂城于家店張家莊各有水冲潭窩又會題准荆隆口創築遙堤一道陽武縣北岸牌沙岡埽壩原武縣舊堤一道滎澤縣北岸長堤一道自朱世花大王廟至婁店郭家潭等處俱有潭窩歸德府考城縣北岸芝蔴莊迤東埽壩三段李秀廠東堤決口唐家水口壩基商邱縣南



岸楊光口堤以上工程或剏築或加幫或填補皆係險要之處亟宜修舉者也又如儀封縣北岸榮花樹舊堤一段挖泥河舊壩坍塌祥符縣馬家口舊堤三段省城四面大堤一道陽武縣自王祐莊至脾沙岡舊堤南岸自警家莊後至中牟縣圍墩寺舊堤原武縣南岸舊堤二段中牟縣舊堤六段俱應加幫河勢稍緩俟急工完日次第修舉者也兩工告竣則防禦可恃但築堤不難而覓土難若非真正老淤土隨沙走漂蕩無益容臣加意檢築或夾雜浮沙或夯杵不實將河官參治又查得徭編河堡銀工役所恃爲生者也有司視爲末務倦於追徵吏書乾沒收頭侵尅近聞併入條鞭解京止餘畸零人戶逋欠糧尾皆作河道錢糧請令追徵立限催比如完不及三分之二者即遇考滿陞遷不准離任庶知儆惕而錢糧自裕矣又臣惟河防在堤而守防在人宜令堤壩之上每二里修一堡房令堡老堡夫常川住守防護埽岸修補坍塌填塞穴洞看守柳株三伏九秋之間不分風雨晝夜防守法至備

矣但不周恤人心易怠宜於近堤官地堡老給與六畝堡夫五畝以便耕種  
稍助食用仍給帖照免其糧差則人心樂爲之用而堤防可久矣

與徐都憲朝儀書

王廷相

聞敝邑闢布折色改入他處然否黃河原非敝邑故物弘治初年如自南來  
時蒙撫按閱其昏墊蕩析奏准改撥輕糧用甦民困今三十餘年矣河流猶  
夫昔也兩岸相去闊者三里有餘狹者不下一二里東坍西塌歲無虛日甚  
至一村一落百數十頃盡入河渚舊日大家今爲貧民舊稱多丁今盡流亡  
近年兩次開挑減水新河平白挖毀民田何啻數百餘頃只此三河實蘭儀  
考三縣之痛疾視他縣田畝完全人民安業苦樂相懸倍蓰無算然則輕糧  
之賜亦所宜然矣若使與他縣一例徵派則三河所沒之田誰爲補之耶望  
稱停以平其政待河去他所而後議之則受災者得沾其宥卹之仁災去者  
復其原額之徵豈不兩得其平乎古人夾河百里之地棄而不徵正此義耳

伏惟加察幸甚

與杭方伯書

王廷相

頓首大方伯杭先生執事古者大夫士有故而居鄉雖不與聞國政而民事之委蔽亦得以達於君何也事關利害則政有得失故上欲其達而下欲其聞蓋曰大夫士國之達者故也今者偶有所見敢不一聞之惟加聽幸甚敝邑距他縣之境東西不過五十里南北不過六十里屬邑之最小者也且四境之內杞縣祥符陳留之民十居其四吾民受產者纔六分而已爾農賈之所經營田畝之所出產亦寡而有限其財力可知也比歲河流行由地中稍息泛濫時而秋水蕩汨兩崖崩塌壞民田廬不可勝計築堤捲埽苟圖捍禦民力勞費不減往昔管馬之官雖蒙裁革而買補種牧解俵大馬靡財不貲例不蠲停加以連年蝗旱人不充食今夏二麥收不及種嗷嗷待哺勢將流移其困殆可知也夫蕞爾之區財力已困守其常額猶恐將輸弗給又從而

益之民胡以堪邇者伏蒙省劄以陳留料價移入敝邑其辭曰儀封舊額辦也昔被河患暫移陳留今以故物還之爾誠如是也夫復何辭及官吏檢其卷籍諮諸故老一無所謂舊額代輸之由彼造事者何所據而歸之邪夫物各得其分謂之仁事適其宜謂之義陳留舊額彼定分也彼不自輸而推以與人他邑之民何辜哉謂之得其分適其宜也得乎或者曰稽實於高下者綜核之政也酌宜於事勢者通變之術也陳留之民敝故變以救之爾吁此大不然者彼曰被災境不相遠彼此俱受有何懸絕彼曰衝要患不如吾之河彼曰疲憊累不及吾之馬况陳留之民占居敝邑戶近五百吾邑之民未有居彼者有之亦流離寡業者爾非彼之高樓居廣田畝萃族屬千百其指與吾民敵也夫吾邑之地既被彼民利之吾民之財復代彼民輸之則敝邑與土地民力雖謂之乾沒亦可也謂通變合宜而綜核得其實乎夫古之王者有大災患有大變故則更其民而役輸之政也近觀於豐沛曹單之域矣

河水橫溢森茫無際民變而魚鱉地變而江湖公有徭孰與輸官有工孰與役不轉於他所之民代之弗集也此通變之宜也辟之鄰居者守望相助疾病相視有患難而拯之亦其分爾夫何怨今陳留之民有是大災變邪無也何突然求救於上而轉禍於敝邑之邪民夫民一也自一邑者視之若有彼此而一省者視之皆赤子爾自各省者視之若有秦越之分而天下者視之皆吾之同胞爾伏惟執事宏德直道不爲曲飾皆其所綏懷者也望核其實而處之俾各得其分焉幸甚幸甚

與開封趙二守書

王廷相

廷相頓首二守趙公閣下余嘗讀周禮見先生之取於民者雖茶莠果蠃蚌蚘之細靡不上供天府計於民者若無所遺矣及見山林川澤邱陵海斥之利則皆與民共之而不私是分田制產任土作貢之外猶有曠蕩不徵之區以弛其利於民矣先生之待民者何其仁哉竊以敝邑之田不登稅籍

殆什之四五永樂以來皆奉明旨永不起科此非先生曠蕩不徵之區以弛其利於民者哉小民仰荷無疆之澤殆與太平甯國歸義之鄉鳳陽臨淮根本之地同一生成矣獨非幸乎哉何以言之敝邑在國初之時其民田與周府三護衛屯田相離而居及後護衛調去田雖空閑民不敢耕黃河當時亦汎遺溢衝決適臨敝邑戶部量田亦不及收入圖籍及後河日南徙與護衛田皆蘆莽管茅一望無際虎狼爲窟盜劫爲巢時而上司憂之乃白於朝廷以故永樂年間有許民儘力開耕永不起科之旨至今載在官府藏之民家可稽而知也彼時儀封之民無多其力不能多墾故陳留祥符杞縣之民來占耕之至今三縣之民居儀封者約三之一不下也但民生貧富無常不得不轉相易賣其契書皆曰無糧白地以是故耳轉賣轉耕已百有餘年矣未聞有告爲納糧地者近年以來民生日繁情僞日滋始有以詐欺其上而赴訴者矣但賢人君子來自他方便驟聞而駭之謂有田有租古今通議豈有

無糧之田不稅之民乎遂信爲彼縣之田而判之然轉相告辯終歸無實竟不能行焉何也事勢之不可變政體之不可擾也何謂事勢之不可變民間糧册其田地皆有坐落處所此縣之田必不爲彼縣輸稅斯版籍有定非可便宜從事也許民開耕之旨雖戶部及見行事例每引以爲言今之有司顧不得不遵之也必欲有田有租使其納稅須得撫按奏聞該部議處而後可此等舉錯干繫重大又賢人君子惟以藏富於民爲急不忍屑屑令民起科終以此而止故曰事勢之不可變何謂政體之不可擾君子之爲政也務襲常而重變革非有大利之興大害之除以作民福必不肯以已安靜之政而反涉於擾攘驚駭之塗也如此田地民不輸稅久矣一變而代之稅則平日之賣田者舉引領跋足而相效誰不赴訴哉蓋小民之心惟利是趨旣開其端斯蝟興蜂起不可止矣賣田者旣皆效其欺則買田者必欲直其情更相辯詰煩瀆上司始而或被其欺終而復歸之正反覆相尋而聽者日益厭苦

矣故曰政體之不可擾或又曰買田者必富賣田者必其貧困不振者也奪富而益貧何所不可嗟乎是大不然矣古者明王之治天下也必先均萬民焉所謂均者至公無私民各得其分願之謂也非曰奪彼以益此也蓋貧富有定分貢賦有定制凡以立法行政使各得其分願斯善矣憎而損之愛而益之不可也若不論其定分而惟以貧富計之是以私意爲愛憎舍法制而爲予奪矣豈先王無怨無惡廓然大公之政哉恭惟執事自下車以來推仁涵物秉公應務奸詭變譎伏匿情實一至於庭片言而決僕私頌其德久矣而猶拳拳於是者亦以賢人君子來自他方恐於小邑之故有所不及悉也故不覺其辭之繁而且直焉惟高明亮之幸甚幸甚

與鍾洪溪中丞書

張 鹵

兩河二百年來所未有水旱凶荒何民生至不幸而獨於今歲有之又何民生至不幸中而猶徼天厚幸得遇公祖之任撫綏者當之每聞臺端心力盡



瘁以求登胥溺之民而冀回瀕死之息感恩幸甚夫自常平社倉之法不修而救荒無備一遇歲凶吏勞當事之心即汴之大旱已極又遭河漲三至櫻城使非臺端出所易數千石之粟減直出糶則不五日而汴之市肆絕不浹旬而軍民困不再浹旬而汴之爲汴將大有難言此公祖輯甯保息之功於是爲大無平常之素積而驟收其博濟之功祛欺隱之叢奸而坐普天均平之惠善莫有善於此者矣但被災之地不盡睢陳汴東之民困苦尤甚卽敝邑言七月十日未水之前已大無麥又大無禾四野焦焚其跡如掃旣水之後田廬畜產幾蕩析無遺小莊西鄰留陳二寨不滿三十餘家其民之士著流移遭淪沒而死者三十七人婦女嬰兒猶不在是舉一槩而他可知也見存者初皆採桑剝榆稍可供食然不數日又赤地而掃矣且居者有一擔一斗之粟則必夜遭強劫行者有握粟布衣之人則必路被要奪計今至來歲柳頭青日尙將五月其中禍變詎獨貧民凍餓爲可寒心欲求濟燃眉之策

莫若仰師良工就會城已試程式而推廣其行事今郡邑預備之倉雖已空虛然必尙有存留請於有千石者每千各出五百百石者各出五十自今遇窮冬雨雪寒沍之時來春青黃不接之候照時值市價折半減直那移出糶官受其直豐年穀賤仍抵數糶入還倉又必嚴斗升之限謹豪猾兼并之防委任得人處置咸宜則公儲不費民命可活民間積穀之家或多方勸貸或准折贖錢或酬之名器俾各樂出所有以濟官之乏待時少融和即使停止古人弛禁通商遇事尤急入秋以來幸商人乘時射利挽青徐蕭碭之粟逆流而上東北沿河地方猶獲賴此凡商之所苦如斛斗升合之較店家牙儉之徵悉盡與寬弛其市價低昂惟一從民使夫有在官之糶於以備陡然急切之時更弛行商之禁於以遂常川往來之便公私雖二實以相成又如儀封雖徧小舊諸建置亦甚嚴飭自條鞭之議行歲額諸修葺之費不過十金縣官奉法無米之粥巧婦莫炊故諸官署學宮日就傾頽能於此而督其乘

時設計催役興作則役人亦衆而近縣之饑民可活也環縣有堤向自堤距城匯爲水澤有城而無隍者四十年城亦不堪太甚今旱後水乾正宜浚隍出土以附城曠是鑿池即以築城聞方議興作亦以無食中止能於此爲之則役人愈衆而遠鄉之饑民可活也修築河堤見役二程若實爲僱役則闔境之饑民可活取之河夫則鄰境之饑民皆可活也大都賑飢之策若拘方任法雖聖謨嘉言亦泥之而不足惟隨時因事即一隅一方亦運之而有餘且方今之時爲人上者能忍視民之立死而不救乎不能也不能則凡可以濟吾機成吾事者須破例爲之故范文正大興土木猶縱民競渡陳正仲猶獎作浮圖况城池解署乎魯之告齊以鬻圭玉弊傳又稱剪爪宜及膚割髮宜及體是古謀臣急病雖竭國之重器且不之惜聖王愛民雖身體髮膚且不之愛而顧又肯第委於倉廩民力之有無也况今府庫與民間富室求千百之二三亦尚有可爲惟在臺端曲爲注意焉耳目前河防一事亦時事尤

急孝皇之於黃陵岡肅皇之於野雞岡兩興塞河之役皆竭國之力方底成功黃陵岡既塞之後至今歲修小宋以南之堤岸者所以防河之趨而北野雞岡既塞之後至今修築儀封縣治南北之堤岸者所以防河之徙而南至青陵岡一堤近歲方築不知者見東西亘延止於儀封境內若專爲儀封而設然曩時當事者深謀實以增固南河之護衛蓋無是堤是無儀封無儀封欲河之不建瓴南下以直衝中都也得乎今南北之堤既盡衝決修築之功國計民生皆待乎此至今修築之役尙績效茫然者何蓋計工之始所司恐涉冒破張皇不敢盡達及計估工程却力實不逮往例遇緊急工作除申准夫額仍暫起鄉夫官不給直使相裨助今不能此者以癸未嘗河漲爲災矣今廩十分之四惟時但居民衝壞牆屋縣官每名爲給穀五斗彼民之心不思在官積貯有今昔盈屈之不同祇以昔災猶未甚得蒙軫恤之仁今災倍於前却無顆粒之及已人人缺望且既淪陷其室家漂溺其妻子方扶傾救

死不暇又從而一給一錢徒枵腹以役之豈人情乎既聞臺端許給直僱役大惠矣乃聞猶聚散無常人不應募弘治中劉忠宣之治河防也必日自試以錐甬隨工核驗至今父老相傳猶歎艷之數日來村中傳說熊車有東下信音倘一按臨之自興革畢照又無俟此覩縷也伏乞軫恤黎庶之急權師常平之意曲全未竟之澤寬弛以通商多方以勸貸速督舊堤之成功嚴責增築之實效斯可回凍餓于陽春而登陷溺于衽席此於荒政亦但取治標之急效云耳若治本全功則常平社倉之法終不可罷前聞已疏奏於朝倘更徼天幸兩河得久藉福星須社倉常平乘時並建勇於必行鹵仍有惠民永利之篇以爲臺端他日獻則懲今善後經國保民自出於尋常萬萬也鑣關遜世之人不開目論天下事久矣敢布腹心伏楮亂談語無倫次更惟心照而恕原之又幸甚幸甚

請見湯川南先生書

歸德郭善鄰

月日鄉晚生某齋宿奉書戶部川南先生座下竊聞三代之世哲王御宇既廣設庠序以教其人又必取鄉大夫之賢而有品望者爲之師而孔氏論爲仁之先資亦曰事其大夫之賢者夫鄉大夫於士名位固懸殊矣然其可以不事者必其不足爲賢者也其幸與賢者值而不欲師之者必其絕意於仁者也幸有賢者在望而又不欲終外於仁是用搗衣趨庭以請謁而求益自相深於義理非相競於名位行之者非有所媚受之者豈以爲不屑哉恭惟先生天挺人豪生長德門學以爲己仕惟行道忠信純直旣以修於家而漸於鄉膾炙於縉紳之口而悚動乎四方之人之心暨懸車以來杜門自守無慾無營靜退之風使人之意也消晚進之士飽聞而心嚮之者有年矣然則當吾世而求鄉大夫之中學行品望足以宗主斯文矜式士類庶幾乎三代學校之師迪人於大道之要者舍先生何以哉某蓬茅賤士自束髮受書頗欲自異於流俗然胸無主見誤用其力於華而不實之地壯歲以後志奪於

窮愁心牽於利慾天性日離天機漸遠雖有向學之名曾無爲善之實每一內省悔懼交并故不量菲薄跋涉前來冒昧求通思觀君子之光祇聆德音以激發其志氣昔橫渠張子少年負氣自豪范文正公告以名教中自有樂地張感其言厲志聖學爲世儒宗劉元城從溫公遊得不妄語之一言力行不怠終爲元祐完人某薄劣無狀擬諸古人克自樹立者誠萬萬無能爲役然先生都范馬之望於一身所以嘉惠後學必有在矣方今風俗波靡士鮮向方呈身貴人之門以喪失所守者固多而安坐三家村驕語貧賤就頽塌者亦復不少某之此行非流俗亦非矯俗蓋亦稽諸古義而有合者也惟先生察其情而與之進幸甚從弟及門徒王生往來貴邑過蒙養眷銘感在心何時可忘要非區區所爲來者故不敢以絮言煩長者之聽也不宣

田孝子傳

王教

田密者字懋學儀之九溝村人其王父王大父俱以明進士興厥宗二兄宥

及宏接踵遊太學宥今已筮仕出爲郎官矣密力學文但不好尋章摘句惟求領略要旨而已連丁內外艱哀毀甚曰我罪伊何不自殞滅乃延及我考與妣也迨竣葬事留塋墓側不忍還朝夕抱土壤爲馬鬣封蓋於孔子之葬其父母者從同焉凡閱月二十有七在禮宜有禫之祭可舉密猶不忍還也曰我何以受妻子之養乃去我考與妣塋哉諸姻戚朋舊高其志不堪其苦景其行不泯其名爲白於邑長咸嘖嘖賞之曰賢哉賢哉今不可以歸來乎哉遂往造於密父母塋次進密於前而語之曰有嚴聖制厥道惟中傷生斯戒毀性難從爾可以違之乎情斬衷私理循至公往無不宜是謂大同爾可以矯之乎爾親爾故爲翁爲童芝蘭契結骨肉義崇爾可以絕之乎歲功以九月而成天道以三月而變積三爲九於今凡三有成矣報德明心卒難自快終天飲恨曷罄厥極尙不歸爾室以奚待乎謂爾以不來歸爲宜必有足援而可證者在也往牒並存莫由斯道可不歸來乎雖然吾當筆而孝思於

義

封

縣

志

卷

十一

藝

文

志

上

十

河南建華印刷所承印



爾邑之乘表爾宅闕於爾邑之東矣執事者取其所席之苫破其所枕之塊撤其所居之廬於是密乃伏於墓道哭泣盡哀脫絰及衰始服黔黑巾以出焉然猶三回首以顧戀之也中川子爲之贊曰天下有近名而實厚者廬墓是也故觀過知仁顧名思義是以子貢不忍於其師而爲築室於場者三年君子至今躔之民生有三事之如一以是心而盡於所教之師者既可躔之矧夫盡於所生之父母者獨不可躔也耶

清恪張公傳

藍鼎元

先生河南儀封人姓張氏諱伯行字孝先號敬菴諡清恪自幼入小學恂恂有儒者氣經邑之飲泉書院問何居或告之曰居讀書人相與講道德爲聖賢者也慨然曰士當如是矣年十四丁母喪哀毀逾常刻苦向學讀宋五子之書直窺聖賢門戶二十五補弟子員康熙辛酉乙丑聯捷登第甲戌授中書舍人以父憂歸里服闋建請見書院於飲泉舊址聯邑中才俊講正學闢

異端墜緒茫茫旁搜遠紹一時學者歸重焉已卯夏淫雨北關堤決水溢灌城居民瀕於厄先生募夫填築擘畫周至總河張公鵬翮異之題赴河工効力以治績遷山東濟寧道植歲荒奉檄賑汶上陽穀等縣以擅動倉穀數萬將掛彈章激切申辨事得寢先生居濟四年多惠政濰河每當秋溢淹民田數十萬頃力爲疏濬夙患遂除築五岔口使鄆城一帶十五州縣皆得安堵士民尸祝之啓利運閘以濟糧艘晝夜籌畫著有成書名曰居濟一得尋遷江寧司臬

乙亥春

聖祖南巡以先生爲江南第一清官授福建巡撫時永安漳平無賴陳首魁吳海等煽誘愚氓竄山谷爲孽密諭漳守趙完璧撫平之訪猾吏奸胥之爲民害者悉懲以法由是訟庭一變教化大行崇獎孝弟嘉惠農商置社倉興積貯建熬峯書院設藏書樓資膏火延九郡一州才士讀書談道其中風聲日

上庚寅移節江蘇淮揚諸郡久患荒歉疏請海高等十三州縣暨徐州乏食軍民設法動帑平糶疏上輒行不俟

命下一切興除舉劾秉公不阿因與督臣噶禮不合辛卯秋江南大比物議沸騰大司農張公鵬翮奉

命如揚州會鞫弊端畢露督臣驕橫張威勢欲遏之衆莫敢撓先生奮然具疏劾督臣督臣借他事互訐俱解任初交張鵬翮赫壽並勘後遣尙書穆和倫張廷樞確審並袒督臣復命九卿臺諫矢公再議議上先生仍留原任督臣革職科場作弊諸人分別正法治罪江左士民歡聲遍野先生條陳海洋舟楫奏免揚州落地稅商民稱便嗣與蘇松提鎮奉

命出海搜捕逸賊鄭盡心等先生慮海疆任重動輒請

旨同事愠之甲午乙未間以張元隆張令濤案尙書張鵬翮復到江南驗鞫劾先生狂妄自矜請褫職嚴訊因熱審之常州遂於舟中解組以遊擊房世淳

監守赴鎮江訊供俟

命旅寓因輯儒先語錄號五子書又纂四書周易正宗并著講義以示後學審案既定

聖祖察其寃命來京擢倉場總督赴永平經畫社倉事宜悉遵朱子遺法丁酉典順天鄉試辛丑主禮闈得人稱極盛及

聖祖昇遐先生哀痛迫切

世宗嗣位遷禮部尙書晉秩一品追封三代廕一子員外郎先生以濂洛關閩五子書及宋儒文集續近思錄廣近思錄進呈皆蒙

嘉納書禮樂名臣四大字賜焉雍正三年春以疾卒年七十有五遺疏請崇正學勵直臣惓惓不已

天子聞而哀悼諭祭葬加太子太保諡清恪所著有困學錄五子書集解小學集解近思錄集解正詣堂文集先生於本朝諸儒獨推重陸稼書就其家

購求遺集梓以行世以爲繼薛胡之後得程朱之傳篤信其道見之躬行而事業知遇過之嗚呼自古大儒皆不克竟其用周程張朱且以著書終老先生幸際

兩朝聖明謂非千載一時與

太子太保張公傳

彭樹葵 新續

公諱師載字又渠晚號愚齋世爲河南儀封人大宗伯清恪公次子也清恪公所著理學經濟諸書多所發明公幼穎異于經書子史外凡諸家刻無不周覽通曉方清恪公撫吳時疏參噶禮錕鎔質禍且不測公以髫齡迫隨于流離鎮浦之餘日手一編與清恪公講論弗少輟厥後服官蒞政事績炳烜咸以爲淵源家學云丁酉登賢書以廕掣戶部員外郎外補揚州守甫下車值辦災賑公巡行所屬有湖西饑民向隅環泣立召州牧補查加賑存活頗多又有芒稻閘者蓄水運鹽其啓閉悉由鹺使閘夫稟令不時江甘二邑

低窪地畝每至淹沒頗爲民病公詳請各憲歸府管轄量水淺深依時蓄洩  
商民兩便至今因之當是時公丰采凜然又在清恪公甘棠舊治大江南北  
人之見公者如見清恪公焉尋蒙薦擢兩任河庫道庫道職司筦鑰事不甚  
繁暇即袖居濟一得往來黃運間凡河湖之原委堤閘之修防古今因革之  
同異無不講明切究了然心目居濟一得者清恪公所著河防書也嗣是兼  
臬江右內調京卿由通政副使擢宗人府丞晉倉場侍郎而于直屬水利仍  
令籌辦蓋公之熟悉河務早已上結

主知矣未幾有協理南河之

命時督南河者爲高文定公老成宿望

上所倚重公與朝夕講貫裨益更多辛未

聖駕南巡眷注益隆賞花翎從一品服

駕旋時命巡撫安徽協理南河如故癸酉二閘漫溢張家馬路又報冲決

上赫然震怒革職聽勘與高文定公幾羅于法丙子

恩命重申起授兵部侍郎

召見時

上詢及清恪公參噶禮事爲摘誦疏中語太息者久之旋以大司馬總理漕務  
調河東河道總督公感激飲泣日駐河干露宿風餐不辭勞瘁辛巳楊橋異  
漲人皆爲公危及荷

恩綸洞如燭照羣以爲

聖天子明見萬里之外而亦公之誠一不欺受知者素也嗚乎自古閱閱之家  
如王晉公之世繼清芬范忠宣之代承休烈皆以橋梓濟美輝映後先千古  
傳爲盛事公早服先德幸際

昌期依日月之末光膺節鉞之重寄以昔視今罕有倫比而且清白傳家

九重動色以爲是父是子乃嘆廉吏之不可爲而可爲而天之所以報施之者

未艾也癸未冬以無疾卒于任年六十九歲

上覽遺疏深爲軫惻追贈太子太保

賜祭葬諡愨敬存順沒寧庶可見清恪公于地下矣公前後受

恩優渥蒙

賜

御書

御詩

御筆及豐貂文綺之屬皆緘封爲子孫寶所著有改過齋文集讀書日抄課子  
隨筆陸子年譜等書並藏于家論曰予與公同里閭兼姻好及官京師晨夕  
過從故知公最悉公心口如一不設城府與人和平坦易衆寡無慢曾爲予  
言袁江之役最難堪者故弁某覲面唐突及任河東其子復隸宇下修防勤  
謹爲擢其官即此一事視李將軍之待醉尉度量相越遠矣古稱夙興夜寐



無忝所生公庶幾焉

送幕吏陳君還麻城序

王廷相

撫養以惠生教化以植德緝暴革奸使民衍衍於田里其敷政有如此者淡泊以自守一私無所營而志潔而操貞使人仰之若天日之皎其行檢有如此者斯人也百姓必戴之有司必嘉之其以賢而進進而陟諸崇階必然矣刻峭以爲公聚斂以爲能民隱弗恤而倉鷹乳虎之是志其敷政有如此者媚上以求容讓下以自潤蹤跡秘於鬼蜮汗濁肆於貪饕其行檢有如此者斯人也百姓必怨之有司必惡之其以不肖而舍舍而困於草野必然矣有不能明察而覈實者賢者反退焉不肖者反進焉是顛越之政也下不爲有司病上不爲大政累者幾希矣儀封典史陳君天秩今年以述職罷歸令長曰奪我良吏吾政烏乎以贊百姓曰舍我幕君吾生烏乎以惠瞿瞿蹙蹙若不忍其有此而無所爲之控訴者而君方且處之豫然無鄙心無怨言無戚

容返漁於江返耕於澤若大獲其固有之樂而忘得失於物我焉者君不其賢乎哉且夫黜陟幽明大政也天下之廣且遠庶職之賢與否固非一耳目之可以周而察也勢必寄於有司矣使寄非其人則善徼倖者掩其醜巧逢迎者市其譽執法者以爲過刻守道者以爲不通甚至未覩其人誤以少壯爲邁老未審其政誤以平易爲孱弱如君之賢而見罷者不可勝紀矣嗟乎一邑之吏其得失其繫尙尠也騎劫將而樂生亡則齊城七十爲之盡復林甫相而曲江退則開元之治以之不終是治亂之機不在機祥妖孽而賢否進退乃其大關鍵矣余於君之罷歸也安得不三嘆於黜陟之政也哉

送世襲學正孔永肅先生序

王廷相

儀封孔永肅先生乃唐褒聖侯德倫之遺孫其先自寧陵徙此歲衍族大靡所統一奉今大宗衍聖公檄爲林廟舉事以約束族人然未有衣冠奉祀也嘉靖十三年冬先生乃具奏乞恩其疏云宣聖六十年代孫林廟舉事臣承寅

謹稽首頓首昧死奏臣遠祖德倫系出孔子三十三代嫡派子孫唐貞觀十一年由紹聖侯改封褒聖侯食邑千戶於河南寧陵縣歿遂葬縣北褚堽村生二子長崇基襲侯次子嘆世守墳墓祭田奉祀家廟崇基子遂之傳至四十八代孫端友當宋靖康中金人犯汴中原陷沒乃扈蹕高宗南渡乃襲衍聖公於衢弟端操在北金人以衍聖公封於魯元與我朝皆因其裔封之由是衢州與寧陵子孫悉同編氓矣正統中順天府推官徐郁爲褒崇道學事奏行天下體訪聖賢子孫褒錄浙江崇基派五十八代孫公剛河南子歎派五十九代孫彥紀皆德倫所遺嫡派子孫欽賜戶兵工三部勘合優免各項差役爲儒籍正德中衢州府知府沈杰以端友孫彥繩比照宋臣朱熹事例准奏與翰林院世襲博士奉祀臣與彥繩皆出自德倫一派子孫伏乞賜臣博士庶得衣冠奉祀有光聖祖臣不勝感戴天恩之至臣承寅稽首頓首昧死謹奏疏上帝乃下禮部議今少保尙書夏公等覆奏宜下河南撫按官覈

實於是巡撫都御史簡公巡按御史李君督屬體勘稽之譜牒參之碑誌質  
之父老詢之官吏無爽乃會奏舉如承寅疏部上其議如彥繩例帝乃俞允  
與授承寅國子監學正世襲嗟乎豈非曠世之典乎人有言曰德懋者慶長  
功懋者報遠惟我

先師仲尼道德配天經墳垂訓啟萬世君臣太平之業以爲生民安其功德所  
被宏深廣遠蓋不啻天地之覆幬矣則夫聖君賢相仰思聖澤世以厚其子  
孫夫豈不宜雖然要亦會其時耳使君臣政體未備即朝廷之上禮文猶自  
疎陋而况前世久廢之典雖有賢智如不能自拔何恭惟我皇上敬一傳心  
中和體道衍堯舜聖學之統闡先師存神之化求之歷代人主未有其匹而  
少保公又以禮樂文章裨贊熙洽之治此其時何時耶以故崇德報功興滅  
繼絕之典日見修舉雖開國勛舊如常氏五侯廢棄百年者猶能復其爵祿  
如故而况宣聖神明之裔有不被其崇德象賢之澤者乎故曰雖有鎡基不

如待時此之謂也先生授官而歸賓友周伯康者徵余言以贈乃述其遭際之盛告之且使其後世子孫知衣冠奉祀之所自云

孔子家志後序

申佳蔭

闕里孔祀萬代闡揚而寧儀一系與浙衢俱荷異數我國家崇禮師儒典綦渥制綦周矣余縮綬浚儀日與襲封國學翰之孔君指點先侯舊封遺壤斷碣殘碑莊誦寧儀家誌乃知孔氏之堯而寧也自武德始也爲保全聖裔計而封褒聖於宋故墟乃微子始封在焉其寧而闕里也自元和始也閱五世東土旣平惟旺有歸堯議而留惟一於褚堦原蓋褒聖邱壠在焉其寧而轉徙儀也自至元始也水災遷徙世祖有文學詔而授孔秀爲儀封簿宦而附籍蓋亦曰先聖振鐸之所在焉且展卷而仁義道德之英爽宛然展卷而六十四代之血脈井然展卷而累朝之殊恩隆遇勅制命誥犖然展卷而昔人之奏疏文移碑銘序誌秩然典而核詳而有則雖家乘洵信史哉昔夫子言

夏殷之禮而致慨於文獻無徵今日者國學君與數十子衿輩英英振起而獻足矣寧儀一誌與孝思錄英葉集諸篇並傳而文足矣足則能徵徵則悠遠子子孫孫勿替引之故宜與闕里大宗並弗墜於萬萬世也夫讀聖人之書食聖人之報泣聖人之土而交聖人之雲初獨親考聖人之譜牒獨悉倘亦慕聖人之教澤獨奇而獨深者乎烏能無一言綴簡末

王侯生祠碑記

張 鹵

君子之政趨時則違道民之議亦隨時而重輕強心則難恆民之感亦因心而久近論者謂嘉靖中當辛亥壬子之間仕途公道幾泯而郡邑長民之吏殆大半不可以語臣節矣柄臣黷貨衆枉叢興士大夫有不知自愛則務爲營聚私囊覬取速化而士策名登仕者亦或藉是以爲出門發軔之口實陽城疎菴王公國光登甲辰進士於辛亥春以吳江令復除儀封是時吾儀物產空虛極矣而猶恣侈俗丁戶逃亡半矣而復加重差地畝被黃河灘場滄

沒十去其六矣而且見侵奪公曰當此弗變謂民尙有子遺乎哉乃約已導民反淳易俗於公私夾雜罷無名之征於使客旁午除額外之索非公禮儀節筐篚不登幣賓筵不酌醴三月而民命復蘇繼修其教養公聽斷尤嚴於辨覈名分雖一嘖笑語言必不濫及凡素號托蹤官府飾僞行私者皆潛蹤而不敢近庠校之士課以精舉業僚屬吏役程以精法律於飾高論以爲門題獵虛名以希榮進者皆薄而不取人皆嚴畏改圖又三月已駸駸嚮治至有奸民巧於投獻功臣之裔狙於貪得如中山武寧王府乃無故占受儀封民田一百二十餘頃公力舉正之徐氏之裔恃其平日計巧奧援之故智撓公且包承以賄誘公曰國夷其紀民受其殃乃官市其恩且因以爲利死不爲也遂抗言於諸司爭是非而徐氏乃悉歸我之侵地其詳具見予所撰儀封縣復田記語中後參政某欲盡反公案仍以其地歸徐事雖未果至今民怨參政最深益轉而德公爲最切徐納言者嘗受檄代典史捕盜笞一人至

十其人病死聽者誤以其父曾爲威縣令有宦囊論納言以死公直詣辨於部使者言竟得脫或謂聽者將不利於公公曰使言脫而吾當其怒固所甘心未聞以人命媚人者中原計地畝論差邑之民田頻年爲書筭市奸除欺隱外且巧幻百出如甲有田而盡飛詭爲乙丙丁戊之名有律例未盡之辜且間有膏腴上田反作河地遇重差大役樸實守法者獨當苦累而豪猾全脫公悉其人乃請於諸司既定規畫且欲先下令爲限期出首之法先犯者次里隣許如期出首如過期不首及首有不實不盡即以其地沒官且竝加重究會徵公命至偏苦之民猶相念刻骨公之惠民類如此故此數事至今雖邑之小夫婦人其觸事興思必皆曰王公王公云嗟乎今之仕者於有利於官有利於民則爲者十之十有利於官無利於民則爲者十之九有害於官有利於民如公之爲殆不可必得故未期年肅皇帝以循良第一徵公入補吏部司勳郎向所自異於公者亦終皆噤聲而循其訾議非公爲民守道



根於由衷詎能至是而世抑何嘗無公道哉公去儀封且二十三年今爲戶部尙書儀民日夜圖以祠公而報之初卜地於儀城中繼卜地於城東皆以陝隘不愜輿情今年春鄉民馮大有元象路永祿郭崇修等改卜於城西封人請見亭之右爲正祠三楹後官亭一亦三楹前列門坊肖公像於中以崇永祀時蘭陽學諭程君宰署縣事樂見民之德公如此乃偕大有等礮石請予言以記之未幾君遷陳留令門人學諭林君埴署縣事乃偕大有諸人再申前請予惟儀人之德公固爲最深而予之受知於公尤爲最奇當公來令正予爲舉人時予一見公卽以公輔望公而公亦過以望予凡與之論義盟心商訂今古務有規益恥事面從有時予過縣齋雖方夏長晝必繼晷以燭公時過予雖茅茨籬落之間亦必盡醉飽而達宵且一時交誼直能與古人追義高踪追後先公今以崇階鉅望上結明主且金甌姓字輿望方隆予疇昔之所望公眞爲不謬惟予碌碌然無能副公其所能自信而永矢者惟有

不敢少渝是心以爲公愧且儀封之人德公之中尤於予二人交情故事每相傳共以爲奇故茲於大有等諸鄉民之請必不容不言必不敢諛言而又附言其所共以爲奇者亦俾與茲石共久也

張清恪公專祠碑記

張學浩

學浩束髮受書足不踰戶外世事鮮所聞見及稱有知識竊聽長老緒言歷數當世理學鉅儒於公首屈一指其稱公也則冠以儀封儀封見於魯論故聞之易入而記之甚真也踰十餘年隨叔公宦遊江南江南之父老稱公先後撫吳甚詳其教士澤民如春風如膏雨其鋤奸遏暴如斧鉞如雷霆其爲忌者所擠如將摔而投諸萬仞之淵卒賴

聖明保持並邀天下第一清官之

褒又如立拔於水火之中而亟表其冰霜之操使聽之者爲公喜爲公怒爲公危爲公感急詢其今居何官泣何地則曰晉大宗伯旋聞爲道山之遊數年

於茲矣嗟乎曩者聞長老言以爲古人不可復見孰意本理學爲勳猷尙在  
長老論列之後今真不可復見矣爲之畢然長望撫然自失者久之乾隆五  
年學浩行役河千十年任儀考通判儀爲公里急訪之則有專祠在展拜階  
下見公像如見公焉十二年以實授入 都謁今倉場少司農張公時爲宗  
人府府丞蓋見公哲嗣益如見公焉凡以誌景慕之忱惓惓弗置也今學浩  
奉檄兼攝儀篆謁 文廟畢退而撫衣庭階焚香肅拜顧瞻榱桷徘徊不能  
去以爲必樹穹碑叙原始求之弗得時邑人士之觀禮者僉曰曷誌之學浩  
汗浹衣襟俯首不能答蓋公之德業聞望豈後生小子能道其萬一哉公既  
崇祀鄉賢矣宦跡所經馨香弗替復以公與道南一派勤勤懇懇以接程朱  
之緒而衍洙泗之傳都人士復請置主東林書院與龜山先生並祀迺儀之  
人若惟恐公之不爲我有者而報德之忱輿情若一爰於雍正九年請建專  
祠以永明德遂奉上官允行蓋公之爲善於鄉禦災捍患濟困扶顛其入人

者最深是舉也誠古者鄉先生沒而祭於社之遺意也學浩於公之學不能  
窺見籓籬然公治水之成書具在也披肝之奏牘具在也智以明理而仁且  
勇見焉今學浩學鮮淵源甫膺一命視公不啻如塵塋之於喬嶽涓滴之於  
滄海然猶是水猶是民且水之所經公之井疆也民之所隸公之桑梓也防  
維愛護之道默默中若有提命者蓋至是而知吳中父老之言非諛詞不僅  
如聽長老論列時徒付諸耳受已矣越日邑士人復申前請學浩又念昔之  
人有嚮往前哲者則文以紀之詩以永之厥惟舊哉乃洗必滌慮攄意修詞  
以誌私淑雖無當於毫末公在天之靈或不斥其無知而忘分也乎

重修渡蟻橋碑記

嵇 琰

粵自大宋仁宗皇帝崇儒重道設六科以收羅賢俊一時海內嚮風人文蔚  
起得士之盛甲於歷朝其間或父子同登或兄弟聯榜不一而足而才德之  
隆首推浚邑宋氏二難史稱宋祁本擬元也因有弟不先兄之議乃先郊而

後祁其時棣萼濟美雁行競秀而勛猷彪炳制作輝煌迄今七百餘年赫赫史乘可按而稽也茲不具論會今

聖天子龍飛乾隆之元年歲紀丙辰余以治鄆忝調茲邑即留心諮訪前賢舊址幸識此邦耆碩有孔學錄者名毓彤字丹書爲人卓犖英偉博古通今年介古稀而意氣精神少壯弗如也常爲予詳說二宋故事謂邑東三十里之沈村昔號大宋集係郊也舊坊孔公所居河北小宋集爲祁也故宅現有狀元祠渡蟻橋等遺踪可遊覽而瞻拜焉余聞而喜慰交至每躬履其境迴翔弔古見舊存狀元祠雖地勢湫隘而廟貌依然獨渡蟻橋歷年殘圯特甚且屢遭大水浸淤亦幾幾乎僅有其名而盡亡其實矣且夫興滅修廢本屬守土之責而學錄孔君竟毅然以修舉爲己任詎意余蒞官甫二載卽獲罪放黜而學錄公亦以家務煩冗未暇他圖遂浚巡至甲子之冬余正閉門僵臥日事藥鏹而學錄公適過荒齋諄諄以未修渡蟻橋爲抱歎之事因述是秋

偶過茲土見村兒持磚相謔遂得此橋故趾即口占一律以志欣慕之忱焉而重修之計乃果捐貲之志益堅屬余一言爲記其始末余愧羈留殘廢既無冠裳足重復無同善之施何可腆顏握管而學錄公乃能全始全終若此洵不失爲信義之君子乎今旣庀材有日鳩工有期行見湮蹟重新梯航再造昔年渡蟻今日渡人彼時宋氏二難廣行陰德於昆蟲此際尼山賢裔普濟艱難于行人且此橋落成又舉狀元祠葺而新之則學錄公之樂善不倦爲何如也是爲記

有圭鼎示



夕一一一三三三

儀封縣志卷之十二藝文中

鳳翔府通判賈公夫人孟氏合葬墓誌銘

郭維藩補遺

公姓賈氏諱廷輔字良佐其先山西潞州人三世祖諱大良生謹謹生貞貞適儀封愛其土俗遂定居焉苦身節用尤善廢舉致貨貲起家數千金貞生四子長總次銘次志次肅公係銘出也生而氣質端重不好繁華及長獨喜學問雖大寒暑未嘗廢書冊至嘔血身羸弗恤也入庠後六試于鄉輒弗第有司以貢入太學公誦讀益弗懈遂以詩經中順天府鄉試旋就吏部選得陝西鳳翔府通判通判專主徵輸藁穀之務公至府卽下令與州縣之吏約曰惟是藁穀賦民足國吏有以催科自見先穀時徵罔念國家之用後穀時徵二者均惟病民違則罪無貸其有厚徵陰爲利圖茲惟不廉違則罪無貸民有頑而弗輸州縣各械以來予其罰由是吏畏民勸所領一州七縣之稅罔有逋負弘治庚申西北邊用兵悉運內郡米供軍巡撫陝西大臣擇才幹



吏董邊運即以公行公至階州與其衛官約開倉期衛官武人欲得輸戶賄乃陰使軍士以米粗糲爲辭拒使勿入倉輸戶稍近倉即羅射之公聞之自往叱曰民數千里來運米哺汝何仇于汝遂執其首惡數人杖之仍枷其頸以徇且謂其衛官曰汝求賄弗得而教軍爲亂吾且狀汝罪于總帥矣衛官懼謝不敢遂開倉以其軍舁米入焉及歸撫臣以花幣獎其能嘗行部至扶風縣有僞爲御史微行者夜入其城令以下皆匍匐請罪知公在府館遂號其門入使人就臥榻趣公起公倉皇具冠帶見未數語叱吏執之曰爾僞也杖纔數下卽吐實服罪令伏庭請故公曰吾見顧驟而言枝夫顧驟中漢也言枝心疑也二者皆僞之形也以夜行飾僞也吾是以知其必詐也衆服其明于是移械上司公在任六年不得大展其志凡三四告休遂解事東歸年七十三而卒子三宗仁宗義宗儒能讀父書而宗儒尤爲稷山縣縣丞夫人孟氏邑名家女正靜莊重配君子無違德公在官賓友稱其敬寮案服其勤

內助之力居多先公十一年而卒以正德十年奉公與夫人柩葬于城南之原索銘于藩藩與公誼係舅甥知之最悉因爲之銘銘曰允維別駕儒起家也煥于有政德振華也退身保名道孔嘉也衍于子孫慶無涯也詞以銘幽永世之嗟也

### 重修儀封縣學記

王廷相

今之天下郡邑皆設學聚民之秀者教之學必立廟祀先師孔子與諸賢弟子及後之有功於斯道者所以崇道致治也儀封廟學建於洪武初年於是縣始南遷庶事卓創至宣德中閩侯威始侈其廟成化中張侯鳳鸞始宏學之規制嗣是者間有興修率無以加弘治三年以來河決水溢繚城霖滷交害日就傾圮蓋不無望於有司也十二年令安邑張侯法來宰茲邑釋菜先聖退曰頽敝乃爾令敢安視始至民未孚令不可後二年惠愛行氓物熙熙安業而樂時又曰民可也上官未令之信令豈敢又二年政成上下孚侯曰

可矣乃請於撫按司府官以興役其木石磚瓦灰鐵採漆之材斲削巧埴雕琢繪畫之工戒且集乃自大成殿而下廡齋及生徒廬舍諸門因其舊節之戟門明倫堂撤其敝新之其籩豆尊罍俎几之器廚庫膳廋講舍之所莫不有所增益視諸舊備且麗先是學宮之舊地僅咫尺說者有仕宦不能歸老之嫌此固不足爲信侯因人請重購民居廣之學有後自侯始焉夫世傳儀封卽衛之儀邑按圖經纂誌開封乃曰浚儀茲地西去百里而遠豈皆當時境土耶又按浚儀茲名乃後人言之實皆衛之南鄙耳夫子過此封人道達誠素請托從者如恐不獲一見退而木鐸一語尤能契乎夫子道化之盛齊晏嬰楚子西稱智且賢反不能及此封人其賢哉今侯之爲是邦也與古封人同雖不得親炙承事如當時然新廟貌興學宮克修養賢崇教之政則景仰夫子之道與封人類一盛心也侯獨非賢乎哉使例以有司守職數十年來爲令何啻六七先與後之諸君子豈盡不能然耶何獨於侯舉之是可嘉

也正德二年冬十月工訖掌教鹽亭伏君思輔司訓歷城董君駿合肥方君  
鑾暨兩齋庠生孫輔傅璋輩過予曰侯之政不可無述予嘉侯之賢且有望  
於後之君子也乃不辭而書之

儀封縣復田記

張 鹵

高皇帝既開天正位錫土田以崇報元功惟中山武寧王爲特最在河南曰  
陳留縣柳店莊杞縣馬房村共計地八百餘頃其佃戶曰陳留縣常志原杞  
縣蘭二等計各一百七十餘戶茲凡額田定域昭在著典與儀封迥不相及  
間以常志原之裔常濟暨李裴蕭通等當嘉靖壬辰均田之際各冒援佃戶  
名色以其祖洪武中隨衆應詔開懇儀封境內免科諸田投獻既入均丈者  
四十餘頃得遂致復除以啓其端甲辰又有佃戶有寄莊民有本縣民王良  
王臣羅澤等協用濟謀乘時缺長吏將前項開懇暨續易民田復獻二百餘  
頃以效其尤老書點筭餼賄潛通創於先後十餘年間而儀封徐府莊田之

議起辛亥陽武王公國光來知縣事軫察民艱盡析從前隱弊據劉廷等稱告上司撫按藩臬得咸允如議隨以甲辰中投獻除首發改正外仍以前墾田七十八頃來歸其四十一頃亦輸款招承以嗣歸焉嗟乎世臣之忠莫大乎昭白而不誣邱民之怨莫大乎停蓄而不洩惟武寧王身先百戰以翼我明興偉烈精誠昭明乎日月遡其體國之志必不欲以非分之獲爲子孫後世利者今其子孫任事於外第以此爲事非厲已而不知巧被奸民之厚誣且儀封總括均田纔五千六十餘頃中河堤泐占養馬之役獨苦於他邑顧又於五千六十頃中創肆侵削使地蹙籍存數年以來河役繁興海內多事格外徵徭歲甚日加呻吟愁困之民固未嘗一日不含冤以橫議也惟王公毅然一旦抉彼奸謀還成故上以昭世臣精白之忠以洩儀民停蓄之怨閭閻歡慶道路謳歌公之成功巍哉茂矣自公以治行第一徵入今擢拜尙書封部郎中計去儀封且五年而交城田公西成繼至欲昭茲成功於永世乃

率其僚屬俛鹵附茲末議以勒貞珉具列其始末公移詞狀於下方且將經理餘田之嗣歸者而告成事休茲先後協心而儀人斯其永賴哉

張氏義田倉記

張鹵

宋范文正公曰吾吳中宗族甚衆於吾固有親疎然吾祖宗視之則均是子孫吾安得不恤其饑寒哉且自祖宗來積德百年而始發於吾若獨享富貴而不恤宗族異日何以見祖宗於地下今亦何顏以入家廟乎故既貴於姑蘇近郭買良田數千畝爲義莊以養羣從之貧擇族人長而賢者一人主其出納凡日米歲緜與嫁娶喪葬皆贍給有數鹵每誦其言思其所爲輒歎夫自秦漢以來譜牒法廢合族復古之義猶幸於若人賴之也吾家自唐末始祖順來家儀封號康邱張氏歷五季以及於今康邱距儀封縣北三十里距小宋鎮三里我顯高祖考於此始有田百畝歷顯曾祖考顯祖考顯考及鹵共得田地六百畝有奇鹵仰思此田乃我先公占籍開基及五世相沿積纍

信 上 集 卷 一 一 卷 之 一 一  
艱苦以有此尺寸之士乃謀以是六百畝有奇之田或耕種所獲或取諸佃  
課之直所易歲必積穀二百斛於困俾從子達從孫積主之凡宗族之婚嫁  
喪葬則取以給之吾宗族之衆計見數二百餘人痛思鹵爲舉人時則諸父  
在者十五人諸母在者十七人登進士三十年來今諸父之行俱無一存兄  
弟子姪之喪逝者七此皆雖有欲盡之心而不可得今斷自吾兄及弟姪以  
下婚者五斛嫁者六斛喪與葬者十斛凡同五世之宗皆以此例其積餘之  
穀另收別困以備不居五世內外及雖無婚喪但年七十以上及未七十而  
貧至不能舉火者則隨時隨事調之不以例限予自歸田之明年即力行是  
事及今已行之四年既輿情允諧今復明宗子之法俾視茲成規永爲遵守  
夫鹵繼祖之宗也敢以一繼祖之小宗而冒肩合族之大任者以鹵家自入  
國朝歷年二百仕宦五世以積有此田若乃乾沒先澤而不以公及子姪此  
鹵之所大不孝也吾家遠自前朝皆世沾一命至正德嘉靖以來先大父三

歷外方之伯食祿之品鹵亦嘗叨廟九列受此隆恩厚祿以保有此家而不與宗族共之此鹵之所大不忠也故仰思古人但有得此心與事之同如范公云者卽歆艷效法之不泥其跡而師其意倘不審彼此分量之不同必欲刻意擬倫顯然自附昔賢以號召於世此又義之所不敢出也今而後鹵於吾家衆席先澤則當知所以報親恩知國恩則當思所以酬上德也夫一衣食生息出王游衍俯而報親恩仰而酬上德斯尤家傳忠孝之良圖而林壑獨生之至願也故鹵欲權宜辦義踰分申請敢於冒昧爲之也於是旣隨力所能爲者列款記中以垂永例又附列所當共相交懃慎修十事於後以並飭族人

### 黃陵岡河防記

劉 健

弘治二年河徙汴城東北過沁水溢流爲二一自祥符于家店經蘭陽歸德至徐邳入於淮一自荊隆口至儀封黃陵岡東經曹濮入張秋運河所至壞



民田廬且勢損南北運道天子憂之嘗命官往治時運道尙未損也六年夏大霖雨河流驟盛而荊隆口一支尤甚遂決張秋運河東岸併汶水奔注於海由是運道淤澗漕舟阻絕天子益以爲憂復命都察院右副都御史臣劉大夏治之既又慮其功不時上也又加以總督之柄並太監李興平江伯陳銳俾卿命以往三臣乃同心協力以祇承明詔遂自張秋決口視潰決之源以西至河南廣武山淤澗之迹以北至臨清衛河地形既悉然以時當夏半水勢方盛又漕舟鱗擁口南因相與議曰治河之道通漕爲急乃於決口兩岸鑿月河三里許屬之舊河以通漕舟舟既通又相與議曰黃陵岡在張秋之上而荊隆口等處又黃陵岡潰決之源築塞固有緩急然治水之法不可不先殺其勢遂鑿滎澤孫家渡口河道七十餘里濬祥符四府營淤河二十餘里以達汴疏賈魯河四十餘里由曹縣梁靖口出徐州運河支流既分水勢漸殺於是乃議築塞諸口其自黃陵岡以上凡地屬河南悉用河南民兵

夫匠即以其方面統之按察副使臣張鼎僉事臣李善都指揮僉事臣劉朦臣王杲分統之臣大夏往來總督之博采羣議晝夜計畫殆忘寢食故官屬夫匠等悉用命築臺掩歸齊心畢力遂獲成功焉初河南諸口之塞惟黃陵岡屢合而屢決爲最難故既塞之後特築堤三重以護之其高各七丈厚半之又築長堤荊隆口之東西各二百餘里黃陵岡之東西各三百餘里直抵徐州俾河流恒南行故道而下流張秋無潰決之患矣是役也用夫匠以名計五萬八千有奇柴草以束計一千三百萬有奇竹木以大小根計一萬二千有奇麻以斤計三十二萬有奇其興工以弘治甲寅十月而畢以次年二月會張秋以南至徐州工程俱畢臣興等遂具工完始末以聞天子嘉之特易張秋鎮名爲安平賜臣興祿米二十四石加臣銳太保兼太子太傅祿米歲二百石進臣大夏右副都御史理院事及諸方面官屬進職增俸有差乃從興等請於塞口各賜額立廟以祀水神黃陵岡曰昭應已又命翰林儒臣

各以工完之蹟文之碑石昭示永久臣健以次撰黃陵碑臣惟前代於河之  
決而塞之若漢瓠子宋澶濮曹濟之間皆積久而後成功或至臨塞躬勞萬  
乘今黃陵岡口潰決已歷數年且其勢洪闊犇放若不可爲而築塞之功顧  
未盈二時此固諸臣協心夫匠用命之所致然非我聖天子至德格天水靈  
效職及宸斷之明委任之專豈能成功之若是哉臣職在文字覩茲惠政誠  
不可以無紀述謹摭其事撰次如左且繫之以詩曰中州之水河其最大龍  
門底柱猶未爲害大伾旣北平壤是趨犇放潰決遂無寧區粵稽前代築修  
屢起瓠子宣房實肇其始皇明啓運亦屢有聞安平黃陵奏牘紛紜壞我民  
廬損我運道帝心憂之成功欲蚤乃命憲臣乃宏廟謀諄諄戒諭冀效勤勞  
功不時上復遣近侍繼以勛臣俾同往治三臣協力兼探羣謀晝夜焦勞罔  
或暫休旣分別支以殺其勢遂遏洪流永堅其閉水由故道河患斯平運渠  
無損舟楫通行工畢來聞帝心嘉悅加祿於官恩典昭晰惟茲大役不日告

成感昭之由天子聖明天子聖明化行德布匪直河水萬靈咸附殊方域異域靡不來王以漕以貢萬世無疆

築于莊口堤記

王崇慶

乙巳之夏五月既望儀封令當塗谷君鳳嗜以河堤初成使來問記王子曰不亦善乎夫政以保民莫先思患思患而防莫大於河爲急執子之勞而奏功明廷可以風良有司矣先是大中丞今少司寇苑洛韓公欽承上命特起總理河政公謂河患之無恆而思以安之適河道憲副蓀塘吳公過河上以詢諸儀封若曰河防之要其惟築堤乎既而堤完以報蓀塘果大喜蓋上以攄苑洛之憂下以見儀封之才公之勞於任賢而悅以使民此亦可見其一端矣是役也北則自蘭陽回龍至考城崔家壩厥長凡九十二里百六十步有奇南則自蘭陽油房寨至考城閻家集王家樓厥長二百零三里餘六十步有奇厥高凡五丈闊凡三丈頂五尺蓋千百世將於是乎永賴云今夫平

天下之患易豫天下之防難所貴乎長人者早見而先圖之耳苑洛秦之豪傑也方其始也首郡務而及此君子曰苑洛其志仁也與不然何以志在拯溺若是急也既而成功君子則又曰蓀塘其大智也與不然何以取諸人而不自用也繼自今水由地中行使居者行者近者遠者悉於昏墊乎免是尙不足爲奇功也哉嗚呼嗣公之後者可以相踵而俾勿壞矣儀封令學本家傳政先民隱兼之長才深識孚於上下茲固其緒餘焉耳爰遂秉筆述其顛末使歸而刻石于莊口之館用識歲月工始於甲辰年九月朔日乃至告成蓋僅閱半載又從而系之歌歌曰大哉苑洛斯文秉衡藏器而用其動也中敷歷中外正色彈冠喬松冬秀景星曉寒謀用職長曰惟蓀塘澤流惟永聲頌無疆頽波力挽順歸大洋孰謂澄清止於激揚儀有賢令政切撫民相機宣勞並重縉紳孰謂循吏今也乏人刻之堅珉嗣守萬春

新建文昌閣記

劉廷宣

邑舊有文昌祠祠僅一楹故不麗宮墻而麗賢序據東南隅大殿巋然前峙以青烏家言按之反得震位厥法弗取也且湫隘傾圯神弗居之甲寅武子劉君來振儀鐸君汝上名家飭躬藻行爲多士鵠鉛槧之暇揖諸士而進之曰儀號文獻區今譽髦士亦不乏何一舉再舉竟見睨於有司鋒挫氣折豈神有怨恫而靈不效乎往有議文昌司位置失位蓋移巽方語曰琴瑟不調則改弦而更張之此其時乎於是躬暨文紹山任鳳嶺三君子獎率諸生余作而歎曰此有司之責敢以煩諸博士文翁治蜀首先學政而弦誦比於鄉魯甯武子令餘杭振起膠庠而中興侈爲美談予不敏願輸綿力與二三君子共成之於樞星門東卜區運甃於陶取材於河一切勉力以從事五閱月而告成視昔稱雄麗焉偕諸君刲牲酌酒侑以樂章復揖諸士而進之曰考儀乘當弘正嘉隆盛際甲第蟬聯彪炳一代談者謂大河經邑之南龍脈西來邑環襟帶毓爲人文自壬寅陽侯北徙風氣漸銷文章科名遜於古昔至

今日而摧殘極矣意天數有乘除人文有盛衰神亦不得主其間耶今天子  
廣勵學宮薪蕪多士余泣此土季有試月有課筆札餼廩封署嚴督且一得  
之鳴不厭再三乃跣者蕩惰窳者玩至負賈生之年亦且悠謬荒唐余恐  
多士之終戾無成請戒闕者閉關謝矣夫居恆等作新爲故事入闈援神助  
以幾俸此必不得之數也諸士不見爾鄉先達乎楊司馬之清風勁節王肅  
敏之功業文章中川鼎甲名卿杏東簪筆館閣東阜暨蠶叢之績奉常抗大  
禮之章復泉望重清藩潯東力排權閹張諫議之才名許計部之恬退一時  
寧人幹國騰實蜚英踵接肩摩聯鑣並駟昔何龍變今何雌伏昔何以甲海  
內今何以遜隣封令旁觀者扼腕而嘆前人之工笑後人之拙豈非學同而  
學之者異乎夫先正之故武宛然在也有不憬然若喪感極而悲者乎所願  
多士稟前哲之章程步先民之芳躅摩厲以須爲神解嘲令余與二三博士  
藉有榮施焉諸士得無意耶不然白首噉臍天下事豈堪再悞乎三君子唯

以謝謂多士其毋愍置之於是相與請勒諸石

儀封創砌磚城記

王九鼎

鼎以甲戌秋仲承乏茲土展閱視城池則土埤低窳城僅高三尺濠盡淤壅徒存形似而已既改歲遂有寇警顧頽城弗能守也乃與邑之紳士民奮厲晝夜集陣外督關廂鄉兵嚴加堵截賊未薄城下者止十八里許猶睢界也賊由是西南去縣得免於是諸紳士向余謀易磚城乃營度鳩工於三月二十七日始事至八月竣歸然百雉雄視諸邑濬濠深闊城下周遭築短牆上臺經閱稱善是役也余不敢卸責不敢憚勞而計地科磚照他邑之規則勸輸多助賴闔邑之急公學博三先生領袖諸生分糾匠作且捐資以佐焉至於首事者力任勞怨協襄盛舉實諸賢是賴實不佞所倚而遜謝不遑者也既刑牲以奠后土落成更爲勒石以志其事云

劉侯究明廟址記

謝夢顯



城隍廟規制其來遠矣南北長三百五尺東西闊一百一十五尺寢宮廟前東西兩廊後俱有隙地正德年以來法禁疎闕居民肆意侵占寢宮後郭宗謨寬南北十一尺四寸東西一百二尺廟東韓守榮北頭寬八尺五寸南頭寬十尺四寸南北長四十三尺五寸李宗仁寬八寸長二十八尺八寸楊六兒寬二尺長二十一尺七寸郝廷用寬二尺一寸長二十二尺五寸何可安寬三尺五寸長二十四尺杜貢南頭寬八尺五寸北頭寬六尺七寸長五十八尺九寸刁盛寬二尺七寸長二十五尺四寸張廷珪寬八寸長二十尺楊向東寬二尺長十三尺五寸侯守志寬二尺一寸長十八尺三寸戴應科寬四尺長二十四尺廟西張仰止寬七尺五寸長一百二十五尺邑侯劉公到邑刷弊剔奸釐訟平民人有訟及侵占者侯聞之惻然迺命陰陽醫官周邦朱煌循舊址撥丈人咸輸情遂擬議如法共罰穀一百五十四石入倉備賑郭宗謨等感侯德威懼其久而或湮也徵予爲文以紀其事將爲後證竊惟

陰陽表裏治民事神有司之職務矧城隍廟神明棲止之地萬民瞻仰之所政莫大焉獨慨夫爲政者惟期會簿書祇承迎送修整公府催征租賦庸心於民事而已至於應祀廟制則漫不加意焉侯之爲治政教修明才能既卓榮矣於廟址而究明之可以觀事神之敬焉於侵占而悉議之可以觀行政之嚴焉罰穀入倉以備賑可以觀惠下之仁焉一事如此其他可知矣事神如此理民可知矣侯姓劉名一孚字貞甫山東益都人已未進士

### 重修儀封縣城記

陳觀泰

余以山林待老之身謬膺浚儀百里之命自分才則遲鈍政則優柔甚不足副當道之望乃縉紳先生不我鄙夷以儀邑城郭未完請於余余遍閱雉堞土圯磚頽向非長享清寧其何恃爲藩籬之固爰於癸卯夏月請諸上憲隨與里人計費庀材鳩工集事七閱月而告竣因囑里老歲至十月農事既畢集各里夫內外各補著爲令典余因有感曰民生斯世何其有幸有不幸也

同余梓邑也城毀於寇猶之儀也然同城毀而血漂市衢儀城毀而吾民渡河而北矣及其修也余董同北門之役各紳士畫地分馳風雨不輟時受呵譴匠作工役程督無虛容茲修儀城喜吾民之趨事赴工晨作夕休無煩過督余不幸產於同猶幸吏於儀得見古初熙恬之遺尤幸其以遲鈍之才優柔之政得藉紳士之贊襄以成不朽之盛舉更幸其以遲鈍之才優柔之政得藉紳士之贊襄以成不朽之盛舉更幸其以遲鈍之才優柔之政制奸則不能摧科則不能適時變通則不能乃不早掛吏議得藉手斯舉稍道三十閱月之尸素始遂初志而返之山林余幸多矣是爲記

儀封聖裔重建聖廟記

萬泰

郡縣建學祀

至聖先師制也儀封於邑學外建立聖廟如闕里特典也特典不昉於儀封於唐貞觀十一年山左大亂太宗以聖人之後不宜瀕危地乃封三十三代嫡裔德倫於中州之寧陵襲爵褒聖侯勅建聖廟欽賜祭田拾肆頃有奇寧陵

於是乎有聖廟沿至明之正統九年河決廟圯聖廟於是乎再移儀封俎豆  
世守禋祀時舉綿亘幾二百年不圖運丁百六流寇颺起迨崇禎十五年間  
勢益猖披逆熾所指郡邑無完埠而儀封之廟貌罹回祿靡遺椽矣劓羹薦  
馨之地一旦委之灰燼耆儒故老無不過而歔歔矧爲舛衍者耶恭逢

皇清應期海隅底定有六十四代孫世襲國子監學正尙林與其子衍齊日夜  
焦思恫神靈之靡所棲也殫貲庀材風雨拮据崇建瑠璃殿三楹廓廡門闕  
燦然壯觀落成於順治十二年闢堂構奉豆籩誠盛舉也秦威濫雍承與衍  
齊爲同官囑予記顛末予竊觀

先聖一生驅車列國無日不有志於大道之行三代之英而究也老於東魯以  
刪定贊修師表萬世木鐸一言宛然左契則封人爲大聖人知己而在天之  
靈終不能忘情於茲邑斯亦理之不爽者矣尙林父子之再造宮牆也其有  
功於名教而無愧於大聖人之苗裔顧不偉與於戲創之於前尤望繼之於

後使纘厥緒者踵事增飾歷千萬禩如一日木鐸逸響吾知其常振於終古也爰不避固陋爲之記

重修儀封縣學記

崔維雅

儀封爲吾

夫子過化地封人木鐸一語具足千古迄今請見飲泉兩亭子歸然比魯靈光地以人靈誠重之也余尹儀封既下車肅衣冠謁先師見櫺星門就圯四週無壁曾不敵梵宇琳宮不禁太息及拜殿階下鳳瓦參差丹楹剝落以興賢育材之區荒陋乃爾而啟聖祠且頽矣先師之靈實應且恫至名宦祠又廢如召棠何予以河王孔棘肅肅鴻羽未忍盡其力嗣敷釐後民差以和爰鳩工飭材諏日率作首櫺星門撤朽易新次修復啓聖一祠及名宦封人二祠爲俎豆光繚以周垣厥工告竣余乃進青衿而諭之曰若等知國家建學之意乎三代之學載在往牒可攷漢高帝馬上得天下馘項滅秦之餘道經曲

阜以太牢祀我孔子史嘖嘖此舉實培四百餘年之元脈迨光武息馬論道庠序隆興復建四姓小侯學武人亦令通孝經章句外國遣子入學風化之美延及奕世至漢季諸名碩以氣節繫九鼎老瞞沒世未敢問學校所關重且大如此爾多士生濂維鄉沐二程澤誦詩讀書尙友千古觀前人影樣之多當中夜起鬚眉之懼吾鄉椒山先生云本來面目頻頻照恐落寰中第二人諸生勉乎哉爲子孝爲臣忠爲弟悌夫貞友信言可經行可法處爲眞儒出則名世豈金玉其外敗絮其中爲覆瓿子所訕訕歟如徒取科第拾青紫徼利達豈國家興學育才之意哉爲諸子羞亦不佞恥也諸生勉乎哉是舉也諸紳士蠲金好義相贊有成起於十四年三月訖於十五年十月竣工教諭高托訓導王用六董其事庠生張驪駿奔從事實效將伯助例得並書爰勒之石因系之銘曰於爍聖道杲日麗天高山景行探珠於淵以似以續譬火薪傳厥惟羹牆希聖希賢絜敦百行若鑑斯懸百爾君子眎此鐫言

請見亭碑記

邑人周 棐

邑之中凡城郭溝隍學宮廩庫郊關望候之館以及廢沼頽榭荒堤斷障之址其燦陳於目之所寓者若俱不足以爲稱必求其得乎古人之遺蹟以爲快是何也譬之世有人焉其居雖環堵蕭然而入其室有圖書千百卷其所晤對者皆古人其所言者皆古人之事其不流連感歎者寡矣非是者雖珠玉錦繡之盈於前徒見其可鄙而已然則一室之間如是而况天地之大乎衆人且然而况天地間之一人乎而又日爲天地間之一事乎維吾夫子萬古天地間之一人也傳記封人請見一事亦萬古天地間之一事也是豈可槩等於古人之陳迹亦豈可槩等於一方一事之迹乎乃吾儀竟適得而有之嗚呼其亦幸矣西郭外舊有亭相傳爲封人請見之地今蕩然矣廣文張先生步於郊求之不得悄然以恐淒然以悲曰繫誰之責耶而泐滅至此於是商諸邑人拮据經營苦於力未給而邑劉侯適至先生請之侯慨然捐俸

以倡衆得若干貲爲亭三楹於郭西之塘中前爲橋橋前爲門以達閱數月  
工竣將勒之石以貽後而屬記於予予曰是役也非獨爲我邑爲之實爲終  
古之天地爲之當與天地同其志也而兩先生之志則遠矣然則士之過其  
下者豈僅爲徘徊憑弔而等於故宮荒址之蹟以爲流連勝迹云爾乎兩先  
生曰善遂勒之石

請見書院記

張伯行

吾邑舊有飲泉書院蓋因孔子飲泉遺跡而構椽於此以紀其勝一邑之士  
得以時講習焉自明中葉迄於國初聞人學士傑出乎其中者實繁有徒  
余髫髻時往遊其地私心竊慕低徊不忍去亡何邑令某議欲毀之余聞而  
駭以爲聞有建書院者矣未聞有毀書院者也闔邑紳士欲出一言沮之卒  
畏其嚴厲相顧不敢發而書院竟毀令亦尋卒余嘗有志興復以羈於官弗  
獲從事甲戌丁外艱服闋方欲鳩工庀材又念舊址爲官地私造非宜乃於





城隍不知昉於何代自山陬海澨以及村婦農氓莫不澣濯衣冠潔治籩豆以告虔於殿陛之間夫非春祈秋報神之大有造於民與語云先成民而後致力於神明乎理民事神均繫宰職識者於此規治化焉儀邑城隍神祠建立南街前明洪武間邑宰于侯敬祖創造成化間杜侯堦正德間韓侯邦彥先後增修規模宏敞自殿門至寢宮暨左右兩廊深廣三百餘尺袤斜一百餘尺後以法禁漸弛附近居民恣意侵占嘉靖間邑宰劉侯一孚釐敷弊端廟貌克復舊制歷今且二百年矣間有修葺漸就傾頽凡茲葺屋窮簷孤墟荒落咸有室廬以蔽風雨顧以闔邑廟享委諸湫隘囂塵廢蕪弗除非所以寧神亦非所以將敬也庚辰春月爰集里中紳士耆老計費議繕聞者響應相與踴躍醵金奔走効力隨舉老成練達董理其事庀材鳩工涓吉興役越數月而事竣殿宇整潔金碧輝煌士民咸慶落成於是焚香展禮因躋公堂求立碑碣以垂久遠予謂山川之載祀典也以出貨財也社稷之載祀

典也以始稼穡也他若能禦大災能捍大患均宜隆其盼饗以答休嘉儀邑  
瀕河土田半屬斥鹵旱乾水溢得以有備無虞惟我 神靈實司保障予自  
已卯下車二載於茲所幸雨暘時若民物阜安非有默相之功曷克臻此則  
今日率里之人聿新輪奐祇薦馨香用以仰酬 神貺正以俯卹民依吾知  
自今以往家慶盈寧年書大有 神之降惠於儀邑且未有艾也是宜勒諸  
珉石以示來者

重修儀封縣

文廟記

邑人 張師載

儀古衛邑也昔夫子嘗三至衛庶哉一嘆由富而遞加於教大故言乎豈獨  
爲衛治天下之道不外是矣邑相傳爲封人請見地或又以爲在蘭陽之儀  
城聖人車轍所經往往爲後世所爭托然以鄉先正王肅敏公之言考之則  
在儀者近是余曩時讀書至木鐸數語未嘗不喟然高望而深思也堯舜禹  
湯文武之治必待我夫子而大明故夫子雖不得位而牖世覺民之道閱萬

世而不變自朝廷達於郡國有由之則治不由則不治者三代而下井田封建勢難復古而廟學之崇徧於天下昌黎韓氏謂祀典之無地不有者惟社稷與孔子其典禮爲獨隆由今思之園橋壁水間修宮縣而盛干羽豈僅僅爲塗飾觀聽已哉聖人之道未嘗一日息於天下使天下羣相習而明之如寤者使覺而迷者使返其爲教也大矣儀 廟學舊制頗宏敞歷年旣久漸就傾頽已卯春紀侯來治邑下車之初仰瞻 廟貌徬徨者久之迺捐諸博士弟子而詔之曰學校者教化之本也儀雖蕞爾邑大聖人轍迹留焉顧學宮蕪廢弗治其奚以妥靈爽而宏化澤歟盍思所以新諸咸唯唯受命踴躍輸將爭先而恐後推才之幹濟老成者分董其事爰諏吉經始僦材庀工具木石瓦甃髹彤黝堊之屬朽者易缺者補閱十月而竣事殿廡齋廚門垣陞祀庖滷之類咸煥然改觀焉又於泮池之側增修封人祠三間與奎星閣東西相望旣落成邑人士相與美之乃檄書泐上來告其事且屬余記余邑人

也義不敢以不文辭雖然吾儀之人知美侯之新學亦知侯所以新學之意乎 國家奕葉相承重熙累洽百餘年於茲矣我

皇上崇儒重道廣勵學宮往者 翠華東幸載謁

廟林典禮優崇曠古以來所未嘗有也儀爲中州文獻之區涵濡 聖化既深且久數十年來河嶽効靈雨暘皆若熙熙然食舊德而服先疇孝悌禮讓之心有油然而自動由富而教固其所也而侯之來適以是時爲之興學尊師以鼓舞而振興之抑可謂知所先務者矣士之瞻采趨蹌於斯者仰觀殿宇之崇隆穆然如見宮牆退而溯聖人過化之蹟殷勤請見一時心契景象萬古如新適人之徇又豈外於此哉若夫規制宏遠經營完善猶其後焉者諸君子倘以余爲知言請礪諸麗牲之石侯名黃中直隸文安人泣儀多善改茲其大者也法得書

### 重修儒學記

文安 紀黃中

蓋聞言子絃歌武城化洽文翁教授蜀郡風移

國家立學校置博士弟子員相與講明經史誦法聖賢上正彝倫下維風俗自古牖世覺民之道莫此爲先儀地爲古衛邑天子驅車至止封人請見木鐸一聲萬古常留逸響行道之人相與踪跡稅駕之區構亭立石以誌不忘矧以廟學鉅典而顧廢弛不治夫非有司之責與儀邑文廟之設昉於前明洪武間邑宰於侯敬祖時維縣治初遷廟制未備宣德中閩侯威天啓中李侯魯生購買民居擴其土宇其地界中街廟宮在前學舍在後門墻重峻綽美觀瞻我

朝順治間安侯國珍范侯龍循整舊規復加新造設進德修業兩齋置教諭訓導各宅會講有堂射圃有亭由是儀學規模誇美中州諸邑距今且百有餘年矣遷延歲月剝落雨風求所謂明倫故址棟折榱崩漸就顛仆加以居民錯雜其間恣意作蹋師儒幾無容膝殊非所以宏教化而勤絃誦也予自己

卯春仲調任來儀首先謁學惻然神傷時以甫經下車未遑遽興土木明年庚辰幸民情漸浹案牘稍清爰於上丁釋奠進紳士而謀所以新之聞者莫不響應不旬日而議成相與計金估價它材鳩工公舉老成幾人董率其事務期堪垂久遠弗徒粉飾一時自大殿兩廡以至櫺門魁閣亦既聿新廟貌因念講堂學舍典禮攸關大爲釐剔侵佔掃除荒穢重建明倫堂五楹及兩學署煥其戶牖繚以牆垣經始於庚辰年二月二十七日落成於本年十二月十五日百年舊制恢復一朝諸生額手稱慶僉謂斯文盛事宜存記述以示來茲予謂是役也惟諸生實贊勳之予何能焉雖然儀爲夫子游歷所至存神過化遺澤未衰人文蔚起楊司馬之峻節清風王肅敏之豐功偉烈載在往牒至今猶有存乎他若翟參政之潔廉雷農部之高曠張太僕之望重清藩劉御史之力排奸璫莫不比肩接踵騰實飛英近如清恪張公之撫巡江左川南湯公之參政沱陽流風善政兩地之民猶稱之儀其父母之邦遺

烈尙未泯與諸生游息膠庠楷模遺範惟爾鄉先正是訓是行庶幾處爲真  
儒出爲名世無負

國家建學興才之意

不佞

有厚望焉是爲記

河工議

王 匯

叛非常之典闢萬世之利受當世之謗而不辭者此聖人之事而天下之所  
難也因地勢之宜拯一時之患隨處補救以爲功於百姓者此豪俠之烈當  
世之人或能之余嘗縱觀域中博覽輿圖有謂河源出星宿海者迂誕無稽  
論黃河之形勢者斷自禹迹始也大禹導河積石至龍門其經歷秦晉皆爲  
峨嶺所束而無以逞其鋒下逮徐淮土堅水衍地洿下匡廓有以容蓄之而  
寡汜溢之患其鼓狂波而迅流濤者獨在中原是以龍門下瀉越孟津而有  
漁我黔黎沼我郡邑之勢治之者何策之遵歟或謂徙冀州之民當河衝者  
放河入海河定民安復禹貢之故道畫萬世之長策此不易之論也非常之



舉黎民懼焉自非聖人疇敢有斷然行之而不疑者或謂多穿漕渠旱則開東方下水溉冀州澇則開西方高門分河流其說似已東南已爲衆流所趨復決水以益之其民庸有利乎雍冀固多巖山疇鼓巨靈之掌以闢龍門之竅若乃增修故堤繕治培薄糜費無窮從未有數十年之利者何也或又謂水力未可與爭姑捐東方之地徐觀其勢之所歸因勢而利導之則力逸而利永東方之地可捐東方之民可捐乎且所謂徐觀其勢之所歸者待以五載乎待以三歲乎民仰衣食以爲生委田疇於滄溟則衣食無資功成之日將索民於枯魚之肆也誰能枵腹號寒以待成功乎治之者抑何如而後可乎亦曰因地以治之而已其因地以治之者何也河在秦晉者則因秦晉之地以治之漆沮涇汭皆會於渭以同於河者也當秋雨霖霖姑暫塞下流使三水徐徐入渭渭水徐徐入河則在秦者治汾沁自西而已入於河者也兩章水自西至東合而後入於河者自西入者壅之自東入者濬之分流者塞

之合流者滄之壅之塞之以遏其濤濬之滄之以迅其歸則在晉者治秦晉之河治當不至建瓴而犯中原也河在徐兗者則因徐兗之地以治之淮之在禹貢固自入於海者也河之在禹貢自西而東而北分爲九河向爲逆河以入於海者也九河既游砢礫一徙商世五遷其都河淮合一中原獨受其累經三代而莫有其策惟使河自入海不拘在青在徐也亦不必大禹之故道也淮自爲淮塞沂泗汶洸之通於淮者而資其水以爲運河之津則淮水不至壅衆流以上灤河水不至挾衆流以下冲其在徐兗者亦治治其上流則習坎漸進而有緩步安輿之態治其下流則地水成師而無倒戈反矛之患則中原可以安枕其在中原者復因中原之地以治之相其曲直曲者與爲埽直者與爲利也度其高下高者勿使夷下者勿使瀦也量其遠邇近城邑者勿使逼遠城邑者勿使溢也隨時補救隨處商救亦必有利於百姓焉此豪俠之事而當世之所能爲者也猶有說者唐虞之世其會在午火氣既

盛水氣漸消人事與天運相表裏此其時也然猶不敢純任天時聖德廣運  
勵翼羣工入黃熊於羽困進崇伯之子於司空是以地平天成而有海晏河  
清之瑞傳又曰有聖人出焉海不揚波志壹之動氣也以志氣之在人而已  
又焉疑

祭侯節婦文

王教

鴻妻蘭滅萊婦玉沉之子之賢誰嗣其音事有難易時無古今緬彼往跡輸  
爾素心爾心伊何百煉精金以塗以炭不毀不侵昔侍夫疾抱憂欽欽浣脂  
脫粉布履蒿簪計靡救藥慮殫抽尋死以殉之乃共棺衾收淚引決瞑目晦  
沉用全一醮以遂孤襟茲况古事其難莫任正氣高節激汚勵淫義比烈士  
道合女箴不有青吏誰諒丹忱蔡姬博雅聆音辨琴文君藻思白首浩吟夫  
豈不善終負藁砧留穢談叢遺羞士林天鑒爾志蠶風晝陰人痛爾苦涕淚  
浪淋周君明廷特牲弔臨眷爾令德重加寶珍我同鄭卿好德彌深逾當眷

重爲世尊謀其垂於世爲砭爲鍼其化於天爲婺爲參皇宣有及貞珉是錫  
草賁水光山麓水潯誰能相杵爾亦含音敬陳慰詞冀爾昭歆尙饗

告河伯文

邑宰 崔維雅

惟神喻嘯德水鼓盪洪波惟茲三家莊河工尤屬危險職奉天子命涖茲殘  
邑軫念民艱嘔心殫力革濫征均徭役凡以哀我憚人不堪重困而辦料僉  
夫民力已竭患未衰息每一食三嘆中夜徬徨戴月衝星蒙犯塵露總祈爲  
民請旦夕之命而崩嚙時聞岌岌汎濫熒熒肅羽何辜於天我罪伊何豈政  
刑猶有缺歟蠹弊未盡釐歟誠或未格神或有恫歟若是則當加譴於職不  
當波及於民夫民亦勞止矣亦卒瘁矣捐貲勸課亦差不遺餘力矣惟神聰  
明豈不降鑒且上帝好生神實恭行天命豈其終勅遺斯民乎尙祈殺怒戢  
威俾險者夷危者安一瀉建瓴安瀾澄泓不騫不崩式惟神功職猶得仰徼  
神庥以撫綏茲登黎且以上報天子之明命也其敢忘明德耶有牲載俎有

酒盈尊明靈於赫其右享之

謝河伯文

維神於爍顯赫驅濤駕溟翼啓蒸徒畚鍤雲興慘澹經營厥績用成式維神靈又我羣生官民胥慶酌酒刑牲尙祈顯佑永賴收寧

粟齋曹君墓誌銘

王廷相

先生姓曹氏諱繼芳字維德別號粟齋世爲開封儀封人其先多隱德祖晟由掾史任保安州判官父泰母韓氏繼母孫氏先生資性沉靜器識弘密少即修謹爲邑庠諸生履道冲素含和內朗處物謙退若瞿瞿羞縮不能語及與人謀事則盡心酌擬利害可否纖悉周至彌叩彌深亦一時之清彥也累鄉舉不第乃喟然曰龍潛豹伏古恆有之養志邱樊與道爲徒豈不足自怡乎遂泊然仕進探索墳記若將終歲焉縣誌久廢缺先生乃援摭古今稽纂風俗闡發幽微崇獎名德成若干卷名曰巨鏡覽識者躋之里俗喪葬多惑

於浮屠氏先生曰士者禮義之會歸不爲鄉人倡其孰則之乃居喪一本諸  
儒禮歛含祥禫一由其制無爽迄今士庶家慕而行之正德十年二月二十  
三日以疾卒享年四十有二先生疾且亟蓮渚孔永肅公問曰贇志早沒寧  
無恨乎先生曰余何恨爲仲尼聖者也歷七十餘聘不一遇命之值不值耳  
在聖且然月日與王儒人合葬誼乃奔走千里至京師乞銘銘曰 於維人  
才因事而見應龍弗躍孰測其變貞亮者識裁割者斷含章未試何愧時彥  
被黼鳴玉麟臺鳳闕流埃飄葉浮虛一轍亦何足屑靈氛颺颺華原新阡哲  
士神遊閉玉九泉有媿斯延視茲銘篇

處士李君墓誌銘

王廷相

衡門肥遯激貪之志顯幽人苦節矯俗之風清故高尚其事易辭因之表賢  
其人如玉詩篇以之贊德田茲而觀守拙入羣宴心物外固聖哲以之爲徒  
古今爲之承式也吾師李先生少篤於學博覽羣籍爲舉子業累弗售於有

司乃嘆曰茲爲堯舜之元纁乎何汲汲若斯遂退而教授生徒渺然有終焉之志先生天性朴誠恆自檢自守機獲貪鄙之心寂焉如滅故不治生業不談商賈事不與人爭或有請先生貧不適於用者先生聞之曰夫夫也知我而未盡者也吾以仕者爲勞形而喪其真故耕且誦焉求暢吾生而已矣吾烏乎辭其貧仲尼去父母之邦墨子不得黔其突所如不合也今世計之所趨若朽鑿之拗吾真故吾任吾性而已矣吾烏乎適於用環堵而居緘屨而食原思於陵仲子之徒彼何人哉吾與之同其歸嗟乎利用莫大乎富有而先生以淡泊暢志崇高莫大乎爵秩而先生以括囊爲榮含光渾世其殆古之逸民乎先生諱珍字侍聘先世大名人後遷儀封家焉高祖業仕元爲鎮撫曾祖信祖敬父方皆不仕先生生於正統八年五月二十六日卒於嘉靖元年五月二十四日享年八十配高氏先三十年卒繼配閻氏先十年卒男子二長東雍邑庠生次東熙中弘治戊午科河南解元累舉進士不第賈志

而卒先生生六月嗟乎使先生不得食其誨人之報天乎悲哉東雍貧不能營葬四歲柩尙在殯一夕火延殯宮邑尹東平李公美出行火率卒役救柩出喟然曰先生君子儒也死無以托體九泉此予之責此予之責乃即日具椁治諸葬務以嘉靖五年六月九日葬於祖塋邱伯岡之原與高氏合窆廷相爲童子時曾遊先生門下先生生無爵死無諡恐來者之無述也乃獻欲而爲之銘其辭曰

彼軒彼冕金玉陵積草衣禾食家徒四壁謂先生多耶富貴潭潭憂虞之門不競於物其樂翻翻謂先生少耶長松膠膠下有伏芝於千萬歲化爲神螭謂先生亡耶

廷彥張公配李孺人墓誌銘

王廷相

太孺人姓李氏歸張氏以子漢卿治邑有美政勅封太孺人世爲儀封望族祖敏南京都察院右僉都御史父崙高邁不仕太孺人生而端懿誠順出於



天性雖機鑒中涵而深自晦默恆終日無語祖母太夫人甚憐之太夫人時或脫賜簪珥諸姊輒趨拜授太孺人獨澹然拱立一無所取問之曰讓諸姊也太夫人益奇之及笄歸東光公瑛時東光公爲弟子員太孺人操井臼躬紡織養舅姑黽勉勤勞既備既至東光公得肆力於學實維相之也天順壬午東光公鄉舉中式歷官東光縣知縣公居官以廉潔律身以嚴慎治事時有循良之稱太孺人方且衣浣濯之衣食蔬糲之食嚴扃鑰戒童館僕解蕭然東光公廉潔自律非太孺人儉素之德恐亦不能自遂如此今時仕者之祿雖官至極品非貪饕不得富吾鄉仕俗以官而致巨貲者人皆鄙之不得齒諸君子之列東光公致仕而歸也車馬無所載囊橐無所有田廬寡所增依然舊時布衣鄉人慕其清白至今稱嘆由是觀之太孺人內助之力亦宏且多矣哉正德末先帝欲巡幸方岳漢卿時爲給事中欲抗疏合羣臣伏闕諫止恐犯上怒貽太孺人憂預白之太孺人曰后德惟臣汝諫攸宜毋以我

爲也今歲朝廷議大禮漢卿任都給事中復率羣臣伏闕奏事亦先白之太孺人曰此關係大政汝能勉圖雖得罪何恨漢卿遂坐是除名嗟乎范孟博以黨人被逮其母慨然與之永訣曰汝今與李杜齊名吾復何恨蘇子瞻謂其母曰軾爲范滂夫人許之乎母曰汝能爲滂吾顧不能爲滂母邪以太孺人觀之實二母之儔卓卓乎烈丈夫矣孰謂古今人不相及邪嘉靖三年八月二十日卒於滄州旅次享年八十有一漢卿扶其柩歸以是年十一月十二日合葬於黃岡村東光公之舊封子男一人卽漢卿登辛未科進士歷官戶科都給事中沉毅而斷曠逸而雅浩氣正節有擔負天下之志雖擯斥不偶其於君臣道義未始有爽也亦無愧於滂軾矣嗟乎太孺人以柔嘉之性孝舅姑和姊姒睦姻戚恤奴僕自結褵以至於屬纊閨闈無違道族黨無間言可謂美矣且能戒矯侈崇節儉以珍玩爲殃以布素爲常弗恃貴盛有餘而暴殄天福實女士之行也東光公耿介端方拔俗而立高風灑然上友千

古太孺人之賢實足配云是不可不銘也銘曰彼星光光化爲石谷蘭旣隕芳乃息母儀婦道皎如日於千百祀來者式

永傳孔君墓誌銘

劉大謨

予入

覲還聞永傳君病逝嗟悼弗能已已蓋風漸澆漓人漸詭異有若人者其歿也豈不重可惜耶越數日其子弘仁持其狀來請誌乃不辭遜而誌之君諱承宋姓孔氏永傳其字也爲宣聖六十代孫自三十三祖唐封褒聖侯食邑寧陵縣後卒遂葬本縣之褚堦村子孫因留家焉

國初徙居儀封君性端慤少補邑庠生刻厲向學亡朝夕事親孝能先逆志又以身率其妻子父歿遂請歸侍母族大漫無統一族人因推爲家長故不復仕云家素饒君主家務室無毫髮私蓄故兄信其恭讓絲衷恒怡怡如也居家無事惟訓子弟讀書嘗戒之曰吾輩與他人殊異當競業自持勿少廢墮

爲祖先累初父臨終謂其兒子貧莫能給命與田一區後竟與之以成先志嘗詣闕里致祭族人見其恂恂然綽有祖風咸雅敬之不忍別鄉有許姓舉家大疫鄰人率畏癘氣避去君乃爲之躬致藥飲繇是悉賴以活鄰黨宗姻婚葬不能給禮者皆給以貲與地其他美善類多弗克盡錄云嗚呼君之蘊而章者班班可誦如此使其見用於世所就顧可量耶惜其鹿門之節不忝渭水之載弗遇也可慨也已君高祖諱希先曾祖諱立敬祖諱公義父諱彥信世以篤實慈敬相傳俱隱於農發潛耀采不在後人與母鐵氏配范氏子男一即弘仁有行致孫男二聞過聞庭君生於天順元年九月十六日卒於正德十二年二月十七日得壽六十有一將以是年四月十六日附葬沙溝河西祖塋昭次爲之銘曰

維永傳氏乃古遺民施於有政亦奚慕人予非諛墓後尙考信於斯珉

清恪張公墓志銘

桐城張廷玉

有明中葉姚江王氏之說興一時恢奇自喜者多陰棄朱子之學以從之雖賢者不免焉惟高顧諸公號爲能謹守繩墨自我

聖祖仁皇帝篤信朱子之學親纂語類文集以爲學者準的躋廟祀之位次於十哲然後薦紳之士非朱子之學不敢言然數十年來海內所信爲能守朱子之學者不過數人而吾同姓儀封公其一焉公八歲遊飲泉書院叩所居曰爲士者當如此矣乙丑成進士授中書舍人丁父艱服闋建請見書院與鄉人子弟講誦若將終焉會大水遂寧張公巡河知公家居私募土人築堤以捍河患方略異衆疏請檄公贊理有司敦迫公赴部以疾辭不許乃以辛巳春至河上逾年題補濟寧道丙戌擢江蘇按察司踰月

特命巡撫福建已丑移鎮江蘇與制府噶禮議事輒齟齬制府爲大吏數十年多羽翼性鷲鷲意所不可必巧構陰中以禍用此衆莫敢撻其鋒辛卯鄉試弊發公疏稱事由制府并暴其生平貪暴狀

聖祖仁皇帝再遣重臣就鞠而制府習於文法官吏畏威承意證者皆避匿所  
劾無徵於法公當罷斥讞詞屢奏不決及

命下則留公而罷制府制府遂由是敗方公劾制府疏出遠近傳誦稱快而不  
能不爲公危及再訊無徵江南士民如沸聞者喪氣至是有心有口者莫不  
嘆

天子之聖智而幸公之忠誠所以自達於君者有素也公既留任尋以張令濤  
私通洋賊獄事爲異已者所中復命重臣就訊奏公應落職聽鞠七奏始得  
命遂當公重典而

聖祖皇帝特召公入內引見乾清宮踰月命署倉場總督庚子冬補戶部右侍  
郎

今天子嗣位特恩晉正一品尋遷禮部尙書每賜宴

先帝舊臣必與焉公在官不以妻子自隨齎用絲粟以上皆運致於家循分自

盡不務爲赫赫之名而人皆信之所至必興書院聚秀民導以學朱子之學而辨其所以異於姚江者閩俗祠疫神氣燄動人禍福數有驗公命悉毀之半改爲鄉塾藉比邱尼以妻貧民性篤厚居喪一如禮經父歿以遺命棄債弗收校訂先賢遺書五十餘種次第刊布註解濂洛關閩書及所著困學錄悉躬行心得之言天下知與不知皆曰是能謹守朱子之學者也公諱伯行字孝先號敬菴卒年七十有五

天子震悼遣諸王大臣致奠加太子太保

賜諡清恪於常祭有加曾大父諱自新大父諱醇並 邑庠生父諱岩以邑庠生入太學皆累贈如公官自曾王母以下並贈一品夫人配王氏封一品夫人副配王氏贈宜人子二師杖師載女三皆適士族孫一景白於雍正五年丁未三月十五日

賜葬於通安鄉藕河村之原銘曰

天生哲人爲世之鐸志學伊顏道宗濂洛實踐真知匪由臆度百家紛拏謹其疆索剛方正直立朝儼若履險如夷何愧何忤誠意交孚天心以灼高朗令終歸神冥漠斯道未亡後其有作

川南湯公墓誌銘

郭善鄰

先生姓湯氏諱豫誠字素一號曰川南其先晉人遠祖望自洪洞東徙儀封遂家焉曾祖來賓祖繼禹並爲明太學生祖妣尙氏以節孝受旌典父式九邑庠生以先生貴 贈中憲大夫母王氏 贈恭人先生年十二恭人及中憲公相繼謝世同產兄作霖弟作枚俱早卒與仲兄曰璉相倚爲命年十四始從塾師受讀逾冠爲諸生問業於中牟冉蟬菴先生遂勵志聖賢之學以麟經登康熙壬午賢書己丑成進士需次家居閉戶潛學所得益邃儀士信從受業於門者日衆庚子授山東海豐令爲政清嚴絕苞苴嚴請託鋤豪強禁娼賭勸積貯表節孝以重人倫設鄉學以崇文教諸凡爲民利病者次第



興革前任柏令虧庫帑盈萬責償於諸州縣海豐攤派千金飛差催提先生  
度無所出卽移疾求解職闔邑大震上書各憲臺籲留撫軍慰諭再三情辭  
懇惻盡免所派金境內有活佛會走士女如狂先生命曳其像焚之民始駭  
疑旣久乃帖然大服雍正初元遷東昌府知府以治最陞山東督糧道兼理  
德州倉事務始泣任裁革諸州縣規禮設法簡明吏不得緣爲奸會歲饑以  
查賑至海豐鄉老數輩謁先生於公館曰我輩自謂不得再見父母矣言之  
愴然淚下未幾轉山西冀寧道督理糧屯驛傳事務爲鴈平道謝王寵所誣  
訐奉

旨解任質審事白遂補授鴈平道先生三任監司潔已率屬威聲凜凜官吏皆  
爭自濯磨雍正乙卯改直隸口北道僅兩月以承辦運車主者欲有所乾沒  
懼先生掣肘飛語上聞奉

旨解任赴京補戶部山西司員外郎

今上嗣服先生在部踰年矣念事多牽制兼之衰老不能卒有所建明即告病回籍家居十餘載以乾隆十二年丁卯七月二十日終於里第壽七十有四先生孝友篤行節廉自將幼受鞠於仲兄恭順終身教養遺孤恩義周備家徒四壁非其義不爲苟得居官益勵所操督糧命下夏津令懷八十金爲贈先生曰爾欲我受暮夜金乎令愧謝懷其金去自分藩三晉始有恆產自給然周卹親族歲不下數十舉其約已裕人如此先生之學殫精經術薈萃羣言潛思默證務求深造投綏歸來鍵戶觀書雖垂老不替也所著有四書困學編周易象說詩經說略於春秋分別經傳用力尤苦配張氏

覃恩誥封恭人勤儉宜家門內化之先六年卒葬於湯家寨之新塋乾隆己巳十月二十日孤元長奉先生柩啓張恭人之墓而合窆焉銘曰在官惟明泣事惟平立身惟清既學而仕以恢其聲既仕而止以完其貞古道是敦先民是程嗚呼先生河嶽炳靈鬱鬱佳城終古其寧

侯節婦贊

并引

王 匯

節者有限而不踰也踰其限者非節也侯氏方十八歲其夫死其子尙在胎  
胚中矢志冰潔永貞不渝植遺腹之子續先人之嗣流離何朔之間假蹇兵  
荒之際撫養其子殯葬其夫敬事其姑舅迄今五十餘載矣其克守其貞者  
久而彌光爲之贊贊曰柏舟矢志艱貞保孤節耶孝耶疇謂筭流非丈夫

耿節婦贊

并引

王 匯

死生之於人難矣哉父或有不能得於子君或有不能得於臣詩書或不足  
以固其心爵祿或不足以堅其志而况婦人女子職在中饋者乎若耿氏者  
其夫一死矢志相殉有死無二何其慷慨激烈歟予爲之贊贊曰蓂血化碧

頽城嗚呼烈烈氣飛虹

封人請見圖跋

張原明

於乎此封人請見圖也圖之象易明圖之意難知也易曰復其見天地之心

乎諸陰剝陽已盡陽道之亨乃托始於復初微下之爻而天地之心於此乎見知此意斯知此圖也夫子之在春秋大莫能容於匡於朱於陳無容置論若晏嬰以智名齊而斬其知子西以賢名楚而阻其封達巷黨人惜其無成名楚狂接輿譏其不能隱智者且弗知賢者且弗好慕者且弗達過者且弗親至於陳蔡之阨雖及門之徒亦不免於慍見夫子之剝誠極矣儀邑不大於齊楚陳宋之國封人不列於公卿大夫之爵聞於當時親於聖門不及於晏嬰子西仲山之輩其惓惓欲見夫子觀未見之爲情與旣見之爲辭則封人者固承天之心而示復之兆於夫子者也曰旣復矣則當挽春秋而爲唐虞曰不然夫子獨復春秋固自剝也復在夫子故剝不能止復之兆剝在春秋故復不能消剝之實此春秋之終不能不囿於氣化而夫子之復亨剛反其道同乾元並運於終古者固借封人數語以發之也能知本是心以觀圖則斯圖也雖謂之代封人傳神爲孔門心印亦可也不然以彼口耳其學世

俗其念而願終日與圖相對則縣之壁間紙上者誠圖焉已哉誠圖焉已哉

### 學辨

湯豫誠 邑人

從來有真事功者必有真人品有真人品者必有真學術固未有學術不明而人品克立亦未有人品不立而事功能有成者也事功者何齊治均平之業是也人品者何君子小人之分是也學術者何義利之辨是也蓋自維皇降衷若有恆性其體渾然至善其理純粹以精而或不能不蔽于氣稟物欲之私故必學焉有以去其私而通其蔽乃可以明其善而復其初以故虞廷授受有曰人心者以其生于形氣之私此人欲所由萌即利也有曰道心者以其原于性命之正此天理所由見即義也其曰惟精者則察乎二者之間而不雜也其曰惟一者則守其本心之正而不離也此道統所由開而學術所從始也其後聖聖相承至孔子而其說愈詳其傳愈遠其見於四子之書者如大學所謂格致誠正魯論所謂博文約禮中庸所謂擇善固執孟子所

謂知言養氣立言雖殊而旨歸則一要不外乎分天人別理欲嚴辨乎義利二者之間而已而人品之邪正事業之崇卑亦莫不由此而分焉故孔子之言曰君子喻于義小人喻于利孟子曰鷄鳴而起孳孳爲善者舜之徒也鷄鳴而起孳孳爲利者跖之徒也欲知舜與跖之分無他利與善之間也今試語于世之學者曰爾舜之徒也爾君子也未有不欣然喜試語之曰爾跖之徒也爾小人也未有不怫然怒或且從而勉之曰爾其爲善乎爲義乎則又逡遜而不前退然若不勝或且從而戒之曰爾勿爲利乎則又忍而不能舍趨之惟恐後夫顯慕乎舜與君子之名而陰居乎盜跖小人之實是無異于南轅北轍背道而馳也而人品事業尙可言哉故欲爲君子不爲小人則必喻于義不喻于利欲爲舜之徒不欲爲跖之徒則必孳孳于爲義不爲利此理勢之固然無容稍爲游移稍爲寬假者也顧天理人欲本同行而異情義利之分恆微渺而難見是必博觀乎古今載籍之林研窮乎聖經賢傳之旨

有以確知夫爲義爲利之別而又慎之於念慮之微謹之於事爲之著精以察之而不使有幾微之雜一以守之而不使有頃刻之難如是者習而安焉終身不倦庶幾欲盡理全德成名立斯可以爲君子而無媿矣乎其不然擇之不明而是非罔辨持之不堅而從違無主日率其血氣心知之性以罔罔於聲色貨利之途昏盲迷惑無異冥行又况假學道以欺世飾文詞以邀名稱說仁義而倫紀多慚誇詡藻采而廉隅不立此則詩書之妖魔儒術之盜竊尙得儼然自負於君子之林哉嗚呼邪正不兩立是非不並存不爲君子則小人而已矣不爲舜之徒則跖之徒而已矣斷未有不舜不跖不君子不小人而可以中處其間者也吁其可畏也已今諸賢敬業樂羣朝夕聚處於斯所誦習者昔聖昔賢之書所講求者昔聖昔賢之道吾固知其皆願爲君子不願爲小人皆願爲舜之徒不願爲跖之徒也但恐學術之辨不明義利之途不分將至誤其終身而不自知故特爲溯厥源流而約其指歸者如

願諸賢其共思之勉之

卷十二 藝文志下 二九

河南建華印刷所承印



詩賦

詩以道性情者也賦者古詩之流也於以覘景物抒襟懷紀徭俗而治化亦可見焉其無關於儀者槩弗錄庶以備太史採風云爾

五古

古詩

唐 陳子昂

仲尼探元化木鐸振陽和大運自盈縮春秋遞相過  
青廳忽號怒萬物相紛  
劇天意卜封人衰鳳徒興歌

過儀封

明 李夢陽

攬轡返驛門乃自東昏里磬聲向衛傳鐸韻中天起  
叔孫毀仲尼楚狂過孔  
子何如儀封人無道知久矣

寄郭价夫

明 王廷相 邑人

一雁落蜀天客心五千里幽夢託春雲離魂渺江水歲光不可留  
功業竟何

似故人遊北闕浩蕩弄文史相如賦上林方朔隱朝市逸興鳳池邊閒心玉  
琴裏而我飛蓬人風流安足擬苦病屢懷歸戀戀復且止市囂良不堪揮手  
應在邇長嘯入雲岑爲訪赤松子

懷王庸之

王廷相

垂楊綠堪染黃鳥鳴不歇春來念朋舊遊衍興超忽臘時酒已清河渚茵初  
發欣來即命儔樂至豈待節張筵金沙暖鳴葭朱林樾攀花贈長謠臨水促  
餘闕離羣感不淺感物更屢結勞生銷華顏狗祿涉窮髮自乖沉冥理已繫  
濁水轍舊書恆自檢遠夢竟難達洒淚夷梁道浮雲望中沒

寄浚川先生

明薛蕙

覽公談元作贈公詠元篇尋仙願未果懷舊心悠然搢衣遊郡齋言詩偏賞  
激束書謁京邸交臂俄分析中歲再見公置酒浚郊廬自此若參辰形迹緬  
相疎一別二十年相思定深淺獨遊郭南園憶公如在眼稷契亮天工集許

好山棲同生堯舜世出處安能齊退藏誠自揣明歟何濫與愧非伯齊倫謬  
當公叔舉我年已遲莫我志但逡巡鄙儒信頑魯不識要路津枳棘徧荒塗  
鷗臬競翔舞中有孤鳳凰哀鳴一何苦十日出天衢龍飛欲何爲不如反深  
淵俟彼風雨時世俗多崎嶇達人豈凝滯公能訪松子予亦從公逝

弔儀封人

明張 鹵邑人

聖道本同天賢產不擇地仲尼萬世師堯舜難擬議七十二君間環轍無停  
轡伊何恨當時歷聘無能試衰鳳浪興歌喪狗徒相詈孰知吏隱賢獨自識  
天意邂逅出佳詞寤者呼羣寐魯論有遺書歆艷爲君記何幸我儀邑特地  
托名字本鐸萬古春傳此知音事

題請見亭

本朝 鍾 定 邑令

束髮事詩書宮墻忝弟子遙遙萬古心千里洙泗涖目睫園里闔夏蟲相汝  
爾幸叨百里符言在河之汜宓琴希絕音傾耳筆徒捶駑駘駕兩轅踟躕口

徒哆靡靡儀之封駕言在顧指之子亦何人幸值兩馬軌西歸絕好音藉爾  
永其旨萬勿固難階茂草有崇祀微言絕提倡進與入室齒流風未歇絕百  
代陳太史鯁生瞻眺間太息如屬耳

聖井

本朝 紀邁宜 文安

宣聖泣止時未必飲此井轍環怒如渴或亦垂修綆莫問事有無但喜味甘  
永井潔可用汲王明受福並不用井無損終古光炯炯中正寒泉冽甃治微  
瀾靜琉璃璧瑩激盤石欄峻整側聞流河漲到此不敢逞意有神靈護爲驅  
蛟龍猛又傳金蝦蟆吐氣含內景中夜亘長虹疋練燭月影歲久乃遷去煨  
治成砂磧此理恐未然臆說多妄騁旣云靈迹留豈復藉蛙黽當時儀封人  
欲見躬自請挹彼而注茲意長識尤猶諒亦致殷勤一瓢薦清冷從者應徧  
及煩襟聊暫屏舉世何滔滔濁泥沒腰領木鐸振沉惰令人發深省

浚郊吟

紀邁宜

駕言寫我憂聊出東門行東門不數里鬱鬱見佳城佳城誰所留談詩王子  
衡勳位既已崇尙愛騷壇名少谷山人喪千里爲經營身後始相知意氣浩  
縱橫古人感一飯報之千金輕士爲知己死勿頸見生平何況文字間肺腑  
一朝傾范張誼再見牙期絃同清斯事最小小斯義千載明我來過浚郊遺  
跡猶崢嶸第樓有賜書郊原有賜塋翁仲雜然陳石馬嘶無聲徘徊一憑弔  
俯仰古今情

請見亭

本朝 張學浩 海寧

木鐸傳東家至今誰聾瞽所難逆旅中提唱足千古謁見語不傳魯論豈莽  
鹵但聽戶外言便是雷門鼓當時列國君聞之笑且拊篤生萬世師天心良  
獨苦春秋無此亭長使後人補衙簣晨門流其骨久黃土

七古

梁園白雪歌

王廷相

浚郊臘月三丈雪壓圻梁王百尺臺梁王勝跡今何在野人指點蓬池灰憶  
昔金輿下東苑翠葆雲旛曳流霰兔園鳧沼生光輝白晝瑤瑤動樓觀才人  
雲從飄渺仙當軒授簡運雲煙陽春不說郢人調白雪爭傳司馬篇我家住  
近梁王洲今年雪大膠河流蛟龍凍縮若蛭蛭我亦冰透紫綺裘玉山銀海  
興不淺十度欲賦九復休手龜形管榻不得呼兒且酌黃金甌

思歸行示旒

王廷相

我逐黃鵠泛江海鄂城却駐雲霄車洞庭雲夢秋漲闊懣惱不得梁園書梁  
園天際阻洪波憶汝遂作思歸歌著朱騎馬衆生相讀書講道賢人科負郭  
之田足餬口季子安用黃金多爾不聞陶朱舊是鴟夷子三致千金富誰比  
生兒不才成禍胎何似扁舟五湖水爾不見梁王貴盛傾九陔兔園鹿苑如  
蓬萊樓觀熒煌照星斗鄒枚待從羣仙才百年生命歛奔電早時荒塚生莓  
苔梁王已去明月在月來還照梁王臺少年掌上運天下於今看取皆莽野

江河日趨九地深萬事陵夷此非假當權秉國縮手難側身太息何爲者我  
年五十不耐苦今者不樂歲云暮灌園舊有蘇公井稱果新成橐駝樹爲余  
灑掃中林壇歸去河壩弄煙霧

黃河嘆

明 劉大謨 邑人

大河遙自西域來萬折千迴東赴海憶昔橫流堯舜憂命禹疏鑿歷八載並  
列析津開三門盡驅蛇龍免吐吞頃來山陵變深谷汨沒寧復有高原豫土  
敢與較強弱澶淵千里性疎薄孟津東下達青徐洪濤巨浪恣爲虐吾邑正  
當夾河流溟渤浩渺愧瀛洲三里之城七里郭搖搖漾漾等浮鷗伏水新來  
轉增勢須臾巨艘集平地樹杪飛流噴雪花淮鯨潮鱷爭作崇宛臨三江面  
五湖守堤人吏不停呼負畚荷鍤惟恐後閉目躑舌更切鬪堦圃咫尺首耗  
絕莊童佃僕憂懍懍千家墳墓委泥沙在處村落淪魚鱉誰能一掌抵洪河  
荒隄如綫障頽波萬姓偃偃驚靡定時向城頭望盤澗松石新承總理命緝

紳咸推知水性前日馳書向濟寧應憐赤子投陷井欲平水土仰司空何日  
乘橈來自東指顧即看成丕績神禹百代宜同功

### 大河行

明王教邑人

大河之水來天邊衝濤激浪連青天百折之勢難挽回豫方千里直橫穿河  
中底柱如手懸摩空千丈獨屹然樹立寧知幾千歲數來應在懷襄先使君  
出按南北崖青驄白豸黃鞵金已知正氣凌羣嶽况能雅量吞百川大河底  
柱杳何在在君胸襟曲處筆鋒前不向頽波共東下巖巖直立當天淵旁流  
邪派徒爾多小應歸大偏歸全馮夷依令不敢肆河伯收浪常砥平蠶龜蟲  
息怪隱形帆檣如駛揚風烟望洋誰在河水壩尋源不得空沂沿從今願作  
河平頌頌畢還吟底柱篇

### 七哀歌

并序

張鹵

杜少陵乾元中寓居同谷歲值饑歉作歌七首予每誦之其心事情思真千



載如對萬歷丁亥予里中歷春夏不雨至秋七月十日夜黃河陡漲直抵縣城衝民田里室廬殆盡憶吾邑自嘉靖己亥大饑壬寅大水五十年生養休息方僅可爲邑今二者兼臨民更何以堪命晨昏閭巷哀鳴慟苦之聲予日聞而悲之亦爲作歌凡七首

萬口嗷嗷百姓苦旱極猶自思甘雨可憐河漲更滔天眼看漂蕩無環堵周圍波浪浮城闔四野陸沉誰更數嗚呼一歌兮歌已蹙浪浪涕淚沾巾幅

其二

一年四野不生穀一夕滿目魚龍簇豈知大旱滌山川洪水忽然起平陸君心雖化光明燭漂流無復流亡屋嗚呼二歌兮歌惆悵忍看道殣魚腹葬

其三

二麥不收民已緊皇天猶不垂憐憫小滿酷旱到中元夏禾秋苗皆盡殞旱災官但允七分水患安能望實准嗚呼三歌兮歌難盡官亦有苦民誰信

其四

社倉當並常平建朝日開倉午得飯向叨集議大明宮曾以此爲穆皇獻往  
事因循勿復言於今忍見公私困嗚呼四歌兮歌愈促縱使發棠那得粟

其五

昨日饑民滿道周丟兒棄女徧田疇人人環視空悲嘆家家無食誰敢收三  
更河漲陡如此漂流應到海東頭嗚呼五歌兮歌悲切眼中淚盡心流血

其六

新決河防十一股皆是南通舊河滸陵寢河漕最緊關休教到天成尺五幾  
欲作書與河公姓名怕去投官府嗚呼六歌兮歌自嗟邵平且救青門瓜

其七

親隣哀苦食難趨宗族垂淚交相訊薄田曾效范希文無貲可比郭元振物  
與民胞志總辜擔爵虛負逢堯舜嗚呼七歌兮歌已亂此時愧殺男兒漢

儀封郊外歌

張 鹵

東昏城外幽人徑到處平林堪攬勝野人結廬傍林臯眼前生事渾無定野  
人讀書兼好客逢人信口談今昔羲皇夢醒離北牕壺觴興到臨南陌客言  
野人何寂寞野人無語空然諾須臾謂客且相留與君試發繁花矇君不見  
漢道昔當全盛時梁王封國近吾儀傍儀築兔苑卽苑瀉龍池黃塵復道長  
如許紫竹名園景更奇金輿玉仗時來此氣槩分明勝天子賓從紛紛已空  
集珍奇燄燄爭相比我莊東望臨河寨正是園之最西界頽垣敗瓦帶竹根  
傳至於今尤盡壞又不見戰國七雄孰敢攫信陵公子復知名中原偏據勝  
鄰國盡相傾片言足擬連城價一顧能令九鼎輕驅秦救趙名愈起枉駕屠  
門寧屈已莫言崑崙勝驩虞贏得人心爭效死我莊西望岡頭渡正是當時  
來往路曾聞此地半從軍至今猶說邯鄲募豈知人世隨時改幾度桑田變  
滄海閑花野草自春秋蒼烟白露收傀儡草迷苑地失荒基沙擁河干沒舊

壘英雄過眼即成空往事評論堪重悔夷門監者雖高義梁苑詞人誠嫵媚  
司馬濡足豈少年侯嬴白髮還多事抽筆授簡尙慇懃鄒枚瑣瑣何須記臥  
裏竊符太不經軍中奪帥殊狂肆野人幸與明時遇往歲金門曾獻賦論才  
不及古人雄窮經剩有閑中味百年世業在東昏木鐸聖跡相傳布禮樂衣  
冠有古風每從先進興馳慕疾病年來幸稍無精神還可辨田租粗飯不耽  
參與芻短褐但取宜身驅讀書樂道誰相拘有時尋芳一弔古攜壺尋友高  
歡呼何須狗人抑志氣徒令吾自失真吾請君醉眼莫模糊試看何人果丈  
夫窮酸還是仲尼徒

王貞烈孔氏輓章

本朝馮瑋邑人

昨日還自東南陂塗中老人爲予悲悲已復爾欣然笑事驚天壤誰能料問  
公何爲悲喜并一歌且舞一淚傾老人一一爲予言古道照人今尙存前年  
馬門張氏女嫁得夫君三載許一朝夫死卸濃粧直至啟殯盡君傍今日孔

信 圭 鼎 卷 十一 二 卷 一  
女於王嬪恰事王郎閱四春溘焉不祿長別去矢志不作獨生人雉經屢投  
不得遂臨穴一號身爲殉烈腸百鍊終自決逆數郎死正十旬叶嗟乎此事  
百年之中有者希於今三載兩見之儀邑固是至聖過化里豈期正氣疊鍾  
兒女子哀喜之發疇中節獨爲烈婦淋漓說竊附稗史舒長嘯留與後人任  
補掇

題封人祠

本朝 紀邁宜 文安

請見亭邊春光濃聖井欄畔草痕青飲泉獻酌知果否此地長留請見亭封  
人一見能知聖四科六藝聲相應如何偏令姓名湮空同荷蕢嗟聞磬宮墻  
重建封人祠奎閣相連映泮池木鐸千秋音未歇椒漿薦罷起遐思

清明遊曲家花園用少陵湘西寺韻

紀邁宜 文安

踏青自古愛清明呼朋飯罷巾車出垂楊尙逞女兒腰曲榭堪容衰叟膝繞  
徑穿林欹側行扶童曳杖矜屨至常棣分栽不辨名木香密架良幽事過半

春光未恨晚距城三里休愁遠載酒看花當數來老懷羈緒慙雙遣歸去晴  
牕好檢書郊遊已倦且安居嬉春却悔春輕擲未傍河流共被除

約署中諸親友于家園賞木香不果後數日往則已開罷惟數枝在耳餘

香猶馥郁悵然賦之

紀邁宜 文安

曲家園裏看木香數叢委地枝蔓長譬如美人遭棄置憔悴闌淡難爲妝王  
家墳園木香發一棚暖風吹素雪岸中欹坐磐石旁但覺濃香浸肌骨牡丹  
開後百花殘木香續之春已闌綠陰漸滿鶯啼急柳絮糝糊不忍看春去秋  
來凡幾度流光不共羈愁駐故園欲荒胡不歸新知雖好難長聚忽憶木香  
今又開安能花下共啣盃花開花落知誰惜八十老翁扶杖來

重遊二首

紀邁宜

園據東郊勝重遊恰判年庭幽花半掩門僻徑斜穿小憩濃香畔微吟落絮  
前相迎如舊識舞蝶故躡躑

木香開已罷，芍藥信如何。客歲未相賞，今當載酒過。鶯花空爛熳，衰病易蹉跎。借問連朝別，殘英剩幾多。

王家墳園看牡丹四首

紀邁宜

呼伴東郊去，言尋烟墅遊。鼠姑開漸煥，鳳子舞逾幽。宰樹層霄矗，豐碑華屋留。御祭碑九皆高棟覆之前朝石馬鬣，嘶嘶野風

去郭不數里，爲園似浣花。賜書綿舊第，第中賜書樓今尚存墓表蔚名家。休沐當年勝，清

吟逸興賒。遺踪猶髣髴，夏景正無涯。公有夏日林居詩

林外黃鸝轉，簷前紫燕飛。折花憐綽約，穿徑惜芳菲。步遠扶斑杖，春深換袂衣。何當攜小榼，吟賞醉忘歸。

九日滯昆陽，登高漫舉觴。清明來此地，撥悶試尋芳。榮悴評嘉植，徘徊憶故

鄉。同遊者帶園中杜丹不及吾廬之盛羈愁劇難遣，觸物益茫茫。

五律

金花女營

明田鑑邑人

聞說殘元日雄才有女郎兵屯千百隊威震兩三方髻插金花號門排鐵戟  
行居人悲世換麋鹿走荒涼

五十赴宮

王廷相

一官將白首名字落人間直道晚成宦勞生多苦顏茲遊方浩蕩何日遂高  
閒素業黃河曲雲松久閉關

夏日林居十首

王廷相

林臥真吾愜芳菲况夏園種桃臨甕碧架蕨綴門繁野雀驅蟲下山蜂抱葉  
翻相關幽事足誰復夢乘軒

衡宇侵雲白喬林蔽野青真堪澤豹變不礙學鴻冥一壑予將老三閭爾獨  
醒行藏漫回首天地總浮萍

榴檻丹英吐匏籬紫蔓懸竹煙輕裊裊蘿雨淨涓涓有客能宵語無官恆晝





洲奈林歸臥穩吾道爾同仇

柴門青對野吟眺澹忘歸樹晚明霞綴沙晴翠羽飛山林吾志在天地此生  
微擾擾人間世風塵今息機

懷劉御史大謨

王廷相

浚野名流衆君尤間代珍文章生嶽色氣節聳秋旻介性酬天子危言抑重  
臣豈無軒冕意只以一毫論

懷郭吉士維藩

王廷相

乾坤一縫掖道貴作王臣闊步文昌府高吟蓬島春鸞翔碧漢驟裏出清  
塵後輩看文體爭誇邁漢秦

謁楊亞卿謚墓

王廷相

楊君理玉地今日始經過碑版文章在宮墻烏雀多中朝誰舊德鄉社尙悲  
歌謀國餘長略吾生奈晚何

賈魯河

明 郭維藩 邑人

秋漲如知候奔流匯作淵  
津喧爭渡客堤泊捕漁船  
禾黍滄波裏人家白浪  
邊何時脫此厄一爲問穹天

病起晚坐

郭維藩

雨過階除爽西堂坐轉清  
盒榴秋帶實簷雀暮多聲  
官散聊容拙才疎敢用  
名度簾明月色病起不勝情

懷劉中翰

張 鹵

不見長卿久令人有所思  
詩如江左調文似鄴中奇  
暫別承明殿曾垂天祿  
帷春來無限意樽酒預相期

奉詔歸省至臨洛作

張 鹵

客路衝炎暑關門日未沉  
雨增洛水闊山擁晉雲深  
綠柳垂嘉蔭鳴蟬送好  
音鄉園看漸近應慰倚門心

行部作

明 楊守禮

遠遠見行舟儀封西渡頭鳥聲啼柳徑雁影渡沙洲人傑千年地民窮此日  
謀五雲頻悵望春滿鳳凰樓

謁張清恪公祠

本朝 張學浩 海寧

束髮知公久今來謁廟楹仔肩惟理學運掌見勳名人仰魁三象天標第一  
清鋤奸徵大勇結

主保餘生授節重開府歸朝列上卿寓形還造化精氣合幽明濂洛關閩派夔  
龍稷契英豚醪中外肅籩豆井疆榮祭社循遺典專祠重老成摳衣徐拾級  
展拜儼傳聲治水成書在臨民大道行低徊不能去瞻慕有餘情

七律

贈浚儀朱學士

宋 王禹偁

潘岳花陰覆杏壇門生參謁絳紗寬西垣久望神仙侶北部休誇父母官雨

履送僧莎徑滑夜棋留客竹齋寒何時倬直來相繼三入承明興漸闌

秋日郊望

王廷相

浚郊秋晚饒雲霧渺渺乾坤獨上臺山壓鼇簪偏北斷河連天漢復東來逢  
花白雪能千首携客清尊更百迴莫向蓬池重問訊魚龍寂寞易生哀

寄廷梧舍弟

王廷相

千迴山盡見平沙梁苑蓬池望已賒遠信飛殘鴻雁影相思開遍棣棠花鄉  
心迢遞春何限宦路奔忙日易斜久別惠連應念我錦江何日下仙槎

寄王庸之殿讀

王廷相

梁園才子代中稀獨闡勛華奉紫微勸講曉趨白虎闈候朝宵侍綵鸞幃修  
辭不直傳青史論道猶能補化機江外相思渺烟水秋來羨塞鴻飛

送周司教還蜀

明 郭維藩 邑人

七年鳴鐸淹儀邑萬里歸舟向錦城桃李滿庭還自耀絃歌盈耳足餘聲巴

山落日猿啼切巫峽寒江水勢平浮世人人壓好爵急流勇退見先生

弔景文宅

張 鹵

宋室得人每重論君才真是擅經綸徒翻青史思前輩難探驪龍繼後塵異代襟期還可共百年邨落故相親興來仰止長林下尊酒柴門月色新

題請見亭

明 張鳳彩 邑人

仰止麟遊世幾新宣尼曾此遇封人斯文未許當年喪木鐸常留萬古春數仞宮牆垂教化千尋江漢濯精神天心片語全傳出環轍何須更問津

題請見亭

明 王安仁 邑人

東昏城倚大河傍圖史相傳見聖鄉木鐸至今鳴道路封人依舊謁宮牆一言叔季開先覺千古春秋仰素王荷蕢晨門俱腐草斯亭絕代有餘芳

送劉令君方壺入計

王安仁

雙鳧冉冉去朝天計日冠裳大會年吉士自惟天子命千旄爭頌大夫賢循

如漢史騰三異清比山陰少一錢瑣闔於今羣從滿遲君簪筆奉甘泉

莊居

王安仁

西園載筆敞風烟郢雪歌殘抱甕年世態止宜長夜飲詞名不必衆人傳一  
坵久欲成河朔小築何堪擬輞川浪跡風塵今始得柴桑松剡溪船

請見遺跡

十二首錄八首

明 申佳蔭 邑令

白樓城倚大河潯塵拂元文問碣陰石鼓尙留春樹老朱琴已入暮雲深明  
明一見開天眼脉脉千年印道心咫尺孔林天地闢於今遺鐸未沉音

景文故宅

長堤秋老雨蕭蕭驚眼濤聲怒野橈二妙風流存往樹三春花柳問寒宵殘  
碑明滅帆光遠烟火霏微古木凋安得渡人如渡蟻平沙漠漠景文橋

琉璃聖井

遠樹寒沙抱浚城梁園東眺野林橫百年不改封人邑此地猶懸聖井名苔

篆拂題摹碧竒泉心探底叩泓清軒輜到處低回意仰止無能感慨情

### 金花女營

千郵星散北河危不謂元戎是俠姬野樹風來驚壁壘陣雲日下黯熊羆綠  
林半解羣雄甲繡閣高懸大將旗落寞春烟兵氣在而今巾幗愧鬚眉

### 棟苑春花

雨霽平原濕翠茵遊人載酒踏輕塵鶯花未老蘇堤曉風月應憐杜曲春帘  
影參差烟樹斷帆光上下櫓檣新梵宮笙管高樓笛此際君其問水濱

### 挖泥落鴈

郡志錄此詩題曰凌餞道中

衰柳危樓碧水枯晴沙極目踏荒蕪霜流曉月鷗衣渚雨漲汀洲鴈宿蘆蒼  
浦茫茫迷遠棹青帘落落問郵沽淒涼滿眼悲秋老我欲重陳鄭俠圖

### 青陵樵唱

花塢茄花枕大河參差遠岫隱烟蘿荒燐腐草英雄墓白月芳溪牧子歌景



自輞川圖裏得人從湖曲鏡中過尋春曾共山農語笑指青青千頃禾

### 大閣晨鐘

垂楊一滴雨花飛淫碧流丹映曉暉南郭何年存古刹西來此地悟禪機閣  
從天際迢迢出鐘入林端藹藹微苦殺衆生沉孽海慈航乞佛早傳衣

### 青陵樵唱

十二首錄二首

本朝張騷邑人

青陵迤邐傍河隈遠眺還欣得月臺一帶長堤逐地盡千行弱柳傍雲栽斧  
聲恍自風中起樵唱疑從天上來柯爛不知人世改山花含笑逐年開

### 黃渡漁歌

張騷

河干流水草芊芊幾點青嵐返照邊光映彩霞迷去鳥聲傳晝棹喚歸船邀  
將明月堪垂釣買得清風不費錢一曲歌殘無覓處携筐長向浦家眠

### 金花女營

本朝崔維雅邑令

中原逐鹿衆紛馳飛將人推維下姬想是幽閨談節義故來東墅練熊羆倒

戈到處歸羣盜仗策何時掩大旗劍氣匣光肝胆烈空教羨殺少鬚眉

奉挽張貞烈曹氏

本朝馮泌邑人

悲風淒雨動儀城大節捐軀豈愛名血淚已隨冥路盡貞魂早化到星明儒冠敢信無男子裙布真堪愧老生不爲親知增慷慨千秋輿史慎持衡

請見亭

紀邁宜文安

儀封請見的何人碑碣長依古井春姓氏不同傳沮溺生涯惟是老關津天將木鐸昭龔世志在麟經絢素臣此外知音更能幾晨門未許躡芳塵

儀封古名浚儀始取衛風在浚之郊義也予詠子子干旄句感封人之賢

而史隱作浚郊一首

紀邁宜文安

子子干旄賁浚郊衛多君子幾人招絕憐駮牡堪垂裕却笑婁豬易惹嘲朝罷佩鏘聲漫識歿猶尸諱舌空饒封人門候甘終老荷賁知應伏草茅

五絕

義

封

系

志

卷

十一

二

藝

文

志

下

四

二

一

河南建華印刷所承印

夷門懷古

王廷相

鬪鷄纏紫羅彈箏住流水不見盛時人重過繁華市

其二

華園明積雪上客艷新詞何處梁王苑秋風蔓草迷

秋興

宋玉天南客秋來愁自深清霜數行雁明月萬家砧

其二

片月上東方照我水西閣相對可憐影蕩漾不能掇

七絕

琉璃井

元王惲

聞道東昏卽古儀封人曾此見宣尼空餘百尺琉璃井萬古無窮聖澤施

汎巴河

王惲

一篙清水漲河頭三月桃花雨乍收  
竟日東風生巨浪漁郎罷釣客停舟

春園湧興

王廷相

野老安閒白白頭年年覓樹種河洲  
春深不減瑤華苑時枉仙人絳節遊

其二

萬花不減平泉景五畝真成獨樂園  
暫假春風爲益友共邀明月倒金尊

其三

每制花時便獨來小園只在古城隈  
幽居門巷春如錦半是紅桃映白梅

其四

紅槿放花朝日上白楊戰葉晚風初  
村園來往俱成趣閑却先生滿架書

贈別孫見田明府

張鹵

五年德政在人間今日分攜慘別顏  
從此長江限南北茫茫霄漢迥難攀

其二

憶昔提兵隆慶間擁旄開府駐江關  
回頭廿載成何事慚愧

逢人說峴山

東昏城

明楊一清

霧鎖天門與地門祖龍何故改東昏  
請看白日中天在廢壘荒池莫更論

賈魯河

盛以仁

棟城風景近如何浪打荒邱百丈過  
遺骸滿堆誰爲掩亂蛙青草夕陽多

其二

幾家茅屋傍灘隄斜日波濤半掩扉  
惆悵榮花無處覓一雙白鳥向人飛

請見亭在西郊久廢爲墟張廣文移建水中洲  
先是屬周伯章作記余不

敏書丹至是以亭成同伯章往觀適風雨忽集

馮泌

水心亭上納涼時六月炎蒸總不知  
老筆高文休獨賞驚風驟雨也爭奇

其二

創始當年事已湮廢興代易有誰傳  
乾坤尙有知音在一片韓陵告後賢

明王肅敏廷相儀志載其吟咏最多內夏日林居十首尤佳諷詠之餘漫

成四首

紀邁宜 文邑

海內談詩王子衡一言身後遠相營立朝勳業知何限結習文場尙愛名

少谷山人有句云海內談詩王子衡春風坐徧魯諸生歿後公見之遂不

遠千里經紀其喪

其二

王李鍾譚遞互相評文人從古善相輕喜君自琢清新句不立門庭起鬪爭

其三

歸休園圃日徜徉十首林居意興長記得隄廩舊時詠殘編相映墨痕香

其四

天生才備亦何窮識拔要須賴鉅公誰過浚郊勞置酒杜陵應憶薛郎中

城東北有小宋集相傳宋景文子京讀書處遂移籍焉因掇其軼事作四

絕句

紀邁宜 文安

暮景難禁歲月催春光相戀且徘徊試從紅杏枝頭望猶送尙書好句來

其二

華堂官燭影疎疎歌舞方停擗管初文采風流誇兩絕後人偏愛舊唐書

其三

懊惱牽帷呼小宋傳流禁禦句清新玉溪詞藻真堪借贏得君王賜內人

其四

忍凍歸來列妓筵不教恩寵一時偏祇應半臂多情物妬煞瀟瀟暮雨天

小宋集旅壁

張學浩

徙宅雍邱見史編三峯埋玉有高阡何緣此地稱鄉井小宋佳名自昔傳

二宋由安陸徙雍邱見宋史  
葬禹州三峯山見王珪墓志

初夏浚郊口占四絕時攝儀篆

張學浩

淺草芊綿接淺沙馬蹄蹠蹠過村家吏人落後清閒甚愛就田夫說歲華

其二

連村井樹古風恬槐柳陰中颺酒帘雞犬也如人意靜太平景象落茅簷

其三

鴨欄雞架村村好豕栅羊藩事事強更喜犁雲耕雨後老牛舐犢臥斜陽

其四

大吏經營蓄洩宜子來如鶩不知疲從今歲事操成筭餅餌香風遍野吹

王肅敏公神交集徵詩

周 棐 同邑

大河南岸遶儀城中有哲人王子衡學窺濂洛詩宗杜崛強何李莫敢侮閩  
嶠詩人鄭繼之望公不見如望雨千里題詩式洛陽浮沉片紙竟茫茫造物  
狡獪弔奇詭王公得詩鄭乃死揚帆大江撫揪松莆田有客自儀封閩里張  
皇妻子猜一詩肯爲我公來我公生前如春錦我公死後似寒灰一死一生



昔人痛情事而今更可哀觀面談心轉面疑如此已足稱交知王公王公何太奇噫歎噫歎莫浪驚王公爲此心平平寸心皎皎兮何幽何明至性長留兮何死何生君不見稽命駕范白馬古人任心原非假今人自無古人情古道遂使棄如苴王公大者垂竹策軼事如茲半寂寞潛德發自太史氏落日猶能哭詞客吁嗟乎爲鄭存交王阮亭欲爲王死計甫草我更著茲王鄭篇心期直爲世人禱

放鷓賦 并序

王廷相

鷓鶴類也海人以械致之鍛其羽而貨於市予求而畜之毛翮更生放之中野一旦秋風灑天翩然而翔童子報曰鷓逝矣乃作放鷓賦其辭曰

嗟大化之網緼兮氣平施而普生何爾性之間遠兮超羣物而構精衣元縑以貞朴兮頂砂丹而炳文擅羽族之清麗兮豈鷲鷗之可羣排汎濂以孤高兮匪塵界之所制凌倒景於無極兮偕羽人而謁帝彼守靜其德之介兮恆

遠害而知幾中無欲而類仁兮日沈瀝而是希比夫山澤之逸癯兮祈鳳鳥  
以爲臣陋鷦雀之槍榆兮競高下於荆榛固偉志於超軼兮天命邈其難辯  
偶防險之不周兮遂拘孿而罹患衆矜巧而加冕兮孰懷舊而悲鵠免割烹  
於珍食兮幸眇軀之猶全兮委命於泥塗兮抱煩冤而自傷時偃蹇以待盡  
兮魂趨趨之如狂彼哲人之中口兮遭青蠅而遠斥望帝闈而不見兮衷信  
美而孰測雖小大之殊兮均逆悰而幽辱古有悲於陸沉兮孰靈蔡而焉  
卜何君子之好德兮乃私心而憐之挹斗水以澤鮒兮捨金錢而贖龜籍清  
冷以照影兮拂景風而載噓新翼修而日華兮時翱翔而思舒蒙釋汝於中  
野兮聞同聲而引領激風颺以迅緇兮歷九萬於俄頃黃鶴遘而延佇兮吊  
曩迷之不淑故雌尤夫犛獨兮衆雖悅其來復世淫泆而好賤兮鵬勸來者  
之不可誤爰居就而陳詞兮願無忘夫窘步向趨起以獻欷兮孰與脫羈而  
自如寧餐若木之華兮何復涉志於江魚排倉梧爲南巢兮掠崑崙爲西戶

朝矯翰於桑邱兮夕啄瑤英於園圃俯瀛波之浩森兮依鄧林而稅駕申志  
意而返素兮幸樊籠之永謝羣靈翼以爲侶兮斬禍殆之靡及苟脫夫斯人  
之嫉妬兮又何悵乎遠集昔奮飛之無由兮敢逆望乎今路茲扶搖以天遊  
兮彼弋人之奚慕驥病棄而思秣兮雀傷丸而委沙匪仁人之提攜兮焉正  
命而流華亂曰將怡生爲道真兮將澹忽以求同將栖縻以求世兮將逍遙  
而御風彼至人之形休兮恆寂昧以爲宗動不括曰至神兮靜而勝曰大通  
一趣向之乖刺兮倏悔吝其相蒙偕彼鷦之獲逝兮庶優哉以永終

先君手植柳賦

有序

王廷相

弘治四年河水下縮平野可耕先君子於石井別業治廬修畝偶以盈尺之  
樨插諸門塗之右今四十餘稔矣茲木鬱鬱蒼蒼挺聳婆娑無一枝寸節小  
爲蠹壞視他以榦裁者其美惡不可同日語也嗟乎樨柳絮生也種則難成  
成不朽腹久以俟天不欲速利其先君子之志乎乃作手植柳賦告諸來嗣

其辭曰

歲值辛亥河縮地平厥野可廬厥田可耕維時先君急農播穀攸介攸處治垣藝木求濯水而久生維樛柳之爲然選柔枝以載植迎門塗而嬾姍始扶疎以布葉漸揚柯而軒軒積歲久以蔽芾凌霄漢而上騫乃若遊目廣原騁觀春墅翳翳陰陰森森膺膺撼頓紛披蒙龍容與遠拖烟霏近翻翠羽助幽人之恬曠颯林壑之風雨仰手澤之如新痛哲人之成古喟今曩之垂殊動情衷於陟岵心慄但以歔歔淚淋浪而沾臆恐一柯之被蠹爲保愛之不力於是刷苔蘚教剝蝕逐螻蟻塞穴集祈神明以呵護剖瘦瘠而滌隱久坤靈以含滋歷霜雪而愈澤匹喬松於千齡與大椿而競色庶孝思以不匱久先德於弗息懼日邈以或忘垂遺訓於罔極訓曰彼召公之棠兮民勿剪勿傷兮矧爾祖之楊兮有苑者柳兮厥陰盈畝兮兆爾禧爾壽兮河水洋洋兮我宗發祥兮視茲木之靈昌兮

書目

儀稱文獻之邦蓋有獻斯有文學術事功之所在實人心風俗之所關也篇帙繁多列其書目足以備考矣明以前家絃戶誦之書無庸贅列餘則杳渺難稽故斷自前明始及我

國家右文盛治日月爲昭凡縉紳先生耆年積學發爲文章後光輝映其中或已行世或藏於家無不成一家言足爲學人仕人指南者悉條其目以附藝文之後其或有聞見所未及者晦而弗彰非故遺之也知予者其諒之哉

明

李僉憲敏

編纂通鑑

張僉事鑑

砥礪集

指南集

歸舟集

陳孝廉清

相法一卷

張學博綸

省菴集四卷

愚儒錄四卷

傅處士汝舟 醫學旁通二十卷

李參政景繁 本草捷徑四卷

人相大略四卷

王肅敏廷相 奏議公移語略歸田集三十卷王氏家藏集六十卷

集近海集吳中稿泉上稿家居集鄂城集小司馬集金陵稿喪禮備暴慎言雜述諸種

內溝斷集臺史

曹文學繼芳 巨鏡覽

雷農部啓東 逸菴榆杜雜編二卷

劉都憲大謨 經略三關議 四川總志 屯田志

三蜀兩

遊稿

張光祿原明 座右編 庚午集 復泉存稿

王司馬教 中川遺稿三十三卷

張中丞鹵 濟東文集 邑志七篇

孔文學弘仁 萌蘖集二十卷

張學博大綸 春秋楷旨

張明經立 兩山集八卷

張給事鳳彩 禮工二垣題稿 擊筑吟

王別駕安仁 倦遊集

王教授貞萃 居易集三卷

皇清

尙學政金章 嶺南草 公餘集

張清恪公伯行 困學錄 五子書集解 續近思錄 廣近思錄 近思

錄集解 小學集解 正誼堂文集

湯學博伊知 任菴遺稿

馮文學泌 東里子集

內文存詩存印學史  
論喪禮廣論諸種

周孝廉棐

四書集疏二十卷

評文章正宗十二卷

審幾齋遺稿

六卷日省錄一卷

岳文學進善

葩經大意二卷

湯參政豫誠

困學編 周易象說

詩經說略

春秋經傳集註

馬茂宰上襄

帶經淺說

牧吟詩稿



信圭縣志

卷十二 藝文志下

儀封縣志卷末

軼事志

辨誤 識遺

凡事蹟之有關於儀者所必書者也然亦有事爲疑信所參蹟非見聞所習存之則疑於支去之則疑於漏爰於簡末繫以辨誤識遺二條以備考稽而統名之曰軼事志

辨誤

宋太宗初名匡乂改賜光義更名吳大祖弟宣祖第三子也母杜太后夢神人捧日以授已因而有娠生帝於浚儀官舍是夜赤光上騰閭巷聞有異香時晉天福四年十月十七日甲辰也帝幼不羣與他兒戲皆畏服及長隆準龍顏望之知爲大人性嗜學宣祖總兵淮南破州縣財物悉無所取第求古書以遺帝恆飭厲之帝由是工文業多藝能仕周至供奉太祖即位以帝爲殿

前都虞侯尋領泰寧軍節度使征李重進爲大內都部署加同平章事開寶九年冬十月癸丑太祖崩遂卽皇帝位

舊志載宋太宗事另立帝王門蓋緣事涉浚儀而及之按西漢並立浚儀東昏二縣隸陳留郡自魏晉以後存浚儀而廢東昏至宋初復設東明縣卽東昏境土也又祥符四年改浚儀縣爲祥符縣則太宗生於浚儀宜爲今之祥符矣但浚東二邑當時離合分併錯雜紛紜晉天福四年之浚儀謂全併東明境土則不可謂必無東明境土亦不得也說詳封域條下惟是邑志不得闕入帝王另立門類舊志之誤也今附錄於此以備考云

通志載劉一相封人見聖祠碑記云柏邑西距二舍許有鄉名儀封鄉之通衢之西封人見聖祠在焉遡流窮源魯論述之備矣余嘗讀中州志既有儀封名縣今乃復以是名鄉何居記有之定公十四年孔子去衛適陳哀公六年孔子自陳入葉噫吾夫子丁衰周之不辰思以道易天下席不暇煖轍環

列國然儀爲衛屬自衛適陳必經於此封人請見之地意者其在斯乎至於蔡即今上蔡葉亦今之葉縣是鄉也介於蔡葉之間矧封人掌封疆之官夫子入蔡及葉會逢其適則夫挹德輝於再覲以續儀封之故事者理所必有是邑之得名以適陳之日鄉之得名以反葉之年其見聖者固一封人而已夫復何疑

按朱考亭論語註儀衛邑封人掌封疆之官據記中所述儀封鄉介於蔡葉之間與儀相距三百餘里封人旣司儀之封疆安得復涉蔡與葉之境界使曰別有一封人則鄉名必襲儀封者又何居耶大抵聖人遺蹟後世爭之因而附會其說所在多有至封人見聖之處其在儀者爲確不可易遺識

晉

李矩字世迴平陽人也勇毅多權畧爲縣吏送故縣令於長安征西將軍梁

王彤以爲牙門伐氏齊萬年有殊功封東明亭侯尋以功封陽武侯後墮馬而卒

後梁

故王廟在適衛門外世傳爲梁太祖朱全忠之兄全昱葬此墓傍立廟祀之名曰故王後廟塚俱廢止有高邱一區二柳合抱相連挺生其上又後爲積水渰沒

宋

石保吉善弋獵畜鷲禽獸百數令官健羅鳥雀飼之在陳州盛飾廨舍以迓貴主因完葺城疊疏牖於上以瞰衢路如箭窗狀未嘗上聞賓佐諫之不聽頗涉衆議初守信鎮陳五十七歲而卒及保吉繼鎮卒年亦止於是談者異之

元

庚寅歲濱河南北兩岸童謠云石人一隻眼挑動黃河天下反及賈魯治河果於黃陵岡下大河中得一石人獨具隻眼而汝潁之妖寇乘時而起擾亂中原童謠其先兆云

明

邑遭元季兵燹境內草木荒莽黃渡湖大力集成虎穴人咸畏之明初黃渡湖西有姓楊者率衆搏虎奪勇先驅刺殺之以虎皮獻之關帝廟而虎患遂息名其地曰虎楊寨

成化初黃渡湖闊數十里夜常漁火接天相傳有潛龍中秋日有農驅牛涉淺水牛忽退而穀鯁其人鞭之牛犇龍驚乃東躍十餘丈霹靂自水中大作三日龍去湖水竭

明時閩邦富年一百二歲丈八村民張遇時年九十五歲大力集民黃正忠年九十三歲南關民賈星燦年九十歲大閣寺民並壽臻期頤精力未懈尙

能躋公堂拜跪不倩人扶邑大夫敬禮之稱爲人瑞以比商山四皓云

張翮邑人儒家子嗣充鄉兵總習弓馬嫻騎射明末賊陷儀城邑人流離河朔大河以南土賊蜂起咸思歸視家產而畏觸賊鋒翮率鄉兵三百餘羽翼署縣馬主簿南渡甲申冬十月城成儀民流離河朔者皆旋里復業翮實爲之護衛一時稱義舉

知縣王九鼎創砌磚城從舉人馬從龍選貢徐思捷趙光閏張驥監生張光陞諸生張學蘊楊思聰張慎張光延秦民禹王懋賢孫崇儉秦民湯王世昌秦民武張其定楊於陞張驃請捐俸銀五百兩助工以故紳士百姓爭相慕義五月工完

崇禎十五年寇陷儀城人民逃竄有土賊曹榮驅婦女拘於空室中有幼婦年近二十歲懷抱嬰兒賊見婦有姿色欲犯之婦大罵賊怒露刃相向母子俱被害失其姓名有同難張媪者言之甚悉邑進士孔興壇識其事

皇清

李元善邑人 國初隨豫王南征有功授參軍歷任浙閩二十年著績調廣東都司曾署知松溪海鹽兩縣事後以疾卒於官子八成名者三有年彭年俱廩貢芳年武闈舉於鄉而有年任西平縣訓導

劉逾光邑隱賢鄉人御史大謨孫也崇禎己卯武舉人康熙五年除涿州營守備時

聖駕屢狩於涿 諭武臣盡皆騎射逾光每發輒中與賜宴九年二月時積雪盈地 上在御帳中方食蘋蘩又命逾光騎射 上善之以所食蘋蘩賜之尋以疾歸卒

邳國安儀之圈頭里人中式康熙辛卯科武舉由江南漕標歷山東濮州所千總陞湖廣助陽協中軍都司僉書貴州提標後營遊擊擒獲黑苗紀功坐補丹江營參將調江南六安營參將逆犯馬朝柱案內擒賊紀功後卒於官



子萬年雍正壬子科武解元

王懋昭字允大少司馬教五代孫也幼負大志能文章郡守璩公士達奇其才拔爲三十六屬首遂入庠食餼博覽羣籍銳於進取每試輒居異等厄於場屋以恩貢終其身性耿介不能與時俯仰尤慎取與非其義雖一毫無所苟孫宜康熙甲子孝廉

張學蘊字獻素崇化鄉人有曠世才早年補博士弟子旋食餼每考輒居前列名噪一時教授生徒多所成就會集先儒諸說闡發幽微每日坐論講幃學者輒筆爲語錄爲文自出性靈成一家言不屑作逢年伎倆惜乎數奇不遇僅以歲薦終年八十嘗手一編後輩有質疑者告之務盡其詳後以天年歿世學者深老成凋謝之悲

張景琴字允中號子狂邑增廣生十二能文落筆數千言滔滔不竭每試輒居前茅爲巡按御史王公首拔士極賞其文鐫同文錄行於世教授生徒尙

嚴飭始終不倦至今邑中後學猶慕子狂先生云

義  
討  
係  
志  
卷  
之  
夫  
事  
志

五

河南建華印刷所承印

1  
目  
録  
目  
録  
目  
録  
目  
録  
目  
録  
目  
録